

MARCI ANTONII PLENCIZ,  
 MEDICI VINDOBONENSIS,  
**OPERA MEDICO  
 P H Y S I C A,**  
 IN QUATUOR TRACTATUS DIGESTA,  
 QUORUM  
 PRIMUS  
**CONTAGII MORBORUM**  
 IDEAM NOVAM UNA CUM  
 ADDITAMENTO  
 DE  
**L U E B O V I N A,**  
 ANNO 1761. EPIDEMICE GRASSANTE,  
 SISTIT.  
 SECUNDUS  
 DE  
**V A R I O L I S,**  
 TERTIUS  
 DE  
**S C A R L A T I N A,**  
 QUARTUS  
 DE  
**T E R R Æ M O T U,**  
 SED PRÆCIPUE ILLO HORRIBILI AGIT.  
 QUI PRIMA NOVEMBRIS ANNO 1755. EUROPAM,  
 AFRICAM, ET AMERICAM CONQUASSABAT.

---

V I N D O B O N Æ,

TYPIS, JOANNIS THOMÆ TRATTNER, CÆSAR. REGIÆ  
 APOST. MAJESTATIS AULÆ TYPOGR. ET BIBLIOPOLÆ.

---

MDCCLXII



*Multa egerunt, qui ante nos fuerunt, sed non  
peregerunt, multumque adhuc restat operis, multum  
restabit, nec ulli nato post mille sæcula præcidetur  
occafio, aliquid adhuc adjiciendi. Seneca Epistola 64.*

PRÆFATIO AUTORIS  
A D  
TRACTATUM DE CONTAGIO.



vetus est eruditorum quere-  
la, quotidie augeri li-  
brorum molem, idem fo-  
nantium, idemque sentientium cram-  
bem toties jam coctam ultronee, sæ-  
piusque recoqui, unde crescit quidem  
librorum numerus; ast non, quod in  
votis est, scientiarum, Reipublicæ-  
que commodum. Tales philotechni  
potius compilatores, quam autores  
dicendi sunt; qui quasi jurantes in  
verba magistri nefas esse credunt a  
majorum sensu recedere, novum-  
que quidquam moliri; *sic enim pe-  
corum ritu sequuntur antecedentium*

*gregem pergentes, non qua eundum,  
sed qua itur.*

*Ignominiosum sane, quod tam-  
diu vixerimus, sine ulla inventione in  
aliorum dictariis semimortui, &  
quasi consepulti. Ita Seneca cap. 1.  
de vita beata.*

Libet igitur, & licet quandoque  
a communi autorum sensu rece-  
dere, & minus tritam sectari viam,  
dum ex hac plus, quam ex aliis emo-  
lumentis expectandum est.

Idem fatum attingit nostram  
de contagio sententiam; a multis  
enim jam annis non arrisit illa com-  
munis, & a plerisque etiam cele-  
bratissimis viris recepta contagium  
explanandi ratio, qua, ut dein per  
de-



decursum operis patebit, ejus essentia semper majoribus obvolvitur tenebris, terminis generalibus, vocibusque obscuris exprimitur, & explanatur, ut exinde nec cognoscatur, quid sit, unde dependeat, aut quomodo curari possit.

Materiae gravitas, artis medicae decus & Reipublicae commodum exigit, ut intimius in posterum, quam huc usque factum est, in contagii essentiam inquiramus. Nihil enim magis horrendum, & tam hominibus, quam brutis magis exitiale, quam ipsum contagium, nam pro dolor! saepissime contingit ab uno innumera alia animalia eodem affici, contaminari, & deleri contagio;

integras provincias, frequentesque civitates suis privari incolis; numerosissimos brevi temporis intervallo decrefcere exercitus. Unde mirum non est, si parentes contra naturæ legem horreant suas contagio afflatas dilectissimas proles; si communio inter matrimonio junctos exinde tollatur, si denique arctissimæ amicitiae inter homines vincula solvantur. Hoc sane in morbis malignis, petechialibus, variolosis, aliisque similibus ad evitandum dirissimum eorum contagium justissimo titulo quotidie fieri, observamus.

Quapropter artis medicæ plurimum interest, si non evidentem, saltem verisimiliorem contagii exhibi-

hibere ideam; ast iste ipse conatus talibus nos involvit difficultatibus, ut, qua ratione nos expediamus, vix pateat via, duram certe ad digerendum suscepimus provinciam, ut dubius hæream, an contagium plus scribenti, an illi, qui eo affectus est, negotii facessere queat.

Verum in re tam difficili audendum est aliquid, ut aliis, qui plus otii nacti sunt, aperiatur via, unde per diversa, & probata experimenta essentia, & cura contagii magis pateat; neque enim uno conatu aut impetu, sed diversos veluti per gradus, quæ in occulto latent, extricari possunt. Quare primis nostris conatibus non tantum naturam contagii in genere explana-

bimus ; sed attingemus , & ruminabimur pariter illa , quæ cum contagio nectuntur , & adhæc usque tempora parum expolita inveniuntur ; ut est putredo corporum ; puris confectio in diversis morbis ; ars , veterinaria dicta , seu diversi brutorum contagiosi morbi , variolarum , morbillorum , aliorumque contagiosorum morborum hoc tempore jam nota infectio , inoculatio ; tandem rubigo , pessimus vegetabilium morbus , eorumque pestis alias dictus ; item plura alia huic operi inmixta invenies , quorum lectionis non poenitebit . Quare totum opus in tres partietur sectiones , quarum Prima de Contagio in genere ; Secunda de putredine , & tandem Tertia de rubigine tractabitur .

*Se-*



*Series rerum notabiliorum , quæ in  
Tractatu de contagio continentur.*

---

## SECTIO PRIMA.

DE  
CONTAGIO IN GENERE  
AGIT.

### I.

**Q**uamvis evidenter demonstrari non possit,  
morbos contagiosos ante universale di-  
luvium viguisse, probabile tamen est, eis-  
dem etiam tunc genus humanum afflictum fuis-  
se. §. I.

II. Ex sacris & profanis constat, mox post  
diluvium tales morbos grassatos fuisse. §. 2.

---

## I N D E X

---

III. *Quamvis morbi contagiosi aliquid Divini præ se ferre videantur, nihilominus tamen licet in eorum naturam, & essentiam indagare. 4. 5. 6.*

IV. *Quaratione morbi contagiosi, & epidemici inter se differant. 10. 11. &c.*

V. *Quam obrem videtur alia esse ratio & causa morborum pure putæ epidemicorum, & alia contagiosorum 16. 17. 18. &c.*

VI. *Afferuntur diversæ de contagio sententiæ, & tandem illa, quæ principibus de contagio quæstionibus magis satisfacit, omnibus aliis præferenda erit. 20. 21. 22. 23. &c.*

VII. *Afferuntur principes de contagio quæstiones, & difficultates. 21. 22. &c.*

VIII. *His difficultatibus satisfieri non potest per quasdam fermentationes aut effervescencias miasmatis contagiosi cum nostris humoribus. 29. 30. 31. &c.*

---

SECTION. ET PARAGRAPH.

---

IX. Sive miasma contagiosum dicatur esse acidum sive alcali sive neutrum difficultates de contagio minime solvere potest. 34. 35. &c.

X. Miasma contagiosum sine omni fundamento a plerisque venenosum, & arsenicale vocari solet. 36. 37. &c.

XI. Quapropter hic ostenditur illa communis, & a plerisque celeberrimis viris recepta sententia, in sale quodam volatili alcalino naturam contagii reponens, tam parum, quam aliæ essentiam contagii exhaurire. 40. 41. 42. &c.

XII. Natura contagii, ejusque phænomena videntur optime per principium quoddam seminale verminosum exponi, & explicari. 46. 47.

XIII. Hæc sententia diversis rationibus, & experimentis corroboratur, & ab adversariorum injuriis vindicatur. 49. 50. 51. &c.

---

## I N D E X

---

### SECTIO SECUNDA

*Agit de putredine, ejus natura,  
causis & effectibus.*

XIV. Cum a putredine tot morbi acuti, contagiosi, perquam periculosi dependeant mirum sane est, quod hucusque in naturam putredinis tam parum indagatum fuerit. 60. 61.

XV. Discutiuntur diversæ Autorum alias receptæ de putredine sententiæ. Ultroque ostenditur, quod natura putredinis ex illis erui non possit. 64. 65, &c.

XVI. Ad eruendam veram naturam putredinis debent quædam, quæ in rebus putridis observantur, rite examinari. 67. 68. &c.

XVII. Ex quibus dein deducitur, quod tunc dicamus aliquod corpus putrescere, quando seminium verminosum animari, evolvi, & mul-



---

SECTION. ET PARAGRAPH.

---

*multiplicari incipit; & reliqua; quæ legi possunt 72. 73. &c.*

*XVIII. Hæc diversis rationibus, observationibus, & experimentis confirmantur. 75. 76. &c.*

*XIX. Tandem illis, quæ contra hanc sententiam objici possent, respondetur. 89. 90.*

*XX. Præsupposita essentia, & natura putredinis, potest facilius cognosci, & deduci natura, & essentia contagii, quæ hic multis rationibus, & experimentis demonstratur esse talis, ut dictum fuit. §. 46. & 47.*

*XXI. Ex hac de putredine, & contagio sententia facilius, & expeditius solvuntur phænomena & difficultates, quam per quamcunque aliam. III. 112. &c.*

*XXII. Adducuntur multa, & difficiliora phænomena, quibus ex nostris de contagio principiis satisfieri facile potest. 120. 121. &c.*

XXIII.

---

## I N D E X

---

XXIII. Hic discutitur quæstio, an putredo, & contagium sua seminia ab externo semper adipiscantur, an vero ipsis corporibus aliquando insint. 138.

XXIV. Talia seminia ostenduntur diversis rationibus, & observationibus etiam corporibus inesse 140. 141. &c.

XXV. Hic afferuntur commoda, quæ ex nostra de contagio sententia Reipublicæ accedere possunt.

XXVI. Primum commodum est, quod ex hac sententia pro morbis contagiosis tam hominum, quam brutorum facilius antidota adinveniri possint. 150. 151. &c.

XXVII. Afferuntur quædam antidota, quæ in lue bovina, & ovina tam præservative, quam curative per diversa capta experimenta idonea inventa sunt. 168. &c.

XXVIII. Alia commoda, quæ exinde resultant, possunt legi. §. 169. 170.

---

SECTION. ET PARAGRAPH.

---

SECTIO TERTIA.

XXIX. *Agit de rubigine, vegetabilium morbo, de ejus causis, & effectibus* 171.

XXX. *Rubiginis sicut putredinis & contagii natura necdum est legitime exposita, & explanata.*

XXXI. *Unde neque sententia Clariss. Læwenb. neque aliorum rubiginis naturam bene exponit.* 174. 175.

*Rubigo aut a rore vitiato, & verminoso, aut a ventis australibus, certa semina verminosa adferentibus, aut a pluviis verminosis deducitur.* 177. 178.

XXXII. *Hoc assertum tum rationibus, cum experimentis firmatur.* 180. 181.

XXXIII. *Cum ex tritico rubiginoso factum triticum pariter rubiginosum produci soleat, adducuntur certæ methodi, quibus hoc præcaveri possit.* 183.

XXXIV.

---

## INDEX

---

XXXIV. Describitur rubigo anni 1757. quæ omnia fere vegetabilium genera infe-  
cerat. 189.

XXXV. Ostenduntur morbi contagiosi præcipue vero petechiæ, quæ annis 1757. & 1758. in Austria aliisque provinciis sæ-  
viebant, a talibus esculentis rubiginosis ma-  
ximam partem dependisse. 191. 192.

XXXVI. Tandem pro coronide diversa  
vara, & utilia corollaria exinde dedu-  
cuntur.





## SECTION I.

DE

### CONTAGIO IN GENERE.

I.



Quamvis evidenter demonstrari non possit, ante, & mox post universale diluvium, morbos contagiosos viguisse, probabile tamen est, iisdem, sicut aliis calamitatibus, eo tempore afflictum fuisse genus humanum: interim ex sacris literis constat, anno post diluvium 827. sub Moyse, & Pharaone morbum contagiosum pestilentialem, qui & homines, & bruta

A

tene-

tenebat, extitisse; item eundem grassatum fuisse anno 1203. sub Samuele Propheta; uti & anno 1282. sub Daniele.

## II.

Si profanos autores consulamus, nobis constabit ex Platone, & Eusebio, tempore Cicropis primi Atheniensium Regis, anno post Deucalionis diluvium 787. funestam pestem exhaustisse Aegypti, & Aethiopiae urbes. Item anno 1022. Italiam, 1150. Græciam, Thraciam, Cretam, & anno 1254. post Trojae excidium iterato Græciam, & vicinas Asiae regiones a contagio pestis infestatas fuisse; quæ omnia ut & reliqua contagii mala, quæ subsequis sæculis diversas occupabant orbis partes, videri & legi possunt in Herodoto, Hesiodo, Livio, aliisque probatis autoribus.

## III.

Ex his, & similibus casibus B. L. cognosces, quod ex veterum monumentis  
noti-

notitiam & historiam contagioforum morborum haurire omnino possumus; ast ubique altum de essentia, & natura contagii silentium reperiēs. Divus Hippocr. ipse in suis epidemiis explanat pestem Atheniensem Olympiade 79. grassantem, & a Thucidide suo contemporaneo nitidissime alias descriptam, absque eo tamen, ut inquirat in naturam talis contagii.

## IV.

Forſitan id factum est, uti plures etiam modernorum celeberrimi viri autumant, quod tales morbi contagioſi aliquid Divini præ se ferre videantur; sic enim nefas esse credunt, si humanum ingenium in hæc Divina inquirere fatagat, unde fit, ut credant, satius esse in rebus occultis, & obscuris propriam fateri ignorantiam, quam talia in medium adferre, quæ multis forte risum, & stomachum movere possent.

## V.

Verum si talia præjudicia omni ævo viguissent, quod quæso, arcana naturæ jam patefacta in alto sepulta adhucdum jacerent? quin imo ipse Divus Hipp. de morbis alias Divinis dictis aliter sentit; nam de morbo sacro, & alibi docet, *quod nullus morbus altero Divinior, aut humanior existat, sed Divini omnes, cum horum quisque suam naturam habeat, nec quidquam citra naturam fiat; homines vero naturam, & causam morbi Divinam esse putarunt præ inexperientia & admiratione.*

## VI.

Quare spretis omnibus conviciis de trivio dabimus primo generalem, & superficialelem fere contagii ideam. Dein explanabimus, quid illud sit, & in quo consistat, quod contagium nominamus; ad hoc ut quasi per gradus natura contagii facilius pateat.

## VII.



## VII.

Quod prædictam superficiale , & fere extrinsecam contagii notionem concernit , hanc apud Cicer. L. 2. de Divin. sed minus apte expressam habemus , ubi dicit quod contagium fit illa vis , quæ a syderibus defluit , & in sublunaria influit ; etenim quondam multi morbi ab influxu syderum in nostra corpora derivabantur ; hodie vero meliore imbuti ratiocinio sublunares morborum , uti & contagii causas vix non omnes admittimus ; & quid fit contagium in genere consideratum , alio concipimus modo.

## VIII.

Contagium itaque est illa vis , qua affectus aliquis occupans unum corpus communicatur alteri corpori. Quapropter omnes illos morbos contagiosos nominare libet , qui ab uno subiecto transeunt ad aliud. Hoc vero duplici potissimum solet contingere modo, vel enim id fit im-

mediate per contactum, ut in scabie, lue venerea; vel mediate, seu ut solet dici, in distans, mediante aere, ut in peste, purpura, variolis. Aliud est etiam contagium per fomitem; dum materia contagiosa diu iners, antequam in actum deducatur alicui corpori inhæret. Ut hoc contingere solet in hydrophobia, lue venerea, podagra, & similibus affectibus, qui aliquando in seris primo nepotibus in actum deducuntur, qui prout mediate vel immediate communicantur, ad duos priores modos reduci possunt.

### IX.

Hæc dicta sunt de contagio, quod ab extrinseco advenit, & alteri corpori communicatur; verum quid dicendum erit de illo contagio, quod corporibus jam inhæret, & suapte natura dato tempore, quin imo aliquando ex forti imaginatione in actum deducitur? scio quidem, vix non omnes celebres viros in hac

hac esse opinione, contagium ab extrinsecò tantum advenire, & alteri communicari; sed dein ostendemus hoc præjudicium erroneum esse.

## X.

Interim ad clariorem contagii ideam scire oportet, non tantum quid fit morbus contagiosus, sed etiam quid fit epidemicus seu popularis, & quæ sit inter ipsos differentia; cum, quamvis non semper plerumque tamen, morbos, qui epidemici vocantur, observemus esse contagiosos, & vicissim.

## XI.

Hippocrat. Lib. de natura humana morbos epidemicos sic describit: *Quando ab uno morbo multi homines corripuntur eodem tempore, causam ad id, quod communissimum est, & quo maxime omnes utimur, referre oportet, est autem hoc spiritus, & aër, quem inspirando trahimus.*

## XII.

Itaque morbi populares a communi quidem causa, ut aëre dependent, sed non semper eodem modo disposito, alias tales morbi continuarent sine intermissione; debet igitur aëri tunc aliquid accedere, quod cæteroquin ipsi non inest; quod Hippocrat. eodem Lib. de natura humana sic exponit: *palamque est, aërem, tunc morbosam aliquam exhalationem habere.* Istæ exhalationes dum aëri miscentur, morbos populares, qui sæpe pariter contagiosi sunt, causantur. Quid vero istæ exhalationes sint, & unde originem trahant, patebit, dum de causis contagii verba faciemus.

## XIII.

Interea hic saltem superficialiter novisse sufficiat, quid sit morbus contagiosus, quid epidemicus, & quæ sit inter ipsos differentia; experientia enim nos docet, eundem morbum posse esse epidemicum

cum & contagiosum; tales sunt febres malignæ, pestilenciales, petechiales, variolosæ, morbillosæ, urticatæ, scarlatinæ, dyssenteria præcipue castrensis; huc etiam referri potest pertussis, seu tussis convulsiva infantum, quia hæc certo tempore grassatur, & unus eadem affectus infans plures alios secum commorantes eadem afficere valet.

## XIV.

Item experientia constat eundem morbum posse esse epidemicum, quin tamen tam facile contagiosus dici possit. Tales sunt diversæ febres rheumaticæ, intermittentes. Huc referri possunt aliquando mortes subitanæ, de quibus Lancisius eruditissime tractavit. Observavit quoque Boillius ipse, quod ex peculiari flante apud septemtrionales vento homines derepente moriantur.

## XV.

Tandem etiam experientia patet, dari morbos contagiosos, qui non sunt epi-

demici ; tales sunt scabies , lepra , elephantiasis , podagra , lues venerea , hydrophobia , carcinoma apertum , phtisis ; item Clariss. Frid. Hoffm. Lib. de externis affectionibus , dicit quædam ulcera externa esse contagiosa . Quin imo morbi exanthematici possunt sine epidemia esse contagiosi ; sic variolæ possunt inoculari absente epidemia .

## XVI.

Dantur alii morbi , de quibus dubium esse potest , ad quam ex dictis speciem referri debeant ; sic anno 1757. passim hic Viennæ corripiebantur homines tumoribus quibusdam , veras parotides , sed sine notabili febre præseferentibus . Similes erant nobilium adolescentum fere 60. in Academia Sabaudica , qui eodem afficiebantur tumore sed plerumque cum sat levi febricula . Copiosis diluentibus , antiphlogisticis , diaphoreticis , & fomentis externis , siccis , tepidis ;  
intra

intra octiduum, aliquando intra duas septimanas dissipabantur omnes, absque omni suppuratione.

## XVII.

Cum itaque ex dictis constet, morbos epidemicos non semper cum contagio conjungi, debemus necessario admittere, aliam esse causam epidemiæ, & aliam contagii. Unde fit, ut nunquam fatis Venerandus Sydenhamius miretur, ab iisdem saltem ad sensum nostrum tempestatibus diversos exoriri morbos, diversam medendi methodum requirentes, quod potissimum de epidemicis contagiosis intelligendum est.

## XVIII.

Si morbi sint pure pure epidemici, poterunt ad causas manifestas, seu ad qualitates, humidi & ficci, calidi & frigidi; adeoque ad diversam eorundem miscellam, prædominium, durationem, aut repentinam mutationem, reduci. Si vero sint  
con.

contagiosi, alia est, & longe major difficultas determinandi, in quo proprie consistat illorum contagium, ipsiusque contagii vera natura; in qua indaganda, & explananda celeberrimi præcipue in arte viri plurimum adlaborarunt, diversasque de contagio opiniones in medium adduxerunt, quas nos hic loci seorsim explanabimus, & trutinabimus; ad hoc ut appareat, quæ ex his magis respondeat Phænomenis, quæ in morbis contagiosis observantur.

## XIX.

Quilibet intelliget, summi in arte medendi esse momenti, veram, si possibile est, contagii naturam cognoscere; fecus enim illi medentes in tenebris versamur, & remedium potius forte, quam ratione arripimus. Ipse Celsus effatur: *ad rem pertinet omnium proprietates nosse.*

## XX.

Quare sententiam de contagio, quæ sequentibus quæstionibus magis apposite satisfaciet, amplectemur.



## XXI.

Quæstio prima: quare a variolis variolæ; a morbillis morbilli; a scarlatina pariter scarlatina; item a peste pestis; a lue venerea lues venerea; idem dicendum est de hydrophobia, scabie, aliisque morbis contagiosis, ordinaria naturæ lege oriantur? Unde signum evidentissimum est, ut dein clarius patebit, hos & similes morbos specie inter se differere. Hinc apparet, quam erronea sit aliquorum opinio asserentium, hos morbos uti & illorum causam materiale differre inter se secundum magis & minus tantum; nimirum in quantum in uno causa materialis volatilior, in altero vero fixior supponitur. Sed quis quæso ab omni præjudicio alienus crediderit, scabiem & variolas, luem veneream, & petechias habere eandem causam materiale secundum magis & minus differentem? quis unquam, vidit petechias in luem venere-

neream, aut scabiem in variolas degenerasse? quin imo plus una vice observavi, quod scabiosi si variolis afficiuntur, tempore & stadio variolarum scabies evanescat; verum exsiccatis variolis, postliminio recrudescat, & pertinacissime affligat, quod certe fieri non posset, si eandem haberent causam materialem; igitur dicendum est, quod, sicut plantas, & eorum semina specie differre palam fatemur, quia ordinaria naturæ lege a certo semine certam tantum plantam exoriri observamus, idem pariter dicendum sit de morbis contagiosis; nimirum ipsos, eorumque causas specie inter se differre.

## XXII.

Quæstio secunda: quare contagium certam tantum animalium speciem afficere soleat? sic experientia constat, aliam esse luem humanam, aliam bovinam, aliam ovinam, & aliam equinam; qualis in Anglia nunc 1760. inter equos  
graf.

grassatur. Qualis etiam hic in Austria, præcipue vero Viennæ inter genus equinum per modum cujusdam Catarrhi suffocativi, & inflammationis pulmonum anno 1755. grassabatur; item datur epidemia contagiosa pennatorum, & piscium; qualis descripta habetur in act. Nat. Cur. anno 5. obs. 170. item ait Furman: *alt und neues Wien* p. 515. similem pestem pennatorum observatam fuisse prima vice hic Viennæ anno 1286. qua gallinæ & aves derepente extinguebantur. Nostro autem tempore nimirum anno 1752. luem inter gallinas hic Viennæ observavimus, qua fere innumerabiles, extinguebantur.

## XXIII.

Neque enim observamus, quod contagium ab una specie v. g. a bovina ad aliam; ut humanam, aut caninam, transeat; experientia enim docet, & homines & canes inter armenta lue affecta innoxie

ver-

versari posse; interim hoc proh dolor! quotidiana constat experientia tam ab hominibus, quam a canibus cum bobus lue affectis commorantibus facile ad boves sanos idem contagium transportari, & iisdem communicari posse. Unde fit, ut ab illis, qui sanitati publicæ invigilare debent, hoc in casu certæ capiantur cautelæ.

## XXIV.

Non ignoro, adduci posse exempla contagii, quod a brutis ad homines, & vicissim, translatum fuisse creditur; talia legi possunt in Ephemerid. dec. 2. an. 7. obs. 192. item cent. VIII. obs. 44. verum dein patebit, hoc non fuisse idem, sed specie diversum contagium.

## XXV.

Quæstio tertia: quare & quomodo fiat, ut materia contagiosa valde diu iners, & insons latere, & tandem longo post tempore, & data occasione in actum deduci possit? uti hoc proh dolor! in peste

ste

ste sæpe observatum fuit: sic Salmuth obs. 64. cap. 1. constat, pestem per annum in homine latuisse. Item hydrophobia morsum canis sæpe diu post subsequuta fuit. Vid. act. Nat. cur. vol. 1. obs. 7. p. 38. Item Dec. 1. ann. 10. obs. 43. Lues venerea pariter diu latere potest in corpore, antequam in actum deducatur. Ut inter alios Rejes quæst. 58. p. 774. item experientia constat, morbos hæreditarios in feris primo nepotibus efflorescere, & propululare. Prætereo hic multas alias observationes, contagii pestilentialis in vestibus, aliisque hirsutis corporibus diu latentis; pesti enim volupe est in lana diu cubare.

## XXVI.

Quæstio quarta, & inter reliquas princeps: quare materia contagiosa sit tam facile communicabilis, & tam mirum in modum multiplicabilis? sic funesto sæpe eventu observatæ fuerunt ab uno pe-

ste affecto homine plures provinciæ, & frequentissimæ civitates eodem infici, & exhauriri contagio. Item innumera extant exempla, ab una lue affecta pecude numerosissimum sæpe peculium deletum esse. Romazzinii, & Lancisius judicant, anno 1710. mala forte ab uno lue affecto Hungarico bove in Italiam delato, eandem luem per universam fere Italiam propagatam fuisse. Item portio materiæ variolosæ vix sensibilis per insitionem & inoculationem multiplicari potest vix non sine fine; ex quibus constat, quam multiplicabile sit contagium.

## XXVII.

Quanta vero facilitate materia contagiosa sit communicabilis, superius jam diximus, eandem facillime a canibus, ab hominibus, a grege lue affecto ad sanum deferri posse. Mirabilem casum legimus in act. Nat. cur. Dec. 3. ann. 7. obs. 193. ubi febris maligna contagio-

giosa ab olfactis floribus, quibus cadaver tali morbo affectum, & defunctum, ornatum erat, contrahebatur. Item a morfu muscæ, quæ cadaveri peste infecto infederat, pestem communicatam fuisse, asserit Garman. L. 2. Tom. 2. §. 58. unde patet necessitas cadavera lue affectorum mature, & profunde tumulandi; secus enim exhalationes contagiosæ facillime per aëra, & ventos non tantum ad vicina, sed & ad remota loca transferri & communicari poterunt.

## XXVIII.

Istæ sunt principes, quæ de contagio moveri solent difficultates, & quæstiones; quare ab aliis recensendis, quæ per decursum operis patebunt, superfedemus; nam sententia, quæ propositis quæstionibus satisfaciet, non laborabit in aliis. Proponemus igitur, & trutinabimus principes autorum de contagio sententias, & tandem illam saltem, ut veri-

similiorem, quæ propositis quæstionibus magis satisfecerit, amplectemur. Nihil hic dicemus de archæis Helmontii; de Realgore Paracelsi; neque de influxu astrorum ab aliquibus pro causa contagii assumpto. Hæc enim in moderno foro medico pro commentis habentur.

## XXIX.

Prima opinio, quam multi celebres viri amplectuntur, contagii naturam explanare conatur per quasdam fermentationes miasmatis maligni cum nostris humoribus, unde fit, dicunt, ut eosdem in sui naturam mutet, atque assimilet eodem fere modo, uti parva fermenti pistorii portio integram panificii massam in motum fermentativum concitat, sibi que similem reddit.

## XXX.

Verum ista sententia multis premittitur, quibus satisfieri nequit, difficultatibus, ut primo, quod motus fermentationis



tionis ab his autoribus nimis generaliter, & pro quolibet motu intestino, five is sit fermentationis, putrefactionis, aut effervescentiæ, assumatur, & venditetur; cum tamen hi motus distingui debeant, eo quod diversus ex his resultet effectus. Vide celeberr. Boerhavii chemiam: sic effectus fermentationis est in spiritum ardentem, aut acidum mutatio; si vero effectum contagii, aut exitum morborum contagiosorum intime consideremus, videbimus illos potius juxta mentem horum autorum in alcali degenerare, adeoque ex hoc jam uno fundamento videtur ista corruere opinio.

XXXI.

Secundo: si vero motum fermentationis cum motui putrefactionis confundere velis, incidēs in scyllam volens vitare charybdim; quia debes primo ostendere, in quo consistat iste motus putrefactionis, & in quo a motu fermentationis

differat; cum unus & alter consistat in certo particularum motu intestino, videntur itaque potius convenire, quam differre; unde ab uno sicut ab altero deberet idem exurgere effectus, adeoque idem semper redit argumentum.

## XXXII.

Tertio: quotidie vix non multa putrida in usum vocantur absque eo, quod talis motus putrefactionis exurgat; & absque eo, ut humores nostri illis putridis assimilentur.

## XXXIII.

Quarto: superius ostendimus morbos contagiosos specie inter se differre; adeoque tot deberent admitti fermenta, quot sunt species morborum contagiosorum, quod iterum omniurratione & fundamento destituitur, quis enim istam fermentorum differentiam determinare posset? adeoque vel deberet admitti, quod diversa specie fermenta cum una humorum nostro-

strorum massa fermentare possint; vel quod ab una specie fermentorum diversi specie contagiosi morbi produci possint; verum utrumque est tam erroneum, quam inconceptibile, sicque dicta sententia de fermentis per se corrui.

## XXXIV.

Alia est sententia, quæ acidum, & alcali, aut unum ex his pro natura contagii assumit. Ast sententia hæc adhuc majoribus quam prior, involvitur difficultatibus. Etenim superius jam ostendimus, diversas dari species contagii, juxta hanc sententiam vero, siue dicas in utroque, siue in alterutro ex illis consistere naturam contagii, nunquam diversas contagii species salvare poteris, sic enim omnes morbi contagiosi ad unam aut alteram speciem reduci deberent.

## XXXV.

Præterea si dicas, causam materialem contagii esse aliquod acidum, con-

cipi vix potest, quomodo tam facile communicari & multiplicari possit; cum acida non sint tam volatilia neque tam expansibilia; quin imo experientia contrarium demonstrat, ab omnibus acidis contagium potius cicurari, ejusque communicabilitatem, & multiplicationem potius impediri & imminui; nam in regionibus septentrionalibus pestem rarius grassari, & minus multiplicari experientia constat; cujus alia ratio esse non potest, nisi quod ibidem acidum aëreum Catholicum prædominetur, quod docet confectio nitri moscovitici; de quo vide elegantissimum tractatum celeberr. Frid. Hoffm. de nitro.

## XXXVI.

Tandem ex perientia patet in morbis contagiosis humores nostros ad putredinem disponi, ut fautores hujus sententiæ dicunt, adeoque sal aliquod alcalinum volatile potius pro natura contagii, quam acidum statui debet; & hæc est fere omni-

mnium celeberrimorum medicorum hoc tempore de natura contagii decantata, & recepta sententia; quam aliis etiam solent exprimere verbis: miasma malignum, & venenosum, & arsenicale appellantés, quod dum nostris miscetur humoribus, eosdem five motu humorum circulatorio, five fermentationis, aut effervescentiæ quodam motu, corrumpit, & sibi assimilat. Verumtamen pace tantorum virorum taliter sentientium omni possibili modestia, eorumque debita veneratione ostendemus, quam parum hæc sententia satisfaciat explanationi contagii; multo minus superius propositis quæstionibus respondeat.

## XXXVII.

Primo mirari satis non valeo, quare viri cætera Eruditissimi miasmata contagii venenosa, & arsenicalia vocare consueverint; cum ista appellatio rationem contagii potius destruat quam exprimat; nam five venena ex regno animali, vege-

tabili, aut minerali in probationem hujus sententiæ assumant, semper falluntur; quia nec morsus viperæ, nec napellus, nec arsenicum, aut quodcunque aliud venenum ad contagium referri potest; experientia enim constat, carnes animalium ex morfu viperæ, aut quocunque alio assumpto veneno necatorum, nulla ratione esse venenosas, multo minus contagiosas, tales enim absque noxa ab omnibus edi posse jam notum est. Item cuilibet notum est, pisces cocculis de lepanto captos ab omnibus sine metu, aut damno in usum vocari. Vide Fricium de paradoxis medicis item Redi observationes.

### XXXVIII.

Ex his observationibus deducitur, quod neque a morfu viperæ, neque ab assumptis quibuscunque venenis humores nostri corporis eorum naturam induant, aut iisdem assimilentur; alias enim tales carnes innoxie in cibum assumi non possent.

Præ-

Præterea constat, in fodinis exhalationes esse morbosas quidem, sed non contagiosas. Ex quibus simul sumptis deducitur, contagium quidem ad venena non vero venena ad contagium reduci posse.

## XXXIX.

Si vero de morfu canis rabidi difficultatem aliquam in contrarium movere conaris, nihil probas; quia hydrophobiam aut quemcunque alium similem affectum pro aliqua specie febris malignæ contagiosæ agnoscimus; unde etiam merito ad morbos contagiosos reduci potest, & debet; experientia enim constat, hunc morbum in canibus tempestate calidissima, quin imò aliquando ex causa interna generari; qui etiam in homine aliquando a causa interna, uti aliæ febres malignæ, oriri potest. Tales observationes legi possunt in act. nat. Cur. cent. 3. p. 112. Item Dec. anno

6. obs. 38. Aliud autem est de morfu  
viperæ, scorpionis, vespæ, & alio-  
rum; quia non memini talem morbum  
alteri communicatum fuisse.

XL.

Secundo Clariff. Sydenham, alii-  
que practici observant, in morbis epide-  
micis, contagiosis, quandoque contraria  
remedia requiri, eo, quod illa, quæ  
in una epidemia profunt, sæpe in alia  
obfint; verum si omnes morbi contagio-  
si a prædicto sale alcalino volatili acri  
dependere, tunc sufficerent eadem sem-  
per remedia, quia eadem semper esset  
causa.

XLI.

Tertio observationibus, uti jam di-  
ximus, constat, miasma contagiosum cor-  
poribus diu in- & adhærere posse; adeo-  
que signum est, illud non esse volatile;  
alias tamdiu in uno loco coerceri non  
posset.



## XLII.

Tandem ultimo quæstionibus superius propositis per hanc sententiam minus quam per quamcunque aliam satisfieri poterit. Nos probavimus aliud esse miasma pestilentielle, aliud variolosum, & aliud venereum; item aliam luem bovinam, aliam caninam, & sic de reliquis; adeoque hæc contagia specie differre diximus, sed quomodo ab aliquo simili miasmate, quod in sale alcalino volatili consistit, diversæ species contagii dependere possint, concipere non valemus; etenim in hoc miasmate aliam mutationem, aut differentiam nobis imaginari non possumus, quam quod unum magis volatile, aut acre sit, quam alterum; notum autem cuique est, magis & minus non mutare speciem; adeoque a tali miasmate tam diversæ morborum species oriri non possunt.

## XLIII.

## XLIII.

Ast dices : experientia constat, primo, in morbis contagiosis humores nostri corporis ad putredinem, & alcalinam naturam tendere; ergo signum est, miasma illud contagiosum pariter alcalinæ esse naturæ. Secundo experientia pariter nos docet, tempore pluvioso, & humido, item in locis, ubi humidum prædominatur, grassari morbos epidemicos sæpe contagiosos; hoc vero ideo fieri videtur, quia humidum prædominans disponit ad putredinem, putredo vero maximam partem consistere videtur in natura alcalina, adeoque ex omnibus his concludi poterit, miasmata contagii esse potius alcalinæ quam alterius naturæ.

## XLIV.

Ad primum respondemus, necdum demonstratum esse, ut dein patebit, dum de putredine sermo erit, in morbis contagio-

tagiosis humores nostri corporis esse naturæ alcalinæ. Interim quamvis concederemus, nihil tamen exinde evincitur; quia iste esset potius effectus contagii, quam ipsum contagium; adeoque essentia contagii debet esse aliquid aliud; secus enim admittere deberemus, quod quodlibet corpus putridum vel sit contagiosum, vel quod una putredo specie ab alia differat, sicut unum contagium ab alio specie differre diximus.

## XLV.

Ad secundum vero respondemus, tempestates pluviosas, & humidam partem disponere ad morbos epidemicos, ut rheumaticos, sed raro ad contagiosos. Nam ad hoc ut alicubi exuberans humiditas morbos contagiosos causetur, necesse est, ut vel miasmata maligna secum ferat, aut ibidem inertia latentia offendat, sicque foveat & in actum deducat; si hoc non fiat, grassabuntur mor-

morbi epidemici, sed non contagiosi. Experientia autem quandoque oppositum docet, constat enim, quod exundatio Nili morbos contagiosos, ut pestem abigat; quia tunc sole signum canceri subeunte, & septemtrionali plaga fumigante Etesiae flare incipiunt, qui campsinos ventos, miasmatum pestiferorum vectores expellunt & abigunt. Illa vero, quæ hic de putredine afferuntur, patebunt clarius dum de putredine differemus.

## XLVI.

Cum itaque omnes superius allatae sententiae phaenomenis, & superius propositis de contagio quaestionibus minus apte respondeant, cogitandum est de alia, quæ hæc omnia facilius, & ad ductum naturæ conformius expediat; talis causa materialis contagii verisimilius est miasma verminosum; seu principium aliquod feminine verminosum specie diversum; a principio mundi a Deo produ-

ductum, unde morbi contagiosi originem habent, & propter quod ipsi, uti plantæ, inter se specie differunt.

Miasmata contagiosa a principio creationis jam fuisse producta est Muratori nel trattato della peste, Plateri, Hartsoeckeri, Sydenhamii aliorumque sententia; sed qua ratione etiamnum vigeant, propagentur, & multiplicentur, diversa semper fuit sentiendi ratio; fateor, nostram, quam adduximus sententiam ab aliquibus celeberrimis viris jam indicatam, quadantenus tritam fuisse, sed longe diversa methodo, & debili valde argumentorum, & experimentorum apparatu; unde factum est, ut hucusque neglecta, aut superficialiter tantum pensitata fuerit.

Superius jam diximus, quod dum tempestas humida, & pluviosa diu perseverat, sed præcipue dum austri, aut Evro-noti flare non desinunt, quod ni-

C

mirum tunc diversa feminia adferantur, & alia hinc inde latentia foveantur, & evolvantur, unde dein fit, ut plurima feminia, quæ alias hinc inde sterilia latent, sobolescere incipiant, adeoque innumerabilia animalcula exinde generentur. Hæc animalcula quam plurima deponunt feminia, ex quibus pariter, si debitus fœtus adfit, alia evolvuntur animalcula. Talia feminia seu ovula sunt maximam partem tam exilia, & tam levia, ut in aëre hinc inde volitare, & nunc ad unam, nunc ad aliam plagam deferri valeant, quæ dum humidum, aliumque sibi congruum nidum offendunt, in eodem fœventur & evolvuntur; quare nemo mirari debet, si in locis humidis, paludosis tam frequentes muscæ, scarabæi, squilæ, scrophulæ, hirudines, sed præcipue illud chrysalidum genus, culices appellatum, aliaque quam plurima nudis oculis invisibilia animalcula reperiantur, & exuberent.

## XLVII.

Ex quo etiam patet ratio, quare morbi contagiosi, siue endemice, siue epidemice in similibus locis maximam partem grassentur. Item ex his patet vera causa contagii antecedens, concomitans, materialis & formalis. Item ex his deducere possumus talia semina contagii ad diversas plagas ab austris transferri posse, ibique morbos contagiosos causare. Talem constitutionem epidemicam & pestilentialem describit Hipp. lib. III. sect. III.

## XLVIII.

Verum ut hæc, quæ hucusque dicta sunt, facilius intelligantur, & ne asserita sine demonstratione esse videantur, necesse erit tum ratione cum experimentis thesim nostram ultro corroborare, & quædam hic præmittere, ex quibus tanquam legitima consequentia nostra sententia deducatur.

## XLIX.

Animalcula, quorum jam meminimus, quanto magis decrescunt mole, tanto magis crescunt numero, prout enim illorum moles est vix perceptibilis, ita eorum multiplicatio est incredibilis; hæc quæ dixi, passim videri possunt in operibus Clar. Lœwenh. sed præcipue in Lib. arcan. naturæ, epist. 96. p. 41. & alibi, aliosque Clar. Autores; ubi unicæ guttulæ aquæ dicuntur ad minimum 2750000, animalculorum inesse; sed quæso quid dicendum erit de horum animalculorum ovulis, & de horum ovulorum futuris fœtibus? & sic deinceps, quid tandem de ipforum organis? idem enim Celeberrimus Autor statuit, millies millium talium animalculorum myriades non æquare unum arenæ granum. Hæc sunt quidem nostro debili ingenio inconceptibilia, verum admissa materiæ divisibilitate in infinitum, infinitæ potentiae congrua, & possibilia judicare debemus. Un-

de



de merito fatemur infinitam Dei potentiam magis elucescere in minimis, quam in maximis. Ipse Læwenh. in epist. 73. fatetur, plus sapientiæ requiri ad formationem exiguæ muscæ, quam ad magnum producendum equum. Item Plinius Lib. II. de insectis: *turrigeros elephantorum miramur humeros, taurorumque colla, & truces in sublime jactus, tigrum rapinas, leonum jubas, cum verum natura nusquam magis, quam in minimis tota est.*

## L.

Ut vero hæc clarius pateant immorabimur parumper considerantes ortum omnium animalium, & plantarum: multi Physicorum non erubescunt asserere, quædam animalcula, & quasdam plantas originem habere non ex feminibus sed ex putri, seu ex motu illo intestino, & confuso, qui in putredine observatur.

## LI.

Verumtamen præter rationes, quæ communiter huic sententiæ opponi solent; invenio unam a paucis notatam, sed irrefolubilem. Videlicet; omnibus notum est, tam plantas quam animalia, eorumque feminia constare certis partibus, & organis affabre & ordinate ad suos fines dispositis, ut non tantum inconceptibile sed etiam impossibile appareat, talia organa ab aliquo confuso motu, & fortuito particularum concursu emergere & coalescere posse; fecus eodem & quidem majore cum fundamento dicere potero etiam majora corpora ex tali fortuito motu & particularum concursu coalescere, adeoque potero asserere, solem, lunam, terram, planetas, stellas, aliaque majora corpora ex tali fortuito particularum motu, & concursu coagmentata fuisse; quod assertum non tantum illam damnatam Epicuri, & Democriti sententiam, sed

sed verum atheismum sapit ; etenim si admittas minimas mirabiles machinas ( in quibus paulo superius diximus majus esse artificium ) a tali fortuito atomorum , & particularum concursu exurgere posse , multo facilius poteris admittere idem esse posse in majoribus machinis.

## LII.

Præsupposito igitur hoc infalibili fundamento , omnia animalia & vegetabilia originem ducere ex suis propriis feminibus , debent pariter admitti , omnia organa in feminibus jam ruditer delineata esse. Item debent admitti nulla femina produci de novo. Utrumque hoc assertum debet tanquam certum deduci ex antea dictis , quia sicut ideo nullum animal , aut planta ex fortuito particularum concursu coalescere potest , quia certis , & ad proprios usus destinatis constat organis , ex eadem pariter ratione

nullum semen in rerum natura ab aliquo partium poterit produci motu, quia iisdem mirabilibus constat organis, ruditer delineatis, neque enim alia assignari potest differentia, nisi quod tales partes, & organa in uno magis, in altero minus explicata adsint.

## LIII.

Si itaque nullum in rerum natura semen producitur de novo, debet necessario admitti, omnia hæc a principio mundi creata fuisse, nunc vero unum ex altero evolvi; adeoque sequitur, quod omnia femina, quæ a principio mundi ad hæc usque tempora jam erant, & quæ in posterum in rerum natura erunt, in primigeniis illis feminibus jam physice contenta fuerint, & quod ex illis reliqua tantum evolvi debeant. Pariter sequitur, quod omnes homines, qui a creatione mundi ad hæc usque tempora erant, & qui in posterum erunt,

runt, in ovario Evæ jam ruditer delineati extiterint.

## LIV.

Quæ omnia cum evidenter ex data sententia deducantur, nisi ut superius diximus, in atheismum incidere velimus, mirum tamen est, quod femina jam toties & toties evoluta, notabilem aliquam jacturam in sua diametro, & volumine passa fuisse non observentur; quod non nisi ex principiis de infinita materiæ divisibilitate deduci potest.

## LV.

Ast dices: ad quid sunt hæ argutæ, & laboriosæ cogitationes? R. Falleris si credis, nos extra propositum nostrum hac ratione evagari; hæc enim sunt maximum nostræ de contagio sententiæ fundamentum; quia sic nulli ab omni præjudicio alieno paradoxum videbitur superius allatum assertum; quo Læwenh. aliique celebres viri ostendunt

in una gutta aquæ, cerevisiæ, vini &c. 2750000. animalculorum contineri; sic enim quemadmodum multiplicatio vegetabilium per aliam semper & aliam evolutionem feminum fieri debet, ita pariter innumerabilis animalculorum multitudo, quæ in liquidis observatur, ab eadem evolutione dependeat, necesse erit.

## LVI.

Hoc autem adhuc clarius patebit, si vegetabilium propagationem paulo intimius perscrutemur: etenim experientia constat ex unico semine Zeæ 2000. alia una evolutione evolvi; item ex uno semine Innulæ 3000. alia; ex uno semine Helianthi 4000. ex unico semine papaveris 32000; & tandem ex unico semine nicotianæ 40320. alia semina provenire & evolvi. Vide Linnæi fundamenta Botanic. si hæc semina ex unico semine jam educta iterum, & aliquoties terræ ad germinandum commit-

tan-

tantur , exurget profecto exinde numerus indefinitus feminum , quæ omnia in unico illo supra dicto femine continebantur ; qui numerus major erit numero animalculorum in unica gutta v. g. aquæ contentorum.

## LVII.

Cum itaquæ prædicta innumerabilia animalcula in liquidis deprehensa ex propriis feminiis originem habere debeant, cogimur necessario admittere talia semina , vel ab externo advehi & liquidis communicari ; vel liquidis jam inesse & in illis , quasi sterilia hædere donec certæ causæ adsint , quæ illorum evolutioni inserviant. Hic loci nolumus adhuc disquirere , aut determinare , an talia semina liquidis ipsis insint , an vero iis ab externo seu aëre adveniant , & communicentur ; quia de his differendi alibi erit locus ; hic vero principem causam attingere & examinare debemus , quæ huic ani-

animalculorum in corporibus multiplicationi, & evolutioni famulatur, vel ut clarius loquar, cum qua conjungitur; talis vero causa communiter ab autoribus assignatur esse putredo, sed quid vere sit putredo a nemine determinatur, aut saltem valde infulse explanatur, & plerumque effectus pro causa assumi solet. Interim hic insinuandum est, quod natura contagii intime cognosci non possit, nisi prius noverimus quid sit putredo; quare fit.

---

## SECTIO SECUNDA.

*De putredine, de ejus natura, causis, & effectibus.*

### LVIII.

**I**Nvenio veteres magis sollicitos fuisse circa putredinem, quam recentiores; qui



qui solo putredinis nomine contenti ultro-  
nee non afficiuntur. Unde mirum non  
est, si in morbis malignis toties ab an-  
tiquis fiat mentio putredinis; si Lucre-  
tius Lib. VI. de peste Atheniensis:

*Ubi putrorem humida nacta est siccitas  
Intempestivis pluviisque, & solibus icta.*

Verum in quo consistat putredo cor-  
porum difficile est determinatu; sic Ari-  
stotel. 4. meteor. lib. I. putredinem di-  
cit esse corruptionem proprii, & natura-  
lis caloris in humido a calore extraneo.

Item Gallen. 11. meteor. c. 8. af-  
ferit esse mutationem totius substantiæ  
putrescentis corporis in corruptelam a  
calido externo.

Paracelsus sulphur foetidum cum dis-  
soluto mercurio putredinem appellat.

Helmontius archæum per blas com-  
motum, & laceffitum putredinis causam  
esse credit. Wilisius, Sylvius, & re-  
liqui, partes sulphureas, & oleosas, al-  
cali-

calinas, volatiles, extricatas, excalefactas inflammatas, & a reliquis secedentes putredinem esse autumant.

LIX.

Verum ex omnibus his adhuc in obscuro latet, quid proprie sit putredo? nam multa putrescunt, in quibus internus calor non exstinguitur, sed potius augetur; uti contigit, si multa viridia in unum cumulum congesta putrescunt aëre frigido existente. Item experientia constat in vase clauso, & in vacuo aut non fieri, aut saltem difficillime, putredinem, quamvis omnes aliæ causæ ab antiquis requisitæ adsint; adeoque sententia Arist. & Galleni non videtur nobis satisfacere, præcipue, cum fere idem per idem explicet.

LX.

Ast neque recentiorum opinionibus acquiescere possumus, quia ex his sequeretur, quod omnia foetida & sale volati-

latili constantia, & a reliquis principiis separata ad putredinem revocari deberent; sic castoreum, assa foetida, spiritus cornu cervi &c. putrida dici deberent contra omnium sententiam. Item experientia constat, si sulphur alcali fixum, & acetum misceantur, quod exurgat ex ista miscella mixtura foetidissima ad instar ovorum putridorum; sed quis Physicorum talia ad veram putredinem, de qua hic est quaestio, revocabit?

Joannes Pringle experimentis ostendit, quod in rebus putridis non adsit sal aliquod alcali volatile, & quidem primo: si fero putrido acidum v. g. spiritus vitrioli affundatur, nulla fit effervescentia. Secundo: syrupus violarum non mutat aquam, in qua caro computrit. Tertio: neque sublimatus mercurius aqua solutus, eidem mixturae additus aliquam mutationem causavit. Ergo signum est non adesse alcali.

Item

Item omnibus notum est, quod cadavera, si partibus oleosis & volatilibus imprægnentur, & condiantur, a putrefactione optime arceantur; igitur putrefactio ab illis dependere non potest. Accedit: in lignis putridis partes oleosas, alcalinas, volatiles potius deficere, & consumi, quam exaltari. Adeoque putredo ab alio principio dependere debet.

LXI.

Sed neque illa nobis arridet opinio, quæ humores nostri corporis tunc putrefieri statuit, quando illi notabiliter recedunt a statu naturali, & quidem sequentibus ex rationibus.

LXII.

Primo, quia hoc modo exprimitur effectus putredinis, non vera natura ejusdem; quæstio enim semper superest, quid illud sit, propter quod a statu naturali recedunt. Secundo, quia sæpe humores nostri a statu naturali recedunt,

ut

ut in cachexia , in diversis cachochimiis absque eo , quod putridi dici possint ; quin imo in ipsis inflammationibus sanguis per venæ sectionem extractus est spississimus & lardaceus , adeoque plurimum recedens a statu naturali ; quin tamen , saltem sub initium morbi , putridus dici possit ; dum vero talis fit , observatur potius disfluens , & sine notabili cohæsione.

## LXIII.

Si tandem tertio prædictam putredinis explanationem aliis extra nostrum corpus humoribus applicare velimus , adhuc minus congruit ; etenim si liquidum aliquod mutetur , ut v. g. vinum in acetum , aut aliquod acidum in alcali , aut ex acidi & alcali miscella in neutrum , tunc talia videntur non tantum notabiliter , sed quam plurimum degenerare a statu naturali , absque eo , quod putrida dici possint.

## LXIV.

Erit igitur necessarium, ut talem nobis formemus putredinis ideam, quæ unicuique putrido nimirum tam solido quam fluido conveniat; ex hac etiam ratione sapientissimus Boërhavius jam dudum motus fermentationis, effervescentiæ, & putredinis inter suos limites coercendos esse duxit, ne quilibet humorum motus pro fermentativo, aut putredinoso, uti vulgo fieri solet, assumatur; hoc autem spero fore, ut eo facilius assequamur; si pro possibili examinemus omnia, quæ in rebus putridis, contingere observamus; ex quo dein non tantum putredinis causa sed etiam effectus elucescent.

## LXV.

Observamus primo, quod omnia, quæ putrescunt, exceptis lignis, spirent aliquem foetorem; ex quo inferri potest, sal aliquod volatile per ipsum motum putrefactionis fieri sensibile, quod prius non observabatur.

## LXVI.

Observamus secundo, in loco frigido minus, in calido vero facilius fieri putrefactionem; huc spectat etiam aliqua proportio humidi; sic caro recens facilius putrescit, quam fumo indurata.

## LXVII.

Obs. tertio liquida stagnantia facilius putrescunt quam mota; sic aqua in fluminibus mota difficulter; in lacubus vero & stagnis, aliæque desides aquæ citissime putrescunt; idem dicendum est de humoribus nostri corporis.

## LXVIII.

Obs. quarto, ad putrefactionem requiritur liber aëris accessus; sic in vacuo, aut in vase, alioque loco probe clauso, aut nulla aut saltem difficulter fit aliqua putrefactio. In hac observatione nititur illa Reipublicæ adeo utilis frumenta incorrupta per multos annos conservandi methodus; de qua legi meretur ele-

gantissimus tractatus Domini des Landes: *Maniere de conserver les graines.* Quod fit arcendo frumenta ab humiditate, & aëre: qua ratione impeditur putrefactio.

Sic publicis ex ephemeridibus novimus, in ruinis Herculani inventum fuisse frumentum a multis sæculis incorruptum persistens; quia non tantum ab omni arcebatur aëre, sed etiam, quia corpora circumambientia erant sicca exusta, nimirum cineres Vulcani.

Ex hoc fundamento vidi conservari Neapoli frumentum multis annis integrum & incorruptum; quod fit ficcando illud in loco calido, & in sartagine fere torrendo; qua ratione quidem germen pro vegetatione destruitur, sed pro farina & panificio, ut alias inservire potest.

#### LXIX.

Obs. quinto, in illis rebus, quæ putrescunt, observantur vel nudo, vel saltem armato oculo innumerabilia animalcula; talia



lia videri possunt in aqua, vino, cerevisia, aceto, in humoribus nostri corporis putrescentibus, ut in omni materia purulenta, five illa fit variolosa, cancrosa, scabiosa, aut ulcerosa. Observationes, quas hic attulimus, nunc non demonstramus, quia dein opportunior erit locus de his plura dicendi; easdemque experimentis evidentibus, & autoritatibus omni exceptione majoribus corroborandi.

## LXX.

Si hæc rite ponderentur, quæ præmisimus, natura putredinis in aprico esse videbitur; sicque optimo jure dicemus; tunc aliquod corpus putrescere, quando feminium verminosum animari, evolvi, & multiplicari incipit; hæc enim animalcula egerunt multa excrementa sale volatili constantia; item multa alia feminia, seu ovula ulteriori evolutioni inservientia; ex quibus, quæ liquida sunt, turbida & male olentia redduntur, solida

vero plus minus male olentia, mollia & friabilia fiunt; unde non immerito Kircherus putredinem animatam esse judicavit; quin immo Helmontius contra suam de putredine sententiam ostendere conatur, quod putredo hebraice vermem significet.

## LXXI.

Ex quo patet, quam male effectus putredinis pro ejusdem causa & essentia vix non ab omnibus assumi soleat; foetor nempe in rebus putridis observatus dictus fuit, ab illis excrementis, quæ talia animalcula egerere solent, dependere, adeoque se habet tanquam effectus ad prædicta animalcula; qui tamen, uti jam diximus in aliquibus rebus putridis, uti lignis abesse potest. Item patet, quod alia sint, in quibus putredo consistit, & alia, quæ ad putredinem disponunt, aut quæ illam concomitantur; ad putredinem requiritur certus gradus caloris prædicto.

ctorum animalculorum evolutioni infer-  
viens ; secundo requiritur proportionata  
humiditas, etenim experientia constat hu-  
mida facilius quam ficca putrescere ; ter-  
tio requiritur libera aëris ventilatio ; ut  
dein patebit.

## LXXII.

Ne vero, quæ de putredine hucus-  
que dicta sunt, perperam allata videan-  
tur, sequentibus rationibus, observatio-  
nibus, experimentis & autoritatibus cor-  
roborari debent.

## LXXIII.

Primo est illa notabilis observatio,  
quæ non tantum in transactionibus angli-  
canis sed specialiter, & eleganter expo-  
sita legi potest in tractatu physico de  
historia naturali Domini des Landes ;  
quia vero hicce tractatus non cuilibet est  
ad manus, consultum duxi, illa, quæ  
ad scopum nostrum faciunt, sermone gal-  
lico ut ibi habentur, hic adjicere: *Tout*

le monde sait que l'eau douce qu'on embarque dans les vaisseaux, pour le service des officiers, & des équipages, s'altère & se corrompt trois & quatre fois de suite, & qu'il s'y engendre une infinité de vers. Mais on ignore peut-être chose que rapportent les transactions Philosophiques d'Angleterre : c'est que pendant les voyages de longs cours, l'eau douce qui est gardée plus d'un an dans des barriques, acquiert une qualité spiritueuse, & inflammable, à peu près comme de l'eau de vie. J'ai long-tems douté de cette observation, mais en ayant raisonné avec beaucoup de Navigateurs, je m'en suis à la fin convaincu par moi-même, & j'ai remarqué qu'en débouchant avec précipitation ces sortes de barriques, & approchant une lumière fort près de la bonde, l'eau prenoit feu d'abord. La raison de cet événement m'a long-tems embarrassé; mais considérant depuis, que dans un voyage d'un an, l'eau douce se corrompt à diverses reprises, &  
qu'il

qu'il y nait à chaque fois une infinité d'insectes, en se détruisant, laissoient une matière huileuse, & inflammable qui surnage l'eau.

## LXXIV.

Secundo est altera observatio, quam Eruditissimus Lancisius in tractatu de noxiis paludum effluviis p. 48. adducit quæ ita se habet: *Primo si media æstate duæ nucerinæ aquæ moles totidem in phialis excipiantur; quarum una libero aëri exponatur; altera e contrario hermetico, ut ajunt sigillo ab ambientis contactu liberetur; illam quidem observabimus brevi vermiculis inquinari, qui ad aquæ superficiem delati; rupto cortice, miranda metamorphosi in stridulos culices vertuntur: hanc vero (quam nunc etiam bujus veritatis testem servamus) ad multa lustra ab omni vermium contagione penitus vindicatam conspiciamus. Adeo verum est, culices per aëra volitantes ova sua stagnantibus lymphis, ut innuimus, tanquam in propriis nidulis collocare.*

*Secundo vidimus una cum illustrissimo Blanchino in aqua culicum vermibus referta, ad phialæ fundum decidisse corpuscula quædam subrotunda obscuri coloris, quæ aliis nostrorum ovula, aliis terræ granula visa fuerunt; sed revera nihil aliud deprebensa sunt, quam fæces ab ejusmodi insectis egestæ, quæ alioqui cum in paludibus ab immenso animalculorum populo copiosissime dejiciantur, inde fætidum, crassumque cænum existit, & cumulatur.*

Item Ovid. Lib. XV. metamor. Fab.

34.

*Nonne vides quæcunque mora fluidoque liquore*

*Corpora tabuerint, in parva animalia  
verti &c.*

Quare ex his observationibus evidentissime patet primo, quod in rebus putridis observentur seminaria animalculorum.

Secundo, quod ab his animalculis egerantur, plurima ovula, & excrementa fale volatili constantia.

Ter-

Tertio , quod hæc minima animalcula diversas metamorphoses subire soleant; nimirum aliquando fiant volatilia, in nymphas & papiliones degenerent ; de qua horum animalculorum metamorphosi inferius plura dicemus.

## LXXV.

Hæc quæ adduximus, videri possunt in diversis probatissimis autoribus, ut in celeberrimo Læwenh. arcanis naturæ detectis. Item in clarissimorum Needham, & Baker elegantissimis microscopicis observat. & aliis, ex quibus ultro constat, quod quo minora sunt animalcula eo plura deponant excrementa sale volatili prædita, & quod ab his fluida, quæ putrescunt, turbida, foetida reddantur. Hoc ipsum confirmatur cuilibet obvia observatione, qua videmus aquas palustres, aliasque aquas stagnantes cœno putrido & foetido ex insectorum ovulis & excrementis constante oppleri & obtegi.

Qua-

Quare eadem ratione, qua obviis nostris sensibus videmus aquas paludosas, ab his turbidas, & male olentes reddi, admittere pariter debemus, alia liquida, si putrescant, ab insensibilibus animalculis, eorumque excrementis, & ovulis turbida, & foetida evenire.

## LXXVI.

Hucusque dictum est de liquidis, quæ putrescunt; superest, ut aliqua dicamus de solidis putridis; probemusque quod solidorum putrescentium soluta cohesio, & parium ab invicem secessio dependeat ab erosione fibrarum, & tubulorum, a prædictis vermiculis facta. Quamvis hæc ex supradictis facile deduci possent, tamen ut assertum evidentius videatur, diversis experimentis, & observationibus ostendemus, talia semper & ubique adeoque non tantum in lignis, & carnibus putridis, sed & in omnibus abscessibus; ut in ulceribus, can-



cro aperto, lue venerea, scabie, aliisque corruptionibus obtinere & habere locum.

## LXXVII.

Ad confirmandam nostram thesim, & ad convincendum quemcunque adversarium, alio auxilio opus non habemus, nisi selecto microscopio, quo armatus oculus in omnibus supradictis casibus innumerabilia, & exigua animalcula facile detegere, & conspiciere poterit. Huc spectat notabilis observatio, quam habet Clariss. Lœwenh. in epist. 115. ad Dominum Hermanum von Zœle scripta; in qua ostendit, quod ligni & arundinum putredo ab exiguis animalculis dependeat, quæ ibidem in extenso legi potest. Idem testatur se expertum esse Eruditiss. Hartsoekerus in epistola ad Dominum Andry; in qua clarissime exprimit dari in cancro vermiculos perpetuo rodentes; quod etiam Dominus Andry in lue venerea, aliisque corruptionibus perpetuo

tuque obtinere in suo elegantissimo tractatu de vermibus probavit.

Clarissimus Fridericus Hoffmanus in suo eruditissimo tractatu de externis affectionibus asserit se observasse ulcera esse contagiosa, quod certe fieri non posset, si illa non constarent ex vermiculis multiplicabilibus.

### LXXVIII.

Sed nihil magis evincit, in lue venerea scabie, omnibus ulceribus, aliisque similibus corruptionibus feminaria animalculorum, quam vera & legitima methodus, qua in cura tractantur; ad debellandos enim istos morbos, cuilibet hoc tempore notum est, specifica esse anthelmintica, nimirum sulphur & mercurium, aliaque anthelmintica; verum hæc videntur unice respicere & attingere vermiculos. Huc spectat etiam cortex peruvianus, qui in ulceribus malignis, cancrois & sphacelosis, & quidem tam inter-

nis

nis quam externis specificis hoc tempore deprædicatur, ut inferius plura in particulari dicentur.

## LXXIX.

Si putredo ulcerum in sale aliquo alcalino volatili confisteret, ut adversarii autumant, tunc optima & methodica cura deberet per acida institui, quia contraria contrariis curantur; verum omnibus, qui ulcerum curæ operam navarunt, notum est, nihil magis ulceribus quam acida nocere, e contrario optima esse omnia anthelminthica ex sulphure, mercurio, aqua calcis, aqua phagadanica, aliisque balsamicis amaricantibus; igitur evidenter exinde deducere possumus quod vera & legitima cura ulcerum prædictos vermiculos respiciat.

## LXXX.

Ex quo patet ratio, quare vulnera & ulcera tegi, & a libero arceri debeant aëre; etenim ex jam dictis constat, quod  
tam

tam acidum catholicum in aëre delitescens; quam quod, quia in libero aëre citior & facilior fit vermiculorum multiplicatio, vulneribus & ulceribus summo sint nocumento. Superius jam dictum est, & dein adhuc constabit; in aëre aperto fieri faciliorem vermiculorum multiplicationem; a quibus dein fit major fibrarum carnearum erosio, & ulceris labiorum dilatatio, majorque fordium, & materiae putridioris collectio; quia major est fœcum, & excrementorum a vermiculis egestio, uti superius jam diximus de aqua putrida. Hic plures aliæ in favorem nostræ opinionis observationes adduci possent; verum paulo post harum plures adducentur.

## LXXXI.

Hic optima esset occasio de pure, seu materia purulenta aliquid dicendi; verum ne nimium evagari videamur, adducemus tantum illa, quæ ad nostrum de putredine

dine scopum pertinent, ad hoc, ut eo evidentius pateat, omne contagium a prædicto seminio verminoso dependere.

Communiter enim dicitur pus fieri, dum vasa continentia una cum liquidis contentis in loco stagnationis in massam pultiformem conteruntur, & mutantur.

Verum multa sunt, quæ huic asserto repugnare videntur, & quidem primo: experientia constat, in aut circa centrum tumoris inflammatorii pus primo confici; ubi tamen propter summum vasorum infarctum vix aliquis motus sive solidi sive fluidi superest; totus enim motus, & impetus ejusdem, qui a corde ad partem inflammataam propagatur, exercetur ad circumferentiam tumoris inflammatorii; adeoque ibidem deberent potius vasa una cum liquidis primitus potius subigi, & conteri, quam in centro, ubi vix aliquis motus aut impetus adest. *Secundo:* sanies & materies purulenta non differunt

nisi secundum magis & minus, observamus autem quotidie faniem fieri etiam in cadaveribus; ast quis dicet, aut admit-  
tet, quod in cadaveribus vasa una cum liquidis contentis in talem faniem conte-  
rantur? cum in cadaveribus nullus sit motus, aut impetus a corde, sicut in vivis; adeoque sicut admitti debet, quod in cadaveribus fanies dependeat a vermiculis, qui vasa fibrillasque erodunt, horum particulas abrasas una cum humoribus & propriis excrementis miscent, a qua miscella dein illa fanies dependet; idem pariter dicendum erit de pure, quod in vivis animantibus confici solet. *Tertio:* si dicatur materia purulenta dependere a vasis, & liquidis in unam massam adinvicem contritis, sequeretur, quod una materia purulenta non differret ab alia nisi secundum magis, & minus, in quantum nimirum una acrior, quam altera esset; verum hoc assertum videtur fa-

næ rationi contrarium esse; etenim quis dicet, materiam purulentam, variolosam, cancrofam veneream, & scabiosam tantum secundum magis & minus differre? superius jam probavimus, atque dein adhuc clarius patebit, specificam hic intercedere differentiam; quia alii & specie diversi debent esse vermiculi in materia variolosa, quam in cancrofa, aut luis venereæ. Plura vide §. XXII.

## LXXXII.

Ast qui pertinaciter contrariæ adhærent sententiæ, aliud in his jam adducitis argumentis non inveniunt effugium - quam quod dicant, vermiculos illos, qui in rebus putridis observantur, esse effectum putredinis, non vero ipsam putredinem, adeoque putredo debeat esse aliquid aliud, & ab alio principio dependere. Verum quale illud principium sit, in quo vera putredo consistat, non determinatur, neque determinari potest,

nam superius jam ostendimus in illis, quæ adversarii afferunt, veram naturam putredinis constitui non posse; igitur nihil superest, nisi materia quædam animata, per quam putredo constituitur, ultro propagatur, & distinguitur.

## LXXXIII.

Clarissimam instantiam habes in morbo pediculari, qui alias phtiriasis appellatur, tales morbos pediculares mirabiles legere possumus in Valisnier. T. 1. p. 339. & alibi. Omnes norunt hunc affectum esse contagiosum, & cum putredine conjunctum, item unusquisque a præjudiciis alienus admittere debet, naturam, & essentiam hujus morbi consistere in materia animata, & per hanc materiam animatam hunc morbum ultro propagari & multiplicari, quin imo, & specificari ab omni alio morbo contagioso; igitur etiam admittere debet, illud quod hic putridum vocatur a prædicta materia animata seu potius



tius ab ejus excrementis dependere; nullus enim credo inficias ibit, quod illud foetidum, maleolens a pediculis depositum non sit aliquod congestum ex illorum excrementis, & ovulis; sicut superius demonstravimus, quod illa materia, qua aquæ stagnantes, ut in lacubus & paludibus videre est, teguntur, nil aliud sit, quam aliquod congestum ex ovulis, & excrementis diversorum insectorum; idem etiam dicendum erit in nostro casu, & de scabie.

## LXXXIV.

Ex quo iterato constat, aliud esse, in quo putredo consistit, & aliud, quod tanquam effectus aut tanquam signum putredinem demonstrat; foetor enim ille, & maleolens odor, qui in rebus putridis præcipue vero liquidis observatur, est effectus & signum; ex quo ideam putredinis formamus, qui tamen in aliquibus solidis, putridis, ut lignis vix sensibilis est, adeo-

que naturam putredinis non constituit; quaer pessime judicant, qui in tali putrido odore, naturam putredinis constituunt.

Verum hic aliquis quærere posset, unde ille excrementorum foetor, & maleolens odor, qui in rebus putridis observatur? Respondeo, hujus erit eadem ratio, quæ est, quare ex feminibus non foetidis oriantur diversæ plantæ, fructusque foetentes; dantur enim multa, & mirabilia in rerum natura, quorum rationem evidentem ignoramus.

### LXXXV.

Ast dices primo dantur in diversis rebus plurima animalcula absque putredine; adeoque putredo ab his non dependet; sic Loewenh: in epistola ad Fridericum Adrianum Baronem asserit, dari in cerasis, prunis, sed præcipue in rosis minima animalcula, quæ eorum pediculos nominat, absque eo, quod aliqua observetur putredo.

Dices secundo, in pomis, pyris, aliisque fructibus putridis observatur unus alterve tantum vermiculus; sed non est credibile ab uno alterove vermiculo putredinem, quæ in fructibus est, dependere; adeoque debet esse alia causa, quare putrescant; ficque dicendi erunt illi vermiculi esse potius effectus, quam causa putredinis.

## LXXXVI.

Respondeo ad primum: quod animalcula dari possint absque putredine, seu ut adversarii dicere solent, absque tali foetido odore facile concesserimus; nam necesse non est, ut ipsa animalcula, aut etiam eorum excrementa foeteant, & male oleant, uti jam diximus de lignis putridis; sed hoc adversariis nostris concedere non possumus, quod putredo absque tali materia animata esse possit; quæ materia animata saltem armatis oculis detegi potest; interim quamvis selectissimis etiam microscopiis talis aliquando non detegere-

tur exinde tamen ejusdem absentia inferri non potest; ficut enim, quamvis foetus in prædictis animalculis contenti, & dein successive evolvendi, detegi non possint, non licet inferre, quod tales non adsint; idem dicendum erit in nostro casu. Ex quo dein patet responsio ad secundam objectionem.

Quamvis enim in pyris, pomisque putridis unum alterumve vermiculum nudo oculo offendamus, armato vere oculo longe plures detegi possunt; etiamsi vero hoc fieri non posset, tamen propter analogismum quendam, eo quod in aliis rebus putridis tales observentur, concludere possumus, illos etiam hic adesse debere.

### LXXXVII.

Tandem pro confirmatione nostræ de putredine sententiæ videntur sacrae literæ plurimum favere; sic legimus mannam, quam Deus Israëlitis pluerat, si hæc in aliam fuisset conservata diem, putridam, &

ver-

verminosam fuisse redditam. Vide Exodi Cap. 16. vers. 19. 20.

Item legimus Regem Antiochum tyrannum vivum putruisse ex verminosa materia. 2. Machab.

## LXXXVIII.

Hæc, quæ in præsentiarum de putredine diximus, necessario prius digerenda erant, ut eo evidentius sententia de contagio superius proposita pateat; nam putredo & contagium ita invicem nectuntur, ut contagium in nostro corpore sine putredine esse non possit; adeoque eadem vix non ratione exponi, & explanari debeant. Quemadmodum enim in unica guttula v. g. putridæ aquæ 2750000. animalculorum constitui possunt, & ex unico, ut superius diximus, vegetabilium semine innumerabilia alia educi possunt, ita, & eadem ratione ex minima, & vix sensibili materiæ contagiosæ portiuncula uberrima multiplicatio & propagatio concipi potest.

Talem materiæ contagiosæ uberrimam multiplicationem, & propagationem videre clarissime possumus in infitione, & inoculatione variolarum; etenim vix sensibilis est materiæ purulentæ particula, quæ ad infitionem adhibetur; quæ tamen ut experientia docet, fere sine fine multiplicari & propagari potest. Sed quis, rogo, non erubescet dicere, sal aliquod sive acidum sive alcalinum, sive neutrum ita multiplicari, & propagari? Igitur dicendum erit, miasma illud animatum, quod armato oculo in qualibet materia purulenta observatur, hanc propagationem, & multiplicationem subire, eodem & naturæ magis congruo modo, uti videmus in vegetabilibus unum semen fere sine fine multiplicari posse. Idem in phtiriasi, seu morbo pediculari contingere superius jam demonstratum fuit. Item in scabie possunt facillime detegi vermiculi, quorum ope scabies fit contagiosa, & ultro propagabilis;

sic

fic Doctor Bonnius describit figuram non tantum animalculorum, sed etiam ovorum, quæ in scabie observantur: vide Transaction. Philosoph. N. 283.

LXXXIX.

Si hæc quæ diximus, præsertim vero, si infitionem, & inoculationem, quæ in vegetalibus v. g. cum gemmis fieri consuevit, attenta & ab omni præjudicio libera mente consideremus, admitteremus procul dubio, nihil in rerum natura esse verisimilius, & magis quoad omnes circumstantias convenire, quam hanc cum illa, quæ ad inoculandas variolas institui solet, methodus. Sive enim gemmam ad inoculationem, sive ramusculum ad infitionem, sive aliam quamcunque plantæ partem ad ejusdem speciei propagationem, & multiplicationem assumamus, semper admittere debemus, in illa gemma, furculo, ramusculo, folio, radice contineri propriæ plantæ semina primigenia, quæ dein  
per

per ulteriorem germinationem evolvuntur; nam si hoc non admittamus, exurgit illud absurdum, de quo superius diximus, nimirum femina produci de novo, & ex fortuito aliquo particularum motu & concursu exurgere mirabilem illorum fabricam; quod jam superius ad Atheismum aperire viam ostendimus.

## XC.

Itaque spero fore, ut nullus dubitet, quin admittat illa per infitionem, aut inoculationem de novo; ut dici solent, producta semina, esse ex aliis evoluta; item ex eadem pariter ratione concedat, variolas per infitionem esse ex suis feminibus evolutas, sicque multiplicatas, & ultro propagatas. In quo concedendo multo minus hæsitabimus, si perpendamus in materia purulenta variolosa dari innumerabilia animalcula, quæ ibidem quam plurima deponunt semina, hæc semina dein

ul-



ulteriori evolutioni , propagationi , & multiplicationi infervire folent.

## XCI.

Unde ratio patet , quomodo & quare initio variolarum cum materia variolosa ficca & procul allata , in qua jam omnia animalcula emortua , aut faltem femi mortua funt , institui poffit ; hujus experimenti ratio conftat partim ex jam dictis , partim ex aliis obfervationibus fere cuilibet obviis ; fic lacus & paludes exficcatæ adhuc continent in illo cœno ficco quam plurima femi-mortua animalcula , eorumque ovula , quæ dum lacus readimplentur aqua , iterum revivifcunt & evolvuntur. Quare ex noſtra , & non alia ſententia reddi poteſt ratio , cur ſeminia contagioſa tamdiu inertia , antequam evolvantur , latere poſſint. Qui plura hac de re legere cupit, adeat Lanciſium de noxiis paludum effluviis, item Loewenhœ-

kii epistolam 144. ad illustrissimum virum Bleyfvicium.

## XCII.

Hæc est vegetabilium, & variolarum unifona infitionis ratio, quæ si ulla unquam, me allicere potest, ut credam, eadem ratione nimirum per semina propagari & multiplicari tum vegetabilia, cum variolas; nam tanta est in hoc artificio utriusque conformitas & similitudo, ut non alia menti meæ repræsentetur nisi vegetabilis, & animalis differentia.

## XCIII.

Hoc ipsum, quod dictum est de communicatione, & propagatione contagii variolosi per infitionem, intelligi & dici debet de communicatione & propagatione ejusdem quacunque alia ratione humoribus nostris mixti: sive enim materia contagiosa per vasa absorbentia periphæriæ corporis, sive per inspirationem, sive una cum saliva deglutita, aut quacunque alia

ratione corpori communicetur, idem semper exinde exurgit effectus, & affectus.

## XCIV.

Huc referri possunt illæ observationes, & annotationes, quas Kircherus & Mercurialis de muscis & crabronibus tempore pestis noxiis, pestem inducentibus, eamque ultro propagantibus divulgaverunt. Nam, cum hæc animalcula corporibus, & cadaveribus peste infectis insidere, eorumque succo saturari soleant; si hæc suis aculeis, & promuscidis spiculo corpus cætera sanissimum pungant, facile tale miasma pestiferum ( fere ut in infectione variolarum contingere solet ) communicant; quod humoribus nostris mixtum illos eodem contagio imbuunt.

## XCV.

Superfunt multæ aliæ tum observationes, cum autoritates, quibus nostram opinionem corroborare possemus, verum principes adducemus, sicco pede reliquas præ-

præterituri sic legimus in act. Nat. cur. Dec. 2. anno. 5. p. 26. lue venerea infectum, esse totum verminosum. Idem potest A. N. C. vol. 1. obs. 242. videri.

## XCVI.

Contagium, vermes esse volantes videre quisque potest Dec 1. ann. 1. obs. 13. p. 56. Idem expertus est Clar. Andry in omnibus ulceribus contagiosis, ut in lue venerea, in cancro, in fistula lachrymali, aliisque contagiosis affectibus, quod ipse acutissimus Hartsoekerus in epistola ad D. Andry evidentissimis observationibus comprobavit. In purpura dari pariter vermiculos legi possunt fel med. Francf. Tom. 1. p. 102. & 106. item Galizius T. 11. p. 50.

Easdem observationes habet Lancisius p. 341. in epidemia ab aëre verminoso.

## XCVII.

Cuilibet notum est dyssenteriam esse morbum contagiosum; verum in excrementis.

mentis dyſſentericorum videri poſſunt innumerabiles vermiculi. Vide Bonet. med. ſept. coll. p. 567. item D. Bono apud Valiſnerium, atque plures.

## XCVIII.

Aſt non tantum in ſtatu præternaturali; ſed etiam alias in ſtercore, & excrementis obſervatur indefinitus numerus animalculorum, ita Loewenh. paſſim, ſed præcipue in epiſt. ad Chriſtophorum Wren, item alia in epiſtola ad Robert. Hooke.

## XCIX.

Item obſervavit Valiſnerius Tom. III. p. 207. ſputum in pleuritide eſſe totum verminofum. Unde ratio patet, quare ſi in pleuritide, & peripneumonia expectoratio deficiat, exanthemata plerumque ſupervenire conſueverint; quia nimirum materia corrupta, & putrida, quæ per ſputum ſecedere deberet, ad ſanguinem reſorbetur, ſicque lege circulationis ad circumferentiam corporis propelli-

tur. Notatu dignissimum est, quod Doctissimus P. Lana in suo *prodromo all arte maestra* C. 8. p. 249. asserit, a se in omni insectorum sanguine observata fuisse minima animalcula verminosa, quæ si nigra in infectis appareant, mortem prænuncient. Item tales vermiculos dicit, a se observatos fuisse in omni re putrida.

## C.

Præterea dantur multæ aliæ observationes practicæ, ex quibus tanquam a posteriori materia contagiosa statui potest esse verminosa; norunt enim omnes practici, fere omnes similes morbos, uti §. LXXXI. jam demonstravimus, remediis contra vermes, seu anthelminticis tractari, & optime absolvi. Sic scabies, lues venerea, aliæque foeditates cutis promptissime mercurio obediunt. Talem contagiosam foeditatem cutis mercurio curatam vide sis *Ephemer. nat. C. ann. 3. p. 157.*

Sic Dovers: *legs d'un medecin à ja patrie* dicit, pruritus externum esse a vermiculis, quia aqua mercurialis juvat. p. 107. Item experimento didicit, ulcera depascentia, quæ variolis supervenire solent, optime curari mercurialibus; vide ejusdem tract. de variolis.

## CL

In febribus malignis mercurialia esse optima remedia. Vide comment. de rebus in med. gestis Tom. 1. p. 240. & alibi: sic Bianchini dragmam unam pro dosi cum syrupo, aut conserva appropriata ter aut quater de die propinabat.

## CII.

Fridericus Schreiberus observavit in febribus pestilentialibus mercurium cum camphora mixtum esse præ omnibus alijs remediis efficacissimum; etenim hoc modo mercurius a camphora ita cicuratur, ut impar sit movendæ salivationi, quod etiam Expertissimus Huxham observavit.

Europæi æquatorem transeuntes toto perferunt corpore intolerabilem pruritum, qui mercurio facile abigitur; hic autem pruritus dependet a pluviis verminosis ibidem copiose cadentibus. Ita des Landes in suo elegantissimo tractatu de ventis p. 303. huc referri possunt amuleta, quæ in peste, aliisque morbis contagiosis pro præservatione in usum vocari solent, quia constant ex mercurio & arsenico. Verum hoc tempore omnes practici norunt, quam proficius sit cortex peruvianus in omnibus malignis, & contagiosis morbis, in omnibus incurabilibus ulceribus tam internis quam externis, in gangrænam, aut sphacelum tendentibus; ast ostendi non potest alia ratione nisi virtute sua, quam possidet, anthelmintica hunc effectum exercere posse.

## CIII.

Corticem vero peruvianum esse summum anthelminticum vide A. N. C. dec.



2. obs. 123. Idem legere poteris in A. Erud. Lipf. Han. 1695. p. 386. Idem sentiunt Lancifius, Ramazzini, Werlhoff, alique, qui hoc remedio non tantum ad gangrænam, sed etiam in morbis contagiosis utuntur.

Quapropter legi meretur Clariss. Vatteri dissertatio de efficacia corticis peruviani in gangræna Wittenb. 1734.

## CIV.

Febres epidemicæ malignæ, quæ aliis remediis non cedebant, tollebantur cortice peruviano. Vid. comment. de rebus in scient. nat. & med. gestis vol. V. part. IV. pag. 666.

Eundem effectum expertus est in febribus malignis Clar. Apini in tractatu de morbis epidemicis. Sed nunquam evidentiùs corticis virtus alexipharmaca constat, quam ex observationibus Eruditissimi & Magnificentissimi D. de Haen; vide ejus rationem medendi.

Videntur itaque tam mercurius, quam cortex peruvianus in prædictis morbis contagiosis suam vim vermifugam & vermici- diam exerere, & hac ratione alexiphar- maca appellari possunt.

## CV.

Huc etiam referri debet illa notabi- lis observatio, quam habet Celeberrimus Bocconi in suo tractatu lingua etrusca edi- to, cui titulus: Osservationi naturali &c. osservazione 3<sup>ta</sup> p. 60. Dicit enim, in omnibus ulceribus, bubonibus petechiali- bus, aliisque contagiosis se deprehendisse innumerabilia animalcula, ubi adducit ca- sum cujusdam ægri, qui in externo cor- poris habitu laborabat pustulis seu tuber- culis plenis vermiculis; unde a Domino Baronio medico Paduano, ibique profes- fore meritissimo unctione mercuriali fana- batur, quem casum attestato latino con- firmat. Idem fere casus narratur a Do- mino Philippo Maffiero Chyrurgo Padua-  
no:

no: Erat ulcus in pede plenum vermiculis carni muscolosæ profundissime infixis; hoc ulcus tractabatur ordinariis traumaticis & anthelminticis, quibus alias vermes intestinales deleri & occidi solent; sed nihil proficiebat; quare judicat Doctissimus Valisnerius, tales fuisse diversos ab intestinalibus, adeoque unctiōne mercuriali, tantquam universali anthelmintico delendos fuisse. De morbo pediculari mercurio curato possunt multæ, & mirabiles historiae legi in Bibliotheca med. præct. Mangetti, item apud Schenkium, Bartolinum & alios; sed nil magis mirum, quam historia in operibus Cl. Valisnerii T. I. p. 339. allata de octuagenario, qui tanta pediculorum multitudine obruebatur, ut non tantum totum corpus, sed & lectus & vestes iisdem exundarent; a quibus ipse Clariss. Autor deducit, illam putridam & ulcerosam materiam ab eorum excrementis dependere.

Prætereo multa alia experimenta, quæ dein, dum de rubigine, de lue, seu morbis contagiosis brutorum, de variolis, scarlatina dicemus, adducentur. Superest, ut ostendamus, quod ex jam jactis de contagio, & putredine fundamentis, facilius, & expeditius, quam ex ulla alia de contagio opinione, multæ, & difficiles alias quæstiones, solvi & enodari possint.

## CVI.

Quare ad quæstiones superius propositas ex nostris principiis facile respondere possumus; sic in prima quæstione proposita fuit difficultas: quare a variolis variolæ, a peste pestis, a lue venerea lues venerea pariter contrahatur, & propagetur? idem dicendum est de aliis morbis contagiosis. Sicut enim ex certo vegetabilium semine certa planta, & non alia, ita ex certo contagioso miasmate certus, & determinatus affectus, & non alius evol-

vitur, & propagatur; quia unum sicut alterum ad primigenia illa semina reduci, & revocari debet.

## CVII.

Ex quo fundamento satisfieri pariter potest alteri quæstioni; quæ contagium hominum specie distinguit a contagio brutorum; item quæ brutorum contagia specie inter se differre asserit; sic lues bovina debet specie differre ab equina, ovili, canina, & aliis; quia non tam facile videre est, ut contagium unius speciei propagetur ad aliam speciem; sic videmus, canes & homines impune versari inter boves & oves lue affectas. Cui quæstioni ipse Divus Hippocrat. lib. de flatibus N. 8. satisfacere videtur, dicens: *differt corpus a corpore, natura a natura --- non enim omnium animantium generi eadem aut non conferunt; aut commoda sunt alia aliis magis convenientia.* Quando igitur aer ejusmodi inquinamentis plenus est, quibus humana na-

*tura offenditur, homines ægrotant; quando vero alteri cuiuspiam animantium generi aër inconueniens est, tum morbus illud genus corripit. Ex quo patet, quod alia sint semina in contagio, quod homines, & alia, quod bruta afficit; sed de his plura in sectione de rubigine dicemus.*

Ast, dices ex observationibus constat, contagia ab una specie in aliam speciem transiisse ut in ephemerid. dec. 2. ann. 7. obs. 192. Item cent. VIII. obs. 44. Item Silius Italicus de peste carthaginensi lib. 14.

*vim primi sensere canes, mox nubibus*

*fluxit deficiens penna labente volucris.*

Similem contagionem describit Dionysius Halicarnasseus lib. 9. quæ primo equorum, bovimque armenta invasit, mox pecudes, & alia quadrupedia aggressa est, dein pastores, & colonos attigit & totum Romanum agrum pervagata, urbem Ro-

mam

mam invalidit. Adeoque ex his, aliisque, quas hic præterire oportet, observationibus, videtur idem specie miasma contagiosum ab una specie ad aliam transiisse.

## CVIII.

Item quotidie fere in praxi observamus, unum miasma contagiosum cum altero conjungi, aut in alterum degenerare; sic sæpe videre est miliaria exanthemata cum variolis, morbillis, petechiis, aliisque conjungi, & eundem eodem tempore affligere ægrum. Item scabies, aut ulcera de repente ficcata, & retro pulsa in miliaria degenerare solent. Adeoque signum est, eandem esse ubique causam materialem, & secundum magis tantum & minus differentem.

## CIX.

Ad primum respondemus: hoc tempore vix aliquando aut saltem rarissime observari, luem ab una specie ad aliam transire; si tamen aliquid simile contingat,

gat, dicimus, non esse eandem specie causam materialem contagii sed aliam & specie diversam, quæ ex diversis causis corporibus communicatur, aut si illis jam inest, evolvitur, & in actum deducitur.

## CX.

Ad secundum respondemus: sæpe contingere, ut exanthemata miliaria præcipue cum variolis jungantur, aut easdem subsequantur; adeoque dicimus, talem causam materialem variolarum, & miliarium posse esse eandem specie, & posse etiam specie differre; si enim experientia constaret, quod a tali materia miliarium sive per inoculationem, infitionem, aut quacunque alia ratione alteri corpori communicata, non variolæ sed ipsa miliaria propulularent, in tali casu diceremus, hanc materialem causam miliarium esse specie diversam a variolosa, adeoque propria ejusdem feminia in corpore jam latuisse, & tandem per diversos motus febriles

evo-



evoluta esse, quemadmodum hoc videmus in pleuritide, & peripneumonia, aliisque, quæ non discutuntur, inflammationibus fere quotidie contingere.

Si vero constaret, quod hæc materia miliarium, quacunque ratione alteri corpori communicata, tandem in variolas degeneraret, in tali casu nos diceremus esse eandem causam materiale, & quidem variolosam; adeoque differentiam nullam intercedere nisi quoad ipsam faciem extrinsecam, quæ speciem mutare non potest. Hæc vero differentia extrinseca derivari potest primo a tempore morbi, quo in conspectum venire solent exanthemata, secundo a loco, in quo talia propululare consueverunt; quoad primum, notum est practicis, exanthemata miliaria supervenire ægris, a variolis tanquam principe morbo vix non jam exhaustis, ubi inquieti humores jam deficiunt; adeoque deest humidum, ut in tantam eleventur

tur molem. Interim hæc differentia dependere potest etiam a loco, seu a vasis, in quibus talium humorum stases contingunt; clarissimam instantiam habemus in materia contagiosa venerea, quæ pro diverso tempore morbi, & loco, etiam diversam faciem externam repræsentat, sic in principio gonorrhææ alba, dein flava, tandem, si diutius duraverit, & virulenta evaserit, viridis conspicitur; item aliter se habet illa materia venerea, quæ in facie, aut membro virili per modum ulcusculorum videtur, quam illa, quæ diversas glandulas per modum bubonum, ut in inguine occupat. His non obstantibus, est tamen eadem specie materia venerea.

Hoc ipsum videre est in furunculis, qui variolis quandoque supervenire solent, & ægris plus molestiæ, quam periculi inferunt; nam suppurati, & aperti magnam  
ma-

materiae purulentæ quantitatem fundunt. Hanc autem materiam furunculorum nihil esse judicamus, quam materiam variolosam a suppuratis variolis per vasa absorbentia peripheriæ corporis ad massam sanguinis delatam, atque una cum humoribus circumferentem, & per modum criseos ad superficiem corporis depositam; si enim isti furunculi, qui variolis superveniunt, & eorum pus, quoad externam tantum faciem considerentur, vix aliqua observari poterit differentia ab aliis furunculis, qui a materia variolosa non dependent, cum tamen specie inter se differant; nam a primis judicamus variolas ultro propagari posse, quod ab aliis fieri non poterit. Igitur quemadmodum nec in animalibus, nec in vegetabilibus aliqua levis externa differentia, aut similitudo speciem constituit, aut variat; idem dicendum erit in nostro casu. Etenim experientia constat eadem specie vegetabilia, & animalia  
propter

propter diversitatem loci, & aëris diversam aliquantum faciem præferre.

## CXI.

Verum si quis laboraret, ut nostris dictis assentiatur, facilius concipiet varias in materia contagiosa occurrentes mutationes, si perpenderit rite mirabiles metamorphoses, quas in minimis insectis, quinimo & in vegetabilibus contingere observamus; poterimus propter quendam analogismum multa phænomena de contagio in genere, & in particulari resolvere, & dilucidare. Sic in animalibus videmus multas, & mirabiles metamorphoses sæpissime evenire; quemadmodum vermiculi, qui frumenta, & circumposita tabulata exedunt, fiunt tineæ volantes, istæ deponunt multa ova, ex quibus dein prædicti vermiculi evolvuntur. Pulices ponunt ova, ex his prodeunt vermes, & ex vermibus pulices. Item varia erucarum genera transformantur in muscas, & ex ha-

rum

rum muscarum ovis itidem erucæ evolvuntur, quam plurima alia fiunt Nymphæ, chrysalides, quorum aliqua citius, alia tardius evolvuntur; sic dum aqua, aut aliud fluidum putrefit, diximus evolvi quam plurima animalcula, quæ, successive dum adolefcunt, adfcitis alis, in aëre suum quærunt domicilium.

Item constat ex obs. Valisneri, vermes equorum in chrysalides, & has in muscas degenerare. Plures fimiles metamorphoses legi possunt apud Clarissimos Loewenhæk, Schwamerdam, Reaumur, Lesser, sed præcipue in elegantissimo tractatu expertissimi Domini Gœdart gallico sermone edito.

## CXII.

Ast tales metamorphoses legimus etiam in antiquissimis autoribus, ut Aristot. & Ovidio. sic Aristot. L. V. H. A. CXIX. *longo post tempore putamine rupto avolant*



rius generis infecta degenerent; sic omnium, qui observationibus microscopis operam navarunt, repetitis experimentis constat, quod semen ante pubertatis annos animatum, seu vivis vermiculis refertum, non observetur; cum tamen hoc ipsum semen in genitore, a quo derivatum erat, multos ante annos animatum fuerit; adeoque signum est, tales vermiculos, sive sub specie nymphæ, sive ovulorum, diu delitescere, antequam animentur. Idem observamus in miasmate v. g. pestilentiali, venereo, podagrico, hydrophobico, aliisque, quæ diu inertia, antequam evolvuntur, latere possunt.

## CXIV.

Observamus tertio, quod animalia bruta majora devorent minora; quin imo hoc ipsum observamus etiam in minimis; sic vermiculi, qui microscopio in tartaro dentium observantur, delentur a vermiculis acetis vide Loewenh. Arcana nat.

detecta p. 43. Talia plura apud prædictos clarissimos autores legi possunt. Quinimo talem antipathiam intra multa vegetabilia videmus. Act. Erud. Lipf. 1689. p. 343.

## CXV.

Observamus quarto, quod quædam insecta deponant sua ovula ad corpus aliorum animalium, ibidem fovenda, ac tandem evolvenda, quæ ratio aliquibus imposuit, ut crederent, unum animal in aliud mutari, cum tamen nonnisi fœtum, & nidum pro evolutione præstiterit; sic dantur quædam muscæ, quæ equis ad anum deponunt femina, quæ, dum ibidem evolvuntur sub specie vermiculorum, se in intestina insinuant. Vide Reaumur Tom. IV. p. 11. m. XII. Item est genus muscarum, quæ ichneumones vocantur, istæ deponunt ovula ad corpus aranei, & erucarum; talia ova pariter ibidem foveantur, & excluduntur, sed ut breviter efferam, quod



quod omnes norunt : nimirum vix aliquod animalium genus esse, in quo & ex quo non propululent diversa insectorum genera ; quin imo ipsa insecta habere alia insecta a supradictis clarissimis autoribus demonstratum & omnibus notum est. Ast nihil in natura mirabilius invenio, quam quod Nieremb. hist. nat. exot. lib. X. cap. 14. affert ; asserit enim, dari in Brasia certum avium genus tuputa dictum, quæ vivæ totæ vermibus farciuntur, has pro carne habent, his singula membra imbuta sunt, præter ossa & pellem nihil carneum habere videntur, cutem densis exornatam pennis perforare non observantur. Unde in omnibus his & similibus casibus admittere debemus talia seminia ibidem deponi, aut jam illis inesse, & suo tempore ibidem evolvi.

## CXVI.

Tandem quinto observamus, in eodem solo diversæ speciei vegetabilia evolvi, &

crefcere; item conflat, ejusdem speciei vegetabilia habere alias species fibi fubordinatas; fic dantur diverfa poma, pira, cerafa, mala, funt enim alia dulcia, alia acida, alia vinofa &c. quin imo obfervantur etiam in vegetabilibus diverfæ contingere metamorphofes; fcilicet quasdam antiquitus cognitæ plantas nunc defiderari, novas vero & alias incognitas exoriri, & quandoque degenerare A. E. Lipf. 1686. & 1687. p. 106. Ipfe Eruditiffimus & in botanicis acutiffimis Linnæus admittit non tantum in animalibus, fed etiam in vegetabilibus species fpurias, feu hibridas, quæ habent propria feminia, ut diutius in natura perdurare poffint. Talis eft v. g. peloria, quam ex linaria derivat, dum nimirum stigma linariæ alterius plantæ femine confpergitur.

## CXVII.

Notabilis degenerationis vegetabilium cafus legebatur in publicis ephemeridibus  
anni

anni 1758. nimirum grana avenæ fata in verum triticum degenerasse, quod taliter contigisse fertur: Pauper rusticus in æstate avenam seminavit: hic ut sua armenta pasceret, virides in eodem agro protuberantes prominentias refecuit, quod fere singulis quatuor aut quinque hebdomadis ad ternas usque vices repetiit; sicque suo tempore non avenam, sed verum triticum magna cum sui admiratione collegit.

Idem experimentum, & eodem modo & cum eodem effectu probatum fuit in Hollandia Harlemi a Domino Sympson confiliario, & pro illo anno societatis scientiarum ibi erectæ Præsede.

### CXVIII.

Interim si experimentum, ut nobis oblatum erat, ita se habet, haud credidero, semina avenæ in verum fecale degenerasse, aut mutata fuisse, sed si mihi liceat conjecturare, crediderim potius in uno semine sæpe, aut saltem aliquando contine-

ri plura alia femina specie diversa, pro diversitate circumstantiarum quandoque evolvenda. Hoc docent morbi hæreditarii, ubi in femine humano eorum etiam femina continentur. Sic femina v. g. tritici cætera saluberrimi, si sint in vicinia alterius tritici rubiginosi, confestim inficiuntur miasmate rubiginoso, ut, si talia feminentur, triticum exinde rubiginosum evadat. Idem dicendum est de illis insectis, ut tupa, quæ verminosa oriuntur & vivunt. Item constat, grana chermes nihil aliud esse, quam cumulum vermiculorum. Grana seu femina piperis videntur pariter in se continere femina vermiculorum, quia macerata in aqua copiosissima talia exinde evolvuntur. Unde non immerito videtur Buffonius opinari, omnia vegetabilia esse animata.

## CXIX.

Ex his, aliisque similibus observationibus, quæ tam in regno animali quam in  
vege-

vegetabili evidenter contingere videmus, possunt propter paritatem rationis multa corollaria, quæ ad enodandas quam plurimas & difficillimas de contagio quæstiones infervirent, deduci; ut si quæras.

## CXX.

Quare miasmata maligna tamdiu inertia persistere valeant, ut in hydrophobia, podagra, lue venerea, aliisque similibus observare est? quæ multos annos innocua, & inertia in corpore latere, & tandem multos post annos feris in nepotibus in actum deduci & efflorescere videmus; quin imo exinde explicari potest, quomodo certi morbi contagiosi, ut lepra, variolæ, lues gallica per multa secula filere, aut saltem vix sensibiliter se explicare valeant: etenim ex nostra, quam struimus sententia, certum est, omnia morborum contagiosorum semina ab initio creationis jam extitisse, & probabiliter primis seculis, quamvis nullam eorum memoriam,

si pestem excipiamus, habeamus, tam funesta, quam nunc sævitie genus humanum afflixisse; tempore autem Hyppocratis, & luem gallicam & variolas vix sensibiles fuisse; ita ut adhuc dubitem, an hæc Divo Hippocrati nota fuerint, nec ne. Sicut enim lepram, elephantiasim rarissimum morbum hoc tempore dicere debemus, qui tamen priscis temporibus, ut patet ex sacris literis & Hipp. communissimus erat affectus; ea propter etiam auctores vix hoc tempore de ejus cura solliciti esse solent; Idem dicendum erit de variolis, & lue venerea tempore Hippocratis; si enim tunc isti morbi, ut nunc sæviissent, vix credibile esse potest, ut solertissimus Hippocr. qui alios morbos tam accurata ratione descripsit, hunc principem & tam funestum morbum vix superficialiter tetigisset.

## CXXI.

Experientia itaque docet, lepram, quæ quondam communissimus fuit morbus, hoc tempore ita deficere, ut vix ejus supersint vestigia. Item constat, quod lues venerea, quæ in sui exordio tam contagiosa, funesta & plerumque lethalis fuit, nunc potius cum incommodo, quam cum periculo sua decurrat tempora; nam primis illis temporibus quam citissime pervadebat, & corrumpebat omnia membra, quæ nunc genitalium sede contenta per modum gonorrhææ suum absolvit decursum; neque enim hoc tempore tam facile contingit, nisi præpostere tractetur, ut reliqua aggrediatur membra. Unde sperandum est, fore, ut brevi hoc malum, uti ante plura sæcula, fileat, aut saltem insensibiliter gliscat, quod jam dudum in votis & in auguriis erat expertissimi Astrucii.

## CXXII.

## CXXII.

Talia decrements observantur pariter  
in aliis, ex quibus vulgo dicimus, naturam  
in suis operibus deficere; sic legimus Es-  
dræ Lib. 4. C. 5. *considera ergo & tu  
quoniam minori statura estis præ his, qui an-  
te vos; & qui post vos; minori quam vos,  
quasi jam senescentes creaturæ,*

Item Juvenalis, & Homerus 1. &  
12. Iliade.

*Nam genus hoc vivo jam decrescibat  
Homero,*

*Terra malos homines educat atque pu-  
fillos*

Item Lucretius.

*Jamque adeo fracta est ætas, æffæta-  
que tellus,*

*Vix animalia parva creat, quæ cuncta  
creavit.*

*Sæcla, deditque ferarum ingentia cor-  
pora partu.*

Item



Item ante Hippocratem, & medente illo, corpora tanto pollebant robore, ut illis non tantum integris & sanis, sed etiam ægris veratrum sine omni noxa propinaretur; ast jam Galleni tempore robur illud decrescebat, & Gallenus ipse textu 29. & sequentibus conqueritur, miraturque, veratrum ab Hippocrate febrientibus præstitutum fuisse, dicens: *nos vero neque integro homini dare audemus.*

## CXXIII.

Hæc & similia plura non aliunde facilius quam a successiva feminis evolutione intelligi, & comprehendere possunt; etenim aliqua eorum, uti jam superius diximus, citius, alia tardius, ordine a Creatore præstabilito evolvuntur; alia vero propter nimias & frequentes evolutiones decrescunt, aut plane jam desiderantur. Unde ratio reddi potest horum, quæ a medicis practicis in morbis contagiosis observantur; sic Sydenham observat, quod morbi epidemi-

demici contagiosi suis sub initiis soleant furere, tandem vero successive decrefcere. Quod Plinius Lib. 7. C. 16. quam optime expreffiffe videtur, dum ait: *in plenum autem cuncto mortalium generi minorem in dies fieri, propemodum obfervatur: varosque Patribus proceriores confumente ubertatem feminum exuftione, in cujus vices nunc vergat ævum.*

Hoc experiuntur coloni in feminibus vegetabilium &c. vide §. CXXVI.

### CXXVI.

Pofuit enim adorabile & omnipotens Numen, quemadmodum omnibus creaturis in earum mutationibus, ita vel maxime omnibus feminibus flatas, & præftabilitas quasdam leges, ut aliqua earum longe citius, alia tardius evolvantur, & in actum deducantur, nam fuperius jam oftendimus, omnia femina tum animalium, cum vegetabilium, quæ hoc tempore evolvuntur, in primis illis jam feminibus a Deo creatis

contenta fuisse. Ast quare hæc femina non jam ante mille & plures annos fuerint evoluta, aut quare non aliquot seculis tardius, vix alia, nisi quam nos adduximus, ratio reddi potest. Acutissimus Hartfækerus credit, quod feminum successiva extricatio, & evolutio ex primigeniis suis feminibus se habeat, ut fructus ex suis arboribus, quorum primo illi, qui maturiores sunt, decidere solent.

## CXXV.

Ex supra dictis observationibus facilius etiam concipi potest, quare unum miasma contagiosum videatur sæpe in aliud degenerare, aut cum alio conjungi, aut per modum cujusdam antipathiæ alterius consortium abhorreere; sic non una vice vidi, præsentibus variolis scabiem fugatam fuisse, aut dixero potius filuisse; nam dissipatis variolis postliminio scabies rediit, & eadem pertinacia, ut prius, ægros affligere solebat.

## CXXVI.

## CXXVI.

Hoc ipsum experti ruricolæ in vegetabilibus, & animantibus observant, quod in sylva funditus excisa & deleta non amplius ejusdem speciei, ut prius, sed alterius vegetabilia propululent.

Item quod peregrina sive semina sive animalia in alienas terras allata successive degenerent, decrescant.

Pariter ex his ratio reddi potest, quomodo lues brutorum in homines, & vicissim, aliquando transire dicatur, quod factum fuisse in ephem. Dec. 2. ann. 7. obs. 192. p. 363. item cent. VIII. obs. 44. p. 319. & alibi legimus. Exempla hæc credo oppido rara sunt, si tamen aliquando observantur, non erunt eadem specie semina morbi contagiosi sed alia, & specie diversa, uti hoc superius jam insinuatum erat. Item facile concipere possumus, quare ipsa contagia videantur quasi a seipsis aliquando differre; sic ob-

fer-

vationibus constat, unam pestem alterius esse genii ab altera, & diversam medendi methodum requirere; etenim §. CXVI. jam diximus, in vegetabilibus inveniri diversas species subordinatas ad eandem speciem reducibiles.

## CXXVII.

Tandem patet ratio, quare non semper, dum tempestas humida pluviosa, & nebulosa dominatur, morbi contagiosi grassentur, quia aer humidus non semper secumfert semina verminosa, & quamvis diceremus, quod semper talia secumferat; erunt tamen ut plurimum talia, quæ machinæ humanæ communia & familiaria sunt, ut hæc nullum ex his detrimentum expectandum habeat; sic quotidie & quolibet vix non momento temporis quam plurima muscarum, aliorumque insensibilium insectorum ovula cum aëre esculentis & potulentis absque omni sanitatis detrimento deglutimus; item videmus bruta myriades animalculorum &

ovulorum una cum diversis liquidis stagnantibus ex cloacis pariter sine sensibili sanitatis dispendio haurire. Clariss. Loewenh. in suis arcanis naturæ rationem hujus observationis fundat in eo, quod credat talia animalcula, & feminia non transire ad sanguinem; verum pace tanti viri dixerim, potius hoc contingere, quia talia ita familiaria & homogenea humoribus redduntur, ut corporibus tam facile nocere non valeant.

Hujus asserti ratio fundatur in aliis observationibus; sic notum est, Turcas, Persasque ad unam alteramve drachmam opii ferre posse, quod nostratibus ad unum alterumve granum exitiale esse potest.

### CXXVIII.

Ex quibus colligimus, quod feminia, quæ morbis contagiosis inducendis paria sunt, debeant esse quasi exotica & peregrina, nostrisque humoribus heterogenea & infesta; sive hæc ab externo ad-

veniant, five in nostro corpore jam præ-  
existentia a certis causis evolvantur, &  
in actum deducantur.

## CXXIX.

Ex antea dictis ultro colligimus, qua-  
re morbi contagiosi ad certum tantum gra-  
dum in illo, quodprehendunt, subiecto  
multiplicari soleant, quamvis in aliis fere  
fine fine multiplicari & propagari possint;  
sic videmus, variolas in illo, qui illis la-  
borat, ad certum tantum numerum multi-  
plicari, quamvis illæ in aliis subiectis ul-  
tro multiplicari possint. Cujus ratio ex  
jam dictis sumi potest, quod talia semina  
corpori, quod iis afficitur, jam familiaria  
reddi videantur; alias talis variolarum  
multiplicatio, & evolutio fine fine in eo-  
dem deberet succedere corpore.

Et hæc forte unica est ratio, qua-  
re is, qui semel variolis laborat, ab  
eis imposterum plerumque liber degere  
observetur.

## CXXX.

Huc etiam potest referri illa notabilis observatio, qua constat, quod illi, qui lue celtica, aut Gonorrhæa sæpius laborarunt, quamvis per apposita remedia sanitati restituti esse videantur, tamen miasmatis venerei reliquias inscii in sinu suo foveant; quia si hi uxorem, de cujus pudicitia certo constat, ducant, contingit, ut uxor prædicto afficiatur contagio, sano persistente aliquamdiu marito, qui, dum eadem in se perſentit incommoda, credit imaginaturque sibi violatam ab uxore fidem; uxor vero suæ conscia innocentiae causatur hujus nefandi criminis maritum. Ex quo dein tot jurgia, tot trices inter matrimonio junctos exurgere consueverunt; similia videri possunt apud Fonsecam, Mercurialem, Fernelium, item Rejes camp. elys. jucundarum quæst. 60.



Hoc autem non nisi ex nostris principiis deduci & concipi potest ; quia talia miasmata venerea marito ita iam red-dita sunt homogenea & familiaria , ut fa-nitatem non lædant , quod ita se non ha-bet respectu uxoris.

## CXXXI.

Tandem quæstioni quartæ, quare ni-mirum materia contagiosa sit tam facile communicabilis, & multiplicabilis? vide-mur pariter ex jam dictis satisfecisse, dum ostendimus, hanc materiam ex suis femi-niis evolvi, & multiplicari ac ultro pro-pagari eadem ratione, qua vegetabilia propagantur, & multiplicantur; ostendi-mus autem, in unico femine contineri in-numerabilia alia evolubilia, atque omnia, quæ ad hæc usque tempora in rerum na-tura extiterunt, in primigeniis illis femi-nibus contenta fuisse ; quæ omnia per-quam apposite nostræ quæstioni applicari possunt.

## CXXXII.

Nihil vero evidentius ex nostra sententia deducitur, & majore cum fundamento ostendi potest, quam causa, cur, & quomodo humores nostri corporis cætera sanissimi, si vel a minima alicujus contagii scintilla afficiuntur, extemplo infici, & conspurcari soleant; ut medici practici sæpe mirentur v. g. in variolis brevissimo tempore sanguinem fieri spissum, & lardaceum, qui paulo ante sat laudabilis esse videbatur. Si enim illa, quæ superius de aqua nuceriana corrupta & de aqua mari vecta & putrida reddita diximus §. LXXIII. in memoriam revocemus, ratio eorum, de quibus hic quaestio est, facile reddi poterit; sicut enim aqua nuceriana alias limpida & insipida, si putida fiat, nauseosa, foetens & turbida evadit; idem dicendum est de humoribus nostri corporis putrescentibus; quia sicut prædicti effectus in aqua nuceriana

riana putrescente ab innumerabilibus animalculis evolutis, eorumque ovulis & excrementis dependent; ita etiam admittere debemus, quod humores nostri corporis putrescentes a diversis animalculis evolutis, & ab his copiose depositis excrementis, & ovulis inficiantur, & conspurcentur, sicque propter hæc heterogenea ipsis immixta corpora inepti ad liberam circulationem reddantur.

## CXXXIII.

Hoc ipsum pro dolor! omnes medici practici in infantibus, vermibus intestinalibus affectis quam evidentissime observant, & nobiscum fateri debent, quod illa febricula, quæ in talibus casibus miseros infantes depascitur, dependeat ab illis vermium excrementis ad intestina depositis, & magnam partem ad massam sanguineam delatis, quæ ibidem tanquam corpora heterogenea sanguini mixta; partim stimulo, partim minus proportionato suo vo-

lumine motus febriles excitant, & liberam humorum circulationem interturbant; talia heterogenea corpora a viribus vitæ, seu oscillationibus vasorum conquassantur, atteruntur, si fieri potest, digeruntur, coquantur, ut per unam alteramve viam evacuari possint; illa vero, quæ in minimis vasis peripheriæ corporis subsistunt, sub specie diversarum efflorescentiarum, seu exanthematum, in conspectum veniunt, quæ exanthemata, cum nihil aliud sint, quam miasma, seu aliquod congestum verminosum, facile concipi potest, quare sint communicabilia, & multiplicabilia; & ut alias dici solent, contagiosa.

## CXXXIV.

Hic posset difficilis, in qua non omnes conveniunt, proponi resolvenda questio, an nimirum putredo, & contagium sua semina ab externo semper adipiscantur, an vero talia ipsis corporibus insint, & data occasione aliquando evolvantur?

## CXXXV.

## CXXXV.

Nostra hac super quæstione est opinio, talia semina non semper advenire ab externo, sed ipsis corporibus inesse, & si requisitæ circumstantiæ adsint, sæpe evolvi & propagari. Hujus asserti ratio est primo: quia microscopia docent, quod fere in omni liquido, & solido, putrescentibus, alia quoad figuram, magnitudinem, partiumque constituentium diversitatem observentur animalcula; sic alia videntur esse in vino & aqua, & alia in aceto; item alia in maceratione piperis, quam in granis v. g. frumenti, aut alterius cujusque solidi vegetabilis. Idem dicendum est de aliis.

Item experientia constat, quod, si prædicta vegetabilia macerentur in aqua, longe plura, & diversa, quam in sola aqua, observentur animalcula, adeoque signum est, quod talia semina verminosa jam cuilibet vegetabili insint.

## CXXXVI.

Hic posset aliquis dubitare, qua ratione ipsis vegetabilibus infint? Nos respondemus, talia feminia verminosa fere eodem modo inesse ipsis vegetabilibus, uti superius diximus, illa inesse ipsis lacubus exsiccatis, quæ adveniente humido animantur, & multiplicantur, ut superius jam dictum est.

## CXXXVII.

Ex quo fundamento jam ipse Doctissimus Buffonius indicavit omnibus vegetabilibus inesse quandam materiam animatam (*certaine matiere animée*: cujus ulterior ratio desumitur ex experimentis CL. Woodwardi, aliorumque supra nominatorum Authorum; ex quibus constat, quod liquidum aqueum, dum ad putredinem disponitur, exhibeat aliquam materiam viridescentem, quæ ex illorum observationibus nil aliud est, quam congeries minimorum animalculorum, eorumque

que ovulorum ; & quod hæc materia viridescens inferviat pro nutrimento & augmento plantarum. Quapropter quilibet ex hoc unico experimento facile comprehendet, omnibus vegetabilibus inesse aliquam materiam animatam, a qua nutriuntur & augentur ; iisdem enim constare debent, quibus nutriuntur.

### CXXXVIII.

Item experientia cuilibet est nota, quod materia putrida sive animalium, sive vegetabilium, tum pro nutritione, cum pro fructificatione vegetabilium plurimam conferat symbolam, quæ materia putrida, ut jam ostendimus, ferta est feminiis verminosis ; ex quo iterato constat, vegetabilibus talem materiam animatam inesse debere. Accedit, quod diversa vegetabilium producta, ut grana, chermes, cochiniliæ &c. nil aliud sint quam feminia verminosa. De his & similibus legere poteris B. L. Needam. p. 99. Rayum de hist.

hist. plantarum Lib. XXV. C. 6. de ilice.  
Item Henricum Baker p. 81. 79. 90.  
aliosque jam superius nominatos autores.

## CXXXIX.

Item hoc ipsum de tupa jam diximus. His, quæ de causa materiali contagii in corporibus jam latentis dicta sunt, possunt illi mirabiles effectus, qui a terrore aut forti imaginatione sæpe dependere observantur, adjungi. Similes observationes apud quam plurimos Authores legi possunt; ego ipse, a terrore & forti imaginatione variolas, aut alium affectum contagiosum exortum fuisse, sæpe observavi, sed ut alias observationes, quæ quidem mihi, sed non aliis notæ sunt, præteream, unicam adducam.

## CXL.

Casus, qui Excellentissimam piæ memoriæ Dominam Comitem de Millesimo, natam Comitem de Corschenski in flore juventutis non pridem hic Viennæ denatam,



tam, concernit, est longe majore admiratione dignus, quam quisque alius: Hæc Nobilissima Domina tanta vehementia & inopinate impegerat in canem, ut in terram prolaberetur; exinde terrefacta statim male valebat, dixitque se morituram, eo quod ante aliquot annos illi mors ex fortuito casu propter canem prædicta fuisset; quod etiam proh dolor evenit; nam corripiebatur febre maligna exanthematica, & mortua est. Si de his, similibusque casibus ex jam datis de contagio regulis ratiocinari licet, hoc quidem facile evinci potest, quod causa materialis talis contagii in corpore jam lateat, sed qua ratione a terrore aut forti imaginatione in actum deducatur, majoris est momenti.

## CXLI.

Si vis imaginationis versatur circa aliquod determinatum exanthema, ut graffantibus variolis circa variolas; tempore pestis circa pestem, & sic de aliis, tunc  
faci-

facilius mirabilis ille effectus concipi poterit; quia tunc certum mentis sensum, seu certam ideam sequitur certus motus in nostro corpore & in spiritibus; ut hoc clare in nævis maternis apparet, adeoque prædictus motus dirigitur ad illa feminia, de quibus est illa fortis idea & non ad alia; adeoque hæc commoventur, & in actum deducuntur; & non alia. Verum major est difficultas determinandi, quomodo hoc fiat, si imaginatio circa nullum simile exanthema versetur; ut sit a repentino lapsu, casu, magno strepitu, explosione inopinata tormentorum &c. si huic quæstioni respondere debeamus, dicimus, quod in tali casu, illa feminia, quæ evolutioni sunt magis propinqua & vicina præ aliis commoveantur & efflorescant.

## CXLII.

Diximus enim superius, diversa feminia corporibus jam inesse, quia alias  
ef-

effet inconceptibile, quomodo fiat, ut consanguinei multis miliaribus ab invicem distantes eodem tempore, & eodem afficiantur contagio. Casus similis funestus ante triginta circiter annos hic loci contigit, & Nobilissimam familiam Dominorum Comitum de Curland prehendit, & funditus pro dolor! delevit; nam quinque horum Nobilium adolescentum diversis in prædiis multis leucis ab invicem distitis commorantium eodem tempore, & eodem morbo, scarlatina maligna, infestabantur, & conficiebantur.

Similem casum legimus in Mangetti Bibliotheca practica de variolis; ubi frater Genevæ, soror vero ejus Hafniæ eodem tempore variolis laborabant.

### CXLIII.

Ex quibus diversa possumus formare corollaria; v. g. notum est animalia maximam partem nutriri & augeri vegetabilibus, aliisque putridis aut ad putred-

dinem dispositis; adeoque debere pariter  
ipsis animalibus plurima inesse seminia ver-  
minosa, iisdem enim constamus, quibus  
nutrimur, quæ data occasione sobolesce-  
re possint; quod patet si intime confide-  
rantes animalcula feminis masculini, de-  
super ruminemur, eorumque in originem  
indagemus, debebimus necessario admit-  
tere, vel quod talia producantur in nostro  
corpore de novo, quod supradictis con-  
trariatur; vel quod ex seminiis in nostro  
corpore existentibus evolvantur. Qua-  
propter mirari non debemus, corpora no-  
stra ad putredinem ita esse prona & dispo-  
sita; quod perspicacissimus ipse Boërha-  
vius T. II. operum chemicorum nobis  
cum sentire videtur, dicens: *omnis igitur  
materies corporea, quæ quondam constitue-  
bat corpora animantium, quæ unquam exti-  
terunt, in aërem rapta fuit; si cadavera ure-  
rentur illico, si in campis detenta fuerint,  
lentius, si sepeliebantur adhuc tardius, at-*

*tamen tandem eo exhalaverunt. Quid ergo miri si & inde iterum pabulo antiquo congener materia corporibus idonea alimenta præbeat inde rursus nascituris.*

## CXLIV.

Ex quo colligimus hanc materiem putridam, & animatam transire ab uno corpore ad alia. Item colligimus talem materiam animatam ad putredinem dispositam ipsis corporibus jam inesse. Hoc clarius videmus in pleuritide, peripneumonia, aliisque similibus affectibus ad putredinem humores disponentibus, si enim in tali casu illud, quod restagnat non discutitur, aut per sputum evacuetur, tunc semper magis corrumpitur, & putrescit, tandemque ad massam sanguinis reorbetur, & ad peripheriam sub specie exanthematum propellitur, in quo casu, si copiose, & plenarie talis eruptio contingat, per modum metastasis a parte nobiliore ad mi-

nus nobilem, fit cum euphoria; fecus vero succedit, si paulatim, diversis temporibus, alia semper recens fiat eruptio; tunc enim signum est a parte affecta, & suppurata talem materiem corruptam continuo decedere, & ad massam sanguineam, atque ad peripheriam deferri; ex quo per intervalla febris augetur, vires minuuntur, morsque his laboribus succedit. Ex quo patet, quod hæc materia putrida, & animata in corpore generetur, & non aliunde adveniat. Hoc ipsum videmus sæpe in morbis calidis acutis, in quibus exanthemata evolvuntur. Hic unicam & notabilem in praxi medica observationem attingere debeo; quod nimirum ex mox antea dictis pateat ratio; quare illi præ aliis in morbis acutis periculosius decumbant; diversisque exanthematibus obnoxii sint, qui diveria, multiplici, & pretiosa ciborum, dapiumque miscella utuntur.

Plura alia ex nostra de miasmate verminoso sententia deduci & exponi possent, quæ ne dissertatio in librum excrescat, missa facimus; quorum plura inferius de rubigine attigisse juvabit. Interim hoc nostros alleviat labores, quod ex his principiis diversa arcana naturæ alias imperscrutabilia, concipi, cognosci, & dilucidari possint; quorum plura posterior aperiet ætas.

## CXLV.

Verum dices, quid ergo commodi, & emolumenti in Republica ex hac ita exaltata de contagio sententia expectandum & sperandum est? Resp. multa exinde Reipublicæ commoda derivanda esse; nos ennumerabimus principaliora, minora quisque sibi imaginari poterit.

## CXLVI.

Primum commodum, quod salutem generis humani concernit, aperte patet

ex tot jam captis observationibus, & experimentis, quibus videmus morbos contagiosos, & putridos optime & efficacissime a remediis anthelminticis cicurari & tolli, de quibus jam superius §. CV. dictum est; ex quo sperandum est fore, ut imposterum efficaciora, & certiora quam hucusque factum est, antidota adinveniantur, & approbentur, quæ ipsum miasma contagiosum immediate attingant, infringant, aut plane destruant. De qua indicatione proh! dolor in praxi medica hucusque altum semper est silentium. Tota enim nostra cura in morbis contagiosis versatur tantum circa symptomata, seu effectus, qui a prædicto miasmate contagioso dependent, derelicta plane intacta principet alium morborum causa. Sic si v. g. variolis laboranti, aut laboraturo mederi volumus, respicimus tantum illam, quæ adest, febrem, ingentes calores, & universalem quasi inflammationem, aliaque  
fimi.



similia symptomata; ex quibus indicationes formantur, ut febris moderetur, calor temperetur, & inflammatio tam per venæ sectiones, quam per copiosa & appropriata diluentia discutiatur, interim de miasmate varioloso omnes has turbas excitante nulla fit mentio, aut indicatio. A spina digito, aut alicui alteri parti infixa, fit pariter dolor, rubor, ardor, & inflammatio illius partis; in hoc casu nunquid tutissima & brevissima procederemus via, si prædicta spina extrahatur, aut destruatur, & iners reddatur; si vero intacta, & infixa relicta spina, parti inflammatae mederi vellemus, utique a sana recederemus indicatione? Eodem sane modo procedendum esset cum miasmate quocunque contagioso, quod generi nervoso & vasculoso infixum, & hærens prædictas in nostro corpore excitat turbas; deberet enim aut destitui, aut ad aliquem locum pro ejusdem evacuatione, & ex-

pulsione determinari. Aut, si hoc fieri non possit, ejusdem evolutio, & multiplicatio impediri. In his deberemus primo, dein in illis, quæ symptomata respiciunt, esse intenti. Verum quam parum hac in parte ad hæc usque tempora profectum sit, quisque rerum medicarum peritus non ignorat; interim æterna memoria dignissimus Boërhavius in tractatu de variolis, quasi ad miasma verminosum respexisset, tale remedium specificum, quod miasma verminosum immediate attingeret, in principibus anthelminticis seu in antimonio & mercurio, quærendum esse judicavit, aliisque in hoc indagandi aperuit viam, cujus sapientissimi consilii ratio non nisi in illorum eximia virtute vermifuga, & vermicidia fundari, & conquiescere potest.

## CXLVII.

Ex hoc exurgit secundum emolumentum in praxi medica bene notandum, &

ob.

observandum, quo docemur, quale quoad frigus, & calorem regimen in morbis acutis contagiosis tenendum. Nam quidam practicum solent similes ægros nimio fere suffocare calore, sicque humores inquilinos, & laudabiles exprimere, & expellere. Alii vero nimis audacter ægros libero exponunt aëri, sicque & morbum, & periculum augent. Ex nostra vero sententia optima patet methodus, quam in similibus casibus observare debeamus, etenim superius jam diximus, tam vegetabilium quam animalculorum evolutionem, & multiplicationem per diversos caloris gradus augeri & minui posse. Sic diximus non tantum sub æquatore, sed etiam in nostris regionibus pluvias calidas & flantibus austris cadentes esse verminosas, quales non sunt, si frigida, & flantibus septentrionalibus ventis decidant.

Item experientia constat, pestem, quæ urgentibus æstivis caloribus nimium

multiplicatur & propagatur, appropinquante hiberno frigore deficere aut plane filere.

### CXLVIII.

Unde ex his tria in praxi bene observanda deduci debent: Primum; quod gradus caloris cubiculi, in quo æger febre acuta laborans, degit, debeat esse grad. circiter 15. therm. Ram. seu graduum therm. Fahrenheit. 65. aut 66. si enim cubiculi calor excedat prædictos gradus, disponuntur corpora ad majorem putredinem, adeoque ad majorem feminis verminosi evolutionem.

### CXLIX.

Secundum est, quod aer cubiculi, in quo ægri febribus acutis laborantes degunt, sæpius renovari debeat, alias aer ipse putridus evadit; unde experientia omnium phycorum constat, quod animalia in aëre clauso nec sana nec diu in vita conservari possint.

## CL.

Tertium est, quod tales ægri nimis stragulis non tegendi, aut per diversa remedia calefacientia ad sudores adigendi, aut cogendi non sint, etenim experientia docet, hac ratione morbum pejorem, & exanthemata alias benigna, maligna reddi; quin imo homo sanissimus hac ratione morbum acutum inflammatorium, & exanthematicum contrahere potest.

## CLI.

Memini funestissimi casus, qui 25. circiter ante annos ex hac præpostera methodo hic Viennæ contigit: nobilissimus Dominus de Porenstain inferioris Austriæ Regiminis consiliarius 30. circiter annos natus temperamenti melancholici, ad abigendos spasmos hypochondriacos, quibus sæpe affligebatur, ignoro an proprio, an alieno ex consilio, cætera sanus, se composuit ad lectum, ac triplo plus quam solito tectus, diversisque sudoriferis in usum

vocatis, nychthemeri spatio tantam sudorum expressit copiam, ut mox exinde delirare, furere, & febricitare inceperit, secunda post decubitum die primo petechiæ, dein, purpura tam rubra, quam alba accesserunt; mox advocabatur ad ægrum Magnificentissimus piæ memoriæ de Carelli, dein Magnus Dominus de Weber; ego vero diu noctuque ægro adfuiti. Verum quamvis sat mature repetitæ sanguinis missiones, copiosissima emulsa, diluentia, antiphlogistica, clysteres emollientes præstituerentur, patiens tamen semper pejus habuit, & convulsus mortuus est.

## CLII.

Ex quo multa corollaria deduci possunt; potissimum vero inde elucescit, quod materia contagiosa exanthematica non semper ab externo communicetur, sed quod in nostro corpore elaborari & tandem in actum deduci possit.

## CLIII.

## CLIII.

Item quod regimen calidum, a quo fluidiora, & tenuiora dissipantur, ad morbos calidos acutos inflammatorios disponat, & si tales morbi jam adsint, deteriores reddat; observante hoc, & multiplici experientia confirmante acutissimo Sydenham, qui toties & summa cum energia declamat contra regimen nimis calidum in acutis quondam usitatum. Talia legi possunt in aureis ejus operibus sect. I. c. 10. item sect. II. cap. II. sect. V. C. V. & VI. & alibi, sed præcipue in schedula monitoria de novæ febris ingressu. In his judicat morborum malignitatem sæpius a malo regimine, quam a morbi natura dependere dicens: *Quanto magis usu calefacientium actuantur particule calide, & spirituosæ tanto magis intenditur ea, quam habent, assimilandi facultas.*

## CLIV.

## CLIV.

Hæc methodus illis vel maxime, qui aut Sthalianæ, aut Sylvianæ hypothefi addicti sunt, in usu esse solet; etenim credunt, miasmata maligna non nisi per sudores expellenda, aut per terrea absorbentia destruenda esse; in quem finem diversa remedia calida sale volatili prædita, aut inertes terras, bolos, aliaque alexipharmacorum titulo insignita pharmaca, præstituerunt consueverunt.

## CLV.

Tertium Reipublicæ commodum, quod ex nostra de contagio sententia resultat, concernit artem veterinariam; quæ brutorum morbis mæderi docet. Sane fatis mirari non valeo, quod talia, quæ non tantum Reipublicæ commoda, sed necessaria esse norunt omnes, passim stupidis, & indoctis veterinariis dirigenda committantur; qui neque anatomica neque animalem œconomiam, multo minus

mor-



morbos noverunt, quasi vero medicum, five chyrurgum dedeceret tractare similia, quorum ipsum magnum Hippocratem non puduit. Sic Hippocrat. dum de luxatione agit, non tantum illas, quæ homines, sed etiam tales, quæ boves attingunt, pertractat. Item dum de internis affectionibus & proprie de aqua inter cutem tractat; ab his, quæ cultro anatomico in brutis fieri observavit, probat talia in homine quoque contingere debere; textus est tanta veneratione dignus, ut hic omitti non possit: unde N. 25. ait: *quod autem fiat etiam a tuberculo, aqua inter cutem testimonium habeo in bove, & in cane, & in sue: in his enim quadrupedibus maxime sunt tubercula in pulmone, quæ aquam habent, si enim diffecueris, citissime cognoveris; fluet enim aqua. Videntur autem talia multo magis in homine fieri quam in pecoribus, quanto etiam morbosiore diæta utimur &c.*

Item

Item Lib. 6. de morbo sacro constat ab illo oves morbo comitali denatas dissectas, & apertas fuisse, ut causas, & sedem morbi eo melius noscere posset. Nihil dicam hic de Homero, de Virgilio, qui 2. Georg. lib. 3. item de Plinio, qui lib. 3 1. cap. 2. aliisque recentioribus, celeberrimis viris, qui de morbis brutorum tractarunt. Unde ut similibus morbis melius obviam eamus, optimum fore judico, si quidam in arte experti Medici & Chyrurgi constituentur, qui anispicinam brutorum ex contagio denatorum ipsi assumant, & rite examinent; ad hoc ut morbo magis congrua remedia applicari possint.

## CLVI.

Nullus est morbus, qui majorem in armentis stragem agat, & ex quo Respublica plus detrimenti persentiat, quam ex contagio a triginta fere jam annis perdurante, videmus enim & lugemus diram

ta-

talem luem armenta occupantem totam pervagare, & circumire Europam. Hunc in finem quam plurima tam prophylactica, quam curativa venditantur remedia; verum ad hæc usque tempora tam parum hac in parte profectum est, ut celeberrimus Lancisius in suo eruditissimo tractatu de bovilla peste credat, omnia, quæ nobis patent remedia plus detrimenti, quam emolumenti attulisse bobus.

## CLVII.

Si vero ad illa, quæ nos de contagio in genere diximus, serio reflectamus, sperandum est, fore ut remedia tam prophylactica, quam curativa, quæ magis quam hucusque votis respondeant, adinveniantur. Etenim si omnia, quæ tam in lue contagiosa affectis, quam quæ in exinde denatis observantur rite, magna cum attentione examinentur, videbimus, & fateri debebimus, causam talis luis contagiosæ esse materiam animatam, seu putridum

dum miasma verminosum; ne vero hæc, quæ statuo dicta, & asserta tantum; sed etiam probata videantur, adducam talia, quæ in similibus casibus videre est.

CLVIII.

Ex antispicina boum contagiosa lue affectorum, & denatorum observamus oris fauciumque ulcuscula, quæ usque ad ventriculum & pulmones se extendunt; hæc ulcuscula si armato oculo examinentur sunt plena vermiculis; qui dein alias etiam tam solidas quam fluidas partes occupant, & se multiplicando totam fluidorum massam inquinant, & conspurcant, eodem nimirum modo, uti de aqua purissima, & limpidissima nuceriana aëri exposita superius diximus; hanc brevi fieri turbidam, foetidam, & innumerabilibus animalculis foetam.

Hoc ostendit Rodius cent. 3. obs. 61. & 62. nimirum in bobus ex contagio denatis non tantum fluida, sed etiam solida

tere innumerabilibus vermiculis armato oculo visibilibus. Idem asserit Godefridus Bidloo, in ovino, aliorumque animantium sanguine dari animalcula, quæ multorum sunt morborum causæ.

## CLIX.

Bernardinus Bono, Medicus Brixienfis in literis ad clariss. Valisnieri 1713. datis nostram opinionem confirmat, dicitque, se semper in sanguine contagio affectorum boum quam plurima vidisse animalcula; quod dein ipse nunquam satis laudandus D. Valisnieri in constitutione epidemica, & ut dicit, verminosa, quæ anno 1711. non tantum Ducatum Mantuanum sed etiam ditiones Venetas vexabat, a se constanter observatum fuisse, ait. Verminosum hoc malum solet alias vocari il mal del Formone, quod maledis nomine donari solet. In hoc malo quam plurimi vermiculi videntur occupare præ aliis partibus ipsum ventriculum,

quem rodunt, inflammant, ac tandem sphacelo afficiunt.

## CLX.

Ejusdem fere generis sunt illæ observationes & relationes ex Germania ad eundem Celeb. Virum missæ, ex quibus constat pecora lethali contagio laborasse, cujus causa cum omnes lateret, sic omnia adhibita remedia huic malo tollendo imparia fuere, donec detectum fuerit, quod intra ungues bifidas se infinuent certi vermiculi, qui ibidem nidificando se massæ sanguineæ communicant, eandem inficiunt & destruunt; hoc malum dein, si mature opem ferebant, facile scarificationibus, ferro & igne tollebant. Huic consonant illa, quæ §. LXXIV. diximus. Unde patet, quod certa semina verminosa unam potius partem præ altera occupent, ibidem sobolescant, & tandem totam machinam destruant. Hoc enim contingere solet ambulantibus pedibus nudis per arenas ficas in Indiis; solent

folent ibidem certi vermiculi fe infinuare plantis pedum, qui nifi mature abigantur, crudelifsimam inferunt mortem. Hæc & fimilia exempla in calidiffimis provinciis rara non funt; nam in Africa, & aliis fub Zona torrida regionibus talia quotidie videntur. Huc etiam referri poteft obfervatio de Dracunculis, qui in putridis, & cœnofis Guinææ littoribus, aliisque Æthiopix plagis, multos afficiunt, & interimunt; hi enim inter crurum mufculos fedem figere folent, & ni tempeftive, & caute apto inftrumento, verticillo, fimili eorum, quibus fides intenduntur, auferantur, ægris magnum dolorem afferunt & periculum.

## CLXI.

Aft quare aliunde fimilia petimus exempla? utique in Germania nobis noti funt comedones, crinones, firones, a Senerto drachunculi vocati; qui fuis excrementis maffam fanguineam inficiendo

miseros infantes exhauriunt, febrem certam inducendo tandem morafmo conficiunt. Talia in pluribus probatissimis autoribus legi possunt, sed præcipuæ in eruditissimo tractatu de vena medinenfi, seu de dracunculis veterum a Clariff. Velfchio edito.

Prætereo alias quam plurimas observationes Dominorum Cogrossi & Grossi, aliorumque expertissimorum virorum, qui in diversis brutis contagio affectis & denatis, semper & constanter talia semina verminosa armatis oculis conspexerunt, unde ab his talia Eruditissimus D. Horatius Burgundius edoctus, composuit hoc in genere carmen elegantissimum, quod, five styli elegantiam, five Poëseos amœnitatem spectes, Virgilianis haud cedit; quare credo, neminem tœdebit hoc legisse:

## CLXII.

*Te quoque nunc canere docilis mansueta  
repando*

*sub-*



*Subdere colla iugo, ac stridentia volvere  
plaustra*

*Turba potens, facilisque putres in-  
vertere glebas.*

*Verum heu! dira tuos pestis populata  
penates*

*Excidium infandum miseris præsepibus  
infert.*

*Italiæ, vallesque cavæ, collesque supini  
Insonuere olim crebris mugitibus, at  
nunc*

*Italiæ, vallesque cavæ, collesque supini  
Conticuere, antris flet muta silentibus echo.*

*Cur tam fæda lues? stabulis cur serpe-  
re totis*

*Concessum? & curnam solis inimica ju-  
vencis?*

*Talia jactanti species pulcherrima Redi  
Affuit ante oculos, Redi quem dexter  
Apollo*

*Et mutas agitare artes, & dulcis E-  
trusca*

*Pectere fila lyra docuit, causasque repo-  
stas*

*Venari, & cedro dignis committere char-  
tis.*

*Non tamen agnovi vultum, cum se mihi  
longæ*

*Solamen, comitemque viæ dedit arva  
petenti*

*Tiburis urbanis dentem apta retundere  
curis.*

*Alloquio sed iter dulci dum fallimus,  
ecce*

*Taurus Agenoræ pulcro vectore puellæ  
Pulcbrior ante pedes amborum rura pro-  
pinqua*

*Constitit aversatus, & ora madentia  
guttis*

*Grandibus attollens, visus miracula no-  
tæ*

*Implorare manus, singultibus ilia duxit.*

*Tum vero: quid me lacrymis moriture  
fatigas?*

*Redi*

*Redi ait ; humanis si vos Deus usibus  
aufert*

*Ulturus vestro sceleratas funere terras,  
Quippe ubi nulla fides superum, bella, im-  
pia bella*

*Æternis pugnata odiis, satis horrida nul-  
lo*

*Sanguine victa jacet, quamvis Astræa  
gradivo.*

*Et simul hæc, simul educit specularia,  
parvis*

*Immodicam rebus conferre valentia mo-  
lem.*

*Me nescire diu non passa dioptrica vi-  
trum :*

*Ergo libens oculos admovi, pustula nu-  
dis*

*In via luminibus visurus si qua juvenci  
De cute prostaret manifesti causa doloris.*

*Densata horresco referens, per colla, per  
armos*

*Infectorum aciem, lustro fædisque choræis*

*Putrida ludentes circa convivia vermes.  
Quam multæ, avulsum si caurus ab ar-  
bore pomum*

*Decussit, plenis cum ridet mitis in arvis  
Autumnus, circum densantur: Et agmi-  
ne longo*

*Formicæ piceis infixæ dentibus hærent.  
Deficiente vitro ne quidquam adnitor in-  
ermi*

*Usurpare oculo tenuissima corpora, nam-  
que*

*Mole sub exigua latitant, sensusque retusos  
Vincunt, atque sui vestigia nulla relin-  
quunt.*

*Tum sic me comes alloquitur. Tibi mu-  
nere nostro.*

*Sævi permissum causas cognoscere morbi.  
Scilicet ut pereunt vitiata teredine ligna,  
Intereunt cariem postquam duxere juvenci;  
Quæ simul ac cæcis furtim insinuata me-  
dullis*

*Fibrarum nexus occulto dente resolvit,  
Non*

*Non montes, non prata juvant pinguis-*  
*sima læto*

*Gramine, non puris argentea flumina*  
*lympbis.*

*Tabentes nequidquam herbas incusat*  
*arator,*

*Virosas nequidquam auras, ventosque*  
*nocentes,*

*Fluminaque incertis nequidquam infecta*  
*venenis.*

*Quid quod scire licet, quare contagia*  
*totis*

*Grassentur campis. Nempe irrequieta*  
*pererrat.*

*Omnes turba locos, atque ova excludit*  
*ubique*

*In diram fecunda luem, fraternaue*  
*mortem*

*Idcirco misèris pariunt commercia tau-*  
*ris.*

*Ipsa juga, atque ipsum vermes contra-*  
*xit aratrum,*

*Cunctaque lethifero scatuit vicina tabo.  
Vestibus imbibitum virus quin ipse co-  
lonus.*

*Inscius ad terras longinquo sole calentes  
Detulit, atque gregem mortalibus inficit  
ovis.*

*Prima medela malo est flammis abole-  
re relicta*

*Germina serpentis morbi, comburere ca-  
ras*

*Agricolæ vestes, inopisque senilia tecti.  
Pignora ne pigeat: tremulæ præsepia  
flammæ*

*Delabant atque omne domus vitium ex-  
coqua tignis.*

*Sulphuris ingrato quandoque abigentur  
odore*

*Hostes, nitrati lentoque volumine fumi;  
Proderit, & pingui perfundere corpus  
amurca,*

*Vel grave morboſis hydrargiron indere  
fibris:*

*Nam*

Nam veluti incautas volucres viscum al-  
ligat, omnem

Exiguïs adimunt insectis pinguis motum,  
Infirmosque ligant artus, angustaque  
replent

Ostia nervorum, vitalis & aëris  
haustum

Impediunt patulis intrusa meatibus :  
Inde

Insecta affuso passim moriuntur olivo.  
Denique cur solos perimat vis noxia  
tauros

Jam liquet. Ut tellus eadem non omni-  
bus æquo

Seminibus gremio foret opportuna fo-  
vendis,

Quod rapidi soles aliis nocuere, nivofus  
Ægoceros aliis, & pigra tempora  
brumæ

Vel saturæ salibus, viduæ vel sulphure  
glebæ.

*Sic infecta locis posuere cubilia certis.*

*Nec propriat mutare datur sine funere  
sedes ;*

*Seu peregrinae illis epulae tenuissima  
vitae*

*Flamina ruperunt, seu certum semina  
poscunt*

*Fermentum lactanda, aditum nimis ar-  
cta malignum*

*Seu vetuit textura cutis, seu ponere  
nidos*

*Discors mobilium impediit compago  
fibrarum,*

*Seu causae id probibent aliae ; experien-  
tia fidis*

*Edocet indiciis, magnarum grandibus  
haerent,*

*Quae pecudum membris infecta minuta  
vagantes*

*In pellem transferre alienam baud posse  
penates*



*Ac ne forte putes me somnia vana locutum,*

*Consule quotquot habent vivos animalia vermes*

*Inter se numero membrorum, mole, figura*

*Difformes videas omnes interprete vitro.*

*Unde inferre licet certis matricibus ova*

*Committi certis insectis apta creandis:*

*Ni fiat, rupto non nasci carcere gentem*

*Ergo quid in solos pestem hanc sevivere juvencos*

*Magnanimum nec equum lædi, mollemve capellam*

*Miraris? pereunt inimicis credita poris.*

*Ova, nec obscæni possunt sobolescere pulli,*

*Ceu fructum patriis arbor negat exul ab arvis.*

*Sic ait, & Redi mentem, vultusque decoros*

*Confessa in cælum se læta recepit imago.*

## CLXIII.

Si itaque in curatione talium morborum ad animatam seu verminosam reflectamus causam, nullus dubito, quin in appropriatis anthelminticis, antidota, quæ hucusque nos latuere, adinveniantur, & quæ captis & repetitis experimentis responderint, approbentur.

## CLXIV.

Ego absque jactantia aperiam, quæ in moderna lue, armenta depascente, pro scopo tam prophylactico, quam curativo aliquoties proficuum expertus sum. Tale remedium constabat ex mercurii dulcis dragma una, myrrhæ electæ, & camphoræ aa dragma dimidia. Propinabatur infectis bobus quotidie, aut singulis alternis diebus, quin imo si opus sit, binæ tales doses nychthemeri spatio, donec nimirum ex hoc remedio saliva tenax, viscida, & copiosa tam ex faucibus quam ex naribus profluere incipiat. Infundendo  
illis

illis sæpe de die , si ipsi haurire nolint, sufficientem quantitatem aquæ cum hordei farina mixtæ, & coctæ; ad hoc ut tam pro nutrimento, & alimento, quam pro prædicta levi salivatione adjuvanda & moderanda sufficiat.

Si vero ut prophylacticum hoc remedium in usum vocare volumus, sufficiet si bis in hebdomada fanis propinetur bobus; unde pariter levissimus succedet salivæ profluxus; ast ita salutaris, ut tales boves impune cum infectis degere valeant. Hæc ut candide fatear, quæ hucusque observaveram, ita spero fore, ut in posterum five a me five ab aliis plura, & rem magis firmentia capiantur experimenta, quæ omnia certe non aliunde, quam ex nostris jam datis de contagio principiis peti possunt. Hoc quidem verum est, quod mercurius in substantia exhibitus pro plebe magnarum esset expensarum; unde huic substitui posset aqua decoctio

coctionis mercurii, cujus virtus vermici-  
dia, & vermifuga omnibus practicis per-  
quam nota est, & non nisi lignorum pro  
decoctione pretium exigit.

## CLXV.

Unde ex his resultant, & deducun-  
tur pariter illa experimenta de inoculatio-  
ne & infitione morborum contagioforum  
in brutis, quæ annis superioribus in Hol-  
landia, & Anglia capta sunt. Cum enim  
experientia toties repetita doceat variolas,  
quin imo & morbillos secundum artem in-  
fitionis, & inoculationis in hominibus ex-  
citatos vix non semper esse benignos, ta-  
lesque ægros in posterum inter alios va-  
riolantes impune versari posse, eadem hæc  
experimenta grassante contagione inter bo-  
ves, & armenta institui magno cum fructu  
ceperunt in iisdem. Multiplex autem erat  
methodus, qua infitio, & inoculatio in  
brutis institui solebat; & hæc erat potissi-  
ma

ma ratio, quare non omnibus ad vota cesserit.

## CLXVI.

Optima videtur fuisse methodus, quam expertissimus D. Schwenke Anatom. & Chyrurgiæ Hagæ Comitum Professor dignissimus in epistola fasciculo mensis Octobris inserta affert & describit. Hac enim pecora, in quibus inoculatio morbi contagiosi prædicta ratione instituebatur, non tantum sanitati restituebantur, sed & impune, & absque periculo inter alia armenta, eodem contagio affecta, conversari, & commorari poterant. Vide commentaria de rebus in scientia naturali, & medicina gestis; sed præcipue volum. V. part. III. p. 452.

Ast ista operatio ex nullo alio principio, quam ex nostra tantum sententia concipi, & explicari potest; nam sicut jam superius ostendimus, quod nec insitio, nec inoculatio in vegetabilibus sine semi-

nio fieri possit ; quia omnibus plantæ partibus feminia primigenia insunt, & femina non nisi ex aliis feminibus evolvi possunt ; alias deberent dici fortuito aliquo motu producta de novo, ita etiam in morborum contagiosorum inoculatione debent dari eorum feminia, quorum unum ex altero evolvatur, & multiplicetur. Similitudo, & analogia inter unam & alteram infectionem aut inoculationem tanta est, ut non nisi similes debeant pariter intercedere causæ.

Quare vides benevole Lector ex nostra de contagio sententia non tantum morbos contagiosos, qui hominum, sed etiam, qui brutorum genus affligere solent, facilius & planius quam ex ulla alia opinione concipi & exponi posse ; quin imo nec in his subsistimus, sed plantarum quoque diversos morbos exinde deducere debemus. Inter vegetabilium autem morbos est sane princeps eorum rubigo ; a qua dein non

tan-

tantum homines, sed & bruta plurimos, & gravissimos sibi adsciscere solent morbos. Quare materiei gravitas exigit, ut intimius in essentiam & naturam rubiginis, quam hucusque factum est, inquiremus. Unde fit

## SECTIO TERTIA.

De

*Rubigine, ejusque causis & effectibus.*

### CLXVII.

Rubigalis morbus majoris est quam vulgo creditur in Republica momenti, nam non tantum vegetabilibus, sed & viventibus ipsis summe perniciosus, & exitialis esse deprehenditur; etenim fructus horreos, olera omnia, frumenta & legumina inficere, jam fusco, jam rubro, jam

nigro colore notare solet. Viventibus ipsis, quæ talia in cibum assumunt, exitiales morbos, & contagiosos inducere consuevit; quod a paucis notatum, verum experientia proh dolor! quam sæpissime probatum est. Unde ex hoc fundamento veteres sicut floralia, ita etiam rubigalia festa quotannis instituebant, & celebrabant; quia sicut uberem, & opulentam messem a superis, ita etiam annonam, aut fructuum corruptelam ab iisdem hujus messis hostibus dependere suo tempore crediderunt; talia festa referente Plinio Lib. 18. cap. 29. a Numa Pompilio anno regni XI. instituta fuere. In hujusmodi sacrificio mactabatur lactens catulus, & Rubigini Numini offerebatur. Unde Columella:

*Hinc mala rubigo virides ne torreat  
herbas*

*Sanguine lactentis catuli placatur, &  
extis.*

CLXVIII.



## CLXVIII.

Per rubiginem non intelligimus hic illam rubiginis speciem, quæ puberibus plantis a gelu accidere solet, & carbunculatio, aut uredo alias vocari solet; rubiginem hic illam attingimus, nobisque trutinandam proponimus, quæ ab aliis dependet causis, & vegetabilia fusco, aut rubro aut nigro colore afficit. Iste solet omnium fere frugum pessimus audire morbus, qui eorum pestis vocari potest; unde contingit, ut, si talia vegetabilia in escam assumantur, vescentibus exitiosa, & morbosa evadant.

## CLXIX.

Ast rubiginis natura tam profundis obvolvitur tenebris, ut ad hanc usque diem non parum torserit magna naturæ scrutatorum ingenia, plerique enim in eo conveniunt; hanc a vitio rore dependere; verum in quo illud roris vitium consistat, maxime inter se differunt. Aliqui

hoc roris vitium fali acri alcalino, alii fali acido stygio in acceptis referunt; analogismum ducentes ex morbis contagiosis, & malignis, qui viventia invadere solent; sicut enim tales morbos ab acido, aut alcalino miasmate derivant, ita etiam morbos vegetabilium iisdem causis attribuunt. In confirmationem hujus asserti nunc fale aliquo alcalino-acrifixo, aut volatili, nunc aquis stygiis vitrioli, nitri, viridia vegetantium folia conspergunt, sperantes fore, ut exinde illæ rubiginis maculæ in conspectum veniant; ast falluntur, & effectus illorum non respondet votis; nam sæpius hac ratione repetimus experimentum, sed non nisi quandam exinde foliorum, & fibrillarum corrugationem, & opacitatem observavimus.

His accedunt multa alia argumenta superius de contagio contra hanc sententiam allata, quæ hic adduci possunt.

## CLXX.

Clarifs. Lœwenh. agnovit difficultatem in tali rubiginis explanatione, unde in epistola 109. data ad Dominum van Leeuwen negavit rubiginem a rore vitiatò dependere; adeoque asseruit rubiginem fieri, si tubuli, vascula, utriculi plantæ obstruantur, aut rumpantur ab aliqua externa violentia; unde fit ut succi ibidem restagent, & subsistant, sicque talem rubiginem, quasi sugillationem repræsentent; causa vero talis externa esse potest violentia venti, imbrium, grandinum &c.

## CLXXI.

Sed contra est primo. Nam ego data opera in diversis vegetabilibus, sed præcipue in fegetibus, dum ad debitam altitudinem jam excrescerent, institui experimentum, quod quisque quolibet potest repetere anno, huic plausibili sententiæ contrarium; diversa enim vegetabilium

folia corrugavi, ramusculos inflexi, flis constringi, segetum culmos pariter inflexi, aut bacillis pulsavi, denique omnia institui, ut aliquam vasculorum, utriculorum, aut tubulorum seriem comprimerem, oppillarem, aut destruerem, uti alias a vento aut grandine fieri solet, visurus, quid inde cum tempore in talibus vegetabilibus observandum superesset; sed ecce nullibi veram rubiginem videre fuit; nam prædictæ partes vegetabilium, quæ aliquam violentiam passæ erant, vel se ad naturalem statum reducebant, vel adinstar marasmi ficcabantur, & contabescebant.

## CLXXII.

Secundo experientia constat, quod vegetabilia rubigine affecta in specie autem frumentum, si in escam assumantur, fanitati plurimum noceant, ut dein patebit, quod ab illis vegetabilibus, quæ ab imbribus, ventis, aut grandine detrimentum aliquod passa sunt, expectandum,  
aut

aut metuendum non est, nam fere cuilibet notum est, non tantum olera, cerasa, uvas, sed etiam poma, pyra, aliaque a grandinibus læsa impuneedi, & ab omnibus sine sanitatis læsione in usum vocari posse; adeoque ex hoc evidenter deducimus, aliam esse rubiginis naturam, quam quæ ab eruditissimo Authore assignatur.

## CLXXIII.

Interim negare non possumus a prædictis causis in vegetabilibus fieri quasdam eorum læsiones, fuggillationes, uti hoc magno cum agricolarum damno a grandinibus in uvis, pyris, pomis aliisque quotannis contingere solet. Idem fit a gelu incongruo tempore puberibus vegetabilibus superveniente; sed omnia hæc veram rubiginem, de qua hic est quæstio, non causantur; nam hæc solet vegetabilibus ut plurimum temperata, & serena plus minus calida tempestate, aut decidentibus pluviis cælo fere existente sereno, super-

venire; uti hoc in Austria evenit ann. 1751. Item 1759. die 31. Martii, & 3<sup>ta</sup> Junii die Dominica Pentecostes; nam cœlo fere existente sereno pluviae magnam obtinuerant diei partem; ex quo dein anno 1757. factum erat, vt vix non omnia vegetabilia rubiginosa evaserint; anno vero 1759. tritico magnum exinde damnum allatum fuerit.

Quare, si omnia hæc, & illa, de quibus deinde dicemus, rite considerentur, judicamus rubiginem, de qua hic est quæstio, a certo seminio verminoso dependere, quo vegetabilia consperguntur, & afficiuntur, in quibus dein fit ulterior seminii evolutio & multiplicatio.

#### CLXXIV.

Ex quo concipere possumus, quod rubigo diversimode advenire, & propagari possit; advenire enim potest a certis, & præcipue australibus flantibus ventis, a pluviis cœlo præcipue sereno cadentibus,

&

& similia feminia in se continentibus; tandem ab ipso rore vitiato, seu similibus feminiis foeto, & vegetabilia inspergente. Propagari autem, & multiplicari potest ultro per fomitem, seu per sobolem; nam experientia docet, quod ex tritico rubiginoso sato, pariter triticum rubiginosum producat.

## CLXXV.

Ne vero hæc omnia perperam asserta videantur, probari possunt partim ex illis, quæ nos superius de contagio diximus, partim aliis rationibus, ut dein patebit; diximus superius, & ostendimus, quod a flantibus austris, a pluviis calidis præsertim sub æquatore cadentibus, innumerabilia feminia verminosa afferantur. Eruditiss. Boërhav. Oper. Chemicor. de aëre asserit: *quam doleant agricolæ, dum tepente vere venti quidam incredibili celeritate arbores inficiunt numero*

*carentibus vermiculis.* Item hoc tempore ab omnibus Physicis jam receptum & definitum est, pluvias sanguineas a certis dependere animalculis.

## CLXXVI.

Quod vero alias concernit rationes principes sunt sequentes, & quidem prima: illa, quæ rubigine afficiuntur, videntur evidentissime putrida esse, & ad putredinem reduci debere, adeoque ut ante probavimus putredinem ab evolutione certi seminis verminosi dependere, idem dicendum erit de rubigine. Ego examinaui inter reliqua vegetabilia triticum rubiginosum, quod quisque tempore messis facere potest; in illius granis deprehendi intolerabilem ad instar carnis putridissimæ foetorem; si hæc grana contusa, & cum aqua recenti mixta microscopio examinentur, exhibent innumerabilem verminosam progeniem.

## CLXXVII.



## CLXXVII.

Si tale triticum, quamvis omni possibili industria a granis rubiginosis separatum, feratur, tunc triticum de novo productum, seu evolutum magna sui parte rubiginosum fieri solet, quamvis nulla sensibilis causa externa, a qua talis rubigo dependeat, accedat; cujus experimenti ratio alia esse non potest, nisi quod semina verminosa tritici rubiginosi granis integris & sanis communicentur, iisdem adhæreant, ficque in germinatione una evolvantur.

## CLXXVIII.

Quare coloni, ut hoc avertant, diversa experiri solent, aliqui enim triticum ferendum aqua calcis & salis, alioque acri liquido abluunt. Dominus Bradley judicat optimum fore, si talia semina per 30. horas macerentur in muria aluminis, dein laventur aqua recenti, ficque seminentur. Vide T. Needham nouvelles decouvertes microscop.

Verum optima methodus, quæ ab expertis agricolis observatur, consistit in eo, ut semina ferenda peregrina, & non rubiginosa assumantur; sic enim, si nulla superveniat causa externa rubiginem inducens, purissimum frumentum adipiscuntur.

## CLXXIX.

Ego optarem mihi copiam experiundi aquam ex decoctione mercuriali, si nimirum semina ferenda nychthemeri spatio in eadem macerentur; cum enim experientia constet, prædictam decoctionem esse summum anthelminticum, sperarem fore, ut in hoc casu pariter eandem exeret virtutem.

## CLXXX.

Alterum fundamentum nostri asserti est, quod, si aqua, alioque humore putrido recentia vegetabilium folia conspergantur, rubiginosam exhibeant faciem, qua-

qualis non observatur, five liquore acri acido, five alcalino experiaris.

## CLXXXI.

Tertium fundamentum est ruri obvia observatio, quod regnante rubigine apes non uti alias mellificare, sed magnam partem emori, aut alio transmigrare soleant; cicadæ taciturnæ, & transfugæ fiant; quia succis vegetabilium corruptis, & putridis vesci recusant. Unde observat Mercurialis 1577. cicadas rarissimas, & taciturnas, & gravissimam subsecutam in hominibus epidemiam; nam si corruptis vescimur vegetabilibus, mirum non est, si humores nostri pariter corrumpantur, & ad diversos morbos contagiosos corpora disponant; quod a multis practicis observatum, & annotatum legimus, ut in act. erud. Lips. anni 1718. p. 314. *Rubigo facit, ut fructus vermibus scateant, erucæ, & alia insecta exuberent morbi perniciosi contagiosi, quin imo pestilenciales exurgant.*

Eun-

Eundem exprimit sensum textus S. Scripturæ: sic Amos cap. 4. *percussi vos in vento urente, & in aurugine.*

## CLXXXII.

Similem funestam & morbosam constitutionem experti sumus declinante anno 1757. verum præcipue ineunte 1758. malum hoc epidemicum, contagiosum, & maximam partem petechiale non tantum ditiones austriacas, sed multas quoque alias, & diffitas occupabat regiones; & toto hyemali tempore non tantum agricolas sed & speciatim illos, qui militiæ dederant nomen, aggrediebatur, & depulabatur.

## CLXXXIII.

Interim notandum, duplicem fuisse morbum, qui anno 1758. præ aliis affectibus per hyemem epidemice grassabatur: aderat morbus, qui sub sui initium rigoribus, & horripilationibus continuis, passim tussi, coriza, deglutitione laboriosa, rheu-

rheumaticis artuum & laterum doloribus, vexabat aegros. Qui merito ad affectus rheumaticos reduci & a vicissitudine temporum derivari debet. Quales morbi, si rite tractentur, & inflammatio absit, periculo carent, neque enim quisquam ex plurimis, quos in hoc morbo tractandos habui, desideratus est.

CLXXXIV. Verum alius, & ulterioris indaginis, epidemicus & contagiosus grassabatur morbus, qui etiam in arte peritis aliquando imponere solet, de quo nuper Expertissimus Dominus Hasenöhrl nosocomii Hispanici medicus eruditissime tractavit. Etenim iste pariter morbus horripilationes, tussim, corrizam, secumferebat, pulsus erat saltem primis diebus naturali similis, nulla sitis, lingua saltem sub initium humida; aderant pariter rheumatici artuum dolores, affectum vere rheumaticum æmulantes; distinguebatur tamen ab illo, quod

adfuerit summa virium prostratio, dicebant enim ægri se quasi fustibus dolatos esse; vexabant præterea plerumque intolerabiles dolores capitis cum quodam sopore, stupore, & agrypnia; quæ semper augebantur; tandem delirabant ægri, fiebant inquieti, respiratio erat laboriosa, & cum suspiriis, his plerumque quarta die, aliquando tardius supervenere exanthemata petechialia. Hoc singulare fuit observandum hoc anno, quod alias rarum, exanthemata enim frequentissima extremitates artuum occupare, & usque ad apices digitorum se extendere solebant.

Quamvis pulsus non fuerit, ut alias in inflammationibus esse consuevit valde celer, fortis & durus, sanguis tamen e vena missus fuit valde spissus & lardaceus. Urina vero erat maximam partem naturali similis. Causam hujus epidemici & contagiosi mali medici alias deducere solent ex castris, & ex prægressis tot præliis,

liis, ubi quam plurima cadavera insepulta suo putrore, & foetore inficere solent aëra. Item ex continuis excubiis, laboribus, quos præter morem diu, noctuque in feram usque hiemem inclementiæ aëris expositi perferre coguntur, milites; unde vires atteruntur, perspiratio impeditur, sicque corpora ad putredinem, & ad morbos disponuntur.

## CLXXXV.

Equidem ego non inficior, quemadmodum multæ observationes docent, ab his causis sæpe morbos contagiosos dependere; quin imo morbis petechialibus hoc anno grassantibus aliquam pariter symbolam contribuisse lubens admitto; verum hanc unicam, & principem fuisse hujus epidemiæ contagiosæ causam, vix mihi persuaderi patiar. Arbitror enim potius rubiginosam anni 1757. constitutionem, quæ omnis fere generis vegetabilia infece-  
rat, fuisse potiorē hujus epidemiæ pe-

techialis rationem. Fundamentum talia supponendi est.

### CLXXXVI.

Primo: quia ex relationibus constat, & omnes ruricolæ norunt, anno 1757. omnis fere generis vegetabilia, non tantum in ditionibus austriacis, sed in aliis pariter diffitis regionibus a rubigine multum detrimenti perferensse; unde factum est,

### CLXXXVII.

Secundo; ut hoc malum contagiosum primo inter plebejos, dein tandem inter milites grassari cœperit; quod non evenisset, si prædicti mali causa ex castris peti deberet.

### CLXXXVIII.

Tertio: quia contagium hoc petechiale, uti ex relationibus constat, multas alias, & diffitas provincias, ubi nullæ militiæ, nulla castra, nullaque prælia erant, tenebat, & quidem priusquam in castris grassabatur; adeoque signum est, quod



ex prædictis esculentis rubiginosis putridis originem duxerit.

CLXXXIX.

Quarto: quia observationibus notum est, quod contagium hoc petechiale adveniente tempore verno mitigatum, in æstate tandem fere deletum fuerit. Cujus aliâ ratio esse non potest, quam quod recentia, & bonæ notæ vegetabilia hoc fugaverint malum; cum tamen ex contraria opinione oppositum evenire debuisset; nam erat eadem belli sævities, eadem, quin imo major annonæ caritas; calor tempore verno, & æstivo ad putredinem generandam, & augendam major vis, etenim omnes noverint, contagium facilius, & magis propagari temporibus, & regionibus calidioribus, quam frigidioribus. Quare majore cum fundamento judicare possumus hoc malum petechiale ab esculentis rubiginosis, & putridis derivatum, & deinde ab iisdem esculentis pube-

ribus, & salubribus cicuratum atque tandem suppressum fuisse. Simile quid legi potest in actis med. Berol. Decad. 11. vol. VI. & alibi ut in annalibus Vratislaviensibus ann. 1716. 1727. ubi morbus malignus contagiosus a fecali rubiginoso, alias corniculari dicto, inductus a salubribus, & melioris notæ alimentis ex sano medicorum consilio propositis, & Principis munificentia suppeditatis, non tantum mitigatus, sed plenarie abactus fuit.

Ex his, quæ de rubigine hæctenus dicta sunt, possunt sequentia deduci corollaria, & quidem

## CXC.

Primo: quod sicut homines ab esculentis rubiginosis diversos morbos contagiosos contrahere possunt, ita pariter sæpe eveniat, ut animalia bruta maximum sanitatis detrimentum cum deplorabili eorum strage ab iisdem percipiant, & experiantur: si enim pascua prædicto rore

corrupto conspergantur, sicque a brutis in usum, & escam ducantur, facile fieri potest, ut eorum corpora ad morbos putridos, & contagiosos disponantur, uti superius jam de apibus, & cicadis dictum est; quando enim hæc materia maligna contagiosa in uno, alterove semel in actum deducitur, facile dein aliis, præcipue vero illis, in quibus ex iisdem pascuis aliunde aliqua mala dispositio subest, communicatur, sicque propagatur, & multiplicatur; experientia enim constat, quod fecale rubiginosum seu cornutum sicut in hominibus, ita etiam in porcis, anatibus corpus tam interne quam externe reddat ulcerosum. Vide comment. de rebus in medicorum gestis vol. VI. p. 508.

## CXCI.

Secundo, quod in morbis contagiosis, sive isti homines, sive armenta teneant, parum, & rarissime ad prædictam causam advertatur, cum tamen sæpius, ac

vulgo creditur, deplorabilem præcipue inter armenta agat stragem. Sic a multis jam annis grassatur in Europa dira lues, quæ genus bovine, & ovile depopulatur, cujus alia vix reddi ratio potest, quam quod, cum eorum victus unice in his pascuis, & sæpe tali rubigine affectis consistat, hæc potius quam alia animalia bruta afficiuntur; quæ, cum potiorementi partem aliunde, quam ex pascuis habeant, non tam facile, nec tam frequenter, nec tam diu, talem experiuntur luem.

## CXCII.

Hoc assertum confirmatur aliis observationibus, sed præcipue illa, quam Mead p. 157. affert; nimirum in India orientali in urbe Surato quotannis inter indigenas grassatur pestis, a qua advenæ liberi manent; rationem dat, quia carnibus, & vino utuntur. Ex quo inferitur.

**CXCIII.** Tertio quares anno 1758. plebeji, & infimæ fortis homines præ reliquis prædicto morbo petechiali laborarint; etenim misera agricolarum fors in causa est, ut hi toto anni tempore alimenta ex vegetabilibus, rarissime ex carnibus, defumere debeant; si hæc putrida, & corrupta sint, mirum non est, illorum corpora ad tales morbos disponi; quemadmodum hoc legi potest in annalibus Vratislav. de annis 1761. & 1717. Item in actis med. Berol. Dec. 2. vol. VI. & in comment. de rebus in scientia natur. & medicina gestis vol. VI. p. 508.

Tandem deducitur  
**CXCIV.** Quarto: quare anno 1758. omnis fere generis exanthemata grassata fuerint? quod oppido rarum; nam variolæ, morbilli, purpura, petechiæ, scarlatina & rubiolæ, & urticata affligere solebant ge-

nus humanum. Superius jam dictum fuit, quod appropinquante æstate petechiæ valedicere inceperint, reliquorum vero exanthematum epidemia per æstatem adhuc perseverante; debemus itaque admittere specie diversa miasmata contagiosa in causa prædictorum morborum fuisse; quia ut jam dictum est, experientia constat vix non omnis generis vegetabilia illo anno rubigine affecta, & corrupta fuisse; adeoque diversam fuisse hujus corruptelæ causam; neque enim dici potest unum miasma omnis generis vegetabilia rubigine notare posse. Experientia ipsa contrarium docet; nam omnes œconomiae rurali dediti norunt, aliquando unum, aliquando alterum, aliquando etiam plura ex vegetabilibus rubiginosa fieri, sic anno 1759. triticum fere unicum fuit saltem hic in Austria, quod putridissima rubigine affectum fuit, insontibus omnibus aliis; quod eve-

nire non posset si materia rubiginosa unius esset naturæ seu, ut dicimus, speciei.

CXCV.

Quapropter rubigo non sine ratione pestis vegetabilium vocari solet; adeoque sicut in animantibus luem humanam, bovinam, equinam, caninam, & reliquorum specie inter se distinctam superius jam demonstravimus, idem dicendum erit de rubigine, seu de lue vegetabilium; debet etenim admitti, quod in uno sicut in altero casu in uno subjecto potius & facilius, quam in altero fiat talis feminis verminosi evolutio, & multiplicatio, quod ex analogia germinationis, insitionis & inoculationis vegetabilium concipere & demonstrare valemus.

Hanc nostram de rubigine sententiam Fracastorius Lib. I. de siphilide elegantissimo, & doctissimo carmine exacte & ad unguem expressit.

*Nunc*

Nunci age, non id te lateat super omnia  
 Naturam, & longe variam contagi-  
 Solis; nam saepe arboribus fit noxius  
 Et tenerum germen, florumque infecit  
 Interdum segetem, & sat a læta, anni-  
 Corripuit, scabraque ussit rubigine  
 Et invitiata parens produxit semina  
 Ex quo ratio facile erui potest, qua-  
 re a pascuis vitiatis, & rubiginosis certa  
 tantum animalia v. g. boves afficiantur,  
 infontibus, manentibus omnibus aliis,  
 qui eisdem vescuntur.  
 Pariter ex his, quæ hucusque dixi-  
 mus patet, quod ex nostris de contagio  
 principiis multa problemata, difficilesque  
 quæ-



quæstiones, alias irrefolubiles, solvi & enodari possint. Sic illa celebris quæstio, quæ jam bis, id est anno 1759. & 1760. in Hollandia ad solvendum proposita fuit, ex nostris fundamentis facilius, quam ex quibuscunque aliis, concipi, & exponi potest. Quæstio enim fuit, quare hoc tempore lues bovina diutius, quam alias grassetur?

Huic enim quæstioni responderi potest, quod ex nostris principiis semina cujuscunque contagii in sui evolutione, propagatione & multiplicatione considerari debeant, uti omnia alia semina tam vegetabilium quam animalium.

Quapropter sicut mutiplici observatione constat, certa semina vegetabilium aliqua annorum serie magis & uberius, alia iterum minus & parcius propagari & multiplicari; idem pariter dicendum erit de seminiis contagii v. g. luis bovinae.

iv Sic ex sacris literis nimirum Genesis cap. XLI. constat, integro septennio uberrimam fuisse messem, alio vero septennio parcissimam, magnamque annonæ caritatem extitisse.

inocq Talem annonæ ubertatem, aut difficultatem sæpe & longa annorum serie viguisse in pluribus annalium scriptoribus legere possumus.

100q Præterea cuilibet notum est tam in vegetabilibus, quam in animalibus definitum esse florendi & prolificandi tempus, & terminum; quædam enim illorum brevi, quædam longa annorum serie prolificant; tandemque deficiunt, & emoriuntur.

Si itaque hæc & similia propter jam dictam analogiam, applicentur feminiis contagii, quod multis jam annis armenta depascitur, facilius quam ex quocunque alio principio causa, quare tamdiu sæviat, concipi & cognosci poterit.

Quia

Quia hoc ipsum in peste, quæ sæpius genus humanum affligebat, multoties observabatur, quod una pestilentia citius, alia vero tardius defervuerit, ut quisque in chronologia pestium, & a quam plurimis autoribus scripta, legere potest.

Item pro coronide patet, quanto nexu contagium, putredo, & rubigo invicem jungantur; ut de contagio dicturus una fidelia, & putredinis, & rubiginis naturam attingere, & exponere debeat quisque. Ne vero, quæ nos de rubigine diximus, ad libitum, aut ex imaginario aliquo conceptu effati fuisse videamur, in majorem nostræ opinionis probationem, firmioremque confirmationem, adducemus illa, quæ eruditissimus & indefessus naturæ scrutator Needham de rubigine sensit, & repetitis experimentis comprobavit in suo elegantissimo tractatu de novis inventionibus per microscopium, primum Anglico sermone edito, dein in Gallicum  
idio-

idioma verso. *Sequentia ad nostrum scopum faciunt: cap. 8. de rubigine frumentata corrumpente pag. 99. sic ait: La Nivelle est une maladie du blé, dont elle détruit la substance farineuse qui est au dedans, & introduit à sa place une matière étrangère, qui ternit & noircit le grain, au moins extérieurement. Cette matière est ou une poussière noire & fort fine, mais dont les parties vues au microscope, n'ont point une figure uniforme; ou c'est une substance blanche, toute composée de longues fibres, empaquetées ensemble, & qui ne donnent aucun signe de vie ou de mouvement, si on les expose au microscope, telles qu'on les tire du grain, sans leur appliquer de l'eau. La première fois que je les découvris, je n'avois d'autre dessein en leur appliquant de l'eau, que de développer ces paquets, afin que je pusse examiner les fibres plus commodément; je fus par conséquent bien surpris de les voir en un instant prendre vie, & se mouvoir réguliè-*

rement , non d'un mouvement progressif , mais en tortillant chacune de leurs extrémités , & persévérer dans cette agitation jusqu'au lendemain.

J'ai répété cette observation en divers tems , avec cette différence seulement , c'est qu'au commencement , lorsque les grains étoient cueillis récemment , & qu'ils étoient encore mols , il suffisoit d'en tirer les animalcules , & leur appliquer de l'eau , pour les voir remuer ; mais ensuite , lorsque ces grains ont été gardés quelque tems , il m'a fallu les macérer dans l'eau pendant quelques heures , & alors quand j'en tirois les animaux , je les voyois s'animer peu à peu , lorsque je les exposois au microscope dans une goutte d'eau ; au lieu que si je ne prenois pas cette précaution , il n'y en avoit presque aucun , qui donnât quelque signe de vie.

Comment ces anguilles , car je puis leur donner ce nom , parce que ce sont des animalcules aquatiques , qui ressemblent assez aux anguilles d'eau douce , avec cette différence cepen-

dant, c'est que leurs deux extrémités sont tout-à-fait semblables, sans qu'on y remarque aucune apparence de bouche ou de tête; comment ces anguilles, dis-je, subsistent-elles; d'où viennent-elles; si elles subissent quelque changement, en quoi se convertissent-elles? ou comment multiplient-elles? Je n'ai rien pu découvrir là dessus: tout ce que je sai, c'est que j'en ai observé pendant sept ou huit semaines de suite, que j'ai conservé en vie uniquement en leur fournissant de la nouvelle eau: souvent j'en ai aussi laissé sécher, pendant quelques jours après que l'eau s'étoit évaporée, & ensuite elles ont repris vie dès que je leur ai redonné de l'eau fraîche. Mais ce qui j'ai actuellement des grains de ce blégaté par la nielle, qui ont été cueillis il y a plus de deux ans ici en Angleterre, où je les ai conservé secs pendant un été dans une boîte, & ensuite je les ai porté avec moi dans un climat beaucoup plus chaud, je veux dire en Portugal, où ils ont passé un second été, & cependant ils m'offrent en-

core

core à presant les mêmes phénomènes , sans-  
que j'y puisse remarquer aucun changement.

*La Nature singulière de ces animalcules, quelque inexplicable qu'elle soit en elle-même, nous sert de confirmation & nous met en état de rendre raison d'une observation qui a été faite par plusieurs habitans de la compagnie, & dont parle Mr. Bradley.*

Hæc sunt benevole Lector, quæ de contagio in genere, & aliqua in particulari de eodem publici juris facere constitueram, plura super hoc stabilienda experimenta dabit favente Numine posterior ætas; etenim coram fateor, multa adhuc desiderari, atque superesse difficultates, quæ necdum enodatæ, quæ aliis enodandæ relinquuntur. Multa pariter offendi fateor, quæ rigidus Zoilus carpere valebit, multa, quæ Eruditissimis quoque viris non sapient; quorum modestam & doctam censuram semper venerabor; neque enim huic, quem admodum dixi sententiæ tam arcte inhæreo, ut, si melior proftet, ab hac dimoveri non patiar.

Quare cum Eruditissimo Georgio Agricola de ponderibus & menfuris totus sentio: *judicia certe in literis olim fuerunt libera, nunc debent esse, & erunt posteris vel nobis invitis; modo non sint levia, temeraria & iniqua. Quod si eorum quispiam me in jus vocare ob hanc causam, & doctis accusare voluerit, rationibus agat, pugnet argumentis, testimoniis, denique autorum, si potest, convincat, omissis maledictis, & conviciis, ne nostra arrogantia, aut pertinacia, ne, quid aliud dicam, periclitetur veritas; quæ sane, ut accurate disputando exquiri, ita nimium altercando plerumque amitti solet. Id quidem, quod æquum est, postulo, quo neglecto, si quis omnino voluerit stomachari, & maligne in convicia prorumpere, ipsum suo magis obfuisse nomini, quam meo optimus quisque, certo scio, judicabit.*

F I N I S.

ADDI-



# ADDITAMENTUM

A D

TRACTATUM

D E

CONTAGIO

pag. 142. 143. 144. &c.

S E U

DE LUE BOVINA AD FINEM  
VERGENTE ANNO 1761. EPIDEMICE  
GRASSANTE; ITEM DE EJUSDEM  
CAUSIS, PRÆSERVATIONE, ET  
CURATIONE.

ADDITIONAL

TO THE

COMMITTEE

ON

THE

REPORT

OF THE

COMMISSIONERS

OF THE



SECTION PRIMA  
DE  
NATURA, ET CAUSIS  
LUIS BOVINÆ.

I.

**D**um in meo Tractatu de contagio  
generales contagii causas expo-  
nere, ac tum rationibus, cum observa-  
tionibus eas firmare annisus eram; attigi  
tandem CLVI. pagina 142. sed super-  
ficialiter tantum, contagium particulare,  
& epidemicum, quod a tot jam annis in-  
ter armenta horrendam agit stragem.  
Declaravi ibidem ejusdem causas; adjeci  
quoque quædam remedia pro similium mor-

borum, tam præfervatione, quam curatione; quæ ego & propria & aliorum experientia præ aliis, hucusque adinventis deprehendi proficua.

## II.

Cum vero hæc dira lues vergente ad finem anno 1761. de die in diem ingravescere, & suæ tyrannidis imperium, non tantum per Austriacas, sed per alias etiam ditiones extendere videatur; item cum singulares hic videam subesse causas, propter quas longe, lateque grassetur; consultum duxi, ut separatim de hac lue, ejus causis, & curatione verba faciam.

## III.

Hanc luem eo magis horrendam, & Reipublicæ perniciosam existimo, quod ad plures animalium species evagari conetur; etenim non tantum, ut apparet, boves, sed hinc inde etiam oves, & equos agreditur; quapropter materiæ ipsius gravitas exigit, ut hanc armentorum pestem  
dili-

diligentia, qua possumus maxima persequi-  
temur, & ruminemur.

## IV.

Præliminariter enim judico, quod quilibet in similibus morbis versatus admittet, hanc bovinam luem esse epidemicam, & contagiosam; quod quamvis ex tractatu de contagio jam constet, tamen potest aliquis dubitare, an sit contagiosa; quia dicet, sufficere, esse epidemicam.

Verum, si ad intima contagii principia reflectamus, quilibet, qui sic asserit, fallitur; nam illud contagiosum dicimus, quod alteri communicari potest; quod autem ipsa lues bovina aliis sanis bobus sæpe communicetur, ipsa proh dolor! loquitur quotidiana experientia.

## V.

Si vero hæc non sufficiat ad convincendum Adversarium, firmabit nostrum assertum alia experientia; quæ haud pridem in Anglia, & jam alibi instituta legitur;

qua constat, luem bovinam per inoculationem, & infectionem eodem modo sicut variolas, & morbillos communicari, & ultro propagari posse. Adeoque sicut variolas, & morbillos, ita etiam luem bovinam contagiosam, & communicabilem affirmare debemus. De hac re plura legi possunt in meo tractatu de contagio.

#### VI.

Ex quibus cum fundamento quidem concludere possumus, quod multa animalia bruta ex contracto ab aliis infectis contagio, tali laborent lue, a qua alias libera permansissent, si miasma illud contagiosum, ex adhibitis certis cautelis, non hausissent. Verum tamen hoc non satisfacit animo sciendi cupido, intimiusque res ipsas, earumque progressus, ruminanti; etenim sequentes difficultates, seu quaestiones adhuc solvendae supersunt, ut

obstantibus. VII.

Primo: quare hæc miasmata luis bovinae contagiosa hoc potius anno, quam alio grassentur?

Secundo: quare tantum bobus, & non aliis animantibus communicentur? Sic experientia docet, quod homines, canes, & alterius generis animantia libere, & impune cum infectis bubus versari possint. Debet igitur in ipsis bobus quædam dispositio ad suscipiendum, & evolvens tale miasma latere, quæ aliis abesse videtur. Unde vero ista dispositio derivanda sit, & in quo consistat? hic labor, hoc opus.

### VIII.

Ad satisfaciendum propositis quæstionibus fane non ex alia, quam ex nostra de contagio hypothesi patet via; qualem jam prædicto tractatu pag. 145. sed præcipue ubi de rubigine agitur pag. 185 indicavi.

Ex-

Exinde enim constat, quod quando-  
cunque a bobus exuberantia feminia ver-  
minosa ingeruntur, illorum humores ita  
inficiantur, & disponantur, ut facile, si  
causa movens accesserit, ibidem sobolesce-  
re, & in actum deduci possint.

Talia feminia verminosa dixi a certis  
flantibus ventis Austrinis, item a pluviis  
verminosis, sed præcipue pascuis rubigi-  
nosis dependere; quæ dein, accedentibus  
constitutionibus temporum humidis foven-  
tur, ac tandem evolvuntur, diversosque  
morbos epidemicos, & contagiosos cau-  
santur. Hoc ipsum Hippoc. de morbis  
popularibus, & in Aphorism. Lib. III.  
affirmat.

Notabilis est pariter observatio, quam  
Vitruvius de Insula Lesbo affert: *In qua  
Auster cum flat, homines ægrotant, quando  
Corus, tussunt, cum septentrio, omnes  
in salubritatem restituntur.*



## IX.

Ast dices: omnes prædictæ causæ videntur in hac constitutione, nimirum 1761. non tantum in Austria, sed in aliis pariter provinciis abfuisse: etenim tanta siccitas, calorisque exuberantia totam obtinebat æstatem, ut frumenta, legumina, olera, fructus horæi, & pascua pro bobus ipsa, magnum detrimentum, defectumque passa fuerint.

Item nec Austri, nec Euronothi flabant; neque vegetabilibus rubiginis quædam nota imprimebatur.

Quapropter videtur specialis quædam causa subesse, quæ hoc anno boum corpora ita disposuerat, ut hoc tempore lue epidemica & contagiosa laborent, delectanturque.

Ad quod respondeo omnino, in præsentelue bovina speciales causas interfuisse; & interesse quæ etiam me moverunt, ut separatim illas exponerem, & coram sisterem.

Ut

Ut vero eo evidentius, clariusque asserti veritas pateat, necesse erit, ut constitutionem hujus anni vernalem, æstivam, & autumnalem quam brevissime delineemus.

### XI.

Valedicente hiberno frigore imbres frequentes, & exuberantes ingruiebant, quales non tantum Austriam, Bohemiam, Moraviam, Styriam, Carinthiam, Bavariam, sed & alias provincias in- & exundationibus affligebant.

Hoc monstrant ad hanc usque diem tristitia diversarum ruinarum vestigia, quæ exundationibus fluminum, lacuum, rivulorumque debentur.

### XII.

Hanc constitutionem nimbosam excipiebant intensi calores, & siccitates, quæ, ut jam dictum est, totam obtinebant æstatem.

### XIII.

## XIII.

Tandem his successit autumnus perquam humidus, densis, perpetuisque concomitatus nebulis; donec sub initium Decembris rigidissimum, & Danubium cogens ingrueret frigus.

## XIV.

His præmissis supponi, quinimo, ut dein magis patebit, admitti debent, tempore humido, pluvioso, vernali quam plurima adfuisse feminia verminosa, dein evolvenda.

Verum tamen, cum tempore æstivo sufficiens, & necessarium pro eorundem fotu, & evolutione defuisset humidum, hæc, quæ talia integra, & inertia in superficie terræ hæserant.

## XV.

Præterea, cum ex eodem humidi defectu, campi, prataque minus graminea, minus viridescencia essent, graminis stamina, quæ alias denso agmine terram operire,

rire, & in longum extendi solent; rara, exilia, brevia, & fere exusta permanere.

## XVI.

Ex quo patet necessitas, qua armenta premebantur, hæc stamina graminea ad radices usque suoprehendendi ore, quæ in graminis exuberantia prominentias tantum ejusdem abradunt, decerpuntque.

Unde dein evenit, ut una cum gramine quam plurima seminia verminosa, superficiem terræ occupantia prehenderent, & deglutirent; sicque iisdem totam massam humorum inficerent, ad putredinem, seu ad talium ovulorum evolutionem, qua data proxima occasione, disponerent.

## XVII.

Hæc ipsa occasio, seu causa movens, & fovens se, præsertim in autumnobtulit, quo, ut dixi, tempestas humida cum densis, & perpetuis nebulis præ-

do-

dominabatur ; unde prædicta femina fo-  
vebantur, ut eo facilius dein in actum de-  
ducerentur.

### XVIII.

Hoc factum est in aliquibus bobus sine  
contagio, nimirum propriis naturæ mo-  
tibus, & fotibus ; in aliis vero cum con-  
tagio ; dum videlicet miasma hoc vermi-  
nosum, & contagiosum jam in actum de-  
ductum, & sobolefcens, aliis sanis com-  
municabatur, in quibus cum homogene-  
am, id est verminosam dispositionem of-  
fenderet, eo facilius, & eo citius sobole-  
fcebat, & multiplicabatur.

### XIX.

Ex his jam adductis, & præsuppo-  
sitis principiis, quæstiones superius pro-  
positæ facile solvi poterunt ; ut quare ni-  
mirum hoc potius, quam alio anno hæc  
dira lues sæviat ? Item quare præ aliis  
animalibus genus bovine tali lue afficiatur ?  
Et tandem : quare, & oves, & equi,  
*Toms. I.* O quam

quamvis non eadem sævitie, qua boves, hoc anno tali contagio corripiantur? Etenim hæc pariter animalia magnam partem iisdem, quibus boves, vescebantur pascuis; ficque iisdem feminiis verminosis suos contaminabant humores.

## XX.

Quod vero quam plurima ovula, seu feminia verminosa, ut superius dixi, tempore verno, & æstivo in superficie terræ inertia hæserint, patet exinde, quod prædominante in autumnno humiditate magna, & frequens insectorum culicum, crabronumque copia oppleverit terram, & aëra, quod quilibet magno cum sui incommodo expertus est.

## XXI.

Interim prævideo, futuros, qui dubitent; an lues bovina a tali feminio verminoso, deglutito, & ad massam humorum delato dependeat. His ego oppono observationes, quibus tales convincantur,

tur, ut idem mecum sentiant: sic ex relationibus, quas quisque curiosus habere potest, constat, quod armenta, quæ raro, tarde, & domi prius jam faturata ad pascua ducebantur (si à contagio satis cautum erat) innoxia, & a tali lue libera perstiterint; quin imo adhuc talia persistant, quamvis alia in vicinia magnam partem jam deleta fuerint.

Quia hoc non obstante, quod talia armenta ad pascua ducta fuerint, tamen non illa aviditate, & illa profunditate gramina prehendebant, ut prædicta semina verminosa una cum gramine deglutivissent; sicque, ut in aliis bobus factum est, suos humores inquinassent; unde etiam evenit, ut talia animalia, si a contagio cautum erat, sana, & integra permanferint.

## XXII.

Talia exempla dantur plurà, sic in oppido *Himberg* uno circiter milliari *Vienna* distante, mense *Octobri* hujus anni

omnes vaccæ ad internecionem debebantur; exceptis tantum duobus præsepibus, nimirum Perill. Domini de Prandau, & alterius civis; quorum vaccæ, quia in æstate raro, & prius domi jam saturatæ ad pascua ducebantur, immunes a tali lue supervivunt. Idem contigit in multis aliis villis, & oppidis.

### XXIII.

Denique ex his, quæ hucusque dicta sunt, patet causa materialis hujus truculentæ luis bovinæ, quæ in prædicto feminio verminoso, evolubili consistit.

Hujus asserti ulterior ratio deduci potest ex his; quæ in lue affectis, & quæ ex lue denatis armentis observantur; observantur autem sequentia.

### XXIV.

Primo: dum incipiunt ægrotare, abhorrent ab omni cibo, avidius tamen solito solent haurire potum. Tristes, &  
ca-



caliginosos exhibent oculos. Vaccae mox privantur lacte. Nares, lingua, fauces, denique totum os internum ulcerosum, & quasi apthosum apparet. Quare hæc videtur esse ratio, quod præ dolore ruminare quidem, sed non masticare valeant. Item ex eadem hac ratione fit, ut irritatis continuo narium, oris, fauciumque glandulis, muci, salivæ, lymphæque plus minusve foetentis perpetuus fiat secessus. Ex quo dein exurgit, ut, nisi humorum deperditorum copia, per copiosum, & appropriatum potum resarciatur, fauces arescant, lingua fiat nigra, & striata, anhelitus perquam difficilis, ac tandem gangræna & mors.

Aliquos diarrhæa cum sanguine stercorei mixto necat. Aliis vero, quibus venter constipatur, tumor tympaniticus accedere solet. Item alii, materia peccante ad encephalon versa, derepente, ut apoplectici corruunt. Ad sunt sæpe alia

etiam symptomata, quæ hanc diram luem comitari solent, verum hæc, quæ adduxi, sunt præ aliis communiora.

### XXV.

Secundo supersunt declaranda illa, quæ in exenteratione lue denatorum boum plerumque inveniuntur: In omnibus inveniebantur vomicæ, abscessus, qui vel pulmones, vel hepar, ventriculum, oesophagus, mesenterium, vel cerebrum, aliaque viscera occupabant, qui rupti, aperti magnam materiæ putridissimæ copiam fundebant.

Isti abscessus videntur esse effectus ipsius morbi, in quantum materia morbifica in humoribus hærens per modum metastasis ad has partes deponitur, quas corrumpit.

### XXVI.

Tandem tertio: siue materia illorum ulcusculorum nares, faucesque occupantium, siue illorum abscessuum microscopio

pio exploretur, semper observantur innumerabiles vermiculi, quos etiam videre possumus, si humores, qui in vasis continentur, tali subjiciantur examini quod in tractatu de contagio jam demonstratum fuit. Unde etiam fit, ut, si portio talis materiæ pro ejusdem morbi in aliis fanis bobus infitione aut inoculatione adhibeatur, idem morbus ultro propagetur; sicut in variolis, & morbillis fieri solet.

## XXVII.

Ex quibus ultro causa materialis luis bovinæ elucescit. Quia, si eodem modo communicari, propagari, & multiplicari potest, sicut variolæ, necesse erit, ut eadem habeat pariter principia, nimirum feminia verminosa.

## XXVIII.

Item exinde patet principium, & progressus morbi in lue affectis armentis: dum enim talia feminia verminosa evolvunt, & sobolescere incipiunt, fit, ut par-

tim excrementis , partim ovulis totam massam humorum inficiant. Uti superius in tractatu de contagio de aqua nuceriana turbida , & foetida reddita dictum est. Istæ partes hæterogeneæ massæ humorum mixtæ dein subsistunt in minimis vasis, glandulis, aliisque visceribus. Unde dein illa ulcuscula narium , oris, faucium, item vomicæ , abscessus, diversa occupantes viscera , derivari debent.

## XXIX.

Quemadmodum enim in lue , seu peste , quæ proh dolor ! genus humanum quandoque affligit, observantur illi præcipue talia miasmata pestifera facile contrahere posse, qui natura, temperamento, & ætate vegeti , & succulenti sunt ; ita id ipsum , non tantum in hac lue bovina , sed etiam in aliis , alio tempore hic grassantibus , observabatur. Sic boves juvenes , vegeti , robusti , obesi præ aliis  
huic

huius morbo obnoxii erant ; minus vero senes, debiles, frigidi.

Ratio hujus observationis non nisi ex nostris de contagio principiis reddi potest; quia in illis, sicut virtus generativa, ita etiam virtus pro fetu, maturatione, & exclusione, seu evolutione feminii vermiformi quam maxime viget; in senibus vero, & debilibus min.

---

## SECTIO SECUNDA

*De*

*Luis bovinæ præservatione, curatione;  
aliisque ad hunc scopum  
spectantibus.*

XXX.

Ex his jam datis, & præsuppositis de contagio, tam in genere, quam in particulari principiis, sequitur methodus

truculentæ hujus luis bovinae tum præservativa, cum curativa.

In simili enim lue bovina tria nobis exurgunt executioni danda officia.

Primum respicit sanos boves; ut videlicet illi a morbis præserventur.

Secundum versatur circa boves lue affectos; ut illi sanitati restituantur.

Tandem tertium, cujus pauci meminere, ut caveamus, ne grassante lue bovina, homines aliquod sanitatis detrimentum exinde capiant, contrahantque.

### XXXI.

Ad officium præservationis, quo nimirum armenta sana conserventur, multa & sane longe plura, quam quæ in usum vocari solent, spectare videntur. Etenim conservandæ armentorum sanitati invigilare debemus, non tantum illo tempore, quo aliqua epidemica, & contagiosa lues grassari observatur; sed omni alio pariter tempore, ubi hæc longe abesse videtur.

### XXXII.

## XXXII.

Ista conservatio, & præservatio, ad quam perpauci attendunt, consistit in eo, ut armentorum ductores, & custodes, quantum possibile est, curent, & procurent, bobus potum aquæ puræ, & continuo motu depuratæ. Adeoque arceant, quantum fieri potest, armenta a potu aquæ desidis, & stagnantis, quia ex tractatu nostro de contagio constat, aquas stagnantes continere in se innumera animalcula, eorumque ovula; quæ una cum aqua deglutiantur, subeunt circulum humorum, hos tandem inficiunt, & ad putredinem disponunt.

## XXXIII.

Hoc est quidem verum; quod potissima horum heterogeneousorum corporum pars una cum excrementis e corpore secedat; interim Clarissimo Læwenh. subscribere non possum, quod quædam subtiliores portiones vasa lactea non subeant.

Hoc

Hoc evidenter videmus in illis , qui vermibus intestinalibus laborant ; hi enim corripuntur sæpe febre , quæ ab illorum vermium excrementis , per vasa lactea ad massam humorum raptis dependet ; & miseros infantes sæpe ad marasmm deducit. Item experientia constat , quod minima portio ovi putridi deglutita excitet nauseam , vomitum , febrem &c. Vide Boerhav. Chemiæ P. III. adeoque idem dicendum est de aquis foetidis , putridisque.

#### XXXIV.

Præterea ad bonum ruralis œconomiae præfectum attinet , ut caveat , ne armenta ad pascua ducantur , dum hæc aliqua rubiginis nota consperguntur ; quia in tractatu de contagio ostendi , rubiginem certa seminia verminosa secumferre ; quæ in simili casu una cum pascuis deglutiuntur , massam humorum inquinant , & ad putredinem disponunt.

#### XXXV.



## XXXV.

Si tamen in simili casu armenta ad pascua ducenda sunt, hoc fiat tarde; dum nimirum sol suis radiis maximam similis feminii verminosi partem jam dissipavit, & ad superiorem, ut dicimus, aëra elevavit.

Hæc sunt, præ aliis, etiam tempore ab omni contagione libero perquam bene observanda, & in usum vocanda. Grassante vero inter armenta contagione, non tantum his mox dictis, sed etiam aliis cautelis opus erit, ut

## XXXVI.

Primo: sana animalia caveant a pascuis, aqua, fœno, stramine, item ab omni suppellectili, quo lue affecta animalia utebantur.

## XXXVII.

Secundo: Ex eodem fundamento debet armentorum sanorum omne commercium cum infectis dirimi. Item infecto-  
rum

rum pastores , canes , homines debent , quam longissime fieri potest , a fanis abesse.

### XXXVIII.

Tertio : Præsepia debent , quantum possibile est , conservari munda , diligenter , & sæpe ab omni humido , & putrido purificari. Huc spectant diversa suffimigia , uti & odores foetidi.

### XXXIX.

Quarto : Pro præservatione commendantur a Veterinariis , ipsa docente experientia , inunctiones , & setacea. De quibus vide Clarissimos Ramazzin , & Lancisium. Ratio eorum effectuum est : quia superius dixi , quod materia peccans soleat deponi ad diversa viscera , sicque illa corrumpat : setacea vero hoc impediunt , in quantum materiam peccantem ad illas partes , ubi excitantur , derivant.

Ex eodem fundamento debent institui fortes , & frequentes strigili , aut alio in-

stru-

strumento aspero frictiones, quia sic transpiratio materiæ peccantis promovetur: Huc etiam referri potest purus potus, & victus ex salubribus, gramine, aliisque vegetabilibus præsertim viridescens; unde dein fit, sicut de rubigine dixi, ut massa humorum corrigatur, illa, quæ heterogenea illi insunt, a viribus vitæ digerantur, sicque cum lotio, excrementis aut alia via e corpore eliminantur.

## XL.

Tandem quinto: Multa remedia a Veterinariis pro præservatione laudantur: talia sunt maximam partem alias alexipharmaca dicta; ut angelica, carlina, scordium, imperatoria, vincetoxicum, baccæ juniperi, lauri, & similia, quæ roborant, & transpirationem promovent. Ex quibus dein pulveres, boli, decocta præparari possunt.

Ast, quamvis hæc & similia non improbem, quin imo in aliis, quibus armen-

menta affici solent, affectibus convenire judicem; non concipio tamen, quid in illo casu, ubi dispositio verminosa, & contagiosa, brevi evolvenda, in corpore latitat, talia efficere valeant. In simili enim casu unica vermifuga, & vermicidia sic dicta anthelmintica remedia indicari videntur. Quia hæc unica paria sunt verminoso huic seminio digerendo, destruendo, & inertī reddendo, aut tandem sic digesto, & præparato per diversas vias e corpore eliminando.

### XLI.

A vulgaribus autem anthelminticis in materia medica Venerabilis Boerhavii & Clariss. Gorter expositis, vix aliquid sperandum credo, quia hæc fere eodem modo, ut superius dicta alexipharmaca angelica, carlina, imperatoria &c. vires suas exerunt.

Adeoque recurrere debemus ad illud notum, universale & specificum anthelmin-

minticum , videlicet mercurium ; de  
cujus virtute nullus practicum hoc tem-  
pore difficultatem aliquam movere potest.

Difficultas igitur tantum superest , qua  
ratione , & quomodo præparatus conve-  
nientius , & opportunius exhiberi possit.

## XLII.

Ego multiplici experientia didici ,  
quod mercurius dulcis cum camphora  
mixtus , & exhibitus omnibus aliis ejus-  
dem præparationibus præferendus sit ; quia  
partes oleosæ , camphoræ mercurii dulcis  
partes acres ita obvolvunt , & irretiunt ,  
ut genus nervosum , & vasculosum minus  
irritare valeant ; sicque majorem virtu-  
tem alexipharmacam , vermifugam & ver-  
micidiam , minorem vero ad salivationem  
exerant. De hac mixtione mercurii dul-  
cis cum camphora , & exinde resultante  
majore vi alexipharmaca lege elegantissi-  
mum tractatum , seu observationes de pe-

Stilientia Ucraniæ Eruditissimi Friderici Schreiberi.

### XLIII.

Præservationis gratia exhibentur quotidie scrupuli duo, aut ultro mercurii dulcis, & dragma dimidia aut scrupulus unus camphoræ. His soleo addere aliquid de assa foetida, de myrrha, aut etiam de floribus sulphuris; quæ cum prioribus mixta, in forma pulveris facile propinantur; sic continuando per octiduum, & magnam copiam liquidi superbibendo.

### XLIV.

Quia vero tale remedium miseræ rusticorum forti nimio esset pretio, judico, quod hujus virtus suppleri possit, decoctione mercurii vivi in aqua; talis aqua mercurialis poterit misceri cum aqua potus ordinarii. In quo casu non aliæ essent expensæ, quam lignorum, quæ ad decoctionem adhibentur. Experientia autem omnium practicum constat, quod talis  
aqua

aqua decocta in corpore humano virtutem vermifugam & vermicidiam exerat; unde non video rationem in contrarium, quare non idem efficere possit in corporibus brutorum.

## XLV.

Item sat levi pretio posset haberi remedium alexipharmacum, mercuriale ex mercurio sublimato, & spiritu frumenti; quod, sicut hoc tempore novimus, hominibus sine omni noxa, & periculo propinari posse, ita nullus dubitarem, quin idem remedium etiam brutis impune exhiberi possit.

Hæc tamen cautela in exhibitione hujus remedii, sicut mox antea de mercurio dulci dixi, adhibenda est; ut copiosus potus aquæ cum fursuribus, aut hordeo, aut ejusdem farina decoctæ subsequatur. Hoc valentissimum in multis contumacissimis morbis remedium, uti & plura similia Illustrissimo, Eruditissimo D.

L. B. van Swieten debemus. Sed de hac materia mox sequentur plura.

### XLVI.

Pro coronide quæri posset, an purgationes & venæsectio aliquid ad præsevationem conferre possint?

Respondeo, quod sicut hæc duo remedia homines, grassante inter illos aliquo morbo contagioso, ab illo non præservant, quin imo potius noceant, quia vires exhaustiunt, idem dicendum fit in nostro casu.

Hæc sunt, quæ conservationem & præsevationem armentorum a lue grassante concernunt. Ordine sequitur, ut de armentis lue affectis, sanitati restituendis agamus.

### XLVII.

Dum grassante inter armenta contagione prædicta XXIV. exposita signa in aliquo horum adsunt, concludere jam possumus, tale animal eadem lue affectum, &  
infe-



infectum esse; quare quantocius hoc a fanis, vel, quod melius, sana ab hoc, separari debent.

Multi Veterinarios solent mox ad purgantia, & largissimas sanguinis detractiones confugere.

Verum cum his caute mercandum; nam purgantia acria, drastringa febrem, putredinem, & morbum augent: profusa sanguinis detractio vires materiæ peccanti digerendæ necessarias aufert, unde plus nocet, quam prodest.

Verum tamen si calor, fitis, & febris sit vehemens, si vires adsunt, poterit sectio venæ, vel sub lingua, aut in cauda, vel alibi institui. Sicut purgantia drastringa nocent, ita lenitiva, & antiphlogistica probantur; uti sunt decocta prunorum, tamarindorum, & similium, quæ pro potu ordinario exhiberi possunt.

Item inuſtiones , fetacea ex eadem ; ut ſuperius dixi ratione hic pariter conueniunt.

### XLVIII.

Cura , quæ in lue affectis bobus inſtitui ſolet , eſt multiplex ; aliqui enim diuerſa alexipharmaca , acria , volatilia in uſum vocare ſolent , quibus plus detrimenti , quam emolumenti afferunt ,

Alii vero in cura antiphlogiſtica ſubſiſtunt , quæ conſtat ex decoctione hor-  
dæi , avenæ , aut eorum farinis , furfu-  
ribus ; item malva , althæa , & nitro ;  
tales decoctiones pro potu ordinario in  
uſum vocantur.

### XLIX.

Quidam exhibent ſuperius jam expoſita alexipharmaca , ut angelicam , carlinam , ſcordium , flores ſambuci , bac-  
cas juniperi , & ſimilia ; quæ vel in pul-  
vere , vel in bolo ; item cum aqua aut  
aceto decocta propinant.

Ve-

Verum Eruditiss. Lancisus asserit, omnia hæc remedia vel indifferenter se habent ad ipsum morbum, vel plus damni, quam emolumenti asserunt.

## L.

Quapropter multi alii diversa & valentiora experti sunt remedia, a quibus plus commodi sperandum est.

Sic Clariss. Ramazzini laudat, & suadet in simili lue bovina corticem peruvianum: propter analogismum ab hominibus, quibus in febribus malignis contagiosis perquam proficius esse solet.

## LI.

Alii vero, inter quos princeps est Expertiss. Christ. Salckow. Medicus Berolinensis, laudant, extollunt vitriolum album, sed nimis laboriose præparatum.

Primo enim ter infunditur, & digeritur cum aceto vini; dein ter cum urina pueri, ac tandem ter cum spiritu vini; dein inspissatur ad ignem, & conservatur

in vase vitreo, ne lique scat. Hoc sal propinatur ad duas, tresve dragmas pro dosi, & bis de die in aliquo liquido; cui etiam magna quantitas alicujus liquidi antiphlogistici jungi debet.

Hoc remedium dicitur esse specificum in morbis malignis tam hominum quam brutorum.

## LII.

Ast mihi præplaceret compendiosa methodus vitrioli exhibendi in lue bovina, quam habent Eruditissimi, Fridericus Börnerus Medicus Wittenbergensis, & Gerhardus Wagner. Isti Expertissimi Viri exhibent ægris bobus quotidie unciam dimidiam vitrioli albi, cum sufficiente quantitate mellis exacte mixti, in liquore appropriato, & ut asserunt, optimo cum effectu.

Ego hanc dosim divisi in duas æquales, quarum unam mane, & alteram a meridie propinari curavi.

Item

Item curabo, ut habeam in posterum plures occasiones hoc remedium experiri, & definitive aliquid de ejus virtute vermicidia, vermifuga, & alexipharmaca statuendi.

Supereffent multa alia remedia, a diversis Autoribus exaltata, verumtamen, quia vel inertia sunt, vel quia cum his, quæ jam exposui, conveniunt, missa facio.

### LIII.

Illius vero remedii pro lue bovina curanda, quod in meo tractatu de contagio exposui, hic meminisse oportet.

Hoc remedium pro basi habet mercurium dulcem, & camphoram, his dein pro diversa ratione & indicatione potest addi vel assa foetida, vel myrrha; nitrum vero plerumque.

Dosis mercurii, ut XLIII. dixi, est ad scrupulos duos, camphoræ vero ad dragmam dimidiam.

Talis dosi debet propinari bobus lue affectis bis de die in liquido appropriato, donec videantur melius habere, quod intra quatuor aut quinque dies, aliquando etiam prius evenire solet. Tunc autem exhibetur una tantum quotidie dosi, superbibendo copiosum potum appropriatum.

Potus vero, quem ego exhibere soleo, est decoctum antimonii crudi cum hordeo, aut avena, aut cum eorum farinis; quod est antiphlogisticum & anthelminticum.

#### LIV.

Ex his, ut mihi ab illis, qui bobus lue affectis præerant, relatum fuit, fit copiosior muci, salivæ, plus minus viscidorum per nares, per os secessus; qui eo magis promovetur, si fiant frequentes oris nariumque ablutiones, absterfiones, & cum syringa ex mox dicendis liquoribus injectiones. Sic enim animal morbidum, triste, languens, & promisso capite ruminans

nans, videtur brevi fortius, caput facilius attollere, magis appetere, ac tandem resipiscere.

LV.

Hoc remedio superioribus jam annis, grassante inter armenta contagione, magno cum emolumento sæpe usus fui. Ast in epidemia, quæ nunc, nimirum anno 1761. genus boville affligit, & infestat, majore quam unquam attentione idem remedium in usum vocavi; & ab omnibus veterinariis, qui ægris bobus præerant, accepi, quod a nullo alio remedio meliorem effectum, sive præservative, sive curative hoc exhibitum fuerit, experti sint, quam ab illo, quod mox descripsi.

Quapropter etiam atque etiam aliis, quibus copia hujus experiundi remedii datur, ejusdem usum, ejusque effectuum diligentem annotationem commendo, ut cognoscant, hoc aliis hucusque notis remediis anteferendum esse.

LVI.

## LVI.

Superius jam dixi, quod doleam, hoc remedium pro pauperculis ruricolis nimio esse pretio; unde etiam judicavi, huic remedio aquam decoctam mercurialem, potui ordinario mixtam, vel mercurium sublimatum cum spiritu frumenti, illi substituendum fore, servatis tamen cautelis superius jam notatis. Etenim experientia practicorum constat, hæc remedia in corpore humano vermifuga, & vermicidia esse; item sine noxa, & impune in usum vocari posse; Cur igitur in corporibus brutorum eosdem exerere effectus non valeant, vix quisquam inficias ibit. Unde formula ultimi remedii sequens esse poterit:

℞. Mercurii sublimati gran. V.

spirit. frumenti unci. X.

misc. d. ad. vit.

Optima proportio mercurii sublimati respectu spiritus frumenti, quæ in præscriptione hujus remedii observari debet, est



est illa, qua primus se habet respectu secundi sicut unum ad 960. Quæ proportio habetur in formula adjuncta.

## LVII.

In usu hujus remedii possumus incipere a minore dosi, & successive ad majorem ascendere. Sic, si præservative hoc remedium bobus sit propinandum, exhibeatur prima die unum cochlear mane, & alterum a meridie; secunda die duo cochlearia mane, & duo a meridie; tandem nychthemeri spatio possumus etiam ultro ascendere, & omni trihorio, aut quadrihorio duo propinare cochlearia; sicque continuando per octiduum, dein vero minuendo dosim, successive ad duo cochlearia descendere.

## LVIII.

Si vero hoc remedium bobus infectis sit exhibendum, poterimus eandem propinandi sequi methodum, sicque continuare,

re, donec morbidī boves resipiscere videantur.

Hic pariter, uti superius jam dixi, monendum est, ut huic propinato remedio copiosus potus demulcens, & anti-phlogisticus adjungatur.

### LIX.

Hæc, quæ hucusque dixi, concernunt præservationem & curationem luis bovinae; supersunt adhuc aliæ indicationes ad curationem pertinentes, quæ urgentiora symptomata, luem bovinam concomitantia, respiciunt, & mitigant.

Primum dolorificum, molestum & periculosum symptomata, quod in bobus lue affectis observatur, sunt illa ulcera, quæ nares, faucesque occupant, & sæpe se ad pulmones, omasum, ventriculumque extendunt; unde dein non tantum difficilis masticatio, sed & laboriosa deglutitio evadit.

In

In simili casu debent fieri , & sæpe repeti oris lotiones , ablutiones , & absterfiones ex decocto hordei , avenæ , malvæ cum nitro & melle.

Si vero talia ulcera profundius hærent , & deglutitio fiat difficilis , quia manu ad locum affectum penetrare non possumus , debemus in simili casu alicui virgæ , subtiliori bacculo , aut testui spongiam , aut lintea convoluta alligare , & firmare ; hæc dein prædictæ decoctioni intingere , & partes affectas sæpius attingere , sicque , quantum possibile est , lenire.

Hunc effectum eo citius obtinere poterimus , si ex eodem decocto fiant cum fyringa in fauces injectiones. In quo casu , si magis demulcentia expetantur , poterunt ipsi decocto diversa mucilaginosæ , ut semina cydoniorum , psylli , item althæa , malva aut similia adjungi.

## LX.

Aliud vero fymptoma, quod XXIV. expofui, nimirum diarrhæa, aut dyffenteria cum atrocibus ventris rofionibus, citiffimam gangrænâ & mortem minatur. Si enim talia adfunt, fignum eft, quod materia peccans, acris, cauftica ad inteftina converfa, fimilem ulcerofam conftitutionem ibidem efficiat, ficut dictum fuit de ulceribus oris, & faucium.

Quapropter in fimili cafu debent diverfa, & copiofa diluentia, mucilaginoſa, roborantia, & anodyna in uſum vocari.

Diluentia & mucilaginoſa haberi poſſunt ex decoctione hordei, aut ejus farina, malva, althæa, tormentil. biſtorta, & ſimilibus.

Ad roborantia ſpectant diverſa, dummodo non ſint volatilia; talia ſunt: mirobolani, theriaca veneta; quin imo juxta mentem clariffimi Ramazzini, ut  
jam

jam dixi, cortex peruvianus, qui non tantum interne ad unciam dimidiam pro dosi aliquoties de die propinari poterit, sed poterit quoque cum prædictis mucilaginosi coqui & per modum enematis sæpius injici.

Similibus clysteribus, tam roborandi, quam dolores sopiendi causa addere possumus quandoque unciam circiter dimidiam theriacæ venetæ.

Item cum priore decocto possunt coqui duo, aut tria capita papaveris albi una cum feminibus & corticibus contusa; dumque dolores, & tormina urgent; quod ex diversa conversione, convoluzione corporis, & boatu cognoscitur, in alvum injici.

Si hæc, quæ annotavi, fiant materia acris & caustica intestina continuo irritans temperabitur, abluetur, abstergetur; partes læsæ, & debiles, roborabun-

buntur; & tandem dolores ventris mitigabuntur.

### LXI.

Quemadmodum autem evenire solet, ut venter nimium solvatur, continuoque fluat; ita sæpe contingit, uti superius infinuavi, ut stringatur & obstruatur; in quo casu fit, ut neque excrementa, quin imo nec lotium secedat, venter attollatur, infletur, & tympanitidem repræsentet.

Si hæc ideo fiant, quod in aliquo abdominis viscere hæreat abscessus; aut si serum sit jam extravasatum, tunc omnia medentium conamina & superflua & irrita sunt.

### LXII.

Si vero vasa necdum sunt rupta, aut erosa, sed tantum distenta; si causa intra intestinorum canalem hæreat, tunc spes superest, ut hæc solvatur, & e corpore eliminetur.

Hoc

Hoc fit methodo, quæ quidem Medicis, sed Veterinariis vix inculcari potest. Nam, si ex certis signis videatur, ut plerumque esse solet, inflammatio cum hoc affectu conjuncta; & animal affectum adhuc viribus constare; debet fieri congrua sanguinis detractio; secus enim, si hæc non instituitur, presso pede gangræna, morsque ingruunt.

In hoc statu potus debet esse ex radicibus asparagi, graminis, petroselini, floribus genistæ, & similibus, sed semper cum copioso nitro.

His, si febris remissior adsit, baccae juniperi, alkekengi cum diversis Roob, ut ebuli, juniperi, de spina cervina, adungi poterunt.

Item clysteres debent pariter sæpius injici, tales constare possunt ex decocto herbæ mercurialis, baccarum juniperi, aut etiam ex an ea dictis Roob, quibus magna copia salis polychresti, aut nitri;

aut in hujus defectu, falis communis addi potest.

### LXIII.

Hæc ipsa remedia conveniunt pariter, si prædictus tumor tympaniticus sit sine inflammatione. Diversitas enim curationis in eo tantum consistit, quod in hoc casu fortiora, acriora magisque tam excrementa, quam lotium promoventia in usum vocari possint.

Hæc sunt symptomata, quæ morbos armentorum plerumque concomitari, & tam molesta, quam periculosa esse solent.

Pro horum curatione adduxi communissima, & perquam vulgaria remedia, quæ etiam ruri cuilibet nota, & sine, aut saltem levissimis expensis haberi possunt.

Item unicuique hic inculcatum velim, quod meus hicce scopus sit, ut morbos armentorum contagiosos solum, non vero alios, quibus bruta vexari solent, explanem, exponam.

Alii



Alii enim brutorum morbi, prout alias, & diversas habent causas, ita etiam diversam, cujus hic sollicitus non sum, exigunt curationis rationem.

LXIV.

Tandem supereſt exponendum ultimum, quod ſeſtione II. numero XXX. propoſui, Medici officium; quod in eo conſiſtit, ut pro poſſibili caveamus, ne ex contagione armentorum homines aliquod detrimentum, labemque capiant, contrahant.

Cuilibet notum eſt, quantum pro dolor! detrimentum œconomix domesticæ & rurali ex graſſante lue bovina afferatur. Exinde enim filet & languet agrorum tam neceſſaria cultura, quam preſſo pede ſequitur annonæ caritas, ad faciendam ſementem difficultas; ac tandem ad præſtanda prædiorum vectigalia impoſſibilitas, & reliqua hujusmodi damna in Rempublicam redundantia.

Quomodo vero his tam præservative, quam curative obviam eundum fit, superius jam dictum fuit; reliqua vero a Clarissimis & Expertissimis Reipublicæ curatoribus potius, quam a Medicis dependent.

### LXV.

Est vero aliud damnum, quod hominum sanitati, tempore bovillæ pestis, imminet, infidiasque minatur.

Nullum inter bruta animal videtur homini, non tantum ad ejusdem œconomiam, verum etiam ad ejusdem nutrimentum tam opportunum, tam necessarium, quam armenta ipsa. Huc spectant eorum carnes, lac, butyrum, caseus, sebum, adeps, corium, denique omnes eorum partes habent certos inter homines usus.

Si istæ partes sint sanæ integræ, & sine labe, sanitati tam facile non officiunt; secus vero, si jam corruptæ, putridæ, aut corruptioni proximæ existunt, tunc sanitatem facile lædere possunt.

Hoc

Hoc ipsum legimus in sacris litteris, ubi fracidæ carnes, adeoque eo magis jam putridæ, prohibentur. Sic Deuter. capite XIV. *Quidquid autem morticinum est, ne vescamini ex eo.*

Ex quo patet, quod æterna providentia nos a similibus carnium usu, & esu dehortetur, ne fanitas exinde detrimentum aliquod capiat.

In hoc videntur quidam Medicorum plane opposita sentire; nam aliqui nimis laxi, & liberales, carnes bubulas, lacticia tam sanorum, quam infectorum boum infontia esse autumant; quales erant quondam Medici Patavini: uti videre est apud Ramazzinum.

Alii vero nimis rigorosi, & scrupulosi judicant, grassante lue bovina, ab omnibus carnibus bubulis & lacticiniis tam sanorum, quam infectorum boum, abstinendum esse: de quibus mox plura dicemus.

## LXVI.

Quapropter in opinionibus tam contrariis, & oppositis judico, grassante lue bovina sequentes regulas observandas esse.

Primo, ut cadavera lue denatorum integra, & una cum pelle quantocius, & sat profunde tumulentur.

Secundo, ut lege, & Autoritate publica caveatur, ne aut carnes, aut lac infectorum animalium in usum vocentur.

## LXVII.

Istæ duæ regulæ indigent ulteriore explanatione & probatione; eo quod prævideam eas non ab omnibus probatum iri.

Difficultates enim, quæ contra moveri possent, consistunt potissimum in eo, quod ex datis de contagio principiis constet, quod materia peccans contagiosa suæ inhæreat quam attingit, speciei, neque ad aliam soleat evagari speciem; sic nos ipsi diximus, & ipsa experientia docet, quod homines, canes impune, sine noxa,

&amp;

& sine periculo inter armenta infecta ver-  
fari possint.

Unde supponendum est, quod, quam-  
vis carnes, lac, & alia brutorum infecto-  
rum in usum vocentur, homines talem  
luem exinde non contrahant.

### LXVIII.

Ad hoc, quod hic opponi solet, re-  
spondeo, quod materiæ, de qua hic agi-  
tur, gravitas Reipublicæque commodum  
requirat profundam, seriam, & reflexam  
attentionem, antequam quidquam hac de  
re decernamus. Hæc non debet ex qui-  
busdam subtilioribus quæstionibus, aut hy-  
pothesibus erui; sed ex ipsis rebus, seu  
ex ipsis repetitis, sæpiusque captis obser-  
vationibus peti.

### LXIX.

Observationes autem, quæ grassante  
lue bovina longa annorum serie confirma-  
tæ habentur, sunt sequentes. Sic

Observamus primo, quod carnes, lac, & alia ex lacte, ut caseus, butyrum, animalium infectorum hominibus noxia, & morbifica esse soleant.

Ratio hujus est, quia talia jam sunt plus, aut minus putrida, adeoque fovent in se certa miasmata verminosa, quæ, si in cibum ab hominibus assumantur, successive massam humorum inquinant, ad putredinem, & tandem ad diversos morbos putridos disponunt; quod fit, prout in similibus subjectis, diversa humorum dispositio subest.

Unde verum quidem est, quod in simili casu diversi morbi putridi exinde exurgant, qui tamen specie ab illa lue bovina differunt; eo quod alia seminia verminosa in humanis corporibus jam præ-existentia exinde in actum deducantur; verum quamvis concederemus illa ipsa seminia carnis bovillæ putridæ etiam una evolvi, tamen exinde inferri non potest, quod

quod morbus exinde resultans fit idem specie cum lue bovina; quia caro bubula putrida continet in se feminia verminosa, diversa ab illis, quæ sunt causa luis bovillæ; etenim in denatis ex aliqua lue animalibus, illud miasma contagiosum, quod fuit causa talis luis, videtur jam aut dissipatum, aut iners redditum; dum vero tale corpus, ut fit præcipue post mortem, sensibilibiter putrescere incipit, tunc evolvuntur alia feminia verminosa, quæ prius inertia in corpore latebant; & talia specie, ut dixi, differunt ab illis, quæ talem luem efficere valent, ut dein clarius patebit.

## LXX.

Eodem modo considerari debet altera observatio:

Observamus nimirum secundo, quod, si cadavera non debito modo tumultentur, suo putrore, seu miasmate putrido verminoso aëra inficiant; hoc dum partim  
 ipsa

ipfa inspiratione, partim salivæ degluti-  
tione massæ sanguineæ communicatur, ean-  
dem inficit, ad putredinem & morbos pu-  
tridos disponit.

Hoc prohi dolor! videmus, dum ex  
comissis præliis cadavera aëri exposita  
putrescunt, & aëra inficiunt.

Id ipsum pariter observamus ex no-  
xiis paludum effluviis, dum enim desides,  
stagnantesque aquæ una cum diversis ve-  
getabilibus, iisdem mixtis, putrescunt;  
tunc vicinum aëra pariter putrido miasma-  
te afficiunt, inquinant; ut vicini incolæ,  
qui hunc inspirare debent, diversis exin-  
de febribus putridis laborent. Ut talia  
apud Eruditissimum Lancisium quisque le-  
gere potest.

### LXXI.

Quapropter his, tanquam certis ob-  
servationibus præmissis, nemo mirabitur,  
si apud Authores fide dignos legat, luem  
contagiosam ab una animalium specie ad  
aliam



aliam tranſiſſe, ut hoc fuſius oſtendi, & expoſui in Tractatu de contagio.

Item mirari non debemus, quod inter armenta lue affecta, homines, canes ſine notabili noxa verſari poſſint; qui tamen ab eorum comeſtis putridis carnibus, aut ab eorum cadverum exhalationibus, tam facile lædi poſſunt.

Ratio hujus ex mox antea dictis deſumi poteſt; quia alia eſt cauſa materialis illorum, quæ ex ſecundo, ut ita dicam, motu putrefactionis evolvuntur; & alia, quæ in viventibus ipſum morbum excitat, & fovet.

Ex quo inferre poſſumus, quod, graſſante lue bovina, tam carnes, quam lacticia fanorum boum ſine noxa, quinimo ſine periculo amittendæ ſanitatis in uſum vocari poſſint.

Ex quo fundamento etiam derivari poteſt ratio alterius obſervationis, quæ videmus, cadavera poſt mortem, ex

mor-

morbo contagioso illatam, non esse tam facile contagiosa, uti erant durante morbo, aut etiam tardius, dum foetere, & secundo putrescere incipiunt. Sic notum est, sandapilarios, & Vespillones, grassante inter homines peste, salvos & incolumes plerumque versari.

Quæ omnia, & plura similia intelligi, & concipi eo facilius poterunt, si parumper reflectamus ad illa, quæ in tractatu de contagio, de insectorum metamorphosi, item de diversis, quibus non tantum corpora animalium, sed & vegetabilium, constant seminiis animatis; sic enim concipiemus, quod non omnia simul, sed successive tantum sobolescant, & evolvantur.

Hic plura alia, quæ tam curationem luis bovinae, quam, vel maxime ejusdem præservationem concernunt, dicenda essent; inter quæ insitio, & inoculatio luis  
bo-

bovinæ, a me in tractatu de contagio jam  
descriptæ, numerari debet. Verumta-  
men, quia plures fimiles cautelæ apud  
Eruditissimos, Ramazzinum, Lancisium  
aliosque clarissimos Authores legi  
possunt, tales missas facio.

F I N I S.





# ERRATA NOTABILIORA

## IN

### TRACTATU DE CONTAGIO.

Pagina	40.	Linea	9.	debent	loco	debet.
70.	-	-	2.	quare	-	quaer.
76.	-	-	1.	ita	-	item.
170.	-	-	2.	1757.	-	1751.
188.	-	-	12.	quæ	-	qui.
213.	-	-	4.	aphthosum	-	apthosum
214.	-	-	8.	omasum	-	onafum.
217.	-	-	9.	minus	-	min.

THE UNIVERSITY OF CHICAGO  
LIBRARY  
OF THE EAST ASIAN LIBRARY

ASIAN LIBRARY  
UNIVERSITY OF CHICAGO  
1100 S. MICHIGAN AVE.  
CHICAGO, ILL. 60607  
U.S.A.

TRACTATUS II.  
DE  
VARIOLIS.  
AUTORE  
MARCO ANTONIO  
PLENCIZ,  
MEDICO VINDOBONENSI.



---

VIENNÆ AUSTRIÆ,  
Typis JOANNIS THOMÆ TRATTNER, CÆSAR. REG.  
APOST. MAJEST. AULÆ TYPOGR. ET BIBLIOP.  
MDCCLXII.

STATUTES

OF

THE STATE OF NEW YORK

IN SENATE

JANUARY 1880

CHAPTER 1

AN ACT TO AMEND THE



ALBANY: PUBLISHED BY THE STATE OF NEW YORK, 1880.

PRINTED BY THE STATE OF NEW YORK, 1880.



# PRÆFATIO AUTORIS

## Ad Tractatum de Variolis.



Materialies de variolis adeo jam a quam plurimis Eruditissimis Viris trita hucusque fuit, ut metuum, ne de his acturus actum agere cuipiam videar.

Verum tamen *hoc non obest*, (dicit Eruditissimus D. Werlhoff in Præfatione de novitate variorum) *quo minus indoctior quisquam facta rei alicujus curiosiori inquisitione in virorum doctissimorum conjecturis aliquid nonnunquam inveniat, ubi rem acu tetigisse haud videntur.*


Etenim cuilibet in praxi medica versato notum est, multa, quæ tam æthiologiam, quam pathologiam atque Therapeuticam variorum præcipue malignarum con-

cernunt, adhuc desiderari, quibus neque ego, neque quisque alius tam facile satisfacere valet.

Interea confido, atque spero, fore, ut benevolum Lectorem laboris, quem in lectione hujus de variolis Tractatus impendat, non poeniteat.

In adjunctis observationibus tam in hoc, quam in sequente de Scarlatina Tractatu nomina ægrotorum, maximam partem expressi, ut quisque ingenuus Lector, has non confictas aut ad propriam hypothesim, ut fieri solet, ornatas judicet, siue suspectas habeat.

Reliqua benigno Lectori dijudicanda relinquo. Vale.



*Series rerum notabiliorum, quæ in  
Tractatu de variolis continentur.*

## CAPITE I.

### I.

**C**ommunis & erronea est celebrium etiam Medicorum opinio, variolas & morbillos secundum magis & minus tantum differre. Unde resultat, ut minus apposite variolas & morbillos, tam quoad æthiologiam quam pathologiam una eademque fidelia pertractent. Vide §. 1. 2. 3.

A 3

II.

## II.

*Respondetur illi famosæ quæstioni: num scilicet variolæ omni ævo grassatæ fuerint, aut quando grassari ceperint. 4. 5. & 6.*

## III.

*Ostenduntur seminia variolosa semper & omni ævo in rerum natura extitisse. 7. 8. 9.*

## IV.

*Arabes nobis primi sæculo 12. accuratam & adæquatam exhibuere variolarum descriptionem 10.*

---

## CAPITE II.

## V.

**A***fferuntur variolarum divisiones & differentiæ. His tandem subjungitur earum descriptio, & definitio. 11. 12. 13. & 6.*

## VI.

*Necdum evidenter demonstratum est ,  
quid sit & in quo proprie consistat febris.*  
24.

## VII.

*Exponuntur quædam singularia , & quasi  
anomala symptomata , quæ quandoque va-  
riolas præcedere solent.* 27.

## VIII.

*Exhibentur communiora symptomata ,  
quæ variolas præcedere , concomitari , &  
subsequi solent.* 28. 29. &c.

## IX.

*Quamvis variolæ tempore æstivo gras-  
santes plerumque benignæ , illæ vero , quæ  
hiemem obtinent , maximam partem mali-  
gnæ observentur ; apud nos tamen aliquot  
ultimis epidemiis contrarium obtinuit.*

## X.

*Adducuntur epidemiæ variolarum tam  
benignarum , quam malignarum , quæ hic  
Viennæ intra 30. fere annos observabantur.*  
38. 39.

## XI.

*Item symptomata , quæ in variolis malignis miliaria præcedere solent , ex quibus miliaria futura expertus medicus prædicere potest. 40.*

## XII.

*Talia miliaria raro critice , sæpius tamen symptomatice variolis accedere solent. 42.*

## XIII.

*Idem intelligendum est de miliaribus , aliis morbis acutis , inflammatoriis , ut pleuritidi , peripneumoniæ , supervenientibus. 44. 45.*

## XIV.

*Funestissima variolarum epidemia , quæ ultimis bis annis Viennæ observabatur , fuit illa , quæ annis 1745. & 1746. multos e medio sustulit. 47.*

*Unde hæc parumper distinctius exponitur 48. 49. Item discutitur , an variolarum malignitas , quæ aliquando observabatur , regimini calidiori , perversæque  
me-*

*medendi methodo , aut ipsi epidemiae attri-  
buenda sit. 53.*

## CAPITE III.

## XV.

**H**ic afferuntur & rejiciuntur , diver-  
sæ de variolarum origine , natura ,  
causisque opiniones. 54.

## XVI.

*Verum neque Arabum medicorum opi-  
niones , variolas a sanguine menstruo deri-  
vantium , neque Listeri , Mead , aliorum-  
que tales a morfu alicujus bestiolarum , de-  
ducentium , subsistere possunt. 56. 57.  
&c.*

## XVII.

*Multo minus illorum sententia admit-  
tenda est , qui variolas a capsulis atrabila-  
riis , aut a certis salibus sive acidis , sive  
alcalinis , sive neutris , aut qui a certis  
fermentis , derivare conantur. 58. 59.*

## XVIII.

Quamvis sententia Eruditissimi & Celeberrimi Domini de Hahn, Consilarii Regii, nuperrime publici juris facta, magnam & profundam in Autore eruditionem præ se ferat, non respondet tamen origini & naturæ variolarum. 62. 63. 64. &c.

## XIX.

Tandem assertur propria de variolarum origine, natura, & causis saltem materialibus, sententia. 71. 72.

## XX.

Hæc rationibus corroboratur, & ab adversariorum injuriis vindicatur. 73. 74.

## XXI.

Multiplicatio & propagatio putredinis fit per multiplicationem animalculorum. 75. 76.

## XXII.

Demonstratur putredo esse effectus, & non causa alicujus rei. 78. 79.

## XXIII.

Cum variolæ nunc magis benigna, nunc  
magis



---

CAPIT. ET PARAGRAPH. II

---

*magis malignæ grassentur, quæritur, an earum seminia inter se differant. 81. 82.*

XXIV.

*Miasma variolosum videtur primario petere, & afficere genus nervosum. 83. 84. &c.*

XV.

*Tale miasma variolosum potest diu, quin imo a nativitate corpori inesse. 86. 87. &c.*

XXVI.

*Hic afferuntur illa, quæ ad prognosim variolarum spectant. 90. 91.*

---

CAPITE VI.

XXVII.

**H***ic formantur indicationes, quæ pro diverso variolarum stadio, etiam diversæ esse debent. 101.*

XXVIII.

*Afferuntur remedia, quæ immediate in miasma variolosum agere possunt; quæ saltem*

tem illud ita disponere dicuntur, ut variolæ benignæ exsurgant. 103.

## XXIX.

Pblogistica humorum constitutio in variolis, videtur differre ab illa, quæ in aliis inflammationibus observatur. 104.

## XXX.

Unde patet, quare nec discuti, nec dissipari sine suppuratione possit, ut in aliis inflammationibus sæpe contingit. 105.

## XXXI.

Exponuntur remedia, quæ in pblogistica humorum constitutione conveniunt. 109.

110.

## XXXII.

Alia debet esse ratio medendi in infantibus, & alia in adultis; item alia in variolis discretis, benignis, & alia in malignis, & confluentibus. Quapropter male a quibusdam practicis remedia, quæ in benignis proficere observant, tanquam specifica in malignis deprædicantur. 112.

## XXXIII.

## XXXIII.

*Venæ sectio in quibus casibus celebrari, aut omitti, & qua quantitate institui debeat. 116. 117.*

## XXXIV.

*Quæ cautelæ ratione nitri, & paregoricorum in infantibus adhibendæ sint. 118.*

## XXXV.

*Remedia volatilia, variolas a centro ad peripheriam pellentia non facile in usum vocanda. 120.*

## XXXVI.

*Affertur casus, qui quoad similia remedia adhibenda facile imponere potest, quæ, si adhibeantur, gangræna & mors acceleratur. 121.*

## XXXVII.

*In similibus casibus sanguinis missio, & remedia antipblogistica, omnibus aliis præferuntur. 122.*

## XXXVIII.

## XXXVIII.

*Adducuntur casus in quibus lenia volatilia adhiberi possunt. 123.*

## XXXIX.

*Nitrata , paregorica & sanguinis in debita quantitate detractio in adultioribus , quamvis variolæ benignæ futuræ videantur , in usum vocanda sunt. 127.*

## XL.

*In confluentibus , anomalis , malignisque variolis , quamvis omnia , quæ in benignis secundo cum effectu adhibentur , in usum vocentur , nihilominus tamen non satisfaciunt. Quapropter alia procedendum erit via. 128. 129.*

## XLI.

*In variolis malignis repetita venæ sectiones perquam necessariae sunt ; quæ fere omni tempore morbi urgente necessitate institui possunt , & debent. 132. 133.*

## XLII.

## XLII.

*Hoc assertum experientiis & autoritatibus corroboratur. 136. 137. &c.*

## XLIII.

*Adstruitur regimen, quoad alias res non naturales in variolis observandum. 138.*

## XLIV.

*Si suspicio sit, in primis viis hærere humores peccantes, isti debent per lenia evacuantia antiphlogistica e corpore dilui, & ablu. 140.*

## XLV.

*Si malignitas tanta adsit, ut ordinariis antiphlogisticis domari non possit, debemus ad corticem peruvianum confugere. 141.*

## XLVI.

*Assignantur regulæ de exhibendo in similibus casibus cortice, qui in infantibus, assumptioni remediorum obstantibus, in clysmatibus injici poterit. 143. 144. &c.*

## XLVII.

*Hydrogala, quæ e tribus aquæ puræ partibus, & una lactis, invicem mixtis,*  
*&*

Et coctis, Et sufficiente quantitate sacchari constat, omnibus aliis potionibus diluentibus Et lenientibus præfertur. 148. 149.

## XLVIII.

Quomodo cutis emolliri, Et laxari debeat, ad hoc, ut facilius fiat variolarum eruptio, Et benignior earundem suppuratio. 157. 158.

## XLIX.

Fit mentio specialis variolarum epidemice, in qua sanguis non est spissus, Et lardaceus, sed dissolutus, diffluens. In hac prodest spiritus vitrioli, aliaque subacida, Et subauftera. 160. 161. &c.

## L.

Quid tandem notandum sit de usu mercurii in variolis? 163.

## LI.

Exponitur Clarissimi Gundelsbaimeri methodus tractandi variolas. 169.

## LII.

Sequitur methodus, qua Arabes variolis medebantur. 171.

## LIII.

LIII.

*His adjungitur Celeberrimi medici Bayri variolas tractandi ratio. 173.*

LIV.

*Brevissime quædam de infitione, & inoculatione variolarum. 175. 176.*

---

CAPITE V.

LV.

**D**ocetur, quomodo diversis symptomatibus, quæ variolas antecedere, comitari, aut subsequi solent mederi, debeamus. 177.

LVI.

*Statuitur quid agendum sit, si adsint convulsiones, aut nimia diarrhæa aut aliquaürgens hæmorrhagia. 186. 7. 8.*

LVII.

*Demonstratur in pbrenesi nimius, & communis paregoricorum, anodynorumque*

*usius esse noxius ; quibus præferuntur lenia per epicrasim evacuantia antipblogistica. 192.*

## LVIII.

*Quid in secundaria variolarum febre agendum sit. 195.*

## LIX

*Quid sit micturitio in variolis , quid denotet & quomodo tractari debeat. 197. 8.*

## LX.

*Urinæ in variolis suppressio , effectus , & cura. 199.*

## LXI.

*Si pustulæ variolarum depressæ , flaccidæ ; & si interstitia variolarum minus rubeant , tumeantque minus , quid agendum. 202. 4.*

## LXII.

*Quomodo leniatur , mitigeturque variolarum ardor , dolor , & tensio. 207.*

## LXIII.

*Qua ratione deglutitioni difficili obviam eundum sit. 209.*

## LXIV.

*Quid de salivatione in variolis sentiendum ; quomodo hæc custodienda , aut deficiens promovenda ? 213. 214.*

## LXV.



## LXV.

Quomodo oculi a malignitate materiae variolosæ custo diendi; affecti vero, quomodo curandi? 224. Si aures, si faciei forma & nitor offendantur, quomodo illis prospiciendum? 232.

## LXVI.

Si post variolas ulcera maligna exedentia, si furunculi vires exhaurientes diu & pertinaciter affligant, tunc præter remedia diluentia, & lenientia, cortex peruvianus, & mercurius specifica a celeberrimis practicis deprædicantur. 241.

## LVII.

Exponuntur plures alii affectus qui variolis supervenire solent.

## LVIII.

Tandem capite VI. & ultimo afferuntur quædam singulares de variolis observationes, casusque selectiores, adjunctis ad eosdem annotationibus; quibus illa, quæ de variolis superius exposita sunt, magis dilucidantur, & confirmantur.




# TRACTATUS II.

## DE VARIOLIS

---

### CAPUT I.

*De quibusdam ad variolas spectantibus.*

 apulæ , quæ quasi vari faciem reliquamque cutem , descendant variolæ vocantur. Unde fit , ut Indi variolas sub forma excelsæ mulieris effingant , turpitudine torridæ , furæ instar bicipitis ,  
&

& quatuor brachiis præditæ, cujus simulacrum efformant, cui vota ineptissima, ut grassantibus variolis, ab hac turpitudine liberentur, facere solent.

## I.

In prima statim variolarum contemplatione se offert communis, & fere omnium, qui de his tractarunt, error; quo alias celebres in arte medica viri, variolas, & morbillos promiscue, & quasi una fidelia dilucidare, iisdemque eandem tum æthiologiam, quin imo, & curam, adscribere solent, cum tamen, uti jam superius de contagio probatum est, duo hi affectus specie inter se differant, & diversissimis symptomatibus ægros affligant. Experientia enim est cui-libet obvia, ordinaria naturæ lege a variolis variolas, & a morbillis morbillos, non autem a variolis morbillos, aut a morbillis variolas propagari.

## II.

Hoc confirmat artificialis propagatio, quæ per infitionem seu inoculationem variolarum institui solet. Quin imo annis 1757. & 1758. Celeberrimus D. Doctor Home eadem hac arte morbillos felicissimo eventu in Anglia propagavit; neque unquam observatum est ab inoculatis variolis morbillos aut a morbillis variolas exortas fuisse.

## III.

Sicut igitur plantarum femina a. b. c. eorumque ex illis ortas plantas specie differre dicimus, quia ordinaria naturæ lege a femine a. plantam a. & a femine b. plantam b. produci, & propagari videmus; ita pariter ex eodem fundamento femina variolarum, & morbillorum specie inter se differre asserere debebimus; secus enim omnia femina plantarum una cum suis plantis ejusdem speciei contra omnium opinionem dicenda erunt.

## IV.

## IV.

Quare judico, variolas seorsim, & separatim a morbillis tractandas & definiendas esse, pace omnium aliter sentientium. Antequam autem ad differentias, descriptionem, & æthiologiam variolarum accedamus, dilucidanda, & enodanda venit celebris alias inter medicos quæstio: num videlicet variolæ semper, & omni ævo genus humanum affligerint? aut quo tempore, saltem in Europa vigere ceperint? Alii vero hanc quæstionem proponunt: An variolæ veteribus notæ fuerint, nec ne?

## V.

Fateor, quamvis hæc quæstio exigui, aut nullius, sive in re medica, sive in republica videatur esse commodi, acerrime tamen celebres inter medicos ad hæc usque tempora decertatum fuisse. Ego ne crambem toties jam coctam recoquere videar, in his diu non mora-

bor, sed Benevolum Lectorem ad lectionem eorum autorum, qui data opera, perquam erudite de hac quæstione tractarunt, remittam. Inter multos alios præeminet elegantissimus Tractatus: *De variolarum novitate*, celeberrimi, & eruditissimi viri D. de Werlhoff contra doctissimum pariter virum Gothofredum Hannium; qui veterum monumenta summo labore conquiisvit, & collegit; unde variolas a veteribus delineatas, & descriptas esse probat; alter vero pro sua, quæ in omnibus est ipsi communis modestia, & eruditione, ostendit variolas esse morbum novum, & veteribus ignotum. Hic invenies B. L. in utramque partem, quam profundissime & eruditissime decertatum esse, ut vix aliquid superesse rear, quod superaddi possit.

## VI.

Interim, ut quam brevissime fieri possit hac de quæstione me expediam;

ju-

judico, cuilibet jam constare, quod juxta data principia de contagio, hæc quæstio facile a nobis solvi, & determinari possit. Nam supposui, quod sicut femina omnium vegetabilium, ita etiam femina verminosa omnium morborum contagiosorum in principio creationis jam producta fuerint, adeoque in rerum natura nulla alia de novo producantur, sed tantum evolvantur, & ultro propagentur.

## VII.

Unde ex his principiis sequentia deducimus.

Primo; quod femina variolarum semper & omni tempore in rerum natura extiterint.

Secundo; quod femina valde diu inertia latere possint; quin imo

Tertio, a summo Creatore ipsis feminibus inditas esse certas pro eorum evolutione leges, ut aliqua citius, alia tardius evolvantur.

Omnia hæc allata fundantur in observationibus, de quibus vix aliquod dubium moveri posset, nam experientia constat, semina luis venereæ, podagræ, aliorumque hæreditariorum morborum in feris primo nepotibus sobolescere, item periti agricolæ norunt, eadem semina & eidem solo sæpius commissa in sui multiplicatione, & fructificatione tandem valde deficere, five hoc fiat, quod per repetitas evolutiones tandem exhauriantur; five, quod eidem terræ ita assuescant, ut non amplius afficiantur; uti hoc videmus in nostris corporibus; quamvis enim cum aëre esculentis, & potulentis quotidie vix non infinita muscarum, aliorumque insectorum ovula deglutiamus, tamen illis ita assuescimus, ut non afficiamur.

## VIII.

Quapropter ex jam allatis rationibus fit, ut lepra, elephantiasis, mentagra  
alii-



aliique, qui quondam communissimi, & dirissimi erant morbi, nunc ferme deficient; ast fieri potest, ut tardius eorum femina præstabilitam adipiscantur maturitatem, ficque frequentiore evolutione, ac majore sævitie se manifestent.

Sed hoc ipsum nunc videmus in lue venerea; notum est quanta sævitie, quanta strage in sui initio se manifestarit, nam quam citissime omnia pervadebat, & corrumpebat membra, nunc vero genitalium sede contenta per gonorrhæam, sæpe absque omni remedio feliciter suum absolvit decursum. Sed de his plura legi possunt in tractatu de contagio.

### IX.

Unde ex his inferre possumus, quod tempore Hippocrat. ante & post illum non tantum femina variolarum jam extiterint, sed quod etiam variolæ genus humanum affligerint, verum non tam frequentes, uti hoc tempore.

Qua-

Quare mirum non est, si in veterum monumentis inveniantur quædam variorum vestigia, quæ modernis respondent variolis. Præterea contingere potuit, ut tempore Hippocratis, Celsi, & Galeni; item in illis provinciis, quas ipsi inhabitabant, aut forte universim, nec in Asia, nec in Europa, tunc variolæ grassatæ fuerint, quæ tamen in Africa, America, aliisque tunc incognitis insulis, eandem, quam nunc apud nos stragem agerent. Sic Ioann. Helwig narrat, quod ante Batavorum in insulas orientales, & occidentales adventum variolæ, & morbilli incogniti ibidem fuerint; qui tamen ibi nunc tam frequentes, & tam maligni existunt.

## X.

Ast primam accuratam & adæquatam variolarum descriptionem seculo duodecimo Medicis Arabibus debemus; quos nos uti & alios recentiores sequemur.

An-

Antequam vero variolarum definitionem seu descriptionem adducamus, præmittendæ erunt variolarum differentiæ, & divisiones; ex quibus dein earum natura facilius exponi poterit.

## C A P U T II.

*De divisione, differentiis, & descriptione variolarum.*

### XI.

**A**d variolarum diagnosim, prognosim, & curam multum interest scire earum differentias, & divisiones, quare variolæ primo dividuntur in veras, seu legitimas, & nothas, seu spurias; istæ sunt vesiculæ plus minus latæ, humorem ferosum, aut aqueum majore aut minore quantitate continentes, derepente plerumque invadentes, & erumpentes; bidui  
aut

aut tridui collabescences, & flaccescences, & sine periculo affligentes.

## XII.

Variolæ autem veræ, de quibus hic potissimum agemus, in suppurationem tendunt, & plus temporis donec acmin attingant, requirunt, nam rarissime primo, quandoque secundo, plerumque tamen tertio aut quarto die erumpere solent, septimo, octavo, aut nono die, aliquando tardius, ut in malignis, & confluentibus, suppurantur.

## XIII.

Variolæ veræ dividuntur ultro in discretas seu distinctas, & confluentes; item intermedias, quæ cohærentes audiunt.

Distinctæ dicuntur, quæ papulas ab invicem sejunctas habent; quando vero plures papulæ quasi in unam conveniunt, tunc confluentes vocantur. Istæ solent erysipelatis, aut morbillorum ritu

tu erumpere, & colore rubro adinstar scarlatinæ faciem notare. Cohærentes sunt mediæ inter discretas, & confluentes, quando nimirum se quoad aliqua tantum suæ molis puncta tangunt.

## XIV.

Item dividuntur in regulares & irregulares, seu anomalas, illæ sunt, quæ eadem vix non semper exhibent phænomena, & pari symptomatum agmine, atque potissimum tempore verno ægros adoriri consueverunt; quare distinctæ quarta ab invasione die erumpere incipiunt, & ulteriorem morbi decursum minorum symptomatum agmine absolvunt, qua ex ratione benignæ audiunt.

## XV.

Si vero prædictas notas non præferunt variolæ irregulares, & anomalæ vocantur, quæ, si discretæ sunt, tertia die jam erumpere incipiunt, plerumque valde parvas, pustulas, fuscas, aut nigras

gras referunt, quin imo sæpe ptyalifmus, qui confluentibus quasi proprius est, illas concomitari solet, adeoque majore cum periculo sua stadia decurrunt, unde etiam malignæ dici possunt.

## XVI.

Variolæ confluentes irregulares distinguuntur a confluentibus regularibus in eo, quod tempus eruptionis magis antevertant, adeoque jam secunda die erumpere soleant. Hæc eruptio fit specie tumoris plus minus rubri vultum omnem contegentis absque notabili papularum discrimine; adest præterea statim sub initium morbi major virium exsolutio, & variolarum major in gangrænam propensio.

## XVII.

Dantur etiam aliæ variolarum, sed minoris momenti differentiæ, sic Clarissimus Diemerbroeck, alias dicit esse rubicundas, alias lividas, violaceas;  
item

item alias molles, alias duras; deprefas, elevatas, albicantes, splendentes, alias latas, & alias contractas.

## XVIII.

Quin imo ipsæ variolæ nothæ seu spuria videntur notabilem differentiam præferre; nam aliæ sunt chrySTALLINÆ, & LYMPHATICÆ, plus humoris serosi & lymphatici continentes, unde etiam vulgo *die Waßerblattern* audiunt; aliæ vero sunt duriores, nodosæ, verucosæ, tuberculosæ, & vix aliquid humoris continentes & ideo etiam *die Steinblattern* vocari solent. Quamvis Clarissimus Mead, & Freind variolas verucosas & ChrySTALLINAS ad malignas potius reducant; ego tales sæpe vidi; sed semper sine febre & periculo; adeoque inter spurias potius reputandas censeo.

## XIX.

Præsuppositis divisionibus & differentiis variolarum facilius poterit concipi il-

larum descriptio, quæ alias definitio vocatur.

Antequam variolarum descriptionem proferamus, infinuandum est, raro eas exacte, & adæquate definiri, quia sub tali descriptione non comprehenduntur variolæ tam veræ, quam nothæ; item quia sæpe talia symptomata pro essentia variolarum adduci solent, quæ in variolis adesse, aut abesse possunt, ut dein patebit.

## XX.

Variolæ igitur describi possunt, quod sint morbus exantematicus contagiosus, ( I. ) plerumque epidemicus ( II. ) & passim cum febre conjunctus ( III. ) omnem ætatem, sed præcipue infantes invadere solitus. Si veræ sunt variolæ in suppurationem, secus, si nothæ sunt, tendens ( IV. ) diversisque aliis, pro diversitate status morbi stipatus symptomatibus. ( V. )

## XXI.



## XXI.

Ratio vero dictorum, uti & ulterior eorum expositio sequens esse poterit: dixi enim (I.) variolas esse morbum exantematicum, & contagiosum, & (II.) plerumque epidemicum. Variolas esse contagiosas omnes norunt, sed illas non esse semper epidemicas pariter admittent, si perpenderit eas facile per fomitem ab uno loco ad aliam regionem, ubi epidemice non grassantur, ibique saltem per infitionem, aut inoculationem communicari, & propagari posse; sic Eruditissimus Willis multos adducit casus de variolis sine epidemia affligentibus.

## XXII.

(III.) Variolas esse febrem exantematicam, adeoque febrem esse de essentia variolarum, plerique autumant. Verum rationes, quibus moveor, febrem non esse de essentia variolarum sunt sequentes:

C 2

Pri-

Primo in variolis spuriiis sæpe nec febris, nec ullum aliud symptomata quod incommodo esse possit, observatur.

Secundo in variolis, & præcipue benignis, sæpe nulla observatur febris; quia tales infantes ab initio usque ad finem morbi omnes functiones, ut alias sani peragunt; sunt enim hilares, circum ambulantes, ludentes, bene appetentes placide dormientes, verbo: nulla alicujus incommodi signa præferre videntur, qui talia non credit, ruri præcipue talia observare poterit.

### XXIII.

Sed quamvis admitterem tempore eruptionis & suppurationis adesse febrem; interim omnes practici norunt, quod in variolis discretis & benignis, facta plenaria eruptione, febris plerumque per unam, alteramve diem fileat, donec febris suppuratoria accedat; quod patet ex eo, quia infantes vix exacta eruptione-

ptione hilares, esurientes & bene dormientes evadunt, quod fieri non posset, si febris adesset. Sicut igitur calor de essentia febris dici non potest, quia aliquando abesse potest, ex eadem etiam ratione febris de essentia variolarum non erit, cum pariter a variolis separari possit.

## XXIV.

Verum doleo, quod tantum de febre disputare debeamus, cum necdum evidenter constet, quid, & in quo proprie calor, & febris consistat. Quamvis enim hoc tempore fere omnes, ab aucto attritu, & exinde orto pulsu frequentiore, & celeriore naturam, & essentiam, febris & caloris derivent, supersunt tamen quam plurimæ difficultates, quæ hanc communem opinionem labefactant, tales difficultates nuper nobis publici juris fecit Eruditissimus & Magnificentissimus Dominus de Haen: in

parte altera rationis medendi pag. CLX-  
IV. V. VI. & alibi. Verum ne hæc ,  
quamvis laude & veneratione digna, no-  
vissima esse videantur , talia legi pos-  
sunt in operibus jam 1748. a Medico  
Vindobonensi typis datis cap. v. de ve-  
næ sectione pag. CXXVII. quibus titu-  
lus est : *Animadversiones in libellum cui  
titulus : Andropbilus Asclapiadens &c. ve-*  
rum manum de tabula, hæc hujus lo-  
ci & nostri scopi non sunt , quare ad  
( IV. )

Properamus ; per hoc enim, quod  
variolæ veræ suppurentur, distinguuntur  
a spuriiis , quæ sæpe inopinato erum-  
punt, & bidui aut tridui flaccescentes  
exsiccantur, uti in differentiis variolarum,  
ab aliis efflorescentiis clarius patet.

### XXV.

Tandem ( V. ) diximus variolas  
pro diversitate status, & stadii earum di-  
versis stipatas esse symptomatis.

Clæ-

Clariff. Sydenham anignat duo tantum variolarum tempora, nimirum unum separationis, & alterum expulſionis; aſt judico commodius quatuor in variolis terminos ſeu epochas conſtituendas eſſe; primus terminus eſt præparationis, ſeu ſeparationis, ſecundus expulſionis, tertius ſuppurationis, & ultimus exſiccationis. Primus ſeu præparationis terminus in variolis diſcretis, & benignis intra triduum aut quatrimum abſolvitur; in malignis vero, aut confluentibus citius; ſecundus intra triduum circiter; tertius diverſa habet tempora; nam in diſcretis & benignis, citius, in malignis autem & confluentibus tardius & lentius abſolvitur ſuppuratio, & ad decimam ſeptimam quin imo etiam ad vigefimam primam diem protrahitur. Idem dicendum eſt de earundem exſiccatione. Ut vero tota hiſtoria, & progreſſus variolarum eo facilius intelligatur,

initium ducam a discretis, & regularibus, sicque ab his fiet transitus ad confluentes & anomalas.

### XXVI.

Diversa sunt symptomata pro diversitate genii variolarum, quæ earum eruptionem præcedere solent; specialiter vero affligit capitis, lumborum, & spinæ dorsi dolor; lassitudo, viriumque languor, præcordiorum anxietates, inquietudines, respiratio laboriosa & suspiriosa; sopor, somnus tamen inquietus, interruptus; quibus præcipue autem juvenibus jungitur delirium; item adest ciborum fastidium, nausea, quandoque etiam vomitus maximam partem biliosus; in infantibus autem plerumque diarrhæa, pavores in somno, & subfultus tendinum; in adultis vero adest incoercibilis in sudores propensio. Præterea horripillationes intercurrere consueverunt, calor corporis aliquando major, ali-

aliquando minor; idem dicendum est de siti; pulsus est plerumque solito celerior; infantes sæpe inopinate convelluntur, quibus paulo post variolarum eruptio succedit.

## XXVII.

Hic tacitus præterire non possum quædam anomala, & minus vulgaria symptomata, quæ variolas quandoque diu præcedere solent. Ego aliquando observavi, quod octo, & pluribus diebus certi dolores rheumatici aliquando unam, aliquando alteram partem corporis occupare, quandoque cum, quandoque sine febre affligere soleant; sicque aliquando colicam, quandoque pleuritidem, aut rheumaticum artuum dolorem æmulentur; quales casus hac de re a me observati dein specificè adducentur.

## XXVIII.

Dixi, quod pro diverso variolarum genio, prout nimirum discretæ, aut con-

fluentes; benignæ aut malignæ fuerint, & jam diverso efflorescant tempore; malignæ enim & confluentes longe citius; discretæ vero & benignæ plerumque quarta die erumpere solent; & quidem primo in facie & collo papulæ quædam rubræ se manifestant, quæ pededentim numero plures efflorescunt; dein pectus, brachia, abdomen, dorsum cum femoribus, pedibusque occupant; quo tempore fiunt frequentes sternutationes, difficultasque nunc major, nunc minor in deglutitione perſentitur; quia variolæ tam nares, quam fauces occupant; quin imo sæpe fit, ut totus tractus arteriæ asperæ, esophagi, quin imo pulmones, ventriculus, intestina, aliaque viscera iisdem obsideantur.

Protrahitur variolarum eruptio ad duos tresve dies, quo tempore omnia superius recensita symptomata aut remittunt, aut plane evanescunt.



## XXIX.

Tandem circa diem sextum eodem tenore & ordine ut eruperant variolæ, incipiunt suppurari; adeoque pustulæ, quæ in sui exordio rubebant successive albescere incipiunt, magis latæ, & acuminatæ fiunt cum circulo rubente, item variolarum interstitia rubent, tument, tenduntur; & dolent; iste tumor præprimis faciem occupat, sic palpebræ sæpe ita turgent, & connivent, ut vesicam aqua plenam repræsentent, & ægrum uno alterove die luce privent.

Interea dum ista fiunt febris, sitis, inquietudines, deglutitio difficilis, vox rauca, & reliqua intenduntur nunc magis nunc minus pro diversa ratione variolarum.

## XXX.

Die circiter ab invasione nono pustulæ, quæ albæ & leves erant ad tactum, fiunt asperæ, fuscæ, & flavæ,  
sic-

ficque mox dein & ferme eodem ordine, ut eruperant, & suppurabantur, rumpuntur, & exsiccantur, & usque ad 14. circiter diem, illæ, quæ faciem, colulum occupabant, abscedere, & decidere solent; relictis squamulis furfuraceis successive pariter decidentibus.

## XXXI.

Interim, dum hæc die octavo, & nono, & sequentibus in facie fiunt, & ad declinationem morbi vergunt, manus vero & pedes summum tumoris gradum assequuntur, rubent, tenduntur, & dolent bidui aut tridui longius, quam facies; variolæ pariter diutius albæ, plenæ, & tensæ perseverant; quæ dein decima tertia aut decima quarta die flaccescunt, & humorem sed non ita spissum, ut illæ, quæ faciem occupant, verum liquidiores fundunt; sicque exsiccantur & decidunt, ut superius dictum est.

## XXXII.

## XXXII.

Dum tumor faciei, reliquarumque partium augmentum capit, urina pauca & faturata redditur; dum vero tumor decrefcit, fuccedunt urinæ crudæ, aqueæ, valde copiofæ; quibus diverfa filamenta, & quafi squamularum ramenta innatare videntur; quin imo præfertim ultimis refipifcentiæ diebus, fedimentum album nunc majore nunc minore quantitate in urinis obfervatur.

## XXXIII.

Ex data descriptione variolarum, quæ maximam partem difcretas, & regulares attingit, variolæ confluentes, & anomalæ facilius concipi poterunt; etenim fymptomata, quæ expulfionem variolarum confluentium præcedere folent, funt ferme difcretis communia, fed longe atrociora & ferociora; nam hic adest major virium profratio, major anxietas, materiæ biliofæ vomitus, major foporo-

porofitas & major febris ; ex quibus variolas , aut confluxuras , aut anomalas , & mali moris futuras expertus medicus prædicere poterit.

## XXXIV.

Diximus in discretis benignis facta eruptione febrem mitigari , aut plane sopiri ; in confluentibus vero peracta eruptione febris adhuc superest , item salivatio adultos , diarrhæa vero infantes affligere solent ; nam salivatio aliquando una cum variolarum eruptione aliquando postridie supervenit ; a principio materia sat tenuis procedit , quæ vero circa undecimum morbi diem tam tenax & spissa fit , ut nisi manus & pedes tunc debito modo tumeant , æger in summo vitæ periculo versetur.

## XXXV.

Variolæ confluentes , quæ faciem occupant , sunt multo minoris voluminis , quam in discreto genere esse soleant ; illæ

vero quæ manus & pedes obfidet, habent mollem majorem illis, quæ in facie sunt. Hoc præterea observamus, quod statim sub eruptionis initium facies ex confluentibus tumida evadat, qualis etiam diutius quam in discretis permanet.

## XXXVI.

Variolæ autem anomalæ hoc habent primo singulare; quod quamvis fuerint discretæ diem quartum, alias discretis regularibus pro expulsiōe communem, antevertant; adeoque prout plus, aut minus malignæ sunt indolis, secundo, aut tertio die erumpant.

Secundo, omnia symptomata ferme ut in confluentibus dictum est, sunt graviora. Tertio pustulæ sunt minoris voluminis, non ita elevatæ, sed magis depressæ, quam illæ, quæ in regularibus & discretis esse solent.

Quarto, quamvis variolæ discretæ videantur, si tamen malignæ sunt, jun-

gitur his in adultis ptyalismus, ac si confluentes essent.

Tandem variolæ anomalæ solent multis pustulis nigris ad corruptionem & gangrænam magis dispositis, interspersæ esse; unde magnam malignitatem illis inesse judicare possumus, propter quam etiam fit ut talibus variolis anomalis facile alia exanthemata ut miliaria jungantur.

### XXXVII.

Solertissimus Sydenhamius judicat variolas tempore verno grassantes esse discretas, & benignas; illas vero, quæ hibernum tempus obtinent, esse ut plurimum malignas. Verum multæ observationes a me hic Viennæ captæ aliter nos docent, nam recentissima epidemia, qua Vindobonæ variolæ grassabantur, nobis ostendit tempore hiemali variolas discretas, & benignas sæpe grassari.

### XXXVIII.

## XXXVIII.

Hæc epidemia statim post solstitium æstivum initium sumpfit, & hinc inde se manifestavit; ast mensibus Novembri, & Decembri 1759. item 1760. Januario, & Februario quam plurimos & infantes, & adultos agrediebantur variolæ, circa æquinoctium vernalis jam deferverescere videbantur, ita ut sequentibus mensibus vix earum vestigia superessent.

Eodem tempore nunciabatur variolæ grassatæ fuisse in multis aliis regionibus, sed potissimum in Dania; erant autem ibidem ita malignæ, ut quam plurimi exinde denati essent. Apud nos autem contrarium evenit; etenim erant tam benignæ, ut si debita methodo tractatæ fuissent, vix aliquis ægrotorum exinde desideratus fuisset; quod confirmatum legi potest in elegantissimo tractatu de miliaribus & petechiis Magnifi-

centissimi , & Eruditissimi Domini Ant. de Haen Vindobonæ editi 1760. Ego ipse , ut absque jactantia efferam , habui quamplurimos , tam intra, quam extra urbem in celeberrima Academia Sabaudica tractandos similes ægros , & quamvis multi eorum viginti & ultra annos nati fuissent, tamen favente Numine omnes integræ & perfectæ sanitati restituti fuere.

## XXXIX.

Similes benignarum variolarum epidemiæ , quæ tempore hiemali hic loci observabantur , erant plures , ut annis 1749. & 1750. 1757. & 1758. & recenter 1759. & 1760. Cum hujates benignarum variolarum epidemias retulerim , necesse est, ut etiam illarum , quæ malignæ & anomalæ erant indolis, quam brevissime meminerim.



## XL.

A triginta fere annis quibus praxi medicæ addictus sum, duas, ut alias præteream, malignas & memorabiles observavi variolarum epidemias. Prima fuit anno 1742. in hac erat statim ab initio morbi summa virium prostratio, ingens febris, summa anxietas, & soporositas. variolæ erumpere solebant ad finem diei secundæ, aut a principio diei tertiæ, erant fere apud omnes discretæ, sed parvæ, non elevatæ, sed depressæ; aliquæ earum erant lividæ aut nigræ. Verum hoc præ omnibus aliis notandum est, quod die nona, aut undecima, aliquando tardius, ubi omnia jam ad vota Medici, & ægri procedere videbantur, mox æger fieret inquietus, anxiosus, siticulosus, febris augeretur, micturitis affligeret; urinæ enim læpe, copiosæ, & limpidissimæ excernebantur; dum hæc aderant symptomata expertus medicus

potuit pro certo prædicere miliaria alba paulo post, aut postridie in conspectum ventura; qualis eventus dein medici prognostico magnam fidem conciliavit.

## XLI.

Dum prædicta miliaria ex centro ad peripheriam corporis propulsa fuissent, præsertim si sat copiosa ista esset eruptio, ut plurimum æger melius habebat, & omnia prædicta symptomata remittebant, sicque si nulla alia exacerbatio huic similis succederet, æger brevi perfectæ, & integræ restituebatur sanitati.

## XLII.

Verum tamen sæpe evenit, ut post unam, alteramve a prima exacerbatione diem, ubi æger respicere videbatur, iterato inquietus anxiosus, magis febricitans fieret, ut superius diximus; cui exacerbationi diversi recentium miliarium, aut albarum, aut rubrarum, aut utrius-

utriusque simul hinc inde in corpore apparebant manipuli. Ista alternatio, & exacerbatio solebat sæpius repetere; & ægrum magis semper & magis viribus exhaurire; sicque nisi opportunis remediis obviam itum fuisset, e medio tollere.

## XLIII.

Ejusdem plane indolis observacionem hic tacitus præterire non possum, quin meminerim, idem sæpe contingere in omnibus morbis acutis, ut febribus continuis, ardentibus, malignis inflammatoriis, ut potissimum in pleuritide & peripneumonia. Si enim materia phlogistica in pleura & pulmonibus restagnans; nec discutiatur, nec per copiosum sputum evacuetur, tunc semper magis & magis corrumpitur, & ad Massam sanguineam reforbetur; ibidem majorem febrem, majorem in ægro inquietudinem, majoremque anxietatem excitat; ad pe-

ripheriam corporis propellitur, sicque exanthemata miliaria propululant.

## XLIV.

Si ista materia corrupta magna sui parte pulmones ab onere liberet, & ad sanguinem reforbeatur, sicque ad peripheriam pellatur; si hoc fiat die critico; tunc contingit magno cum levamine; quales casus aliquot ipsemet vidi, & quamvis sint rari, tamen omnes practici similes norunt; talis enim motus naturæ criticus dici debet; quia fit materiæ peccantis coctæ a partibus nobilioribus ad minus nobiles depositio.

## XLV.

Sæpius autem evenire solet, ut materia peccante existente adhuc cruda, vel dum materia phlogistica in abscessum degenerat, exanthemata miliaria supervenire soleant; quia materia corrupta purulenta massæ sanguineæ mixta ad circumferentiam corporis propellitur: ve-

rum

rum hoc non fit cum euphoria, & levamine; quia cum fomes materiæ purulentæ generandæ in corpore lateat, non potest fieri aliqua critica evacuatio donec iste fomes expurgetur, abstergetur, & consolidetur.

## XLVI.

Sic in variolis sæpe vix non idem contingere observamus; nimirum die nona, aut undecima materia variolosa purulenta ad sanguinem reorbetur; ibidem excitat majorem febrem, inquietudinem, anxietatem, ex quo fit, ut dein hæc ipsa materia purulenta sub specie exanthematum miliarium ad peripheriam deponatur; quod si plenarie & secundum potiozem ejus partem contingat, fit critice, & cum levamine; si vero hujus materiæ purulentæ minor aliqua portio ad circumferentiam corporis propellatur, manente majore ejus portione mixta cum sanguine, aut si in aliqua interna

corporis parte ex variolis fiat abscessus, quod sæpe contingere dein dicemus; tunc materia purulenta exinde separata, cum sanguine mixta, & ad peripheriam protrusa non alleviat morbum, nec ægrum, non succedit critice, sed symptomatice; quia princeps horum exanthematum fomes adhuc in corpore superest, eandem materiam peccantem ad excitandos ulteriores motus febriles in posterum exhibiturus.

Tales motus symptomaticos sæpe observavimus in variolarum epidemia, quæ anno 1742. grassabatur.

#### XLVII.

Verum atrocioris, & funestioris variolarum epidemiæ vix memini, quam fuerit illa, quæ annis 1745. & 1746. hic Vindobonæ grassabatur; & hæc est ratio, quæ me movet, ut paululum distinctius illam exponam, & declarem.

Ad finem Augusti, & initium Septembris 1745. variolæ hinc inde in hac

me-

metropoli se manifestabant, ut plurimum discretæ, & utcunque benignæ; verum mox larvam deponebant, mensibus præcipue Novemb. Decembris 1745, & Januar. Februar. 1746. perquam malignæ factæ quam plurimos tam infantes, quam etiam ætate provectiores, præsertim ex hujatibus perquam illustribus familiis vita privabant, sed Martio & Aprili mitiores, & rariores factæ tandem evanuerant.

#### XLVIII.

Harum variolarum insultus & progressus sequens erat: ægri per intervalla horrebant, biliosa vomebant, comatosi jacebant; summa anxietas, & virium prostratio illos occupabat. Aliquando secunda, aliquando tertia ab insultu die variolæ in conspectum veniebant, erant ut plurimum discretæ. Sed peracta expulsiōe prædicta symptomata non mitigabantur, ut alias fieri solet; quin imo sæ-

pe augebantur; nam & inquietudines, infomnia, deliria, item sæpe convulsiones, quamvis prius non adfuissent, præterea micturitio, diarrhæa in infantibus; ptyalismus vero in adultis die quinta aut sexta prioribus jungebantur; quibus die sequente miliaria ferme semper alba, tam certo supervenere, ut ex præsentia dictorum symptomatum miliarium prognosim ferme infallibilem medicus expertus instituire potuerit.

## XLIX.

Diarrhæa, quæ hic aderat, non solebat tantum negotii, & discriminis facessere quantum ipsa micturitio, quæ fere diabetica dici poterat; nam nictheri spatio ad libras XII. aut XVI. aliquando etiam ultra, urinæ limpidissimæ secesserant. Istud urinæ profluvium in aliquibus ægris totum morbi decursum concomitabatur; quapropter necessario quidam anomali effectus exinde resultabant,



bant, nimirum variolæ non erant elevatæ & turgidæ, sed depressæ, flaccidæ, multæ lividæ, aut nigræ tempore suppurationis manebant; item nec facies, nec variolarum interstitia solitum adipiscebantur tumorem & ruborem.

## L.

Hoc præterea singulare in hac epidemia fuit, quod diarrhæa non tantum infantes, sed multos alios triginta & plures annos natos, affligeret; quæ si aderat, ptyalismi vix aliqua aderant vestigia.

## LI.

Dum prædicta miliaria sexto, aut septimo, ut dixi, die expulsa fuissent, videbatur æger melius se habere, nam prædicta symptomata, nimirum anxietates, deliria aut convulsiones remittebant, quæ non mitescebant, dum variolarum eruptio facta fuisset.

## LII.

## LII.

Si æger in hoc resipiscentiæ statu absque nova exacerbatione permanebat, tunc plerumque decima quarta morbi die, aliquando vero primo decima septima judicabatur; sed similes casus oppido rari erant. Verum frequentius eveniebat; ut octava aut nona morbi die prædicta micturitio, febris, anxietates, inquietudines, aliquando deliria repeterent, & reviviscerent; quæ mox nova, five alborum, five rubrorum miliarium eruptio sequebatur; sicque ista exacerbatio, & alternatio aliquoties repetere solebat; æger interim exinde magis semper & magis fatiscebat; & nisi opportunis, & appropriatis remediis temporis occurreretur, ad plures migrabat; quod vigesima prima morbi, aliquando tardius, contingebat, quin imo habui duos tresve casus ægrotorum; in quibus non tantum prædicta symptomata, sed præ-

præterea diverſarum corporis partium ſerpentia, & gangrænosa ulcera aderant, quæ exhausto, & exeso fere toto corpore quadrageſimo circiter primo die finem vitæ imponebant.

## LIII.

Verum dicet aliquis, iſtam variolarum malignitatem regimini calido, quo variolæ tractari ſolent, potius adſcribendam eſſe, quam alicui malignæ epidemiæ. Aſt quamvis inficias ire non valeam in uno, alterove ſubjecto aliquando variolas indole ſua benignas per perverſam methodum malignas reddi poſſe, quales caſus ſæpe vidi; tamen univerſaliter hoc dici non poteſt; quia alias ratio reddi non poſſet, quare uno anno benignæ, alio vero maximam partem malignæ graſſentur; cum univerſalis eas tractandi methodus, regimenque fere ſemper idem ſit. Accedit, quod methodus regimine calido variolantes tractandi apud noſtra-

tes medicos jam dudum exoleverit, quod jam suo tempore agnovit, & improbavit celeberrimus quondam hic Vindobonæ practicus Sorbait in suo tractatu de variolis Cap. XVII. Tractatu III. item Cap. XIII. Tractatu VII.

Ex his, quæ superius dicta sunt de differentiis, & descriptione variolarum, eruitur facile earum diagnosi, & differentiæ ab omnibus aliis exanthematibus; nam per hoc, quod variolæ sint papulæ elevatæ, & prominenres, & quod in suppurationem transeant, distinguuntur a morbillis, petechiis, scarlatina, purpura aliisque exanthematibus.



## CAPUT III.

*De Variolarum Æthiologia.*

## LIV.

**P**lures & diversas habemus de origine, natura, & causis variolarum opiniones; inter quas princeps & prima fuit Arabum Medicorum.

Quemadmodum enim illi primi fuerunt, quia accuratam variolarum descriptionem nobis exhibuerunt; ita fere unanimiter variolas a sanguine materno derivabant, & deducebant.

## LV.

Affertum hoc sequentibus firmabant rationibus: credebant enim; primo, quod sanguis menstruus sit humor corruptus, & quasi venenosus.

Secundo observabant, uti etiam nunc videre est, quod uterum gerentes plerumque menstruo illo fluxu priventur; adeoque exinde inferebant, quod cum  
fœ-

foetus in utero matris nutriatur, prædicto sanguine menstruo, eidem necessario inferatur talis labes, ejusque humores ita conspurcari debeant, ut non nisi per supervenientes variolas depurari & defecari possint.

Quamvis vero aliqui, ut Avenzoar dicant, foetum in utero matris sanguine puro nutriri, admittunt tamen variolas ab utero matris derivandas esse. Sic Clariss. Willis ipse hoc fermentum variolosum ab utero deducit, & in medulla spinali tamdiu iners hospitari ait, donec in actum deducatur.

#### LVI.

Verum hoc tempore per demonstrationes constat, sanguinem menstruum esse ejusdem indolis cum alio, qui in vasis circulat, adeoque non esse corruptum, aut venenosum.

Secundo certum est, multa alia animalia bruta habere sua menstrua absque eo, quod corripiantur variolis. Ter-

Tertio, multi senescunt, quin laborarint variolis.

Quarto, neque concipi aut demonstrari potest, quare hæc materia variolosa non statim in actum deducatur, cum minima ejus portio sive per contagium, sive per infitionem corpori communicetur, statim variolas excitet.

Tandem cum status conceptionis, nutritionis & partus a principio mundi semper fuerit idem, ratio dari non potest, quare superioribus seculis tam raræ fuerint variolæ, ut in antiquorum monumentis vix earum vestigia inveniantur. Negligentissimi sane dicendi essent veteres, qui alias minutias diversorum minoris momenti morborum descripserunt, hunc principem inter alios morbum præteriissent aut superficialiter tantum tetigissent.

## LVII.

Secunda atque recentior de origine, propagatione, & causis variolarum circumfertur opinio, quam Clarissimi Listerus, Mead aliique potissimum vero illi, qui variolas novum morbum esse credunt, adoptarunt. Isti variolarum originem, propagationem a morfu alicujus bestiolæ venenatæ deducunt, & derivant; quæ alicui hominum vulnus inflixerat illique tale variolosum venenum instillaverat, quod dein ultro alijs hominibus communicatum, nunc partim hæreditario titulo, partim per contagium ultro propagatur, & multiplicatur.

In confirmationem hujus opinionis adducunt, quam plurima bestiarum venenatarum exempla, quarum morsus, ut illi opinantur, cum variolis congruere videntur.

## LVIII.

Ast contra est primo: Præfati autores non possunt assignare locum, ubi pri-



primo talis morfus inflictus; nec possunt specificare bestiolam, a qua talis morfus factus fuisset, adeoque videntur talia ad libitum asserere & effingere.

Secundo: cum hoc tempore multi, & magni tractus terrarum, qui quondam nobis incogniti erant, pateant, deberet sæpius talis morfus succedere, de quo nobis certe constare deberet.

Tertio: deberemus pariter admittere, quod alii morbi contagiosi, ut morbilli, lues venerea, petechiæ a similibus morbis originem haberent, quod ipsi adversarii non admittunt.

Tandem quarto: ex nostris de contagio principiis deducitur princeps in contrarium ratio; demonstravimus nimirum, quod venena sive ex regno animali, minerali, sive vegetabili desumantur, non sint contagiosa; adeoque quavis prædictus bestiolæ morfus reipsa demonstrari possit, hoc tamen semper ve-

rum esset, quod non sit contagiosus; & ultro multiplicabilis, quemadmodum variolæ reipsa sunt.

## LIX.

Sed dices: morsus canis rabidi est contagiosus, & ultro propagabilis, adeoque potest esse, quod alicubi detur talis bestiola, quæ prædita sit simili morfu varioloso & contagioso.

Respondeo, quamvis hoc argumentum prima fronte consideratum videatur habere aliquam vim; intimius vero trutinatum destruit funditus hanc ipsam sententiam; quia in tractatu de contagio ostendi similes morsus ut urfi, canis rabidi esse animalis ægri non sani, adeoque se habere eodem modo, ac si quisquam hominum febre maligna petechiali, variolosa aut morbillosa laborans alium hominem sanum morderet; in quo casu homo demorsus in eundem morden-  
tis incideret morbum.

Talem funestum casum expertus quondam fuit pie defunctus, mihi quæ æterna memoria venerandus Perill. Dominus Weber de Fürnberg Celeberrimus quondam Medicus Vindobonensis; qualem mihi, aliisque repetitis vicibus narrabat: Hic illustris vir quemadmodum in omnibus suis negotiis perquam industrium se exhibuit, ita vel maxime in illis, quæ artem medicam spectabant; in sua juventute omnem in his proficendi quærebat occasionem, & oblatam lubens amplectebatur; unde factum est, ut creatus Neo-Doctor perquam sedulus ægros præsertim in Nosocomio vulgo (das **Betten-Haus**) dicto inviseret; morbos, eorumque symptomata ibidem examinaturus. Dum semel incideret in ægrotum febre maligna petechiali decumbentem, desiderabat statum linguæ in ægro explorare; in quo casu incautus nimis profunde digitum in os ægri adegit,

ut ægrotus eundem ad cruentationem usque momorderit; unde dein brevi inhorruit, & eadem febre maligna correptus, tandem ad incitas redactus fuit, ut omnes tam Medici quam consanguinei conclamatum esse judicarint. Ast præter omnium opinionem resipiscere incepit, ac tandem judicatus, altioribusque in posterum Reipublicæ muneribus fungendis servatus fuit.

## LX.

Ut vero evidentius pateat, ab aliquo simili morfu contagium variolosum dependere non posse, considerare debemus, saltem quantum a posteriori nobis constat uniuscujusque proprietates, & naturam; sicque videbimus, quanto intervallo inter se distent. Experientia enim nos docet, contagium canis rabidi, aut cujuscunque alterius animalis, non nisi per immediatum contactum communicari posse; contagium variolosum vero non

tan-

tantum immediate , sed & mediate per exhalationes , vapores multiplicabile esse omnes norunt; adeoque tale contagium a morfu alicujus bestiolæ derivari nequit.

## LXI.

Nihil dicam de capsulis atrabilaris, a quibus Sylviani variolas derivare conantur. Nihil de Candoræ pixide , e qua uti alios morbos ita & variolas quidam derivant. Nihil de salibus sive acidis, sive alcalinis; ad quos multi materiam variolosam reducere satagunt; quia hæc omnia, aut in cerebri idæis sedem habent, aut jam superius in tractatu de contagio in genere, refutata sunt.

## LXII.

Majoris momenti, & altioris indagationis, quam omnes, quas hucusque adduximus, est illa, de causis, & origine variolarum sententia, quam nuperrime publici juris fecit, magno labore exorna-

vit Vir Eruditissimus, & Acutissimus Dominus Johan. Gothofredus de Haen Confiliarius Regius, Vir in Republica optime meritus. Hic profundissimo, quo pollet ingenio, judicat variolas nihil aliud esse, quam aliquam evolutionis speciem ultimorum arteriosorum vasorum, cutem perreptantium; adeoque variolas dicit esse prægnantes arteriarum gemmas, paritate a plantarum gemmis desumpta; quemadmodum enim istæ debito tempore evolvi, & efflorescere solent, idem intelligendum esse de illis asserit.

## LXIII.

Princeps hujus asserti ratio exinde adducitur, quod tota animalium vita stas, & fere continuis evolutionibus absolvatur; quarum notabiliores sunt, quæ in dentitione, pilorum, barbæque incremento, vocis mutatione, mensium proventu, feminis exuberantia, aliisque innumerabilibus partium solidarum mutationibus observantur.

Quo-

Quorum plura apud præfatum autorem tam erudite quam ornate exposita, ut alium Celsum te legisse credas, videri possunt.

## LXIV.

Si hanc de variolis sententiam cum omnibus aliis hypothesibus, quæ ad hæc usque tempora in publicum prodire, confero, absque omni hæsitazione iudico, hanc omnibus & singulis præferendam esse; etsi ex jam datis de contagio principiis alicui alteri hypothesi obstrictus non viderer, hanc ipsam præ omnibus aliis amplecterer. Neque enim ex illis, quæ contra hanc opinionem opponi possunt, ab assensu dimoveri paterer, quoniam his facilius, quam illis, quæ alias sententias premunt, satisfieri potest.

## LXV.

Interea quemadmodum incomparabili hujus sententiæ Autori gratulor, ita

mihi gaudeo, quod in quibusdam, quæ naturam variolarum dilucidare possint, conveniamus, quamvis in multis disconveniamus; convenimus enim in eo, quod ambo in quadam evolutione variolas constituamus. Etenim evolutio, quam Clarissimus Autor in suo systemate assumit, est gemmarum, glomerumque in minimis arteriolis evolutio, & efflorescentia, nostra vero ut dein patebit, est feminii variolosi evolutio, & multiplicatio. Sed quid vetat dicere, has gemmas, quemadmodum in vegetabilibus ex Clarissimo Linnæo, aliisque Botanicis notum est, esse glomos, foliis, floribus, quin imo etiam propriis feminibus evolvilibus, & ultro multiplicabilibus foetos; in quo casu inter hanc & meam mox adducendam sententiam major esset analogismus, & fere idem sensus; nisi quod hæc sententia in vasorum extremitatibus, ego vero in toto corpore talia feminia e-



volvi, efflorescere, & multiplicari supponam. Difficultates vero, quæ præter illas, quas Clariss. Autor ipse sibi opponit, hanc sententiam premunt, sunt sequentes.

## LXVI.

Primo: concipi non potest, quo modo minima portio materiæ variolosæ; five illa per insitionem, five per contactum communicetur corpori; possit prædictas arteriolarum gemmas, ut florent, in actum deducere, nisi dicatur, quod talis materiæ variolosæ portio primo excitet motus febriles, & mediantibus his motibus fiat tandem prædicta evolutio.

## LXVII.

Verum exinde necessario, sequeretur, quod quilibet motus febrilis idem facere deberet, quod est contra experientiam; nam sæpissime videmus homines febribus continuis, ardentibus, malignis, in-

inflammatoriis affligi, absque eo, quod tales variolæ efflorescant; quæ tamen sæpe a levissima febre variolosa extricantur. Quapropter exinde patet, quod causa materialis variolarum debeat esse aliquid aliud; & quod illa mutatio, quæ in variolis fit circa arteriarum extremitates, sit tantum effectus non vero ipsa natura variolarum.

## LXVIII.

Secundo: omnibus notum est materiam variolosam esse contagiosam; sed quis asserere poterit in vasorum extremitatibus, illarumque gemmis hoc contagium consistere? nisi simul ibidem dari talia seminia variolosa admittat, quæ dato tempore evolvantur. In quo casu hæc sententia aliam præ se fert faciem.

## LXIX.

Tertio: structura machinæ humanæ est ferme eadem, ac in brutis secundum omnes vitæ evolutiones; in brutis autem

tem talis variolosa evolutio non observatur ; unde inferre possumus , quod hæc in homine non propter ultimorum vasorum structuram , sed aliis ex rationibus observetur.

Quarto : Morbillofa exanthemata non dependent a prædicta evolutione , quamvis semel tantum in vita efflorescere consueverint ; igitur idem dicendum erit de variolis ?

### LXX.

Tandem quinto : Dantur casus , ubi sæpius idem homo bis aut etiam ter variolis laboret. Quomodo itaque fiet, ut illud, quod jam evolutum & plenarie oblitteratum est, iterato reviviscat ; adeoque ex omnibus jam dictis inferre debemus, quod causa materialis variolarum ab externo corporibus communicari soleat, aut, quod, quamvis hæc aliquando diu iners in corpore lateat, & data occasione evolvatur, possit

fit tamen iterato, & in alia epidemia communicari, & in actum deduci.

## LXXI.

Examinatis plerisque de contagio varioloso sententiis superest, ut nostram de variolis palam faciamus opinionem. Dicimus itaque, quemadmodum ex tractatu de contagio aliunde constat, quod variolæ habeant suæ speciei propria semina, quæ data occasione evolvantur, propagentur, & multiplicentur.

Hæc sententia poterit cuique ex eo jam capite præ aliis arridere, quod sit simplicissima, & naturæ operibus maxime analoga, & explanandis phœnomenis, symptomatibusque perquam opportuna. Cujus ulterior ratio est, quod variolæ debeant dici specie distinctæ ab omni alio exanthemate contagioso, adeoque debeant etiam habere semina specie distincta ab omni alio; fecus enim ratio dari non poterit, quare a variolis variolæ

læ tam per infitionem, quam per contagium, & non alia exanthemata propululent.

Quemadmodum enim feminia vegetabilium specie inter se distincta dicimus, quia videmus, ex certo femine certam, & non aliam evolvi plantam; idem pariter de miasmate, seu feminio varioloso dicendum erit.

### LXXII.

Quod vero hæc sint vera feminia, & similia illis, quæ in vegetabilibus & animalibus videmus, patet exinde & quidem.

Primo: quia hæc uti feminia vegetabilia ultro propagari, & multiplicari possunt, quæ propagatio, & multiplicatio ex nullo alio, quam nostro principio concipi & explanari potest.

Secundo: quia, si materia purulenta variolosa examini subtilissimi microscopii subjiciatur, exhibet innumerabilia  
ani-

animalcula, eorumque feminia, seu ovula ultro multiplicabilia; quod

Tertio ipsa infitio variolarum adhuc evidentius demonstrat, & confirmat, quod inter infitionem, seu inoculationem plantarum, & variolarum, vix aliqua videatur intercedere differentia; nam five furculum five gemmam ad infitionem, aut inoculationem assumas, habebis cum tempore innumerabilia ejusdem speciei, cujus est furculus aut gemma, exinde evoluta femina; ast in hoc casu admittere debemus, omnia hæc feminia in illis gemmis jam præextitisse; secus enim cogemur dicere, hæc feminia esse producta de novo, quod admitti non posse in tractatu de contagio evidentissimis rationibus evictum fuit. Idem dicendum erit de materia variolosa ad infitionem adhibita, quod nimirum huic infint talia feminia variolosa successive evolvenda, & ferme sine fine multiplicabilia.

Qui

Qui plura similia, quæ ad firmandam nostram de variolis sententiam inservire possunt, legere cupit, noster tractatus de contagio in genere ipsi exhibebit talia magis exposita, & explanata, quæ, ne actum agere videamur missa facimus.

## LXXIII.

Ast aliquis objicere potest dicendo: constat experientia, a parva panificii seu fermenti massa, ingentem aliam panificii massam eodem imbui fermento; adeoque ista ulterior propagatio, & multiplicatio variolarum concipi & explanari potest absque dictis seminiis.

Respondeo: qui veram fermenti panis examinaverit, & noverit naturam; item qui variolas una cum aliis, quæ cum his junguntur phænomenis, rite perpenderit; longe aliter sentiet, quam qui talia objicere solent.

## LXXIV.

Nam primo adversarii solent hanc de fermento panis paritatem ad omne cujusque sit speciei contagium applicare; adeoque si hæc paritas haberet aliquam vim, deberent omnia contagia esse ejusdem speciei, sicut massa quæcunque per mixtionem prædicti fermenti prius fermentescens, semper est ejusdem indolis; nimirum naturæ acidæ, aut saltem acscentis; aliud vero est de contagio, quod diversas ejusdem species habet; alia est nimirum materia contagii variolosa, alia morbillosa, alia venerea, & alia scabiosa. Quis ergo mortalium lumine naturali tantum instructus, admittere poterit, omnia prædicta exanthemata ab eadem materia fermentescente dependere?

Secundo: observationibus constat, quod non tantum morbus variolosus, sed omnia alia exanthemata in putredinem

ver-



vergant ; prædictum autem fermentum panis naturam acidam potius induat.

## LXXV.

Sed hic oppones , quemadmodum Eruditissimus Frider. Hoffmannus cum omnibus suis adhærentibus opponere solet: materia putrida ( ut variolosa ) hoc habet, quod aliis mixta eadem putredine, talia inficiat ; & in sui naturam mutet ; adeoque mirum non est, si materia variolosa , putrida humoribus noxiis mixta , eosdem in sui indolem mutet ; sicque ultro propagetur, & multiplicetur.

## LXXVI.

Quod materia putrida illud in sui naturam mutet, cui miscetur ; hoc jam dudum omnes agnoverunt, quomodo autem hoc fiat ferme omnes ignorarunt. Ex meis vero de contagio, & putredine principiis hoc facile & clare concipitur ; nam dixi omnem rem putridam consistere ex innumerabilibus animalculis, il-

lorum ovulis & excrementis; quæ si alicui v. g. liquido non putrido misceantur in eodem evolvantur, & multiplicentur, sicque sibi affimilent.

## LXXVII.

Eadem est ratio de fermento panis, quod magnæ panificii massæ mixtum eandem in sui indolem mutat. Ego ut hanc methamorphosim, vel dixero potius multiplicationem, intimius cognoscerem, solvi in aqua portionem fermenti panis & alterius massæ, cui fermentum panis mixtum erat; hanc solutionem examinavi microscopio, & observavi eadem animalcula, in fermento panis, & in massa, cui tale fermentum mixtum erat; adeoque signum est, quod eadem massa naturam fermenti adipiscatur, quia animalcula fermenti in eadem multiplicantur. Hoc ipsum observavit Celeberimus Baker aliique in glutine acefcente, quod componitur ex farina, aut amy-

amylo & aqua. Vide ejus partem I. Cap. IV.

## LXXVIII.

Tandem ubi adversarii aliud effugium non inveniunt, illam adeo decantatam objectionem in sui auxilium assument; dicunt nimirum putredinem esse quidem cum variolis conjunctam, item in rebus putridis omnino observari prædicta animalcula, sed illa esse effectus putredinis, non vero ipsam putredinem.

Quamvis ad hanc difficultatem jam in tractatu de contagio responsum fuerit; quia tamen hæc difficultas sæpius moveri consuevit, debet hic pro possibili convelli. Adversarii ipsi admittunt, quod materia putrida in variolis, purpura, petechiis, lue venerea, aliisque similibus morbis, alteri corpori communicetur, propagetur, & multiplicetur. Adeoque sicut prædicti morbi specie inter se differunt, debet necessario etiam præ-

dicta materia putrida v. g. variolarum specie differre a materia putrida luis venereæ, & aliis. Sed ista differentia non potest in alio consistere, quam in diversis animalculis, eorumque feminiis; nam materia putrida secundum mentem adversariorum considerata non admittit aliam differentiam, nisi magis & minus, in quantum nimirum una magis altera minus putrida dici potest.

## LXXIX.

Sed clarissima instantia est in feminibus vegetabilium animalium, quia scilicet planta A. specie differt a planta B. debemus admittere, quod femina plantæ A. pariter specie differunt a feminiis planetæ B. Item quamvis stricte loquendo planta A. nihil sit aliud quam semen A. evolutum, & magis in suas partes explicatum, possemus tamen laxè loquendo plantam A. ejusque partes effectum ipsius feminis A. vocare. Et  
quam-

quamvis alia, & nova feminia ex femine A. & planta A. sint tantum evoluta; possemus tamen, quin imo solemus; sed minus proprie, talia femina de novo evoluta, effectum feminis A. & plantæ A. vocare. Sic idem dicendum est de animalculis, eorumque feminiis in rebus putridis observatis. Quamvis enim putredinis multiplicatio reipsa nihil aliud sit, quam animalculorum, ovulorum, eorumque excrementorum ulterior propagatio, & multiplicatio, solemus tamen hæc animalcula, & feminia, quamvis minus apte, effectus putredinis vocare; cum reipsa putredo in his consistat, & ab his dependeat; adeoque ipsa putredo potius pro effectu habenda sit. Unde cognoscas B. L. quam male ex odore rerum putridarum nauseoso essentiam putredinis extorquere fatagant multi, quia nimirum talem odorem a particulis sulphureis valatilibus & quidem merito deri-

vant ; in his ipsissimis particulis sulphureis volatilibus essentiam putredinis pariter constituunt, cum prædictus odor sit potius effectus quam ipsa putredo dicendus. Plura vide capite de putredine.

## LXXX.

Sæpe contingit, ut in rebus physicis, & medicis causa, essentia & effectus invicem confundantur; ut inflammatio est stasis sanguinis in minimis arteriis; item causa immediata inflammationis est illa ipsa stasis, ipsa tamen inflammatio solet etiam considerari tanquam effectus illius stagnationis. Idem videmus in physicis v. g. in frigore: frigus est quies particularum, & simul illud dependere dicimus a tali particularum quiete.

Itaque multa solemus respectu nostri, & sub diversa ratione considerare, quæ reipsa unum idemque sunt.

## LXXXI.

## LXXXI.

Hic quæri potest, an variolarum materia seu ipsum illud alias dictum miasma sit in se ipso semper ejusdem indolis an vero diversæ? Ratio dubitandi est; quia variolæ, uti superius in divisionibus, & differentiis dictum est, sæpe ita variant, ut vix sibi similes videantur.

Respondeo absurdum non esse si feminia variolarum dicantur inter se differre; hoc ipsum videmus in feminibus animalium, & præcipue vegetabilium; sic dantur diversæ species pyrorum, pomorum, ceraforum, & aliorum.

## LXXXII.

Interim hoc admittere debemus, quod diversitas, quæ aliquando in variolis observatur, dependeat sæpe a certa constitutione temporum, loci, aut ægroti, observationes enim nos docent, quod feminia variolarum discretarum, & benignarum five per contagium, five per

infectionem alicui communicentur, aliquando in variolas malignas degenerent; idem a contrario sæpius observavi, ex confluentibus, & malignis in aliis subiectis exortas fuisse discretas, & benignas. Item ex relationibus constat in certis regionibus grassari variolas plerumque malignas & lethales, sic nulli dicuntur tam funestæ esse variolæ quam Nigritarum, & Casrorum genti. Item recentissimum habemus hujus exemplum, nam 1759. apud nos erant variolæ ut plurimum benignæ, quæ tamen eodem tempore in Dania malignæ fuisse dicuntur.

Quantam varietatem, quin imo & damnum certæ tempestates, & certi flantes venti feminibus, præsertim puberibus vegetabilibus afferant, omnibus notum est, unde mirum non est, si idem in variolis, aliisque morbis contagiosis, & epidemicis ferme quolibet anno observemus, & unam Epidemiam ab altera differre judicemus.



## LXXXIII.

Præterea præterire non possum, quin aliquid saltem verisimile proferam de prima, & principe sede, quam miasma variolosum in nostro corpore occupare solet: Hæc sedes videtur esse genus nervosum, five medullæ spinalis, five oblongatæ, five utriusque. Ratio asserti deducitur ex symptomatibus, quæ in variolantibus præsertim statim sub initium morbi persentiuntur. Intercurrunt enim diversæ horripilationes; lumborum, & spinæ dorsi dolor, diversi spasmi, quin imo sæpe convulsiones; quæ omnia a genere nervoso dependent.

## LXXXIV.

Ratio ulterior est, quia quocunque modo miasma variolosum communicetur corpori, tandem perveniet ad vasa sanguifera, sicque cum aliis humoribus leges circulationis subibit; cum vero hæc miasmata sint tam parvæ molis, ut in

vasis sanguineis aliquod obstaculum tam facile non inveniant, fit, ut lege circulationis pellantur ad minima vascula nervos perreptantia, & circumambientia; quin imo ad ipsas fibrillas nerveas; in quibus facile subsistere, conquiescere, ac tandem sobolescere, & evolvi incipiunt; donec ultro, & ad massam sanguineam mediantibus prædictis motibus spasticis excutiantur; & in vasis sanguineis, quin imo etiam in lymphaticis semper magis & magis propagentur, & multiplicentur.

## LXXXV.

Fundamentum talia, quæ forte alicui paradoxa videri possent, asserendi consistit in eo, quod observationibus constet, siue miasma variolosum per contagium, siue per insitionem communicetur corpori, non soleat statim in actum deduci, sed intra octiduum, & tardius primo efflorescat; adeoque signum est, quod

quod prima talis evolutio non fiat in vas sanguineis, saltem non in illis, quæ sunt majoris diametri.

## LXXXVI.

Ex hoc fundamento asserere etiam possumus, quod talia miasmata variolosa in fibrillis nerveis diutissime inertia latere possint, antequam ab aliqua causa externa in actum deducantur. Item debemus admittere, quod sæpe talia miasmata contagiosa a parentibus hæreditario titulo possideamus, quæ diu inertia in nostro corpore latent, cum tempore vero, aut ab aliqua causa externa in actum deducantur, aut quando talia femina proprium, & quasi præstabilitum suæ maturitatis terminum attigerint, evolvantur, & efflorescant.

## LXXXVII.

Omnia hæc, quæ dixi, fundantur in certis & omnibus notis observationibus; sic constat, femina, tam animalium

um quam vegetabilium habere certos pro-  
fui tam fotu, incubatu, quam evolutione  
terminos, adeoque idem de feminiis con-  
tagiosis dicendum erit.

## LXXXVIII.

Item experientia nos docet, & ob-  
fervationibus confirmatum habemus, quod  
fratres & sorores, multis miliaribus ab  
invicem diffiti eodem tempore, & eodem  
afflentur, corripianturque contagio; qua-  
les cafus legi poffunt in Tract. de con-  
tagio §. CXLI. Verum in his cafibus  
nulla poteft assignari caufa externa exci-  
tans; neque poffibile eft, ut contagium  
in tantam diftantiam agat, & propage-  
tur, adeoque in fimilibus cafibus admit-  
tere debemus, quod talia feminia con-  
tagiofa illis corporibus jam infint, & cum  
ex eodem fonte nimirum a parentibus o-  
riginem habere fupponere poffimus, mi-  
rum non eft, fi eodem ferme tempore  
terminum maturitatis adipifcantur.

Hoc

Hoc ipsum patet ex aliis morbis hæreditariis, ut arthritide podagra, lue venerea, aliisque, qui diu antequam efflorescant, in corpore latere possunt.

## LXXXIX.

Tandem multæ observationes nos docent, quales pariter in tractat. de contagio legi possunt, quod ex animi pathematibus, ut ira, terrore morbi contagiosi ut variolæ, morbilli, miliaria quasi resuscitentur, & contrahantur, & quidem sæpe tali tempore, ubi nulla similis Epidemia grassatur. Sic sæpe contingit, ut ex aspectu horridæ a variolis fœdatæ faciei variolis corripiantur quidam, & exinde ægre decumbant.

Ex quibus observationibus inferre possumus, quod talia miasmata contagiosa, in similibus saltem casibus, in corpore, & quidem in genere nervoso, latere debeant; quia prædicta animi pathemata directe & immediate genus ner-

vofum attingunt, & affligunt, unde prædicta miasmata, feu feminia contagiofa commoventur, excutiuntur; & in actum deducuntur. His præmiſſis recepto ordine fequitur prognofis.

## XC.

Quo mitiora funt ſymptomata, quæ eruptionem variolarum præcedere ſolent, eo tardius nimirum ut plurimum die quarta fit variolarum eruptio. In quo caſu variolas fere ſemper diſcretas, & benignas obſervavi.

## XCI.

Ex majore aut minore gradu febris, idem dicendum eſt de proſtratione viri-um; variolas benignas, aut malignas futuras præſagire poſſumus. Si febris fit magna cum ſopore conjuncta, plerumque variolæ aut confluentes, aut anomalæ ſupervenire ſolent.

## XCII.

## XCII.

Vidi sæpe præfente minore febre , quamvis convulfiones cum deliriis , clamoribus per biduum, aut etiam triduum affligerint, variolas diftinctiffimas , & benignas fuperveniffe.

Unde convulfiones , quæ eruptionem variolarum præcedant nullum portentunt periculum , fecus vero, fi alio fuperveniãnt tempore; etenim vel demonftrant, latere adhuc alia exanthemata in corpore vel metaftafim in principem aliquam corporis partem factam effe.

Si fanguis e vena miffus eft lardaceus Bacclivius judicat, variolas mali moris futuras, quod ego ipfe confirmatum obfervavi, fi febris fit magna, & ingens virium dejectio.

Juvenes femper facilius variolas tolerant, & fuperant, quam qui ætate funt provectiores, Variolæ coufluentes plus periculi fecumferunt quam difcretæ, item

discretæ anomalæ magis metuendæ, quam regulares.

## XCIII.

Variolæ, quæ impetuose, & confertim erumpunt, semper majus periculum portendunt, quam, quæ lente, & successive prodeunt; quia quæ una erumpunt, etiam una suppurantur, sicut quæ successive erumpunt, successive in suppurationem tendunt; unde in illis semper vehementior febris suppuratoria, in his vero mitior urget.

Variolæ ex facie potius, quam ex aliis corporis partibus judicantur, quare si in facie frequentes, aut confluentes fuerint, quamvis in aliis partibus distinctæ, aut raræ appareant, prognosis tamen ex illis, quæ faciem occupant, defumenda est. Variolæ, quo sub ipsa eruptione magis rubent, eo benigniores. Si in principio quartæ diei, aut finiente jam tertia die erumpant variolæ, ad

re-



regulares spectant, & plerumque benignam inducunt indolem. Si vero in principio tertiæ diei, aut secunda jam die prodeant; denique quo magis quartam diem antevertunt, eo pejoris sunt ominis.

## XCIV

Si exacta jam variolarum eruptione febris, & reliqua symptomata perseverant, signum est, alia exanthemata, ut miliaria in corpore latere, quæ non mitigantur, donec prædicta miliaria in conspectum veniant; quod in epidemia An. 1745. & 1746. fere quotidie videre erat.

Diarrhæa, nisi excedat, ut in prædicta epidemia 1745. quæ fere colliquativa erat; nihil mali portendit, adeoque non est sistenda. Idem dicendum est de sudoribus, qui in variolis discretis ætate proveciores tenent.

## XCV.

Ptyalismus, qui in confluentibus & in anomalis variolis adultos affligit, si rite procedat, & quo diutius durat, eo magis ægrum levat; si vero, ut sæpe contingit, die undecima sistatur, tunc respiratio & deglutitio fit difficilis, vox rauca, & clangosa, æger inquietus, anxiosus, delirans, & micturiens, in quo casu mox convellitur, & moritur. Si vero in illo statu, quo ptyalismus sistitur, manuum pedumque tumor incre-scat, prædicta symptomata leviora, & mitiora esse solent.

Narium hæmorrhagiæ, quæ ante variolarum eruptionem, aut sub ipsa eruptione contingunt, ægrum potius sub-levant, quam opprimunt.

Variolæ, quo magis sunt elevatae, & turgidæ, item circulo rubro donatæ, eo melioris sunt notæ, latæ vero & de-pressæ aut in medio foveam habentes,

aut

aut prædicto circulo rubro carentes, ut plurimum funestæ esse solent.

Infantes minus periclitantur, quam adulti, quia illis morbus congruus, istis vero non ita, siue fœtus in utero matris, siue mulier uterum gerens, siue uterque variolis laboret, semper pro utroque summum abortus & vitæ periculum subest. Variolæ lividæ aut nigræ indicant materiam acrem causticam facile in gangrænam tendentem.

Si post peractam eruptionem soporosi maneant, aut tales fiant, qui prius non erant, signum est, vel quod alia lateant exanthemata, vel quod inflammatio cerebri adsit, quam dein convulsiones & mors excipere solent.

Variolæ, quibus purpura, aut petechiæ interspersæ, plerumque funestæ sunt.

#### XCVI.

Si tempore suppurationis interstitia variolarum rubeant, & tumeant, si tu-

mor faciei fit competens quantitati & qualitati variolarum, si denique tumorem faciei excipiat tumor manuum, & pedum, signum est, morbum via salutari incedere.

Si vero prædicta non succedant, aut, si tumor adsit, sed præcipitanter, aut temporius concidat, tum ægri anxiosi fiunt; & derepente moriuntur.

### XCVII.

Metastasis, quæ per modum abscessus fit, siue hæc interne, siue externe contingat, mala. Sæpe enim in superficie corporis fiunt ulcera maligna serpentina, quæ vix curam admittunt. Sic talia ulcera plena vermiculis observabantur in variolis, quæ in Insula Rugia, & Stralfundia grassabantur.

### XCVIII.

Materia purulenta variolosa ad sanguinem resorpta, si nec per urinam, nec per alvum, aut aliam viam e corpore se-

fecedat, solet superatis jam variolis in superficie corporis diversos furunculos nunc majores nunc minores formare, qui valde dolorifici, & tandem suppurati, atque aperti magnam materiæ purulentæ copiam fundunt. Hi plerumque plus incommodi, & dolorum, quam periculi secumferunt.

## XCIX.

Interim vidi tales furunculos, sat frequentes & in longum tempus protrahitos; nam aliquot eorum vix apertis, mundatis, & necdum consolidatis alii recentes, & sic repetitis vicibus, superveniebant; qui ægre febrem lentam, morasum, ac tandem mortem inferebant; in similibus casibus judico, sicut partes externas, ita etiam interna viscera similibus furunculis occupari. Variolæ nothæ, alias chrySTALLINÆ, LYMPHATICÆ, aut fatuæ dictæ perhibentur ab aliquibus funestæ fuisse. Ego viginti &

plurium annorum curriculo sæpe & plures vidi, sed semper tales vidi, quæ attentionem medicam vix mererentur; adeoque si quis exinde denascatur, forsitan ex aliqua alia nobis invisa interna labe hoc contingere fatius judicari poterit.

Tandem generalis Hyppocratis regula, & prognosis hic oblivioni danda non est; qua docemur in morbis acutis incertitas esse prædictiones salutis & mortis.



## CAPUT IV.

*Sistit curationem variolarum , earumque  
symptomatum.*

*Item insitionem , diversasque de variolis  
observationes.*

---

## SECTIO I.

*De Variolarum curatione.*

## C.

**V**enerandus artis medicæ restaurator  
Boerhavius in suo tractatu de va-  
riolis judicat , quod vulgari , & nunc  
recepta variolas tractandi methodo ne-  
mo , nisi sponte , evadat. Unde ve-  
reor , ne cuipiam eorum , qui jurarunt  
in verba Magistri; inofficiosus , aut in-  
jurius videar , si indicationes variolarum  
curativas institutam , quæ cujuslibet votis non  
respondebunt , respondebunt tamen ut spe-  
ro , a me superius allatis causis & phœno-  
menis;

Hic tamen prænotandum judico, quod pro diverso variolarum stadio etiam diversæ exurgant indicationes; nam aliæ sunt in primo stadio, nimirum invasione, & apparatu; aliæ in secundo, seu expulsi-  
one, & aliæ in maturatione seu suppu-  
ratione. CL.

In primo illo stadio indicationes debent respicere principaliter ipsam causam immediatam variolarum, deinde primo principes effectus, qui in hoc statu observantur, uti est febris, & phlogistica humorum constitutio.

Pro causa immediata materiali variolarum constitui seminia propria variolosa, evolubilia, & multiplicabilia, adeoque prima, & princeps indicatio deberet esse, ut hæc destruantur, inertia reddantur, eorum evolutio, multiplicatio, eruptio & suppuratio impediatur; hoc fieri deberet remediis, quæ in prædictum miasma variolosum agendo, illud  
aut



aut iners, &, ut dicam, sterile efficerent, aut per convenientes vias antequam evolvatur, eliminarent.

## CII.

Ast talia remedia, quæ his indicationibus satisfacerent ad hanc usque diem in votis sunt; interim desperandum non est, quin talia, ut Clariss. Boerhavius confidit, ex antimonio, & mercurio, præparari possint. Nam experientia habemus, quod per remedia mercurialia cum aliis mixta, debito tempore, ordine, & dosi adhibita, variolæ alias confluentes futuræ, ad paucas, & benignas disponi possint. Tale remedium, multiplici experientia comprobatum descriptum habetur in Act. Acad. Reg. Suevicæ scient: Anno 1751 vel XII. Item in commentariis de rebus in scient. nat. & med. gestis vol. III. p. 533.

Hoc remedium constat ex calomelan. camphora, aloë, & resina quajaci.

## CIII.

## CIII.

Si effectus hujus remedii talis est , ut ibidem laudatur , tunc aliter hoc fieri non potest , quam quod prædicta semina variolosa secundum quid e corpore eliminantur , & inertia reddantur. Aut quod corpus ita disponant , ut numerosa & frequens variolarum evolutio impediatur. Si itaque talia remedia in rerum natura existunt , quæ miasma variolosum secundum quid iners efficere possint , sperandum est , fore , ut alia adinveniantur , quæ illud in totum evertant , & iners reddant.

## CIV.

Aliud fundamentum hæc asserendi deduci solet ex eo , quod in variolis phlogistica , & inflammatoria quædam indoles adesse observetur ; nam sanguis venæ sectione extractus lardaceus ut plurimum esse solet ; adeoque sicut videmus alias inflammationes , ut pleuritidem ,

pe-

peripneumoniam, erysipelas discuti sæpe absque aliqua suppuratione, idem fieri posse in variolis autumant multi.

## CV.

Attamen si a posteriori consideretur phlogistica constitutio humorum, quæ in variolis observatur, videbimus, quod differat ab illa, quæ in aliis morbis inflammatoriis obtinet.

Nam illam venæ sectionibus, iisdemque antiphlogisticis remediis tractamus, quemadmodum alias inflammationes; & tamen nunquam absque suppuratione acmin attingere videmus, uti alias inflammationes. Quapropter exinde cognoscere possumus magnam hic interesse differentiam, quod ex nostris de contagio principiis facile concipitur, nam in variolis humores nostri corporis corrumpuntur, & conspurcantur, dum semina variolosa evolvi & multiplicari incipiunt, tunc enim animalcula illa deponunt co-

pio-

piofa excrementa, & ovula, quæ humoribus nostris mixta eosdem corrumpunt eodem modo, uti diximus de aqua nuceriana putrida, & exinde turbida reddita; vide tractat. de contagio.

## CVI.

Itaque hic monendum duco, quod sæpe fallamur, dum credimus variolas sine suppuratione suum cursum absolvisse, ego ipse multos similes casus habui, qui mihi imposuerant, dum credebam miasma variolosum per urinas secessisse e corpore absque suppuratione; sic 1759 & 1760. ex quinque prolibus idem cubile inhabitantibus una corripiebatur variolis utcunque discretis & benignis, hac vix sanitati jam restituta, ægrotabat alia cum ingente febre, siti, inquietudine; denique videbatur adesse totus apparatus ad variolas; quare sanguis mittebatur, clysteres emollientes quotidie injiciebantur, & antiphlogistica in usum vo-

cabantur; die tertia morbi, qua variolas expectabamus, deferuescebat in totum febris, & ægra bene valebat. Quia vero urina cum copioso sedimento secesserat, credebam miasmata variolosa motu febrili digesta, & cocta per urinas eluminari; ast experientia aliter docuit, nam altera foror brevi post corripiebatur variolis; cui aliquot post diebus successit prædicta ægra.

## CVII.

Cum itaque remedia, quæ ipsum miasma variolosum juxta jam datas indicationes directe attingant, necdum nobis nota sint, superest, ut aliæ formetur indicationes, quæ nitantur in illis præcipue duabus observationibus, jam superius notatis, nimirum, quod in primo, & secundo stadio variolarum humores nostri phlogisticam induant indolem; item quod observemus, quo magis urget febris, eo plures, & pejores erumpere soleant variolæ.

## CVIII.

## CVIII.

Quapropter respectu primæ observationis indicantur omnia antiphlogistica, diluentia sæpe, & magna copia assumpta. Victus tenuis ex hordaceis, avenaceis, farinosis, pomis horæis. Respectu autem motus febrilis excedentis indicantur jam prædicta antiphlogistica, & sanguinis missio & quidem ea quantitate, ut supersit motus febrilis, qui sufficiat variolis expellendis, digerendis & suppurandis.

## CIX.

Hæc summatim dicta sunt; nam multa in particulari de his dicenda restant, uti hic enumeranda essent singillatim remedia antiphlogistica, quæ desumi possunt ex aquosis, nitrosis, & farinosis, acidis acescentibus, lenioribus saponaceis, aliisque humectantibus, diluentibus, & emollientibus; ex quibus dein diversæ formulæ: mixturæ, julapia, decocta,

infusa, Syrupi, Rhob, emulsa parari possunt. Verum hæc videri possunt in Clarissimorum Boerhavii, & Davidis Gorter materia medica; ideoque missa facimus.

## CX.

Unde disquirendum tantum erit, in quibus casibus, & circumstantiis aliqua eorum adhiberi debeant, nec ne. Idem intelligendum est de venæ sectione. Generales enim regulas in cura variolarum afferre non ausim; alia quippe debet esse ratio medendi in variolis discretis, & benignis, quam in malignis, & confluentibus. Item alia in infantibus, pueris, & alia in adultis; idem dicendum est de aliis casibus, variisque circumstantiis.

## CXI.

Quare male agunt illi, qui semper fere eadem remedia præstituire solent in uno sicut in altero casu. Alii vero ad-

huc majore animadversione digni sunt, qui audent, remedia, quæ in variolis benignis proficua esse observarunt, tanquam specifica in & pro variolis malignis venditare; cum experientia doceat, variolas benignas levissimis, & fere inertibus remediis quam facillime, & felicissime ad acmin perducì posse, quod in malignis exquisita arte, omnique adhibita solertia vix obtinere fas est.

Variolæ enim benignæ vix aliam curam exigunt, quam regimen tam quoad Diætam, quam quoad aëra moderatum, & temperatum, sic enim natura ipsa totum reliquum negotium melius, quam quæcunque nimium exculta, & acuminata ars, perficiet, quod solertissimus Sydenham ipse observavit, & indicavit sectione III. Cap. II. de variolis regularibus Annor. 1667. 1668. dicens: *Natura enim sibi permissa negotium suum suo tempore exequitur, materiamque debito ordine*



*ac via tum decernit, tum etiam expellit, & nostra ope, nostrisque artificiis, atque auxiliis non indiget, suis viribus optime instructa, suis opibus locuples, suo denique ingenio satis edocta.*

## CXII.

Ex quibus edocemur, quod, si medicus, ad infantem aut puerum variolis laboraturum advocetur, quem moderate febricitantem invenit, quamvis inquietudines, anxietates, deliria, aut convulsiones urgeant, non debeat statim ad sanguinis missionem, vesicatoria, aut ad antiepileptica volatilia confugere; sed clysmata emollientia, pediluvia, diluentia, atque leniora antiphlogistica in usum vocare, quibus dein paccatissima, & benignissima variolarum eruptio cum prædictorum symptomatum mitigatione succedere consuevit.

E contrario, si prædicta genus nervosum irritantia, orgasmum inducentia,

atque variolas præpostere expellentia adhibeantur; sequitur festinata, & mali moris eruptio, diximus enim superius, quod variolæ, quo citius erumpunt, eo maligniores esse soleant.

## CXIII.

Quamvis venæ sectio variolas nec promoveat, nec malignas reddat, si tamen in debili, & laxo infantum corpore, & absente magna febre instituat, genus nervosum, membranosum, & vasculosum nimiam exinde contrahit atoniam, ex quo fit, ut motus tam in expulsione, quam in suppuratione langueant, adeoque miasma variolosum, quod ad peripheriam corporis pelli deberet, in partibus internis, & visceribus hæreat, diversisque formandis internis abscessibus viam sternat.

## CXIV.

Quare mirari non debemus si aliquando ex variolis benignissimis mors repen-

repentina, & inexpectata eveniat. Ego vidi aliquot tales casus, alii practici plurium meminerint similium, ubi ægri variolis discretissimis, & benignissimis laborantes, jam in vado constituti esse videbantur, convellebantur, & emoriebantur, quales inexpectati & funesti casus non aliunde dependent quam, quod, aut diu jam latentes in corpore abscessus, aut primo a materia variolosa producti, rumpantur, materiam purulentam in nobilia viscera effundentes.

## CXV.

Interim inficias ire nolim, quod sæpe contingat, infantes non tantum magna febre variolosa, sed simul etiam febre inflammatoria cum sopore ex dentitione affici, in quo casu, quia variolæ malignæ metuendæ, sanguis in debita quantitate mitti debet, & quidem in pede.

CXVI.

Si vero propter nimiam in tenerri-  
ma hac ætate vasorum tenuitatem vena  
lanceola aperiri non possit, hirudines ap-  
plicandæ erunt, quæ, cum gutatim cruo-  
rem evacuent, non ita debilitant.

CXVII.

Interim observationem, cujus nul-  
lus, quantum scio, meminert, tacitus  
præterire non possum, quod nimirum in  
illo casu, ubi febris variolosa cum fe-  
bre inflammatoria ex dentitione conjun-  
gitur optimum sit, si hirudines post au-  
res applicentur, secus enim ex convul-  
sionibus, & sphacelo cerebri pereunt in-  
fantes antequam plenaria variolarum eru-  
ptio succedat.

Ratio hujus observationis consistit in  
eo, quod infantes in simili casu soporosi,  
& delirantes jaceant; facies eorum, fi-  
cut gingivæ, rubeat, & tumeat, quod  
denotat stasim inflammatoriam hæere in  
vasis

vasis cerebri, cerebelli, meningum, aliarumque partium adjacentium, adeoque si jugulares, quæ immediate cum sinubus, carotidibus, aliisque vasis communicant, evacuentur, & exonerentur ex legibus hydraulicis, & derivationis sanguis carotidum, & vertebraliū liberiores exinde adipiscitur motum.

## CXVIII.

Quare observavi, quod similes infantes sub ipsa operatione jam palleſcant, quieti, & tandem ſomnolenti evadant, deinde vero expergeſciti tota facie & actionibus animalibus in melius mutati videantur.

Quod dixi de febre inflammatoria ex dentitione cum febre varioloſa conjuncta, idem intelligendum eſt, ſi nulla adſit febris varioloſa.

## CXIX.

Eſt præterea ratione nitri, & paregoricorum in infantibus cautela adhi-

benda, ne hæc duo remedia in tenerri-  
ma hac ætate eadem liberalitate uti in  
ætate provectioribus in usum vocentur.  
Quamvis enim hæc in motibus febrilibus,  
& spasticis domandis primatum obtineant,  
nihilominus tamen in hac ætate primum  
nimium iritat genus nervosum, alterum  
vero spiritus opprimit, nervosque stu-  
pefacit, ex quibus dein plus damni quam  
emolumenti expectandum est.

## CXX.

Supereft alia multorum, sed erro-  
nea opinio, qui judicant, vires quan-  
doque itaque languere, ut variolarum  
expulsio, nisi remediis alexipharmacis  
volatilibus adjuvetur, perfici & absolvi  
non possit; quare mox ad myrrhata,  
aliaque volatilia, vesicatoria, confugi-  
unt; ex quo fit, ut non tantum febrem  
& variolarum numerum augeant, sed &  
earum qualitatem benignam in malignam  
sæpe mutant. Quod ipse ineluctabili ex-  
pe-

perientia edoctus Sydenham de variolis regularibus sentit dicens: *Neque sane ipse vidi, aut fando accepi, quemquam ex eo periisse, quod variolæ non eruperint, etsi nimis multi perierint, quorum variolæ laudabiliter eruperant.*

## CXXI.

Est tamen casus dabilis, quales ipse vidi, ut expulsio variolarum difficilis fiat; ut si nimia adsit febris inflammatoria, uti præcipue hoc fit ex dentitione, in quo casu minima vasa una cum cute nimium a spasms constringuntur, sicque expulsio variolarum impeditur. Verum enim vero in tali casu omnia volatilia, omniaque irritantia necrotica dici debent, quia prædicta obstacula exinde augentur, convulsiones, gangræna & mors acceleratur.

## CXXII.

Quapropter in periculoso, & ancipiti simili statu, quamvis aliquot variolarum

manipuli in cute jam appareant , necessaria est sanguinis missio, clysmatum emollientium , pediluviorum, diluentium , & antiphlogisticorum assiduus usus; quibus dein sat benigna succedere solet eruptio, & suppuratio.

## CXXIII.

Si tamen , quod oppido rarum , obijciatur casus, ubi præ debilitate eruptio variolarum succedere non possit, ut si diuturna præcesserit diarrhæa , aut largissima hæmorrhagia , in tali casu omnino hæc adjuvanda est remediis nimirum lenioribus cardiacis , & expellentibus , non vero nimium volatilibus , & excalefacientibus. Optima in simili casu sunt illa remedia , quæ sale volatili sulphureo anodyno prædita sunt, ut flores Sambuci , chamomillorum; crocus, saffraas, & alia his analoga , quorum ope natura non irritatur , sed suavissime ad expellenda heterogenea in corpore latentia adjuvatur.

## CXXIV.



## CXXIV.

Hæc brevis, succincta mitisque variolas præcipue infantum, puerorumque tractandi ratio, est hoc tempore apud plerosque practicos recepta; quia cum longe absit ab omni violentia, est naturæ agentis, ipsique tenerrimæ huic ætati quam maxime conformis, & appropriata.

## CXXV.

Hæc ipsa methodus congruit etiam adultioribus, præsertim illis, qui variolis benignis laborant, aut primo laboraturi sunt; etenim in similibus pariter, præter regimen aëris, & diætæ temperatum & moderatum, diluentia, antiphlogistica, clysmata emollientia, pediluvia, in usum vocanda sunt.

## CXXVI.

Nitrata, parégorica, & sanguinis missio largiore, & liberaliore manu administrari possunt hic, quam in infantibus: quod de venæ sectione præ aliis

in-

intelligi debet; nam quamvis in primo illo variolarum stadio a febre sit levi hæc vix indicaretur, debet tamen sanguis mitti, ad hoc ut facilius mitis, & benigna succedat suppuratio; diximus enim nec in primo, nec in secundo stadio, sed in & ex suppuratione subesse vitæ periculum, quia in hoc statu solet sæpe fieri raptus ad cerebrum, ex quo dein phrenitis, convulsiones, & mors sequuntur.

## CXXVII.

Item si magna sit febris suppuratoria, facile evenire potest, ut scirrhi, aut occulti interni abscessus, si qui adsunt, inflammentur, tandemque rumpan-  
tur. Ex quo fit, ut miremur attoniti variolis de se benignis aliquando improvise supervenire mortem; quales funesti casus cuilibet medico practico noti sunt, similesque legi possunt præter alios apud Zarutum Lusitanum lib. II. historia III. Quapropter, ut funesta sym-  
pto-

ptomata in adultis tempore suppurationis supervenire solita præcaveamus, præstabit in variolis etiam benignis venam secare.

Hæc sunt fere generalia variolarum remedia, quæ tam in infantibus, quam in adultis, tam in discretis benignis, quam confluentibus, anomalisque indicantur, & pro diversa circumstantiarum, superius jam notata ratione in usum vocari solent.

### CXXVIII.

Verum in confluentibus, anomalisque variolis interdum tanta est malignitas, ut omnia supradicta remedia, nimirum venæ sectiones, enemata pediluvia, diluentia, paregorica, aliaque antiphlogistica imparia observentur huic curandæ, & domandæ malignitati, unde necesse fuit, ut attenti, & solertes practici alia atque alia, quæ magis satisfacerent, experirentur, nobisque communicarent, quorum hic meminisse necesse erit.

Quia

Quia vero in prædictis malignis variolis quolibet die, & quolibet morbi tempore, diversa lethalia supervenire possunt symptomata indicabimus, quid quolibet morbi tempore & in diversis circumstantiis agendum sit.

Si itaque advocatus medicus ex symptomatibus §. XXXVI. allatis prævideat variolas malignas, five confluentes, five anomalas futuras, debet primo considerare febrem, quæ in similibus casibus semper magna esse solet; unde sine mora sanguis mitti debet, quod post aliquot horas repetendum est; si febris urgeat, præcipue si pulsus sit plenus, & tensus, si sanguis extractus appareat lardaceus, ætasque sit in vigore constituta, tunc sanguis ternis, aut quaternis venæ sectionibus, & quidem ad uncias fere quadraginta extrahendus est, alias enim inflammatoria constitutio non mitigatur, ut Sydenham ipse de pleuritide judicat.

## CXXIX.

In similibus casibus sæpe observamus, quod sanguis prima morbi die, aut etiam initio secundæ diei, extractus utcunque laudabilis esse appareat; alter vero, qui tardius mittitur, perquam phlogisticam jam induerit indolem; quæ unica, si alia non adesset ratio, jam sufficere posset, ut tantum, prout mox antea dixi, mittatur sanguinis.

## CXXX.

Ast hanc rationem ipsa experientia testibus omnibus sanioribus practicis confirmat; etenim videmus, præmissa tali extractione sanguinis, variolarum eruptionem faciliorem & suppurationem benigniorem succedere; quidquid in contrarium objiciant theoretici, credentes in tali casu motum magis ad intra quam ad extra verti, adeoque variolarum eruptionem potius impediri, quam promoveri, quin imo variolarum retrocessum metuendum esse.

## CXXXI.

## CXXXI.

Judico enim experientia edoctus inanes esse metus, & inania verba de variolarum retro pulsione; hoc quidem videmus, quod exanthemata, qua nullam habent elevationem ut petechiæ, scarlatina a certis causis externis, ut frigore facile retrocedant; de variolis vero, præsertim si aliquamdiu jam peripheriam corporis occupent, idem tam facile dici non potest; quia si quid simile appareat, hoc fit, quod variolæ, quæ plenæ & turgidæ erant, fiant flaccidæ, earumque interstitia, quæ tumebant, & rubebant, concidant, & pallefcent; sed hoc fit, quia humor, qui variolas & earum interstitia implebat, retrocedit, seque ad aliquam etiam partem internam recipiat; in quo casu dicere non possumus, quod variolæ retrocedant; secus enim, cum hoc ipsum in variolis discretis die undecima aut decima quarta cum euphoria

con-

contingat , deberemus pariter dicere , variolas retrocedere ; nam illo tempore pariter variolæ, quæ prius plenæ, turgidæ & tensæ erant, fiunt flaccidæ, quia humor ad sanguinem resorbetur, legeque circulationis ad renes & vesicam deferitur , sicque per urinas copiosas evacuat.

## CXXXII.

Statuo itaque quasi jam definitum , quod quocunque variolarum tempore , five id sit primum, five secundum, five tertium , seu suppurationis stadium , si adsit urgens febris, præcipue si hæc cum phrænitide, sputo sanguinis, aut alio lethali symptomate conjuncta deprehendatur, possit, quin imo debeat venæsectio celebrari ; secus enim actum est de ægro.

Si hæc , quæ effatus sum, autoritatibus Clarissimorum Practicorum confirmare vellem , nimis multus essem ; unde

de aliquot tantum eorum adducam, reliquos quisque consulere poterit.

## CXXXIII.

Sic Barbairac Celeberrimus Medicus monspeliensis in suo consilio ad variolas alicui nobili familiæ funestas, judicat repetitis vicibus in pede, & brachio sanguinem mittendum esse; quinimo omni tempore morbi, si grave aliquod symptoma exigat, quamvis jam adsint variolæ, petechiæ, aut purpura, venæsectionem instituendam esse asserit. Vide Mangeti Bibliothec. pract. Tom. IV. p. 714.

Idem observavit, nobisque communicavit in tractatu de variolis Expertissimus Violante, crediditque, variolas certis familiis funestas, non nisi præmissis repetitis & largis venæsectionibus curari posse.

## CXXXIV.

Inter alios similes casus, qui hic Vindobonæ noti sunt, præeminet ille, qui



qui perquam illustrem familiam de Stockhamer concernit; nam viventis, & florentis hoc tempore nobilissimæ hujus familiæ Parentis omnes fratres, sororesque ex variolis denati sunt, hoc unico ex largis & repetitis venæsectionibus servato.

Idem casus attigit Excellentissimam Comitem N. N. 30. circiter annos natam, & 1745. variolis correptam. Huic ego, & Eruditissimus D. Collega Staindel de Bleffenet, diu noctuque adstiteramus, curam dirigente Magnifico pie defuncto Domino Weber de Fûrnberg. Principium & insultus morbi variolas confluentes & pessimas præfagiebat. Non obstantibus multis, quæ jam secunda morbi die eruperant, sanguis repetitis vicibus ad quadraginta circiter uncias missus erat. Unde dein illa furibunda febris mitigabatur, variolæ, quamvis frequentes, benignæ tamen eruperant, facile

suppurabantur, & feliciter ad acmin. perducebantur.

## CXXXV.

Quod vero in secundo & tertio variorum stadio, si febris adsit magna, si phrænitis, si sanguinis per alvum, per urinam aut per os secessus urgeat, sanguis mitti possit, & debeat, videre possumus apud Sydenhamium, Sidobre, Medicum monspeliensem; Sigism. Grassii observat. XIII. apud Bonetum Medic. Septentr. part. alt. pag. 223. & alios.

## CXXXVI.

Quod autem apud nostrates, faniores practicos hæc methodus jam dudum obtinuerit, patet ex Celeberrimo quondam hic Practico Sorbait; qui tractat. VII. Cap. XIII. de variolis periculosissimis sequentem notabilem adducit casum: *Illustrissima de Berg 26. annos nata, cum pulvere ex lapide Bezoardico sat copiose uteretur, variolæ quidem assatim per totum*

cor-

corpus eruperant, sed facta ingenti fermentatione humores ita in caput irruerunt, ut in soporem & alienationem mentis devoluta esset; ita, ut oculis apertis & quasi convulsis cum ingenti stertore dormiret, & ad funestum Serenissimi Ferdinandi IV. recens exemplum jamjam apoplexia tangi videretur. In tantis rerum angustiis advocatus ego, suasi, ad faciendam humorum in caput irruentium revulsionem, ut utraque pedis vena secaretur, - - aperta itaque pedis utraque vena, & adhuc fluente sanguine, ægra loqui cæpit, & de præsentissimo mortis periculo erepta fuit. Ex quo fundamento in tractatu de variolis lapidem Bezoardicum aliaque volatilia damnat; quæ ut ibidem dolet, perniciofa, funestaque fuere Ferdinando IV. Romanorum Regi. Idem fere casus legitur in miscellaneis naturæ curiosorum Anni tertii p. 92. obs. 55.

## CXXXVII.

Ratio vero, quare in nimio calore febrili larga debeat institui sanguinis missio, ex nostris de contagio principiiis facile concipitur; ostendimus enim ibidem, quod in majore calore febrili fiat major corruptio & putrefactio humorum, adeoque copiosior, & frequentior miasmatis contagiosi evolutio, & multiplicatio.

## CXXXVIII.

Ex quo ultronee deducere possumus, quod in variolis omnia evitari debeant, quæ calorem sive interne sive externe augere potis sunt; quia experientia docet, omnia hæc perquam perniciose esse ægris. Unde exulare debent omnia vulgo dicta calida remedia; æger debet iisdem stragulis tegi, quibus sanus erat assuetus. Calor cubiculi debet esse graduum circiter 66. Verum superfluum esset plura de variolarum regimine addu-

adducere , quia hæc certis experimen-  
tis confirmata & repetitis vicibus incul-  
cata legi possunt apud Sydenhamium ;  
& apud eruditissimum archiatrum Anto-  
nium de Haen , in operibus ab ipso nu-  
per in lucem editis.

## CXXXIX.

Hæc de venæsectione dicta suffici-  
ant , reliquum est , ut remedia indicemus ,  
quæ materiam peccantem variolosam re-  
spiciant , & enervent. Superius jam di-  
ximus , in variolis malignis , sive confluen-  
tibus , sive anomalis convenire quidem  
omnia antiphlogistica , nitrata , diluentia ,  
& reliqua ibidem exposita. Verum vi-  
rus miasmatis variolosi videmus quando-  
que esse tam malignum , ut prædicta re-  
media imparia huic debellando inventa  
fuerint.

Quapropter quam plurimis , & a  
probatissimis Practicis captis experi-  
mentis cortex Peruvianus , uti in omni-

bus aliis malignis febribus, ita etiam in variolis malignis observatus est esse remedium, quod omnibus aliis præferri debet. Cujus adhibendi methodus, quantum ego observavi, sequens aliis præferenda est.

### CXL.

Si ægrotus diætæ regulas sæpe transgressus fundamentum exhibet medico suspicandi, humores corruptos in primis viis latere; in simili casu debent isti prius e corpore ablui, & per epicrasim evacuari; fecus enim, si tales ad sanguinem deferantur, majorem putrefactionem & malignitatem inducunt.

### CXLI.

Remedia, quæ huic indicationi inserviunt, & apprime satisfaciunt, desumi possunt ex tamarindinis, manna, cassia, magnesia nitri, aliisque similibus evacuante & antiphlogistica vi præditis; quorum effectus adjuvari, & promove-

ri poterit per sæpius injectos clysteres : quare absint in hoc morbo omnia aloëtica , rhabarbarina , aliaque acria , irritantia , & drastica.

## CXLII.

Evacuatis itaque hoc modo humoribus in primis viis stabulantibus , & præmissa sufficiente detractio sanguinis , statim ad corticem confugiendum est. Debet autem præmitti venæsectio , ut exinde pulsus fiat mollior , & debilior ; secus enim si pulsus perseverat inflammatorius , nimirum frequens , durus , & tensus , omnes Practici observant ex usu corticis plus detrimenti , quam emolumenti allatum iri.

## CXLIII.

Unde ille status variolarum , in quo fit , aut jam exacta est earum eruptio , censendus est perquam opportunus exhibendo cortici , quia tunc febris est remissior , & ægri , cum tunc melius ha-

beant, medico magis obsequiosi esse solent

## CXLIV.

Si cortex in substantia assumi possit, prævalet omni alii methodo, deberet autem duabus aut tribus illis secundi stadii diebus, antequam febris suppuratoria superveniat, omni nycthemeri spatio ad minimum ad unciam unam assumi; aut ejus extractum ad unciam dimidiam; aut denique omni bihorio grana quinque, sexve ejusdem salis essentialis methodo Gareana præparati.

## CXLV.

Sic enim via sternitur ad benigniorem suppurationem, faciliorem exsiccationem, squamularum crustarumque citiorem separationem, ex quo dein alter resultat effectus, quod hac ratione profundiores foveæ, & ulcera maligna exedentia, depascentia, præpediantur.

## CXLVI.



## CXLVI.

Si vero quis, quemadmodum apud infantes sæpe evenit, abhorreat internum usum corticis; posset idem effectus, quamvis in remissione gradu, ex ejusdem in clysteribus usu expectari; si nimirum ejus pulveris uncia una aut altera diu in lacte, aut alio liquido emolliente decoquatur, & filtrata sæpe injiciatur; Experientia enim oculatioribus practicis nota constat, hac methodo fanari posse febres mali moris, ac si per os cortex sumatur; adeoque idem in nostro casu dicendum erit.

## CXLVII.

Verum illud hic annotandum habeo, quod usui corticis peruviani interponi debeant copiosa diluentia, humectantia, antiphlogistica vi prædita, quæ frequenter & ea, quam ferre æger potest, quantitate exhiberi debent.

## CXLVIII.

## CXLVIII.

Ast experientia edoctus, & Autoritate Clariss. Sydenhamii, aliorumque Practicorum firmatus edicere possum, quod inter omnia alia diluentia antiphlogistica primatum obtineat Hydrogala, quæ e tribus aquæ puræ partibus, & una lactis, invicem mixtis & coctis, additoque saccharo ad gratiam, constat.

Iste potus est multiplici titulo omnibus aliis præferendus; est enim antiphlogisticus, diluens, humectans, demulcens, acrimoniam temperans obvolvans; adeoque benigniorem, faciliorem, minusque dolorificam suppurationem reddens. Quemadmodum enim fomenta ex lacte partibus suppurandis externe applicita demulcent, leniunt, faciliorem & minus dolorificam efficiunt suppurationem; idem dicendum erit, si iste ipse humor se in minima vasa insinuet, eaque pervadat; foveatque.

## CXLIX.

## CXLIX.

Præterea vix non omnia alia diluentia difficulter cum nostris miscentur humoribus, facileque & subito e corpore per urinas secedunt. Hydrogala vero est humor, naturæ nostræ amicus, & ideo facile, libenterque assumitur, digeritur, & cum nostris humoribus miscetur, diutiusque in corpore retinetur. Unde dein præbet materiam laudabilem ptyalismo, & tumori, symptomatibus, in variolis tam necessariis, sine quibus vix aliquis adultorum evadere potest.

## CL.

Sanctorius medicin. static. section. prima aphor. 81. dicit, in morbo acuto, uti sunt variolæ, triginta circiter humorum libras dissipari & desiderari. Ast quæso, quid ergo illud est, quod ab attritu febrili assumitur, & dissipatur? Nunquid sunt humores inquilini roscidi, balsamici, & subtilissimi? remanentibus acribus, salinis, terrestribusque partibus,  
quæ

quæ in minimis vasis facillime restagnant genus nervosum, vasculosumque irritant, erodunt, ad gangrænam & spacellum disponunt.

## CLI.

Quisque autem concipiet, quod illud roscidum, & subtilissimum dissipatum per supradictam hydrogalam facillime & appositissime refarciatur, acre temperetur, & obvolvatur, humoresque fluidiores reddantur, a stagnatione & gangræna liberentur.

## CLII.

Sed dices, omnia prædicta commoda, quæ hydrogalæ adscribuntur, ab emulsionibus speranda, & expectanda sunt.

Respondeo ab hydrogala longis, multisque paraxangis superari omnia emulsa; nam experientia nos docet, omnes emulsiones continere in se aliquid crudi, & flatulenti, unde fit, ut in primis viis diutius hæreant; etenim subtili-

lissi.

liffimum illarum aqueum principium re-  
forbetur ad massam & circulum humo-  
rum , crassum vero & terrestre intra ru-  
gas ventriculi , & intestinorum diutius  
moratur , corrumpitur , flatulentias ,  
ructus , spasmos & anxietates plerumque  
excitat. Ast omnia hæc mala ex hy-  
drogala pertimescere non possumus ; nam  
hæc est liquidum aqua dilutum , tenuissi-  
mum , quod secundum totam substantiam  
facile transit vasa lactea , sicque ad cir-  
culum humorum defertur.

### CLIII.

Præterea est liquidum fere homoge-  
neum , nostris humoribus analogum , fa-  
cile illis miscibile , quia illis jam mixtum  
erat ; unde nec crudum , nec flatulen-  
tum , quia per circulationem , antequam  
leges secretionis subiret , jam excoctum ,  
& per attritum utcunque unitum , ex quo  
fit , ut partes ejus crassæ non tam facile  
sece-

secedant, & ad fundum præcipitentur, uti hoc in omnibus emulsis videmus.

Tandem hoc præ aliis liquidis commodi ex hydrogala habemus, quod in omni casu, & quibuscunque urgentibus symptomatibus, sine omni detrimento, quin imo potius magno cum emolumento in usum vocari possit; five enim menstrua fluant, five non; five adsit diarrhæa, five absit, semper confert, teste expertissimo Sydenhamio, micturitionem mitigat, ptyalismum facilem & diuturnum reddit. Alia vero est ratio de emulsis; quæ menstruantibus, & diarrhæa laborantibus, ut practicis notum est, perniciofa esse solent.

#### CLIV.

Quod vero illa, quæ de his, præcipue autem, quæ de usu corticis dixi, longo usu probata, illustriumque Medicorum repetitis observationibus confirmata hoc tempore habeantur præ reliquis legi possunt observationes, & epistola

Cla-

Clarissimi Georgii Bayly ad Clariff. Pem-  
perton scripta de usu corticis peruviani  
in variolis. *Vide Commentar. de rebus in  
scient. nat. & med. gestis Tom. III. pag. 7.*

## CLV.

Expertiff. Alexander Monro, Pro-  
fessor Edenburgensis per diversa capta  
experimenta probat, ostenditque, corti-  
cem non tantum in gangræna, & spha-  
cello, sed etiam in variolis esse specifi-  
cum remedium: *Vide acta Edenburgensia  
in germanicum versa Tom. V. part. I. pag.  
109.* Idem sentit Richardus Morton  
in tractatu de variolis, aliique plures ce-  
lebres Practici.

## CLVI.

Sed unus pro omnibus sua autori-  
tate consummataque experientia valet E-  
ruditissimus, & Magnificentissimus Cæ-  
fareus Archiater D. de Haen, cujus e-  
legantissima opera hic typis data quis-  
que hac de re consulere poterit.

Nunc ordine fequerentur paregorica, eorumque tam deprædicatus in variolis ufus, exponendus; verum opportunior erit occasio de his fectione fequente, dum fympptomatum curationes tractabimus, differendi.

## CLVII.

Quare, cum prognofim iudiciumque de natura, & indole variolarum ex illis potiffimum, quæ faciem occupant, defumere foleamus, debemus in primo, & fecundo variolarum ftadio efle folliciti, ut illæ magis ad partes inferiores alliciantur, & determinentur; hoc autem afsequemur, fi clysmata emollientia fæpius injiciantur, fi pediluvia cum lacte, aut cum incoctione fpecierum emollientium adhibeantur; quibus efficiemus, ut cutis afpera, & tenfa præcipue partium inferiorum una cum ejusdem vafis emolliatur, & laxetur; ex quo fiet major impetus & nifus humorum ad has partes  
mi-



minus resistentes, variolarumque ibidem major proventus.

## CLVIII.

Ex eodem fundamento, judico, non absolum fore, si adulti variolis laboraturi, aliquoties simili emolliente balneo toto corpore utantur, ut non tantum facilius fieret variolarum expulsio, sed & benignior suppuratio. Neque enim fundamentum aliquod in contrarium novi, excepto quorundam hominum præjudicio; præcipue si ætas, viresque ægroti tale balneum ferre possint, & si ægri statim post balneum ad lectum, & udorem se componant.

## CLIX.

Ex veterum Medicorum monumentis notum est, quam frequens, quam proficius fuerit in diversis, sed præcipue acutis morbis, balneorum emollientium usus: hæc apud Hippocratem, Galenum, Lælium Aurelium, Arætaum,

Celfum, & Trallianum videri possunt; cur autem in morbo acuto varioloso balneorum usus non etiam admittatur, non video.

Sic Clariss. Varnier variolas retro-pulsas, optime balneis ad superficiem corporis revocare solebat. Vide Comment. de reb. in med. gestis vol. VII. pag. 478.

### CLX.

Ex observationibus Sydenhamii datur quædam species variolarum malignarum, quæ statim sub sui initium Gangrænosam indolem præ se ferunt; nam nigredine fuliginem repræsentant, foetorem intolerabilem spargunt, unde tales variolæ denotant summum putredinis gradum; sanguis in similibus casibus non est spissus, tenax, sed dissolutus, diffluens vix cohærens. Quare evenit, ut suis vasis vix coerceri valeat, sed vel per urinam, vel per alvum, sputum, vomitum, aliamve viam una cum anima exitum

tum sibi paret. Talis epidemia variolarum maligna erat 1574. in insula Rugia, & vicina urbe Stralsundia, ubi deductis crustis subjecta caro putrida, & gangrænosa apparebat.

## CLXI.

In similibus funestis casibus spiritus vitrioli unicum videtur superesse remedium, quod ad gratam aciditatem decoctis julapiis, aliisque liquoribus posseticis misceri, & in usum vocari debet. Eadem est observatio Expertiss. Joan. Huxham de annis 1737. & 1738. cujus hæc sunt verba: *In epidemicis parvis, atris & gangrænosis variolis optima sunt subaustera, cortex peruvianus, elixirium, aut spiritus vitrioli.* vid. comment. de rebus in scient. nat. & med. gestis vol. II. pag. 522.

## CLXII.

Hæc, quæ hucusque de variolarum tam benignarum, quam malignarum curatione attuli, sunt hoc tempore vix

non ab omnibus sanioribus Medicis practicis recepta, & approbata; supersunt tamen adhuc quædam aliquorum non contemnendæ variolas tractandi methodi, quas brevitatem, qua par est, pertractabo.

Sic cum quidam Medicorum oculatiores vidissent, quod quandoque variolæ præcipue malignæ, quacunque ex prædictis methodo tractentur, difficulter, aut plane non ad felicem perducantur exitum, inceperant cogitare, & experiri, quid remedia mercurialia in similibus malignis epidemiis efficere valeant. Hæc methodus fundatur in nostris de contagio principiis, ubi ostendimus, mercurialia remedia esse generalia, & specifica anthelmintica, adeoque hæc convenire debere in omnibus morbis, putridis malignis, exanthematicis, ut petechiis, miliaribus, variolisque malignis.

## CLXIII.

Sic in febribus malignis Brandelii epidemice grassantibus Josephus Benvenutus mercuriam cum cortice peruviano mixtum tanquam specificum remedium deprædicat in epistola ad Bartholomæum Beccarium, ubi ex ducentis ægris febre maligna laborantibus, & prædicta methodo tractatis nullus desiderabatur. Vide comment. de rebus in scient. nat. & med. gestis vol. V. pag. 668.

## CLXIV.

Sigismundus Grassius multis captis experimentis observavit, mercurium uti malignarum febrium, ita vel maxime variolarum esse summum alexipharmacum; quemadmodum in observatione LVI. ita effatus est: *Multi damnant mercurium in variolis, sed censura nimis rigorosa, non enim respondet ejusmodi maledictis experientia.* Vide miscellan. curios. med. Physica Acad. nat. curios. Ann. tertii, pag.

93. Idem ibidem pag. 13. sensit Franciscus Bouchardus observatione IX. de mercurii dulcis in variolis usu. Item Clariss. Bohnius dicit, perfectam variorum curam in antimonio, & mercurio consistere. Idem experti sunt Clarissimi Fortunatus Bianchini, & Joan. Baptista Moreale, alique plures Celeberrimi Practici, ut videre est in comment. de rebus in scient. & med. gestis, volumine Xmo pag. 237. aliaque plura legi possunt in nostro tractatu de contagio.

## CLXV.

Videtur tamen apud hos, aliosque celebres viros in modo mercurium adhibendi magna intercedere differentia; aliqui enim utuntur mercurio vivo depurato cum syrups aut conservis in bolos redacto; alii confidunt in æthiope minerali, ut Loob, vide der medicinischen Versuche einer Gesellschaft zu Edinburg ersten Band. pag. 456.

Alii

Alii verò mercurium dulcem, aut decoctionem mercurii vivi omnibus aliis præparationibus præferre solent. Unde fit, ut ex tot & diversis opinionibus obscura, & infida oriatur medendi methodus, alii enim præjudiciis, alii propriis fictionibus, novitate rerum potius, quam naturæ nutu reguntur, vili pendentes laudabile consilium magni Verulamii, dicentis: *Non fingendum aut excogitandum, sed inveniendum, quid natura faciat, aut ferat.*

## CLXVI.

Si tamen de usu mercurii in variolis meam debeam aperire palamque facere opinionem, judico experientia edoctus, abstinendum esse a mercurio, qui humoribus nostris misceatur, & cum iisdem per vasa moveatur; nam cum mercurius in pondere ad nostros humores se habeat, ut unum ad 13. circiter, debet necessario contingere, ut minima & tener-

rima vasa dilaceret, seque in unam, alteramve nobilem corporis partem effundat, eamque lædat; unde dein periculum majus & mors inevitabilis oriri solet.

## CLXVII.

Quapropter, si mercurium dulcem cum aliis purgantibus mixtum propinemus, debet iste in majores portiones, seu ut dici solet grosso modo divisus, aut contusus exhiberi ad hoc, ut fere integra mole per intestina feratur, sicque per alvum egeratur. Continget tamen, ut liquor gastricus, bilis, succus pancreaticus, aliaque liquida ingesta, aliqua virtute anthelmintica imbuantur, quam dein, dum aliis humoribus circulantibus miscentur, communicant eisdem. Hoc videmus, quod mercurius in aqua digestus, decoctus aut methodo Gareana trituratus liquidis virtutem vermifugam conciliet, & communicet, adeoque idem in nostro corpore contingere debere nullus dubito.

## CLXVIII.



## CLXVIII.

Gundelsheimerus illustris quondam Medicus, Regiusque Borufficus Archia-  
ter aliam adoptarat variolas curandi me-  
thodum, quæ ab omnibus aliis quoad  
quid esset diversa; propinabat nimirum  
variolis laboranti, singulis alternis diebus  
medicamentum emetico-catharticum, quod  
e tartaro emetico, manna, aut cassia com-  
positum erat. Hoc fere unico remedio,  
& regimine moderatissimo, sepositis  
omnibus aliis artificiis suos tractabat  
ægrotos. CLXIX.

Clarissimus Stahlius suo jam tempo-  
re singula hujus methodi momenta sol-  
licite & exacte excusserat, ut vix ali-  
quid ultro desiderari possit. Interim si  
familiaria quædam variolis symptomata  
intimius consideramus, emeticam prædi-  
cti remedii vim haud approbare possu-  
mus; notum enim est, deliria, & de-  
glutitionem difficilem familiaria esse vario-  
la-

larum symptomata, multumque negotii ægris facessere. Verum unusquisque a studio partium alienus facile cognoscet, quantum hæc duo symptomata a prædicto emetici nisu superiora versus augeantur, ut exinde plus detrimenti timendum, quam emolumenti sperandum sit.

## CLXX.

Aliud autem dicendum est de leni evacuatione per alvum debito tempore, & debito modo instituta; nam hæc effectum fere priori emeticæ evacuationi contrarium exere solet, nifum enim & motum humorum, qui ad partes superiores tendit, ad inferiora determinat, ex quo dein sperare possumus, fore, ut cerebrum & fauces a suo onere liberentur, phrenitica illa dispositio dissipetur, & deglutitio liberior reddatur.

## CLXXI.

Hanc ipsam semitam felici eventu secuti sunt plures illustres in arte medica Viri: Clarissimus Joan. Freind expertus est.

est secundos effectus ex purgantibus in secundaria confluentium variolarum febre, uti apud eundem videre est.

Sydenham ipse in schedula monitoria est ejusdem opinionis, asseritque ibidem: *duro huic nodo durum cuneum aptandum esse*. Idem legi potest in libello: legs d'un ancien Médecin à sa Patrie pag. 137.

Verum omnium optime nos propriis & repetitis observationibus docuit Eruditissimus Thomas Simson, qui indefessa sua industria expertus est, quod delirium in variolis, si passim recepta methodo copiosis paregoricis tractetur, augeatur, & æger exinde in pejus ruat, a laxantibus vero antiphlogisticis quam optime abigatur, & sopiatur. Nec obstare videntur dicta Hippocratis de morbis popularibus: *mortuus est, quia purgatus est*.

Nam hic intelliguntur purgantia acria, draastica, veteribus usitata, non vero lenia laxantia antiphlogistica, de quibus hic est sermo.

## CLXXII.

Supereſt ; ut quam breviffime attingamus methodum, qua Arabes, aliique primi de variolis Scriptores, eaſdem tractabant. Hæc videtur maximam partem conſtitiffe in lentibus, lacca, tragacanto, diverſis acidis, opio. Sic Syrupus Avicenæ ad variolas conſtat ex ſucco foliorum papaveris viridis, & ſucco citri. Quæ cum ſint demulcentia, obvolventia, leniterque pellentia, nihil abſoni in ſe continent.

## CLXXIII.

Poſt Arabes medicos apprimus fuit Bayrus, qui 1542. variolas Auguſtæ Taurinorum accuratiſſime deſcripſit, & quam appoſite tractavit ; nam remediis temperantibus, diluentibus antiphlogiſticis, & venæſectionibus totum negotium abſolvit, ut hoc tempore vix aliquid ſuperſit addendum. Hic aliquid dicendum eſſet de quarto, & ultimo ſtadio vario-

la-

larum, seu de earum exsiccatione; quia vero, qui attigit hunc statum, jam in vado esse plerumque dicendus est, incommoda, quæ hic persentiuntur, ad symptomata reducimus, de quibus sectione sequente tractabimus.

## CLXXIV.

Pro coronide hic mentio facienda est de infitione, & inoculatione variolarum adeo decantatis. Hæc artificialis variolas propagandi methodus, primam debet sui originem Circasiis, Armeniis, Græcis, aliisque orientalibus populis, quæ dein in Europam invec̃ta a multis in cœlum usque extollebatur, a multis vero vituperabatur; unde factum est, ut pro & contra acerrime, & argutissime ad hanc usque diem decertatum fuerit; quemadmodum nuperrime inter Eruditissimos Viros: Magnificum Dominum Archiatrum de Haen, & Dominum de Tissot hac de re litem ortam & insigni eruditio-

ditione, magnoque candore in utramque partem propugnatam, novimus.

Abfit, ut audeam inter hos, aliosque Viros, eruditione, experientiaque claros quidquam determinare, arbitrumque agere.

Adeoque proponam tantummodo speciales difficultates, quæ ex nostris de contagio principiis contra hanc artificialem variolas propagandi methodum pugnare videntur.

#### CLXXV.

Notum est hoc tempore omnibus, præcipue vero topiariis, vegetabilium evolutiones artificialiter accelerari posse; idem effici posse in animalibus, præsertim in insectis, nos docuit indefessæ industriæ Celeb. Raimarius in suo pretiosissimo Tractatu de insectis gallice edito. Unde mirum non est, si etiam variolas per infitionem accelerare possimus, cum ex nostris principiis hæ ipsæ habeant pariter, ut vegeta-

getabilia & animalia, sua propria feminia.

## CLXXVI.

Verum experientia nos docet, omnem præmaturam evolutionem longe inferiorem esse illa, quam natura debito tempore instituit, adeoque non esse ita perfectam, & absolutam.

Ad hoc vero insitionis Patroni oggerere solent; quod experientia cuilibet obvia constet feminia terræ mandata sylvestres & austeros proferre fructus; quod vitium dein insitione aut inoculatione emendari & corrigi potest. Adeoque insitione & inoculatione videntur res potius perfici, & emendari quam labefactari. Verum manum de tabula; etenim jam diximus, hæc non esse nostri propositi.

## CAPITIS IV.

## SECTIO II.

*De curatione symptomatum, quæ  
in variolis observari solent.*

## CLXXVII.

**V**ix assignabile est symptoma, quod non quandoque variolis jungatur. Unde satis erit meminisse eorum tantum, quæ variolas concomitari, aut subsequi plerumque consueverunt.

Symptomata autem, quæ eruptionem variolarum præcedere solent, mitigantur diluentibus, emollientibus nitratis, aliisque antiphlogisticis jam superius recensitis; item pediluviiis, clysmatis emollientibus; aut etiam, si febris exigit, venæsectionibus; nam superveniente dein variolarum eruptione, symptomata gravissima, ut vomitus, convulsiones, deliria mitigantur, aut plane abiguntur, quem-



quemadmodum jam superius dictum fuit, neque enim restat hic quidquam ultro adjiciendum.

### CLXXVIII.

Verum altioris sunt indaginis illa symptomata, quæ eruptionem & suppurationem concomitantur, aut subsequuntur; etenim facta jam variolarum expulsiōe nihilominus quandoque convulsiones, inquietudines, anxietates perseverant, quæ denotant, materiam exanthematicam purpuraceam, aliamve adhuc in corpore latere.

### CLXXIX.

In simili casu, si omnia prædicta remedia CLXXVII. jam in usum vocata fuerint, nihil superest, quam, ut medicus epispastica præstituat, quæ materiam peccantem a centro ad peripheriam corporis avocent. Interea vero copiosis diluentibus, & antiphlogisticis quam diligentissime insistendum est.

## CLXXX.

Quia vero tales variolæ ad malignas reduci debent, antiseptica, specifica, ut cortex peruvianus, in usum vocanda sunt, ut superius §. CLIV. jam diximus

## CLXXXI.

Diarrhæa, si non excedat modum, intacta relinqui debet; si vero nimium urgeat, ut vires exinde deficient, sicque obstet, quo minus variolarum debita eruptio, suppuratio, uti & faciei, manuum, pedumque nécessaire subsequatur tumor, tunc debet appropriatis remediis tractari. In tali enim casu signum est aut aliquam materiam acrem in tractu intestinorum hære, aut eundem intestinorum tractum a variolis oblitum esse; a quibus causis dein perpetua intestinorum irritatio, stimulusque derivari debet; uti hoc clare videmus in illis variolis, quæ fauces occupant.

## CLXXXII.

## CLXXXII.

Quare in simili casu conveniunt omnia, quæ demulcent, leniunt, acre abluunt, leniterque roborant; unde clysmata emollientia ex decocto radicis Althææ, seminum Lini, cydoniorum, pedum vervecinorum cum gummi Arabico, & Theriaca veneta optima sunt.

Interne vero decoctum album, aut hydrogala cum lacte chalybeato præparata; aliaque similia cum paregoricis omnem absolvunt paginam.

## CLXXXIII.

Si vero tanta sit humorum colliquatio, ut omnia prædicta remedia imparia sint huic urgenti tollendo symptomati, tunc specificum remedium expertus sum in spiritu vitrioli, aut sulphuris per campanam, qui in diversa formula, prout ægro magis arridebit, præscribi poterit.

## CLXXXIV.

Ast idem hoc remedium, & ex eadem causa plurimum valet & in illo casu, ubi sudoribus videtur diffluere æger, & nec ab hydrogala sero lactis, emulsis paregoricis, aliisque similibus auxilium aliquod experitur. In simili casu æger refrigeratur, & refocillatur ex jam dicto remedio.

## CLXXXV.

Est vero aliud, & quidem periculosissimum symptoma, ubi sanguis dissolutus, & quasi colliquatus, ut dictum est §. CLX. suis vasis coerceri nequit, sicque per diversas vias, nimirum vel per sputum, per urinam, aut per alvum secedit; in hoc casu debent non tantum prædicta demulcentia, & humores incrassantia, sed præterea spiritus vitrioli in usum vocari, secus enim in simili desperato casu vix aliquid boni sperandum restat.

CLXXXVI.

CLXXXVI.

## CLXXXVI.

Ratio hujus aliorumque supradictorum ex effectibus, quos spiritus vitrioli in nostro corpore exerere solet, desumi debet; nam febrilem motum mitigat, humores dissolutos aliquantum compaginat, compingitque, vasa laxa hiantia, aut aperta firmat, ut impetui humorum magis resistere possint. Hæc, quæ affero, præter alios confirmat Clarissimus Allen in synopsi universæ medicinæ practicæ capite X. Articulo LXVII. dicens: *Spiritus vitrioli, vel ejusdem oleum in aqua simplici instillatum in hæmorrhagiis periculosis est extremum remedium, & raro fallax.*

## CLXXXVII.

Hæc itaque intelligi debent de hæmorrhagiis, quæ a prædicta causa, nimirum ab humoribus dissolutis dependent. Adest vero in variolis sæpe alia hæmorrhagiæ species, quæ a nimio humorum motu, eorumque orgasmo dependet; in

quo casu vasa, præsertim minima, nimium distenduntur, & a fortioribus systoles & diastoles ictibus nimium atteruntur, ex quo fit, ut oscula eorum facile aperiantur, aut rumpantur; sicque sanguis sæpe una cum anima exitum quærat.

Talis hæmorrhagia contingere solet in prima illa ebullitione, quæ variolarum expulsiōnem præcedere solet; aut tempore suppurationis; quia his temporibus adest summus humorum orgasmus, febrisque, quam de inflammatoria indole participare diximus.

### CLXXXVIII.

In hac hæmorrhagia, nisi sanguis in sufficiente quantitate mittatur, remediis, quibuscunque pharmaceuticis nihil efficies; venæsectione vero præmissa ex remediis antiphlogisticis, & paregoricis multum sperandum restat.

Si vero neque ex his resipiscat æger, tunc ad prædictum spiritus vitrioli remedium

dium, aut ad usum aluminis methodo, & consilio Eruditissimi Helvetii, confugiendum erit.

## CLXXXIX.

Delirium, phrenesis sunt duo periculosissima symptomata, quæ variolis præfertim malignis sæpe adjunguntur. Si hæc in primo variolarum stadio, nimirum ante earum eruptionem adsint, tantum periculi non portendunt; quia peracta & completa eruptione mitescunt aut evanescent.

Ast multo majoris sunt momenti, si tardius, nimirum tempore suppurationis, aut posterius, dum febris secundaria accenditur adveniant; signum enim est in tali rerum statu, aut vasa cerebri inflammata esse aut cerebrum genusque nervosum a materia exanthematica occupari; unde dein convulsiones, gangræna, morsque metuenda sunt.

CXC.

Quapropter in simili periculoso statu, si febris urgeat, debet prius sufficiens sanguinis quantitas detrahi, uti hoc jam probavimus, & diversis observationibus confirmavimus §. CXXXVI. & CXXXVII. Dein debent diversa clysmata emollientia injici, item superius jam adducta antiphlogistica in usum vocari; debet præterea capillitium abscindi, aut radi, ut caput magis transpirare possit; item debet æger ex consilio Sydenham electo eximi; tandemque debent vesicantia partibus inferioribus applicari, & capiti raso columbæ vivæ recens cultro in duas æquales partes divisæ, & naturali adhuc calore præditæ, apponi, sæpiusque renovari.

CXCI.

Quod vero vesicantia concernit, generaliter & probe notandum velim, ne unquam fervente febre, nisi prius sufficiens sanguinis quantitas detracta fuerit,

appli-



applicentur , fecus hæc febrilem motum , inflammationem , & periculum augent.

## CXCII.

Si vero omnia hæc non ad vota medentis , & ægrotantis cedunt , phrenesique pertinaciter perseveret , Sydenham spiritum vitrioli suadet ; dicitque Capite II. quod in febrium continuarum phrenesi sit specificum remedium , cujus verba de febribus continuis annorum 1670. 4, 5. & de phrenesi his febribus superveniente , hæc sunt : *Inducias non tunc symptomata hoc , ægrum intra paucos dies tollebat , nisi inflammatio cohiberetur ; atque hic mihi suppetias tulit præ aliis spiritus vitrioli post venæsectionem adbibitus , qui intra paucos dies & somnum conciliabat , & sanitatem ægro reddebat ; quod nulla methodo efficere valebam ; atque hoc reiterata sæpe experientia mihi abunde constabat.*

Si itaque in phrenesi febrium continuarum epidemicarum tantas , ut audi-

vimus, habet vires, cur easdem non ex-  
erat in phrenesi variolarum epidemica-  
rum non video. Quod mihi vestigia so-  
lertissimi Sydenhamii terenti aliquoties ad  
vota cessit.

## CXCIII.

Præterea judicat Sydenham, ut pas-  
sim in ejus operibus legere est, copiosis  
paregoricis prædicta duo symptomata  
optime compesci & subjugari posse.

Sed Clariss. Thomas Simson Ce-  
leberrimus medicinæ Professor evidentibus  
experimentis, & repetitis observationi-  
bus ostendit, quod quo plus in simili  
casu paregoricis utuntur ægri, eo magis  
delirent, & obtundantur; unde obser-  
vavit, in tali casu optima esse lenia pur-  
gantia antiphlogistica; quia hac ratione  
motus humorum ad partes inferiores ma-  
gis determinatur. Exacta vero purgan-  
tis operatione, paregorica ad motus ex-  
citatos compescendos optima esse. Vide

acta

acta Edenburghensia in germanicum versa, volum. V. part. 2. pag. 762.

## CXCIV.

Et fane hæc ipsa methodus respondet illis, quæ Clariss. Freindius in secunda, seu putrida variolarum febre expertus est, nobisque in suis scriptis communicavit.

Quin imo ipse Sydenham, sed fat fero, nimirum jam senex videtur hac in re primo sapuisse, nam in sua scheda monitoria dum de variolarum febre putrida seu secundaria agit, ingenue fatetur, quod quandoque circa finem variolarum a materia purulenta variolosa ad sanguinem resorpta sanguinis orgasmus ita supra efferatur, ut æger ad incitas redactus animam mox acturus videatur, nisi statim venæsectione, purgatione, & tandem paregoricis obviam eamus, & reliqua, quæ ibidem in extenso legi possunt.

## CXCV.

## CXCIV.

Ex quibus patet, neque enim credo necesse esse, ut ultro, & separatim agamus, quid in illa adeo periculosa secundaria variolarum febre agendum sit.

Interim unicum restat, ut indicem methodum illam, qua Eruditissimus Dominus Varnier magno cum fructu utebatur, ut funestam hanc febrem secundariam averteret; sicque facile & feliciter variolas etiam malignas ad finem perduceret. Res est tanti momenti, ut peropportune facturus mihi videar, si ea adduxero, quæ in Comment. de rebus in scient. nat. & med. gestis vol. VII. part. I. pag. 478. habentur. *In variolis confluentibus pone aures in nucha, femoribus, & cruribus vesicatoria bono cum successu adhibuit. Cum autem tam in variolis confluentibus, quam ipsis discretis a pure resorpto febris sic dicta secundaria persæpe oriatur, hæcque haud raro egrotantes e vi-*  
vis

vis tollat. Noster (id est Clariss. Varnier) ideo, quo cuncta funesta symptomata evitentur, pustulas ope instrumenti cujusdam aperiri jubet. Optime enim rem successisse, atque febrem secundariam non solum impeditam, verum & ægrotantes optime tunc vi-  
sos fuisse, perbibet. Hincque omnibus hanc methodum commendat. Sed hic monendum est, quemadmodum Eruditissimus Dominus de Haen quam sapientissime annotavit, quod pustulæ semel apertæ sæpius aperiri, & a pure, quo statim readimplentur, liberari, ablui, & abstergi debeant. Sic enim impedimus, ne pus ad sanguinem transeat, aut in, & sub cute in membrana cellulosa diutius hæreat; adeoque nec foveas profundas, nec ulcera depascentia efformet.

## CXCVI.

Symptoma, quod lotium seu urinas concernit, duplici & quidem opposita ratione affligere potest; vel enim solito  
sæ.

sæpius nimiaque quantitate, quasi diabetice redditur, ut contigit in dicta epidemia vide XLVII. Unde dein variolarum elevatio, plenitudo, suppuratio, debitusque tumor, & rubor impediuntur. Si enim tardius, nimirum in quarto stadio superveniat, nihil mali portendit, ut jam superius demonstratum est.

Talis micturitio denotat, a materia acri exanthematica, aut etiam a variolis vesicam, renes, ureteres, aut etiam plexum renalem, occupari, & perpetuo irritari.

### CXCVII.

Quare in simili casu omnia supradicta demulcentia, paregorica, quin imo appropriata antiseptica, ut cortex peruvianus, apprime conveniunt. In casu vero extremo spiritus vitrioli, ut superius jam dictum est, omnibus aliis præferri debet.

### CXCVIII.

## CXCVIII.

Alter vero casus, ubi urina plane supprimitur, plerumque dependet etiam a frequentibus variolis sed sphincterem, uretramque vesicæ, aut etiam substantiam renum tubulosam occupantibus, a quibus dein prædictæ partes ita tument, ut nec libera urinæ secretio, nec excretio succedere possit.

Aliquid simile videmus fieri a variolis, quæ fauces, quin imo aliquando tractum arteriæ asperæ, & æsophagi obfident, a quibus prædictæ partes ita tument, ut non tantum laboriosa & difficilis deglutitio, sed & respiratio affligat.

## CXCIX.

In simili casu sapiens est Sydenhamij consilium, ut æger e lecto eximatur, & adstantium manibus suffultus cubiculum bis, terve circumambulet; sic enim mox tam magnam urinæ quantita-

tem reddet, quæ omnibus, diu recticorum tribubus in auxilium vocatis, accerfiri non poterit. Ratio effectus est, quia urina ipsa, præsertim, si in vesica hæreat, propria sua gravitate sibi exitum quærit.

## CC.

Si vero præ debilitate æger lectum deferere non valeat, aut forte adstantes, præjudiciis capti, admittere nolint, debent fomenta, uti sacculi, speciebus emollientibus repleti, in lacte cocti, expressi & calidi, illi parti, ubi causa latet, applicari. His sacculis substitui potest vesica fuilla decocto emolliente aut lacte ad medietatem repleta, & parti affectæ apposita. Item, si non major effectus sperari potest ex milio cum lacte in pul-  
ticolam cocto, & parti affectæ superimposito, clysmata emollientia injecta præbent vesicæ idem fomentum interne, quod alia supra dicta externe. Huc etiam spectant diversa interna diluentia,

&amp;



& lenia diuretica, ut species de althæa fernelii, & reliqua ex materia medica eruenda.

## CCI.

Si tamen omnia hæc suo effectu frustrentur, & urina, ut fere semper fieri solet, in vesica hæreat, tunc debent appropriatæ candelæ, ex cera, & gummi arabico aliisque præparatæ, per uretram in vesicam usque immitti, quarum defectum catheter supplere poterit; unde dein libera urinæ via, absque omni alio artificio efficietur.

## CCII.

Superius jam diximus, quod pustulæ variolosæ, quæ tumidæ elevatæ, & circulo rubro donatæ sunt, bonas notas præ se ferant; si vero pallidæ, depressæ maneant, si interstitia earum, uti & facies, manus, pedesque minus tumeant, minusque rubeant, timendum esse, ne illa ipsa causa materialis, quæ prædi-

etum tumorem, & ruborem constituere deberet, viscera interna occupet, gangrænam, mortemque afferat.

## CCIII.

In simili casu aliqui Practicorum mox confugere solent ad cardiaca, calida, & volatilia, sperantes fore, ut prædictam materiam morbificam hoc modo a centro ad peripheriam pellere possint. Verum experientia Sydenhamii, aliorumque docuit, exinde prædictam materiam morbificam potius ad cerebrum quam ad peripheriam determinari; unde dein phrenesis, convulsiones, morsque acceleratur.

## CCIV.

Qua etiam ex ratione Clariss. Sydenham alia expertus est remedia, quæ suis indicationibus, votisque magis responderent; talia erant præter ordinaria antiphlogistica, etiam copiosa paregori-

ca, ex quorum assiduo usu dicit tumorem, & ruborem in variolis resuscitari.

## CCV.

Ego vero, quod observando didici, candide afferam; nimirum, quod quidem ex propinatis copiosis paregoricis plerumque prædictus tumor augeatur; quia multum eorum, quæ diffilari, transpirare, fecerni, & excerni deberent, ab usu paregoricorum solito diutius in corpore retinetur; unde aucta in corpore humorum mole mirum non est, si etiam tumor augeatur. Verum quia ex eadem ratione motus in corpore pariter languent, timendum est, ne causa morbofa in aliquo nobilium viscerum sedem figat, exinde non amplius dimovenda. CCVI.

Quapropter in simili casu præter prædicta paregorica, & antiphlogistica curo applicari vesicantia; item a cardiacis calidis volatilibus abstineo quidem, his etiam substituo, & præstituo talia, quæ ful-

phare volatili anodyno constant; qualia sunt : v. g. flores sambuci violarum , primulae veris , chamæmillorum ; item crocus saffrafas & aliquando camphora , aliaque similia plura , quæ infusa decocta , aut alia forma propinari possunt. Ab his enim humores attenuantur , fluxilesque redduntur , & lente , non violente commoventur , sicque a centro ad peripheriam pelluntur ; unde dein major prædictarum partium tumor , & rubor exurgit.

## CCVII.

In illo vero casu , nimirum tempore suppurationis , ubi variolæ in facie , manibus & pedibus debito tument , & earum interstitia valde rubent , fit ingens dolor , ardor , & tensio istarum partium ; in hoc inquam casu debemus tam interne quam externe suppetias ferre , ut dolor , ardorque leniantur , tensio vero laxetur. Interne igitur conveniunt omnia  
supra

supradicta antiphlogistica, & parégorica. Externe vero fomentationes calidæ, vel potius tepidæ ex speciebus emollientibus cum vel sine lacte. Meæ intentioni, ægri commodo optime soleo satisfacere, si sponsia ad hoc munus adoptata prædictæ decoctioni intingatur, exprimatur, sæpiusque partibus dolentibus apponatur.

## CCVIII.

Quantum vero istæ fomentationes emolumenti, & levaminis afferant, cognoscere possumus ex illis variolis, quæ fauces occupant, quæ, quia saliva, aliisque liquidis ingestis continuo fomentantur, & emolliuntur, flaccidæ fiunt, neque ad illam, prout in illis fit, quæ externum corporis habitum occupant, deveniunt suppurationem.

## CCIX.

Quare ordo exigit, ut de illis agamus incommodis, quæ variolæ fauces occupantes afferre solent. Princeps au-

tem incommodum est illa difficultas, quæ in deglutitione percipitur. Hæc lenitur per gargarismata ex diversis emollientibus, & mucilaginosi, ut malva althæa hordeo, avena & similibus addito nitro, & melle rosarum. Ex quibus si necessitas urget, etiam injectiones fieri possunt.

## CCX.

Huc etiam spectat ptyalismus, qui circa diem undecimum morbi bene observandus est. Est sane mirabile symptomata, quod non tantum adultis, sed aliquando etiam junioribus; item non tantum in confluentibus, sed aliquando etiam in discretis præcipue anomalis variolis supervenire solet.

## CCXI.

Quin imo non tantum in variolis, sed in aliis etiam casibus absque omni arte, solis naturæ motibus, excitata observatur salivatio; sic in sceminis, quæ hy-

ste

stericis sæpe laborant affectibus, salivationem, quasi mercurium assumpsissent, sæpe vidi. Item salivationem, quæ odontalgia familiaris est, omnes novērunt.

## CCXII.

Præterea legimus salivationem spontaneam epidemice quandoquæ grassari in Act. Nat. Cur. Cent. I. obs. 137. pag. 277. Neque enim in hoc specialis difficultas videtur superesse; si enim considero, quod salivatio se habeat uti coryza, quæ a certa inclementia atmosphærae membranam adiposam afficiente dependere potest; non miror, si salivatio, ex eadem aut aliqua simili ratione epidemice grassari, & affligere possit.

Sic observavit Sydenham salivationem epidemicam in febribus continuis epid. Annorum. 1667. 1668. & 1669.

## CCXIII.

Adeoque quandocunque fit prædictus humorum ad fauces affluxus succedere poterit ptyalismus, quando vero humores minus transpirant, ut in variolis plerumque contingit, fiet major humorum affluxus, vel ad alvum, unde dein in infantibus diarrhæa, vel ad fauces, unde salivatio derivari debet. Quod ultro observationibus constat, a suppresso manuum sudore ingentem salivationem successisse. Vide *Breslauische Geschichte* obs. 36. pag. 727.

## CCXIV.

Multi clarique in arte medica viri judicant, quod illud, quod ptyalismo excernitur, sit illud ipsum pus, quod variolas, earumque interstitia occupat; sed falluntur, sit dicto venia; quia illud, quod ptyalismo excernitur, nunquam aliquas materiæ purulentæ notas præ se ferre observavi, data enim opera examinavi sæpius,



pius, aut semper inveni, quod quisque sedulus, candidusque indagator confirmare poterit, materiam, quæ in variolis salivatione excernitur, esse plus minusve viscidam, tenacem, inodoram, & insipidam; denique in omnibus illi, quæ in corrhiza excernitur, similem; sed quis medicorum, talem materiam pro purulenta habebit? Experientia enim habemus, quod omnis materia parulenta diffluat, fœteat, partesque, quas occupat, arrodât, & exulceret, quod in nostro casu alienum est.

Hucusque consideravimus naturam ptyalismi, superest, ut eundem consideremus, in quantum in variolis ægros alleviet, aut eos aggravet, lædat, quin imo sæpe perdat. Si salivatio facile, sine magno labore, debitaque quantitate, nimirum nychthemeri spatium ad libram unam, alteramve procedat, videtur vota Medici, & ægri explere. Hoc autem

tem obtinemus, si diluentia & antiphlogistica debita quantitate assumantur; inter quæ principem locum obtinere hydrogalam, superius jam probavi.

## CCXVI.

Si tamen non obstantibus prædictis diluentibus copiose assumptis salivatio non rite procedat, sed cum malis ægri rebus die undecima, aut etiam tardius derrepente sistatur, tunc æger fit inquietus, anxiosus, respiratio fit difficilis, vox evadit rauca, clangosa, mensque labans, quæ omnia indicant, materiam salivationi inservientem ad nobiliora viscera, ut pulmones cerebrumque raptam esse. In quo casu nisi tumor manuum, pedumque augeatur, de ægro conclamatum esse, experientia docet.

## CCXVII.

Unde in simili casu indicationes, sunt ut prædicta materia morbifica nobiliora viscera petens, dissipetur, & ad partes  
mi-

minus nobiles avocetur. His indicationibus satisfacimus clysmatibus vesicatoriis, etsi pulsus sit fortis, venæsectionibus.

## CCXVIII.

Si vero pulsus sit debilis, & celer, quemadmodum sæpe contingit, absit omnis venæsectio; quia in simili casu mors jam præ foribus est; ne medicus videatur interfecisse illum, quem fors ipsa interemit.

## CCXIX.

In similibus autem casibus analeptica præstitui debemus, quibus etiam alia remedia, quæ sale volatili anodyno constant, adjungi possunt; qualia sunt, ut superius jam dixi, flores sambuci, fassas, crocus, quin imo aliquando etiam camphora, & reliqua jam dicta, quibus materia peccans a centro ad periphæriam pellitur.

## CCXX.

## CCXX.

Interim si materia tenax, & viscida fauces occupat, signum est eandem totum arteriæ asperæ tractum una cum ejus ramificationibus, occupare. In simili casu gargarismata, injectiones ex emollientibus cum melle rosarum, & nitro perquam necessariæ erunt.

Ad solvendam hanc materiam viscidam conducit etiam chermes minerale, vel sulphur antimonii tartarifatum.

Ast quamvis omnia prædicta remedia in prædictis casibus in usum vocata fuerint, evenit tamen proh! dolor, sæpiissime, ut æger ad plures migraret; unde cogitare cœpi materiam morbificam certis nobilibus corporis partibus jam ita infixam hærere, ut quibuscunque tunc adhibitis remediis e sua sede dimoveri non possit. Quare in similibus periculosis variolis alia methodo processu, quæ mihi ad vota cessit. Nimirum studui diem, qua

qua salivatio evanescere consuevit, certis & appropriatis remediis antevertere. Sic die jam nona curavi duo vesicantia partibus inferioribus, aliquando etiam ad brachia applicari, ad hoc, ut materia peccans directâ ad partes minus nobiles, viscera interna libera, & intacta relinquant.

## CCXXI.

Quemadmodum enim solliciti esse debemus de vita & sanitate totius machinæ corporeæ conservanda, ita non minus attentos nos esse oportet de oculorum, aliarumque partium affectibus, qui in & post variolas ibidem sedem figere solent.

Quamprimum Medicus præviderit variolas futuras, debet pro oculis talia præstitui, quæ earum in illis proveniunt impediant, quæ ardorem, ruboremque leniant, leniterque roborent; talia sunt aqua rosarum sambuci, lac quodcunque semina sumach, cydoniorum,

cro-

crocus, & plura similia, quæ aut infusa, aut decocta, spongia, aut linteis tepide applicari, sæpiusque renovari debent.

## CCXXII.

Contingit sæpe, præsertim vero tempore suppurationis, & adhuc tardius, ut palpebræ tumeant, vesicamque humore plenam repræsentent, & tales diu maneant, ægrumque luce privent; ex quo periculum subest, ne visio ipsa lædatur.

## CCXXIII.

In simili casu opponendæ erunt fomentationes tepidæ ex speciebus carminativis cum vel sine lacte, ad hoc, ut tumor eo citius discutiatur, sicque oculi eo citius aperiantur; ad quod etiam multum conducit, si post suppurationem aridæ illa crustæ, quæ præprimis oculorum angulos, seu canthos occupant, illisque tenaciter hærent, lacte tepido, aut le-

ni aliquo oleo mobiles reddantur, ut facile decidere & separari possint.

## CCXXIV.

Si vero dissipato jam palpebrarum tumore, oculisque jam apertis aliqua in ipsis labes observetur, alia procedendum erit methodo. Sic si maculæ quædam in cornea adsint, quæ impediunt, ne radii luminis libere ad retinam transmitti possint, tunc omnia, quæ detergente, & ablutente virtute pollent, conveniunt. Talia sunt sacharum oculis injectum, sanguis columbarum recens, & calidus in oculos instillatus, item aqua ophtalmica cum sapone, aqua, seu infusio vitri antimonii, aut croci metallorum, quæ omnia & similia, si oculos, aliunde sensibiles, nimium irritant, misceri & dilui poterunt cum aquis rosarum sambuci; sicque sæpius oculis instillari.

## CCXXV.

Ast specificum detergens invenio in bile piscium, ut anguillarum, & lucii. Hoc confirmat historia Tobiae cœci felle visum recuperantis; ex sacris enim literis constat, eundem ex casu stercoreis columbini calidi in oculos visione privatum fuisse, quod cum calidum & recens fuisset, legitime supponi potest etiam liquidum fuisse; adeoque partim suo pondere, & impetu, ex casu inflammationem aliquam in oculis induxisse, partim ipsæ tunicæ corneæ, & adnatæ ita adhæsisse, ut leucoma, seu albuginem produxerit, quæ dein, præterspeciale Dei concursu, etiam remediis physicis, nimirum felle sublata fuerat. Qui plura desiderat, legat Valesii physicam sacram.

## CCXXVI.

Præterea contingere solet, ut materia variolosa, aut sanguis ipse intret vasa minima lymphatica, corneam perreptantia,



tia, & a Nukio exposita, si discuti & resolvi non possit, tandem in suppurationem degenerat, & hypopyon format. Unde dein contingit, ut cornea a pure erodatur, sicque ulcus continuo materiam purulentam plorans producat. In quo casu fiet, ut erosa cornea, uvea, quæ illi subjacet, excidat, & staphyloma efficiat.

## CCXXVII.

Quare in primo proposito casu curare debemus, ut illud, quod in vasis secundi aut tertii generis hæret, & restagnat fluxile, & meabile reddatur, resolvatur, & in liberum circulum reducatur; quapropter cataplasmata ex floribus rosarum, sambuci, verbasci cum aqua cocta, conveniunt, quibus dein addi potest aliqua portio aceti de lithargyrio; aliqui etiam adjungere solent aliquid de spiritu vini rectificato, quæ tepide, & sæpe oculo affecto apponi pos-

sunt. Ad eundem usum inserviunt sple-  
nia simili decocto intincta, madentia, &  
tepida sæpius apposita, quibus non tan-  
tum humor restagnans fluxilis redditur,  
sed vasa ipsa, quibus continetur, leni-  
ter constringuntur, ita ut humor facile  
ad ramos diametri majoris retropellatur,  
& retrocedat.

## CCXXVIII.

Si vero non obstante omni adhibita  
cura, & cautela humor restagnans non di-  
scutiatur, sed suppuretur, tunc materia  
purulenta intra corneam & uveam hærens,  
ut dixi, hypopium format. In tali ca-  
su duplex superest medela. Prima con-  
sistit in eo, si affectus sit recens, ut discuti-  
ti, & resolvi, & per vasa absorbentia  
ad circulum reduci possit; tunc præter  
supradicta cataplasmata conveniunt specia-  
liter salvia, euphrasia, hyfopus, & semen  
foeniculi in vino cocta, quibus splenia intin-  
gi, & tepida sæpissime applicari debeni.

## CCXXIX.

## CCXXIX.

Quando vero ex his non efficitur, quod in votis est, superest unica operatio chirurgica; quæ fit phlebotomo ad id adaptato corneæ apertio, ut materia purulenta evacuari possit; sed magna adhibenda est cautela, ne sub ipsa apertione subtus delitescens uvea lædatur.

## CCXXX.

Item contingit, ut jam dixi, ut aperta aut erosa, a materia acri purulenta, cornea, uvea ex illa apertura promineat, tumoremque acinum referentem exhibeat; hoc malum si necdum radices egit, potest dexteritate chirurgi ad statum naturalem reduci, & vulnus debita methodo consolidari.

## CCXXXI.

Sicut oculi, ita etiam aures a variolis affici solent. Dolor, qui sæpe enormis adest, mitigatur lenissimis oleis, ut chamam: verbasci, amygdalar: item

decoctis emollientibus in aures immixtis ,  
injectis, ibidem retentis. Sed omnium  
optime fomentis, cataplasmatibus emollien-  
tibus cum vel sine lacte, tepide ad au-  
res appositis , sæpiusque renovatis.

## CCXXXII.

Si vero abscessus in auribus forme-  
tur, debet materia purulenta prius ab-  
lui & abstergi ; dein vero pars læsa con-  
solidari. Primo scopo satisfaciunt omnia  
supradicta decocta emollientia cum melle  
rosarum sæpe auribus immixta. Tandem  
pro consolidatione poterit prioribus addi  
aliquid de tinctura mirrhæ.

## CCXXXIII.

Superius jam aliquid insinuavi, quo-  
modo in variolis forma, & nitor faciei  
conservari possit ; hic reliqua adjungam,  
quæ opportuna hoc in casu observavi.

Præprimis enim ante variolarum eru-  
ptionem curare debemus, ut quam pau-  
cissime fieri possit , faciem occupent ;

hoc

hoc efficimus per illa , quæ a partibus superioribus ad inferiores derivant , talia sunt venæsectio in pede , clysmata emollientia , sæpius injecta pediluvia sæpius adhibita. Huc etiam spectat illud medicamentum mercuriale laxans , de quo §. CLXII. diximus.

## CCXXXIV.

Item huc referri debent illa remedia topica , quæ vasa cutis ita afficiunt , ut illud , quod hic efflorescere deberet , discutiat , resolvatur , sicque ad alias partes , nimirum inferiores , dirigatur. Inter multa alia duo invenio , quæ sæpius captis experimentis respondent ; primum est tinctura croci sive cum aqua pura , sive cum lacte facta , alterum vero est aqua cinamomi ; horum remediorum uno , si ante variolarum eruptionem facies sæpius lavetur , fiet , ut paucissimæ faciem , eo plures vero alias corporis partes occupent.

Hoc sæpius & repetitis experimen-  
tis ad vota successisse affirmat Clariss.  
Diemerbrœck historia 12. & 13.

## CCXXXV.

Ast facta jam variolarum eruptione  
nihil amplius agere possumus quam

Primo, ut suppuratio benigna red-  
datur, unde fiet, ut pus laudabile, &  
minus acre subjectas partes erodere non  
possit; quomodo vero suppuratio beni-  
gnior reddatur, diximus superius.

## CCXXXVI.

Secundo, ut pus jam factum, quam  
primum fieri possit, exitum adinveniat,  
quod sit pustulas maturas aperiendo, sæ-  
pe abluendo, & abstergendo, ne pus  
diutius inhærens profundas efformet fo-  
veas.

## CCXXXVII.

Hoc ipsum dein eo facilius obtine-  
bimus, si crustas aridas, cuti arcte ad-  
hærentes sæpe illiniamus, oleis, blan-  
dissi-

diffimis, ut oleo amygdalarum dulcium, ovorum, sed præcipue raparum; quod pro secreto habuit Harſcampius, ut Diemerbroeck historia decima aſſerit; hoc modo fiet, ut illæ cruſtæ eo citius decidant, & materia illa acris, & rodens temperetur & detergatur.

## CCXXXVIII.

Postquam aridæ illæ cruſtæ jam deciderint, ego bono cum effectu uti ſoleo decocto hordei, aut orizæ, ſed recens ſemper factò, quo tepide faciem curo ſæpe de die ablui; quia ratione omne acre poſt deciduas cruſtas abluo, & detergo; quo factò, ne exinde aliqua rheumatica deſluxio contrahatur, ſoleo & jubeo, faciem linteis ficcis, calidis, & myrrhæ, aut thuris fumo imbutis detergi, leniter fricari, & tandem obvolvi.

## CCXXXIX.

Tandem variolis solent supervenire ulcera exedentia, & depascentia, furunculi, item phtifis, & febris lenta. Hæc vero metuenda sunt præcipue in variolis malignis, raro in benignis.

## CCXL.

Si materia purulenta variolosa notabili quantitate ad sanguinem resorbeatur, aut sub cute in membrana cellulosa jam lateat, fit per modum metastaseos ejusdem ad diversas corporis partes internas, aut externas decubitus; in externis fiunt prædicta ulcera, aut furunculi; in internis vero phtifis, aut febris lenta.

## CCXLI.

Si propter malignitatem variolarum aliquod ex prædictis metuendum fit; tunc debet æger statim post superatam suppurationem remedio purgante antiphlogistico, & mercuriali evacuari. Si vero ultra solitum maturationis tempus febris urgeat, debet



bet sanguis mitti, quem ego semper lardaceum observavi.

## CCXLII.

Præterea debet æger corticem peruvianum una cum copiosis diluentibus antiphlogisticis in usum vocare ; quibus prædicta laxantia cum mercurio dulci omni triduo aut quatruiduo interponi debent. His enim efficiemus , ut prædicta mala impediamus , aut , si aliquod eorum jam adsit, eo citius , facilius , & securius tollatur. Quæ de purgantibus dixi, illa concernunt magis furunculos , & ulcera externa, quam illum statum , ubi æger ad tabem dispositus esse videtur.

## CCXLIII.

Ast, ne quis credat, hæc ad libitum dicta, & prolata esse, possem hæc ex probatissimis, si opus esset, autoribus corroborare.

Interim fatis erit, si aliquorum tantummodo testimonia adduxero.

Sic

Sic celeberrimus Mortonius in suo tractatu de variolis repetitis experimentis comprobavit, tam in ulceribus variolarum malignis, quam in furunculis, scabie, phtisi, & febre lenta specificum esse corticem peruvianum, & ad evacuandam, & domandam talem acrimoniam verminosam, purgantia mercurialia, esse perquam necessaria. Quod præter alios, Celeberrimi Junkerus, & Nenterus propria edocti experientia in tractatu de variolis confirmarunt.

## CCXLIV.

Item Clarissimus Diemerbroeck histor. 28. habet casum, ubi tabes a furunculis post variolas inducta cortice peruviano curata fuit.

## CCXLV.

Quin imo ulcera maligna a materia variolosa inducta mercurialibus curata fuisse legimus apud Bonetum Polyalt. Tom. III. pag. 650. item apud Ettmuller:  
col-

colleg. consult. casu 24. Plura de usu mercurii, & corticis peruviani in variolis legi possunt superius.

## CCXLVI.

Sed neque hic est finis malorum, quæ variolis præcipue malignis supervenire solent; observationes enim docent, plures alios magni momenti affectus, variolis jam valedicentibus, & dum æger ferme jam in vado esse creditur, accedere, quia isti rariores sunt casus, illis explanandis non immorabor; breviter tantum quosdam attingam. Sic in Ephemerid. Nat. cur. Annor. 6. & 7. pag. 132. legitur mania variolas secuta fuisse. Item apud Carolum Drelinkurtium invenio post variolas furdos, elingues, & olfactu carentes, factos fuisse; quæ omnia & similia dependent a reliquiis materiæ variolosæ in certis nervis sedem figentis, eosdem comprimendis, aut obstruentis.

Dolæus ipse meminit puellæ 7. annorum ex variolis mutæ factæ, quæ multis post annis ex improvise loqui cœperat.

Idem casus contigerat non pridem hic Vindobonæ. Illustrissima scilicet Domicella Comes de Hohenzoller ex variolis pariter muta facta, sicque diu perseverans, tandem ad naturalem loquendi facilitatem reducta est.

---

## C A P I T I S IV.

### SECTIO III. ET ULTIMA.

*Sistit particulares quasdam de variolis observationes, & annotationes.*

---

## C A S U S I.

### CCXLVII.

**P**erillustris adolescens de Hackin 15. circiter annos natus, cetera sanus, in-

inceperat conqueri de dolore capitis, & dorsi, de lassitudine totius corporis, de anxietatibus, nausea. Die sequente vomuit biliosa sæpius, fiebat soporosus, inquietus, anxiosus, insomnis, & per intervalla delirans.

Hæc erant signa, ut optimo jure variolas, quæ illo tempore epidemice grassabantur, futuras prædiceremus. Eventus ipse firmabat factam prognosim; nam die tertia in facie, cum quadam rubedine totam faciem occupante, sat frequentes in conspectum venerant papulæ, quæ quarta & quinta die per totum corpus numero auctæ, in facie partim confluentes fuere, partim cohærentes.

#### CCXLVIII.

Quare, cum jam sub morbi initium vehementia illa symptomata variolas mali moris futuras significarent; primis duabus morbi diebus curavimus, ut clysmata emollientia sæpius injicerentur, sanguis

guis repetitis vicibus mitteretur, diversa antiphlogistica, & diluentia in usum vocarentur, & ut plantis pedum epispasticum ex fermento panis cum aceto rutaceo apponeretur.

Circa finem diei quintæ, & sequente die sexta æger videbatur quietior; dormivit magnam noctis partem, & aliquot horas inter diu, febris remittebat, sed non penitus filebat.

Quarta circiter morbi die ptyalismus accessit, qui sequentibus diebus augebatur, ita ut nychthemeri spatio ad libram unam & ultra exspuerit; decima autem die spissiore facto sputo decrevit, & tandem duodecima die penitus cessavit salivatio. Tempore suppurationis tumor faciei in immensum augebatur, ex quo æger jam die septima ferme luce privabatur. Cum præterea ægrotus mente constaret, & utcunque tranquillas usque ad undecimam transigeret dies, omnia bona  
omi-

ominabamur. Ast die duodecima tumor faciei fere aliquot intra horas evanuit; neque tumor manuum, pedumque, ut fieri solet, exceperat eundem. Aeger erat inquietus, infomnis, delirans. His accessit continua micturitio, ut plus urinæ limpidissimæ, quam liquidorum assumpserat, excreverit. Sitis & febris augebantur. Die 13. in pectore, collo, dorso, sed vel maxime circa lumbos, & hypochondria, aderant magno numero miliaria exanthemata, tam rubra quam alba.

## CCXLIX.

Quare, ut materia peccans, ad partes internas nobiles deposita, ad partes externas avocaretur; vesicantia apposita erant, interne autem, ut partim febris, micturitio, & partim reliqua symptomata mitigarentur, propinabantur diversa antiphlogistica, diluentia, paregorica, emulsa. Item pro potu ordinario erat

decoctum album, & tinctura florum rhæados cum phlegmate vitrioli.

## CCL.

Verum omnia sine levamine præstituebantur etenim febris, delirium, micturitis augebantur, vires vero minuebantur, sicque convulsus die circiter 17. morbi obiit optimæ spei adolescens.

## C A S U S II.

## CCLI.

Perillustis Dominus de Smerling 19. circiter annorum, laborabat eodem anno variolis confluentibus, eisdem fere, ut in primo casu, symptomatibus stipatis. Aderat nimirum ptyalismus, qui undecima circiter die, evanuerat; eodem vero tempore facies detumuerat, sine subsequente manuum, pedumque debito tumore; micturitis diabetica pariter affligebat, & tandem exanthemata miliaria tam alba quam



quam rubra supervenere ; omnia quæ mortem, uti in primo casu, minabantur.

## CCLII.

Quod curam medicam concernit in secundo casu primis morbi diebus, & usque ad duodecimam fere eadem erat, quæ in præcedente casu. Illo vero tempore, quo micturitis & miliaria supervenerant, methodus quoad curam mutata erat ; sicque prius recensitis remediis cortex peruvianus adjuungebatur, ex cujus usu secundos vidimus effectus ; nam non tantum illa molesta, & periculosa micturitis minuebatur ; sed & febris, delirium, anxietates, & reliqua lethalia symptomata sedabantur, sicque æger vigesima prima morbi die judicabatur.

## ANNOTATIONES

Ad prædictos duos Casus.

## CCLIII.

Hosce duos data opera fisco casus, quoad morbi decursum quidem similes, sed quoad eventum toto cœlo differentes. Hæc differentia diversis, in his casibus adhibitis, remediis procul dubio adscribi debet.

Possẽm plures hujuscemodi adducere casus, quos, aut ego ipse tractavi, aut ab aliis medicis tractatos vidi; sed hi duo recensiti sufficient ad confirmandam antisepticam, & alexipharmacam corticis virtutem, cui parem in materia medica vix invenire est. Selegi item tales casus, qui ante viginti & plures annos hic loci contigerant, ut constet, hujatibus medicis corticem in morbis malignis jam dudum in usu fuisse. Nam curam hõrum

ægro-

ægrorum tanquam medicus primarius dirigebat Magnus, mihiq̃ æterna memoria colendus D. Weber de Fürnberg, cujus humanitate & benevolentia multis annis frui mihi concessum erat. Unde ego ut Medicus secundarius, & illo tempore adhuc novitius his, aliisve quam plurimis similibus ægris adfuiti, invigilaviq̃, ut omnia prout ordinata erant, executioni religiose darentur, quo tempore etiam copiam habui, ut non tantum exactum morbi decursum, sed & remediorum exhibitorum secundos aut finistros effectus annotarem.

## CCLIV.

Experientia medicos Practicos edocuit, quod, si, dum ptyalismus cessat, & tumor faciei evanescit, extrema corporis, nimirum manus, pedesque valde tumeant, æger se exinde bene habeat; secus autem si hoc non eveniat. Signum enim est, illam materiam corruptam, quæ

faciem in tumorem attollere solet, ad circulum humorum rapi, & deponi ad alias corporis partes, nimirum aut ad cerebrum, unde dein delirium & convulsiones, aut ad circumferentiam corporis, unde illa miliaria exanthemata, aut ad alia viscera, unde illa micturitis, & gangræna.

Si itaque materia variolosa ad massam humorum reforpta in nobiliore aliquo viscere sedem figat, subsequetur dein eo citius gangræna & mors; si vero fiat hujus congestio in aliquo minus nobili viscere, aut si diu cum massa humorum circulet, absque eo, quod in aliqua interna corporis parte sedem figat, fiet, ut, prout plus aut minus prædictæ materiæ corruptæ sanguini immixtum erit, etiam motus febrilis nunc major nunc minor observetur; sub quo motu febrili adaucto fiet iterum novus in peripheria corporis exanthematum proventus; quæ febrilis, & exanthematica exacerbatio sæpius repetere obser-

vatur, ut jam §LII. annotavimus. In similibus autem circumstantiis morbus quam longissime nimirum ad 30. 40 & ultra dies protrahitur; unde æger semper magis & magis languescit, & tandem exhaustis viribus expirat.

## CCLVI.

Quare in similibus casibus conveniunt quidem omnia, quæ materiam peccantem a nobilibus visceribus avocant, ut vesicantia aliaque epispastica, item quæ acrimoniam temperant, diluunt; ut omnia emulsa, paregorica, & antiphlogistica.

## CCLVII.

Sed experientia docuit, quod hæc acrimonia sit sæpe tam septica, & quod diuturnitate morbi, ex multis amissis humoribus roscidis, tenuissimis, fiat tam tenax, ut partibus, quibus infixæ est, arctissime adhæreat, easque erodat, & gangræna afficiat.

Quapropter non neglectis supra dictis diluentibus & antiphlogisticis, opus erit specifico aliquo antiseptico, nimirum cortice peruviano, quo non tantum prædicta acrimonia temperatur, cicuratur; sed simul tonica ejus virtute genus nervosum & vasculosum diuturnitate morbi jam attritum, roboratur, ut par fiat materiæ huic peccanti excutiendæ, digerendæ, & coquendæ, & tandem per debitas vias e corpore eliminandæ.

### CCLVIII.

Hunc ipsum corticis peruviani effectum expertus sum pariter in illis malignis variolis, quas epidemice grassantes §. XLVII. descripsi; neque enim opus esse credo, ut particulares de illa variolarum epidemia casus adducam. Sufficiat meminisse, variolas illius epidemiæ discretas quidem sed anomalas, & malignas ut plurimum fuisse. In hoc vero singulare quid, quod in aliis epidemiis necdum

ob-

observavi, præ se ferebant, quod jam quarta, aut quinta morbi die, & quidem tam infantes, quam adultos, micturitis, diarrhæa colliquativa, atque exanthemata miliaria affligerent. Unde dein debitus, & necessarius tumor, rubor, & suppuratio, impediabantur.

## CCLIX.

Huc referri debet illa observatio, quam de hujate quodam cive quinquagenario, mihi annotaveram, qui in eadem epidemia variolis sat discretis laborabat. In hoc exspectabam, aut nimios, & solitos sudores, aut ptyalismum; sed neutrum horum accessit; vices vero eorum suppleverant micturitis, & diarrhæa colliquativa, quæ sub initium diei quintæ jam supervenerant; & ad decimam, aut undecimam morbi diem, nunc plus, nunc minus molestant.

Videntur enim in hac epidemia prædicta variolis alias solita, & communia sym-

ptomata per micturitionem, & diarrhæam suppleta fuisse; in quantum nimirum illa materia peccans in renes, vesicam & intestina irrueret. Unde contigit, ut in similibus casibus multi hujates medici indicationes formarent, debere nimirum hanc materiam peccantem a centro ad peripheriam corporis duci & pelli; quapropter diversa volatilia & sudorifera præstituebant, ægrosque tegumentis premebant; verum ex hac methodo, quamvis adstantibus, consanguineisque grata, omnia brevi in pejus ruebant; nam materia in cerebrum conversa mox phreneses & convulsiones causabatur; quæ ex usu corticis, ut superius dixi, metuenda non erant.

## C A S U S III.

## CCLX.

Perillustis juvenis D. de Furnberg inceperat conqueri de certis rheumaticis doloribus utrumque pedem occupantibus,  
qui



qui fequentibus diebus non augebantur , fed potius minuebantur ; verum debilitas tanta hafce partes invafit , ut , quemadmodum in paralyfi contingere folet , has partes nec movere , neque illis infiftere potuerit æger ; pulfus tamen fere naturalis videbatur , appetitus , & fomnus pariter aderant. Decem circiter dies obtinebat præfens ftatus ; quem primo , dein exceperat febris , naufea , vomitus ; & tandem variolarum fat benignarum eruptio ; qua necdum exacta priftinam pedes mobilitatem , vigoremque recuperarunt , his fuffeffit fuppuratio benigna , & placida , ac die decima quarta morbi judicatus eft.

## ANNOTATIONES

Ad Cafum III.

CCLXI.

Miafma contagiofum diutiffime , quinimo a primordio vitæ iners in nostro  
cor-

corpore hærere posse, superius in tractatu de contagio ostendimus.

Item hoc ipsum, quod paulo ante dixi, observationes multorum autorum nos docent, quod nimirum, diversi rheumatici, aut pleuritici affectus quandoque variolarum eruptionem, aut cum, aut sine febre præcedere soleant. Vide Diemerbroëk Histor. 16. Unde si nulla adfit febris, poterit in longius tempus variolarum eruptio protrahi; secus vero, si eisdem febris jungatur; quia sic a motu illo febrili miasma illud variolosum nervis impactum longe citius excutitur; & cum massa humorum miscetur, sicque evolvitur.

### CCLXII.

Vidi alium adolescentem ante variolarum eruptionem claudicantem, & quasi choræam Sancti Viti æmulantem, qui mihi, aliisque adstantibus imposuisset, nisi.

nifi ex superveniente die variolarum eruptione sapere didiciffemus.

## CASUS IV.

## CCLXIII.

Illuſtriſſima Herula Comes de Schrottenbach annos circiter ſeptem nata, prima die videbatur illis, qui ab illius fervitiis erant, triſtis & moroſa, ſed brevi poſt corripiebatur deliriis, & convuſionibus, quæ bidui integro diu, noctuque magnis cum clamoribus, & inquietudinibus perdurabant; febris, & calor erant ad ſenſum valde mites. Tandem ſub initium quartæ diei eruperant univerſim, & in toto corpore viginti circiter variolæ optimæ notæ. Quo factò, uno quaſi momento, omnia prædicta ſymptomata ſilebant, & ægra bene valebat. Variolæ tandem cum circulo rubro, ſed ſine ſenſibili incommodo ſuppurabantur, ficca-

ficcabantur , & decidebant ; ficque die jam nona formosissima hæc Domicella in vado constituta dici poterat.

## C A S U S . V.

## CCLXIV.

Studiosus Viennensis, & hujatis civis filius 13. circiter annos natus , corripiebatur primo anorexia , nausea & tandem vomitu bilioso ; item inquietudine , anxietate , siti , & febre sat forti ; cui dein deliria & convulsiones integro die naturali durantes accesserant. Die tertia supervenerant variolæ, quantum numerare potui , viginti & aliquot ; quæ mox ab initio erant fuscæ , tandem undecim earum lividæ , & nigræ evaserant. Has enim , quamvis paucissimas , tractavi debitis antiphlogisticis , diluentibus , hydrogala ; febris suppuratoria erat sat mitis, neque aliquo periculoso symptoma-

mate stipata. Exsiccatio vero hoc speciale præse ferebat, quod, quamvis aridæ crustæ jam deciderent, mox aliæ quasi ex fundo renascerentur, quod cum aliquoties factum fuisset, sat profundæ variolarum foveæ remansere.

## ANNOTATIONES

### Ad Casum IV. & V.

#### CCLXV.

Istos duos Casus secundum quid similes, & secundum quid dissimiles, una eademque fidelia examinandos sisto. Ex quibus sequentia corollaria deduci possunt.

Primo: quod parvitas miasmatis contagiosi, si certos occupat plexus nervosos, enormes excitare valeat motus convulsivos; qui non sopiuntur, nisi illa ipsa materia irritans e nervis excutiat; alio-

alioque rapiatur; quod fit, aut illis ipsissimis motibus a materia peccante, aut a natura, aut ab arte institutis, & excitatis per epispastica, clysmata, & aliaque remedia superius jam dicta.

## CCLXVI.

Secundo, quod ex pulsu plus, aut minus febrili, aliisque signis prædicere possimus variolas benignas, aut malignas futuras. Nam in casu quarto, quamvis horribiles adfuerint convulsiones, quia tamen febris erat levis, benignissimæ supervernerant variolæ; contrarium vero observabatur in casu quinto; etenim febris erat vehemens, dirisque symptomatis stipata; unde quamvis paucae eruperant papulæ, istæ tamen de maligna participabant indole.

## CCLXVII.

Prioris variolarum indolis multos casus vidi. Inter quos notabilis fuit ille, qui in Academia Sabaudica Illustrissimum

na-

natu minimum D. Comitem de Kauniz concernit. Hic enim per triduum integrum diu, noctuque tam ferocibus clamoribus, deliriis, & convulsionibus torquebatur, ut aliquot adstantium vix pares fuerint eidem in lecto continendo. Ast ecce huic turbulentissimo statui supervernerant variolæ, quidem copiosæ, sed discretæ & benignæ, quæ dein placidissime omnia decurrebant stadia.

## CCLXVIII.

Verum secundi generis variolarum casus rariores sunt. His similem invenio in Ephemerid. nat. cur. Anni tertii pag. 44. ubi variolas paucissimas, sed malignas, & nigras videre est.

Tandem tertium corollarium exinde deducitur, quod variolæ benignæ cito suppurentur, cito exsiccentur, & cito decidant; contrarium vero in malignis obveniat, ut ipse casus docet.

## CASUS VI.

## CCLXIX.

Illustrissimus D. Com. de Künburg, Salisburgensis, viginti circiter annos natus, tumore scrofuloso glandularum colli ab incunabulis præditus, in Academia Sabaudica, corripiebatur summa totius corporis lassitudine, dolore capitis, nausea ad vomitum, & tandem vomitu bilioso, febre inflammatoria cum pulsu celeri, duro, & magno, item intensa siti, sopore, deliriis, subsultibus tendinum, summisque anxietatibus, & inquietudinibus.

Vix incipiente die tertia in conspectum jam venerant confertissimæ papulæ, quæ partim confluebant, partimque cohærebant.

## CCLXX.

Primis morbi atrocissimi diebus, applicabantur, sæpiusque repetebantur



tur clysmata emollientia cum dragma una nitri.

Item appropriata diluentia & antiphlogistica in usum vocabantur. Epispastica ex fermento panis applicabantur plantis pedum, & sanguis ternis venæsectionibus ad uncias fere quadraginta mittebatur.

## CCLXXI.

Die quarta supervenit ptyalismus (symptoma in hoc casu præ aliis notandum) nam materia nimium tenax & viscida difficulter, & in exigua quantitate screebatur; quin imo die intra octavam & nonam morbi penitus sistebatur; ex quo factum est, ut æger nec deglutire, nec libere respirare, nec loqui potuerit, hæc presso pede sequebantur sopor, delirium, & stertor, ut æger brevi suffocandus, & quasi in agone constitutus videretur.

## CCLXXII.

In hoc extremo casu instituta cum Magnifico & Expertissimo Viro D. de Zwenhoff consultatione conclusum fuit, ut confestim

Primo: quinque apponantur vesicantia, duo nimirum ad furas, duo ad brachia, & unum ad nucham.

## CCLXXIII.

Secundo: ut hirudines post aures applicentur, & exinde ad uncias octo, aut etiam plus detrahatur sanguinis.

## CCLXXIV.

Tertio, ut cataplasma emolliens & discutiens, parti anteriori colli, capiti vero raso columbæ vivæ in duas partes dissectæ, sæpiusque per alias novas renovandæ apponantur.

## CCLXXV.

Quarto, ut clystina fortius cum majore quantitate nitri injiciatur, & tandem injectiones in fauces sed lento impetu

petu instituantur, & quamprimum æger aliquid deglutire poterit, ut sulphur antimonii tartarifatum, aut loco hujus Kermes minerale ad unum, alterumve granum pro dosi, sæpius repetenda, præstutatur.

Virtute quorum effectum fuit, ut ægrotus dein facilius deglutire, respirare, & loqui potuerit; sopor, delirium, stertor & reliqua atrocia symptomata evanuerint, & tandem, quamvis miliaria tam rubra, quam alba die decima accessissent, æger e mortis faucibus ereptus successive, & magno cum labore, pristinæ & integræ sanitati restitutus fuerit, qua etiamnum gaudet, & ut in æternum gaudeat, precor.

## ANNOTATIONES

## Ad Casum VI.

## CCLXXVI.

Tres aliæ hujus nobilissimæ familiæ proles, seu fratres nostri ægroti, ex eodem morbo, & ex eadem causa aliquot ante annis suffocabantur; nec mirum, nam videmus, quod etiam in statu naturali, & sano a scrofulosis tumoribus arteria aspera prematur, & angustetur, multaque incommoda tam in deglutitione, loquela, quam vel maxime in respiratione afferat.

## CCLXXVII.

Quid igitur fiet in statu morbofo ex variolis? ubi omnes faucibus adjacentes, & vicinæ partes tument, & turgent; in tali casu non tantum larynx, sed & glottis, epiglottis, & aspera arteria tument, premuntur, & angustantur, ut nec aër libe-

libere ad pulmones intrare, nec exire possit, hæc incommoda ultronee augentur ab humoribus viscidis & tenacibus in prædictis partibus congestis & hærentibus.

### CCLXXVIII.

Ex his, quæ nunc dixi, fit, ut venæ jugulares tam internæ, quam externæ, item vertebrales pressæ se libere exonerare non possint in subclaviam, unde dein in cerebro, ejusque sinubus cum prædictis venis communicantibus necessario exurgit stagnatio, sopor, delirium; quæ si diutius in hoc statu perseverant, fiunt dein gangræna, convulsiones & mors.

### CCLXXIX.

Quapropter in simili extremo casu quantocius illis remediis obviam eundum erat; quæ illam tenacitatem humorum solverent, & fluxilem redderent, quæ illum tumorem discuterent, derivando,

revellendo; qualia erant prædicta clysmata, vesicantia, cataplasmata, injectiones in os, & tandem Kermes minerale; virtute quorum dein magna excrementorum copia per alvum secesserat.

## CCLXXX.

Hirudines vero exonerabant venas jugulares sanguine turgidas; ex quo dein liberior circulus humorum per cerebrum, ejusque finus conciliabatur. Unde facile concipere possumus, quare exinde sopor, delirium, & reliqua symptomata evanuerint.

## CCLXXXI.

Sed dicet aliquis, quare non fuerit potius vena secta? ex qua præsentaneum levamen expectandum fuisset.

Ad hoc respondeo, quod venæsectio in illo casu hirudinibus fit anteponenda, quando pulsus est fortis, & vires constant; in simili vero casu, qualis noster erat, pulsus fuit debilis, vires  
lan.

languebant; unde feligi debuit talis evacuatio, quæ sit lenta non violenta.

## CCLXXXII.

Ex his ultronee diversa & utilissima in praxi corollaria deducere possumus, ut primo, quod in omni variolarum stadio, si symptomata exigant, sanguis mitti possit.

Secundo, quod illi humores tenaces, qui cessante ptyalismo in faucibus hærent, & suffocationem minantur, optime per alvum deturbari & evacuari possint. In quo casu sulphur antimonii tartarifatum, aut Kermes minerale optimo cum effectu sæpe adhibui; etenim non tantum tenacitas humorum solvitur, sed per alvum, vel per scretum, expectorationem, aut etiam aliquando per vomitum evacuatur illud, quod officit.

## CASUS VII.

## CCLXXXIII.

Perillustis Domina Herula de Suter 8. circiter annorum ex parente hæmophthifico nata, laborabat variolis quidem discretis, sed anomalis, malignis, & cum miliaribus intermixtis.

Die octava morbi, ubi febris suppuratoria in summo erat constituta gradu afficiebatur tussi sicca molestissima, & quasi convulsiva; quam paulo post, quamvis ab initio morbi sanguis missus fuerit, sequebatur screatus, & sputum sanguinis floridissimi, quotiescunque tussiret, sat copiosus.

## CCLXXXIV.

Anxietatem meam, & adstantium augebat recordatio funestissimi casus, qui anno præcedente, unicum hujus celebris familiæ filium, sub directione alterius Medici variolis laborantem, concernebat;  
huic



huic enim pariter die octava supervenerat sanguinis secessus per alvum cum dispendio vitæ.

## CCLXXXV.

Quapropter in simili urgentissimo casu, qui statim post mediam noctem acciderat, adivi Magnificum D. Weber de Fürnberg, tunc pariter ex febre catarrhali ægre decumbentem, ut ille, qui ab initio morbi suo consilio ægræ adstiterat, in hoc periculoso, & urgente casu, quæ agenda essent, sua, qua apud omnes valebat autoritate, firmaret. Unde conclusum fuit.

Primo, ut quamprimum fieri posset, sanguis ex pede, revulsionis causa, mittatur.

Secundo, ut tussis illa molesta, cujus violento motu vasorum rixis, & sanguinis sputum succedebat, sedaretur, & tandem motus febrilis mitigaretur. Unde ordinabatur mixtura ex aquæ florum  
rhæa-

rhæados unciis quatuor ; opii puri grano uno, & fyrupi papaveris albi uncia una. Tinctura vero florum rhæados cum phlegmate vitrioli erat pro potu ordinario.

Ex his effectum est, quod in votis erat, & ægra brevi pristinae restituebatur sanitati.

Ast parentes consanguinei, alique præjudiciis capti, & metuentes variolarum retrocessionem, nos valde nigro ubique notabant carbone ; donec secundus curæ eventus convitia convelleret de trivio. Sunt enim quamplurimi etiam artis Apollineæ cultores, qui malunt, ægros in extremis casibus ordinaria medendi methodo interire, quam singulare & anceps moliri, & experiri remedium.

## ANNOTATIONES

## Ad Casum VII.

## CCLXXXVI.

In variolantibus hoc quisque medicus sedulo observare debet : an non quædam viscera , five titulo a parentibus hæreditario , five adscititio , speciali atonia affecta sint ? nam dum motus febriles adaugentur , uti hoc præcipue in febre suppuratoria , videre est , facile evenire solet , ut tale viscus afficiatur ; cum enim illud sit præ aliis debile , & minus resistens ; sic fit , ut totus , aut saltem major pars febrilis impetus dirigatur ad tale viscus ; ex quo dein evenit , vel ut aliqua humorum congestio in ea succedat parte , vel ut vasorum dilaceratio , & ruptura sequatur. Quod in nostro casu factum esse diximus.

Tandem, quod jam superius de sanguinis missione in variolis instituenda dixi, hic ultronee firmatur, & corroboratur.

## CASUS VIII.

## CCLXXXVII.

Illustrissimus Comes de Aspremont-lingen ætatis suæ viginti duorum circiter annorum, temperamenti sat robusti, & vegeti, dum in Academia Sabaudica studiorum causa commoraretur, corripiebatur variolis magnam partem in facie confluentibus. Salivatio cum scretu sat copiosæ materiæ plus minus viscidæ die quinta inceperat; die vero ineunte jam decima minuebatur; unde multi humores viscosi occupabant laryngem, pharyngem, aliasque adjacentes partes, ex quibus deglutitio, & respiratio difficiles fiebant. Præterea eodem tempore, quamvis ab initio morbi quatuor enematibus bene

bene evacuatus fuerit, conquerebatur de certo tenefmo valde moleſto, quin imo de quibusdam etiam doloribus colicis, ex quibus anxietates, & inquietudines adhuc magis augebantur, & quolibet fere momento metuendum erat, ne convulſiones univerſales accederent.

## CCLXXXVIII.

In hoc tam ambiguo, & urgente caſu, capto cum Magnifico Domino de Zwenhoff conſilio, ſtatutum fuit, ut ad evacuandam, & abluendam illam acrimoniam in inteſtinis hærentem, & irritantem quamprimum clyſma ex decocto hordei, & oleo lini, cum vitello ovorum mixtis, & unitis, injiceretur, & ſi opus eſſet, repeteretur; & ut evacuans mannatum propinaretur.

Quæ omnia & ſingula, ut ſtatuta erant quantocius executioni dabantur; e quibus dein etiam effectum erat, ut ingens copia excrementorum una cum pituita

tuita quadam viscosa evacualetur. Primo enim secedebant scybala dura, compacta, & figurata in magna quantitate, dein sequebantur liquidiora foetidissima, quibus multa mucosa mixta erant.

Hæc omnia fiebant summo cum levamine; nam æger exinde facilius deglutiebat, facilius respirabat, tenesmus, aliique dolores ventris cum omnibus aliis symptomatibus abigebantur, sicque æger vigesima prima die perfecte judicabatur.

---

## ANNOTATIONES

### Ad Casum VIII.

#### CCLXXXIX.

Sane mirabamur omnes adstantes, quod quamvis primis morbi diebus ex aliquot clysmatibus injectis magna excrementorum copia evacuata fuerit; nihilominus tamen dein tam notabilis eorum

rum copia superfuerit, & ex superius recensitis remediis per alvum secefferit; nam toto morbi decursu non nisi panatella, aut cremore hordei nutriebatur, ex quibus urinarum potius, quam excrementorum moles augebatur.

Quapropter supponere debemus, talia intra rugas, cellulasque ventriculi, & intestinorum hærere, quæ dein ab humore gastrico, aliisque ad ventriculum, & intestina plorantibus liquoribus, & cum eisdem mixtis quantitate augentur.

## CCXC.

Unde isti humores plus minus pro diversitate temperamenti, spissi, & cum aliis excrementis commixti, constituunt illam colluviem putridam, quæ si diutius in intestinis hæret, semper magis corrumpitur, & partim per vasa lactea, partim per alia vasa absorbentia ad circulum humorum deferitur; ibidem debet

necessario febrem augere; quin imo, dum hæc materia putrida ad circumferentiam corporis propellitur, debet etiam nova exanthemata exhibere.

## CCXCI.

Ex quibus patet, uti jam superius ostendi, quam necessarium sit, statim ab initio morbi saburram in primis viis hærentem tam per levia purgantia, quam per clysmata appropriata evacuare; quin imo, si hoc ab initio morbi factum non fuerit, aut si talis colluvies putrida in primis viis hospitari videatur, quolibet variolarum tempore absque omni periculo, id ipsum fieri posse, & debere.

## CASUS IX.

## CCXCII.

Infans bimulus, hujatis mercatoris filius, quatuor dentibus incisoribus, & duobus molaribus jam præditus; incept-

rat



rat fieri morosus, languidus, inquietus; lectum semper petebat; si vero in situm rectum elevabatur, caput quasi nimis ponderosum inclinabat; cibos sibi oblatos respuebat, sitiebat, solito plus, flebat, clamitabat, sæpiusque expaveſcebat; & tandem ſecunda morbi die convellebatur; quo tempore tota facies rubore quaſi eryſipelaceo perfuſa videbatur, maxilla inferior ſpaſmo ita ſtringebatur, ut non niſi magno labore a ſuperiore dimoveri potuerit; gingivæ hinc inde præcipue vero in illa parte, ubi dentes camini erumpere ſolent, tumebant, rubebant, & dolebant.

Convulſiones, aliaque ſuperius recenſita ſymptomata nunc magis, nunc minus urgebant. Tandem die tertia minimas papulas hinc inde in facie obſervabam, quas tamen ita mobiles & vagas vidi, ut mox viſibiles, mox vero inviſibiles, apparerent, ex quibus luce cla-

clarius cognovi, has esse variolosas, unde speravi, si copiosiores erumpant, fore, ut prædicti motus convulsivi mitigentur, & tandem plenaria facta eruptione, cessent.

Verum quamvis clysmata emollientia, pediluvia ex lacte, aliaque diluentia, & antiphlogistica remedia a me ordinata, sedulo in usum vocarentur, persistebat tamen idem superius descriptus calamitosus status. Ex quo statim cognovi, illum inflammatorium statum, non tam a miasmate varioloso, quam ab ipsa dentitione dependere, & ab illis spasmodicis ita stringi peripheriam corporis, ut variolæ erumpere non possint.

### CCXCIII.

Quapropter parentibus proposui, aut gingivarum incisionem, ut dentes canini eo facilius erumpere possint; aut sanguinis missionem, sive per venæsectionem, sive per sanguifugas instituendam, ast inania erant mea

con-

consilia & vota; nam utrumque hoc remedium genus vulgus, præjudiciis certis captum, in infantibus abhorret. Interea convulsiones, aliaque symptomata semper magis, & magis augebantur; & die quinta infans aliquot tantum papulis præditus variolosis, ad plures migravit.

## C A S U S X.

## CCXCIV.

Alter infans pariter bimus, eisdem in casu IX. recensitis affligebatur symptomatibus; unde judico superfluum fore, si eadem recenserem; sufficiat dicere, quod quoad omnes, tam ætatis, quam morbi circumstantias casus fuerit priori similis.

Cura fuit pariter eadem, excepta sanguinis missione; nam die tertia morbi curavi, & jussi applicari hirudines post aures, & quidem in quolibet latere tres; quarum ope intra sesquihoram quin-

que circiter uncia sanguinis extracta  
fuere.

Sub ipsa hac operatione infans, qui  
bidui integro infomnis erat, fiebat paca-  
tior, & tribus, quatuorve horis, quam-  
vis aliquoties artubus contremisceret,  
obdormiverat. Tandem sequebatur fa-  
cilis, & pacata variolarum discretarum  
eruptio; suppuratio & exsiccatio; sicque  
infans, qui periturus erat, in vita ser-  
vabatur.

---

## ANNOTATIONES

### Ad Casum IX. & X.

#### CCXCV.

Hujuscemodi casus ipse multos ha-  
bui, sed longe plures ab aliis tractatos  
vidi; observavi tamen constanter, quod  
infantes, qui variolis, & dentitione simul  
afficiuntur medentibus multum negotii fa-  
ces-

cessere solēant, & quod in similitudine plus ex dentitione, quam ex variolis, metuendum fit; nam dum omnia ad vota cedere videntur ex variolis, superveniunt quandoque inquietudines, calores, pavores, aliquando etiam convulsiones; quæ si magna adsit febris inflammatoria, non nisi gangræna & morte terminantur.

## CCXCVI.

Si hæc in primo variolarum stadio eveniant, tunc propter consensum generis nervosi, non tantum illa tunica gingivarum a dentibus tenditur & irritatur, sed simul omne genus nervosum, & membranofum in consensum trahitur, ex quo cutis, ejusque vasa ita stringuntur, ut miasma illud variolosum ad circumferentiam corporis propelli non possit.

## CCXCVII.

In simili casu debent talia præstitui, quæ illam irritationem, tensionem, & pressionem tollunt. Item quæ inflam-

matoriam statim in minimis vasis, præfertim cerebri dissipant; & tandem, quæ placidæ variolarum eruptioni famulantur.

## CCXCVIII.

Irritatio & tensio membranæ gingivæ ambientis debet leniri, emolliri, cremore lactis, butyro dulci, aliisque pinguedinibus recentibus, sed non rancidis.

## CCXCIX.

Aliqui fricant gingivas corporibus duris; aut foliis nicotianæ, quod melius, quia exinde salivatio excitatur.

Hoc ipsum efficimus interne per diversa diluentia, emollientia antiphlogistica.

## CCC.

Si vero his non obstantibus, dentes necdum prodeant, tunc debet membrana, ubi dentes canini protuberant, scalpello discindi, quo factò membranæ tensio, & irritatio una cum omnibus aliis funestis symptomatis cessabit.

## CCCI.

## CCCI.

Aliqui vero ex consilio Sydenhamii in simili casu, ubi convulsiones ex dentitione urgent, propinant unam, alteramve guttam spiritus cornu cervi.

Ast hoc experientia edoctus judico, caute agendum esse; si enim adsit magna febris inflammatoria tunc semper convulsiones exinde augentur, gangræna, & mors acceleratur.

## CCCII.

Præterea alii in similibus casibus vesicatoria applicare solent, sperantes fore, ut per hanc revulsionem, aut derivationem convulsiones sopiantur, & miasmata variolosa a centro ad peripheriam pellantur.

Verum candide, & ingenue fateor, quod in illo casu, ubi urget febris inflammatoria, semper magis exinde augetur febris, delirium, convulsiones; & talis funestus status diutius perduret,

tandem miliaria alba, gangrænæ, & mortis prænuncia, accedant.

Quapropter similia non nisi, ubi pulsus est debilis; aut si præmissa sufficiente sanguinis detractiōe, convulsiones nihilominus (quod oppido rarum) adhuc perseverent; in usum vocari debent.

## C A S U S XI.

## CCCCIII.

Illustrissima Domicella Comes de Harrach 17. circiter annos nata 1745. in autumno præcipitanter corripiebatur variolis malignis, ut fere eadem die, qua infirmabatur, etiam variols confluentibus obsideretur. Unde nec venæsectio, nec quidquam aliud communium remediorum administrabatur; quin imo secunda, post variolarum eruptionem die, propter metum contagii in aliam domum transferebatur; ibique de die in diem pejus



pejus habebat, atque sexta jam morbi die convulsa mortua est.

## ANNOTATIONES

### Ad Casum XI.

#### CCCIV.

Hic multæ quæstiones problematicæ institui possent, & quidem primo. An tempore, quo variolæ erumpunt, præcipuæ vero tempore frigido, ut autumnali ægri e domo in aliam domum sine periculo transferri possint. Etenim facile fieri potest, ut variolæ, quæ recentissime eruperant, retrocedant; & aliæ, quæ mox erupturæ essent intra corpus detineantur, & adnobiliora viscera, ut cerebrum rapiantur.

#### CCCV.

Altera quæstio est; an stante variolarum eruptione venæsectio celebrari possit

fit cum ægri levamine ? Ego interim multos calus novi, ubi completa fere jam variolarum eruptione venæsectio celebrata ægros e mortis faucibus liberavit; ut superius jam dixi.

## CCCVI.

Sed dices: sicut ex frigore externo timendum est, ne variolæ retrocedant, aut erupturæ ne impediantur; ita idem metuendum est ex venæsectione, præsertim si facta jam eruptione instituat.

Respondeo diversos, & quidem contrarios esse effectus, qui a frigore, & a sanguinis missione dependent, nam a frigore externo stringitur peripheria corporis; ex quo fit, ut illud, quod in eadem necdum firmam habet sedem, facile retropellatur, & reliquum quod ultro ad circumferentiam corporis pelli deberet, intra vasa retineatur, tandem alio, nimirum ad notabilia viscera, ut v. g. ad cerebrum deponatur; ex quo, ut ob-

fer-

fervationes docent, fiunt deliria, phreneses, & convulsiones; aliquando etiam apoplexia.

Contrarium vero obtinet ex venæsectione, nam si hæc instituatur, dum vasa partim ab orgasmo, partim ab exuberantia sanguinis distenduntur & turgent, tunc laxantur & collabuntur præcipue illa, quæ cutem perreptant; adeoque exinde non tantum liberior fit humorum circulus, sed & heterogenea, quæcunque in vasis contenta, facilius ad peripheriam propelluntur.

## C A S U S X I I.

### CCCVII.

Liber Baro de Saiter 15. circiter annos natus 1746. primis Januarii diebus corripiebatur morbillis eo tempore Vinodobonæ grassantibus.

Morbilli decurrebant, & terminabantur sine notabili, & urgente aliquo  
fym-

symptomate ; etenim octava jam morbi die bene & placide dormiebat æger ; bene appetebat ; neque tussi amplius vexabatur.

Die circiter ab insultu morbi decima quarta, post prægressam noctem inquietam conspiciebantur hinc inde in corpore, præcipue vero in facie variolæ spuræ crySTALLINÆ, aut lymphaticæ dicendæ ; nam statim sub eruptionis initium vesiculas lymphidas, in medio tamen foveas habentes formabant ; quæ five ipsæ rumperentur, five aperirentur, humorem aqueum fundebant.

Hoc tamen notabile erat, quod sub initium secundæ diei circulum rubrum cum sensu alicujus doloris, ardoris & tensionis formarent.

His tamen non obstantibus die quarta circiter & quinta, sine aliqua suppuratione ficcabantur, & tandem evanescebant ; pulsus erat naturalis, appetitus, fo-

somnus, & reliqua in bono statu. Verum tamen decima circiter post has nothas variolas die æger inceperat vomere biliosa, aderant inappetentia, fitis, dolores capitis, & ingens prostratio virium, quæ symptomata alicui in sex rebus non naturalibus commisso errori tunc adscribebantur.

Ast die sequente patebat, quæ esset horum symptomatum causa; nam tota facies, quin imo & reliquum jam corpus (quod oppido rarum) scatebat stygmatis variolosis, quæ cum successive non tantum numero, sed etiam volumine augerentur, pro variolis veris, confluentibus, & malignis declarabantur.

Facta hac eruptione, febris non minuebatur, quin imo febris, anxietates augebantur; hisque accedebant infomnia, suspiria, subsultus tendinum, & frequens urinæ aquosæ secessus.

Unde factum, ut quartajam a variolarum eruptione miliaria supervenerint.

Dum purpuræ tam albæ, quam rubræ copiosa facta fuisset eruptio, æger videbatur melius habere, liberius enim respirabat; sat bene, & ut relatum fuit, sequente nocte placide dormiebat, febris pariter minui videbatur; ita, ut præsens morbi, & ægroti status omnia fausta promitteret.

Verum, quia sequentibus diebus neque in facie, neque in interstitiis aliarum variolarum aderant debitus, & necessarius tumor, & rubor; prædictis præmaturo, & fallacibus signis fidendum non erat.

Quemadmodum etiam die morbi circiter undecima evenit, ut a meridie post assumptam panatellam inexpectate horripilatione, totiusque corporis tremore, anxietatibus, suspiriis, ac tandem convul-

vulfionibus prehenderetur , quibus intra horæ spatium jugulabatur.

## ANNOTATIONES

### Ad Casum XII.

#### CCCVIII.

Iste est singularis , qui mihi toto meæ praxeos tempore obvenit casus. Plures autores observarunt , & ego ipse vidi , quod morbillis variolæ supervenerint , quod variolas spurias veræ exceperint , quod scarlatinæ supervenerint morbilli , aut variolæ ; Item puerperam , cui lochia fistebantur , primo purpura & octiduo tardius variolis correptam vidi. Sed quatuor exanthemata sibi breve intra tempus succedentia nonnisi in hoc unico allato casu observavi. Quamvis , ut in casu dixi , aliqua symptomata multum spei promitterent , factum est tamen,

ut brevi & fere inopinato convulsus ad plures migraret.

Sane admirabar sæpe repentinas illas mutationes, quæ in variolis contingere solent. Quoties enim obstupescens vidi variolarum die nona, 14. 17. aut 21. quin imo etiam tardius, ubi æger jam in vado constitutus ab omnibus medicis declaratus & judicatus fuit, repente convulsiones, & mortem supervenisse.

Similes finistri eventus certe aliunde derivari non possunt, quam quod per decursum morbi in nobili aliquo viscere materia morbifica, eodem fere modo uti furunculi in partibus externis, congeratur, suppuretur, ac tandem rupta aut exesa apostematis tunica effundatur, sicque prædictas tragoedias ludat.

In nostro vero casu videtur illa ipsa materia, quæ faciem reliquumque corpus in tumorem elevare debuisset, alio nimis

rum



rum ad cerebrum rapta fuisse, quod plerumque in similibus casibus evenire solet.

Ex hoc pariter casu constat, quod quamvis post eruptionem miliarium æger aliquando alleviatus videatur, hæc tamen non statim pro criticis habenda & declaranda sint.

### C A S U S   X I I I .

#### CCCIX.

Hujatis civis filius 14. annos natus corripiebatur anno 1756. in Martio variolis discretis, sed anomalis & malignis; nam secunda jam ab exacerbatione die in conspectum venerant, quarum plures ad livorem & nigrorem accedebant. Præterea fere omnes depresso, & in medio foveam habentes usque ad finem persistebant.

Quamvis æger non aliis remediis, quam superius §. CXXVI. descriptis antiphlogisticis uteretur; & in regimine

R 2

tem-

temperatissimo conservaretur, nihilominus tamen die circiter ab eruptione nona miliaria supervenerant.

His funestis symptomatibus tamen non obstantibus, tandem die decima septima, cum quoad omnes functiones, & actiones bene se habere videretur, judicatus fuit. Verum tamen die circiter vigesima de languore & totius corporis lassitudine inceperat conqueri æger; aderat febris, fitis, dolor capitis, & anxietates; his tandem supervenerant quædam tubercula in dorso, clunibus, & hinc inde in reliquo corpore. Hæc dolebant, ardebant, & nychthemeri fere spatio suppurabantur, aliqua eorum erant mole exigua, alia nucem avellanam æquabant, alia vero superabant; quæ, debito tempore a Chirurgo aperta, plus aut minus materiæ purulentæ fundebant. Vix autem consolidatis his alia superveniebant, quæ magis dolebant, magis ardebant, & ma-  
jo-

jorem febrem conjunctam habebant, & tandem difficilius ad consolidationem perducebantur; quin imo multa eorum in foedissima, & maligna ulcera, ad ossa usque substantiam carneam exedentia degenerabant. Hoc modo alia semper & alia prædictorum tuberculorum eruptio succedebat, & ad hebdomadas fere sex protrahebatur; cujus posterior semper pejor erat priore, ut prius jam dixi. Interea æger partim febre lenta, doloribus, inquietudinibus confectus, & ad incitas redactus videbatur.

Quamvis enim toto hujus morbi tempore copiosa diluentia, emollientia, lacticia, hydrogalam, serum lactis, herbis antiscorbuticis imprægnatum, emulsa, & similia, quæ tam feбри, quam acrimoniæ temperandæ dicata essent, assumpsisset; nihil tamen proficiebat, sed in pejus ruebat æger.

Quapropter in simili extremo casu ad corticem peruvianum ex consilio Magnifici pie defuncti Weber de Fürnberg confugi, cujus dragmas sex aut saltem unciam dimidiam quotidie assumebat, & debitam quantitatem prædictorum diluentium superbibat. Ex cujus usu non tantum recentium furunculorum propululatio, sed & ulcerum malignorum ulterior progressus, impediabatur; hæc facilius ad consolidationem, & æger tandem, quamvis sat lente, ad pristinam sanitatem perducebatur.

---

## ANNOTATIONES

### Ad Casum XIII.

#### CCCX.

Practici norunt variolis non tantum malignis, sed aliquando etiam benignis  
fu-

supervenire furunculos, qui ægrotantibus non tantum molesti, & dolorifici, sed sæpe etiam periculosi esse solent: etenim in variolis, præsertim malignis, difficulter ad consolidationem perducì possunt, & plerumque cum ulceribus malignis conjunguntur.

In similibus casibus non tantum propria sed aliorum quoque experientia edoctus candide edicere possum, & teneor, quod ex superius nominatis diluentibus, temperantibus, aliisque antiphlogisticis difficulter aliquid sperandum sit; nisi illis prædictum antisepticum jungatur.

Tales observationes tam proprias quam aliorum practìcorum, data opera mihi annotavi; semperque vidi, quod prædicta remedia sine aliquo specifico antiseptico imparia sint tanto tollendo malo.

Ut alias observationes taceam, meminim solummodo Nobilissimæ herulæ Comitissæ de Rothal; quæ 1746. vario-

lis discretis, sed malignis laboraverat, & omnes solitos malignitatis insultus usque ad diem morbi circiter decimam octavam feliciter superaverat: quo tempore ulcuscula quædam quasi aphthosa gingivas, linguam, laryngem, pharyngemque occupabant; quæ non tantum deglutitionem, sed & masticationem difficilem reddebant. Hæc intra aliquot dies & numero & volumine augebantur, & non tantum partes oris internas, sed & externas occupabant; atque in ulcera maligna, substantiam cellulofam, musculofam, & glandulofam ad ossa usque exedentia degenerabant.

In hoc tristi rerum statu in usum vocabantur omnia prædicta diluentia, dulcificantia, lactis serum, succi antiscorbutici, & lenia per epicrasim evacuantia, non neglectis appropriatis, & ab expertissimis chirurgis præstitutis remediis externis.

Verum tamen his non obstantibus malum de die in diem augebatur, prædicta ulcera non tantum in facie horrendum præbebant spectaculum; verum etiam in aliis corporis partibus eadem ratione, sui que multiplicatione sæviebant.

Quibus tandem accessit marasmus, & mors.

Si in hoc casu debito tempore & quantitate cortex in usum vocatus fuisset, forsitan felicior eventus exinde sperari potuisset. Plura superius §. CCXLIV. & CCXLV. de usu corticis peruviani, & mercurii in furunculis & ulceribus malignis legi possunt. Item apud Bonet. Polyalt. Tom. III. pag. 650. & apud Ettmüller. Col. consultat. casu 24.

### CCCXI.

Sane hic apposite quæstio institui potest, an nimirum in similibus exulcerationibus cicuta tam interne quam externe conveniat?

Ad quod respondeo , quod si experimenta novissime, tum a Magnifico Archiatro, & autore de Störk, cum ab aliis cicutæ fautoribus instituta, nobisque communicata subsistunt ; nullus dubitem, quin usus cicutæ in nostro pariter casu locum habeat.

Verum dices, hæc responsio nec satisfacit, nec exhaurit factam de cicuta quæstionem ; quisque enim a me petere poterit, quid ego observaverim, quidve sentiam de usu cicutæ in tumoribus scirrhis, & ulceribus cancrofis ; an horum, similiumque malorum ab usu cicutæ radicalis cura expectari possit, nec ne ? Judico quidem non esse hujus loci, ut, quemadmodum gravitas materiæ & quæstionis exigit, satisfaciam ; brevissime tamen, ut, & candide efferam, veritati famulaturus, quæ observando didici ; reliqua aliis, qui majore judicio, ma-



maiore autoritate pollent, discutienda, & determinanda relicturus.

Antequam vero hanc materiam attingam, edicere debeo, ut fas est, quod Clarissimus & Magnus Autor in perquisitione, & promulgatione hujus remedii se æterna memoria dignum reddiderit; eo quod nos edocuerit remedium, quod ferme ab omnibus tot, & tot seculis pro perniciosissimo veneno venditabatur, in diversis contumacissimis morbis ad sexaginta, & ultra grana nychthemeri spatio, non tantum sine noxa, sed sæpe secundo cum effectu exhiberi posse.

Quamobrem fatis mirari non valeo, quod cicutam qualitate venenosa præditam esse, tum veteres cum recentiores plerique autumarint. Quin imo apud plures fide dignos Autores legimus Socratem; Demosthenem, aliosque cicuta enectos fuisse. Unde concludere debemus, vel, quod debeant dari diversæ

ci-

cicutæ species, quarum aliquæ venenosa, aliæ vero minus dici debeant; vel quod cicutæ aliud venenum, ut multi judicant, mixtum fuerit. Habebat tamen omni tempore cicuta suos fautores, suosque affectas; sic Ægyptii, multique Atheniensium ea ad extinguendam libidinem usi fuisse dicuntur, ut in Ephemerid. nat. cur. Anno 4. & 7. observ. 106. habetur.

Rajus refert, a quodam nomine Bowle ad scrupulum unum pro dosi ad profligandas febres exhibitam fuisse.

Quin imo Ronealmus observ. 3. & in suis operibus 1606. Parisiis editis illam in infusione ad dragmas duas, in substantia vero ad dragmam dimidiam, & ultro exhibuit.

Friccius pariter in suo tractatu de virtute venenorum medica ait: *Cicutam moderate & methodice exhibitam tutissimum & utilissimum esse remedium.*

Item

Item in eodem tractatu ostendit, cicutam non tantum quibusdam veteribus, ut Hippocrati, & Galeno, sed & recentioribus familiarem fuisse.

Ne vero præcoces in definiendis cicutæ viribus & effectibus, quos præsertim in tumoribus, & ulceribus observamus, esse videamur, judico sequentes observationes, omnibus practicis alias notas, præ oculis habendas esse; & quidem

Primo, quod tumores scirrhusi cum tumoribus duris œdematosis confundendi, aut promiscue accipiendi non sint.

Secundo, quod ulcera cancrofa bene distinguenda sint ab ulceribus malignis phagedenicis.

Ratio asserti est, quia sæpe videmus tumores duros, indolentes, & non nisi tensione partium adjacentium molestos, valde diu tales persistere, & tandem aliis remediis aperitivis, discutientibus; aut etiam sine omnibus remediis, solum.

solummodo ipsis naturæ viribus, dissipari, & evanescere. Hoc malum præ aliis commune est juventuti, in hac enim ætate videmus, glandulas colli mirum in modum tumere, multis mensibus, quin imo annis tales persistere, & aliquando sine omni artificio dissipari.

Si itaque in simili statu aliquis cicutam adhiberet, tumoris hujus dissipationem procul dubio cicutæ attribueret, qui sine tali remedio dissipari, aut evanescere potuisset.

Idem in ulceribus sæpe obtinet; etenim experti Medici, & Chirurgi optime norunt, ulcera maligna, phagedænica, sed non cancrofa, debita methodo tam interne quam externe tractata sine cicuta curata fuisse, & etiamnum curari.

Quapropter bene examinanda sunt prius ulcera, quibus medemur, ne præcipitanter nimis talia pro cancrofis declarare.

remus. Ut vero tumoribus scirrhosis, & ulceribus cancrofis secundo cum effectu medeamur, duo requiruntur principia in remedio, quod ad hunc finem in usum vocamus. Primum principium debet esse solvens, & resolvens illius, quod tenax, & impactum in aliqua parte hæret.

Secundum debet illud miasma acre, cancrosum specifica quadam virtute corrigere aut destruere.

Virtutem solventem in cicuta non tam facile quisquam in dubium vocabit. Ast metuendum est, quemadmodum ego sæpe observavi, ne hac ratione scirrhi nimis cito exulcerentur; qui diutius integri, & indolentes perstitissent, si remediis laceffiti non fuissent.

Quod vero aliam virtutem illud miasma cancrosum corrigendi concernit, est illa ita necessaria, ut sine illa frustra cancro cuicunque medeamur; experientia enim omnibus practicis constat, miasma  
illud

illud cancrosum esse revera, contagiosum & multiplicabile.

Item notum est, quod quamvis pars cancro affecta v. g. amputetur, nihilominus tamen miasma cancrosum humoribus inhærens, in alia parte corporis propulset, ibidem eandem, quam in mamma tragoediam ludat, sicque non tantum inutilem, sed sæpe noxiam operationem reddat.

An vero hæc virtus specifica miasma cancrosum corrigendi, aut destruendi ipsi cicutæ insit, metuo, ne mihi, ne cuique alteri injurius videar, si hucusque dubius hæream, quin imo potius contrarium sentiam.

Quamobrem doleo, quod, mea cum cicuta in prædictis affectibus capta experimenta me aliter edocuerint.

Vidi enim, si notabilis quantitas cicutæ in scyrrho aut cancro exhibeatur, acri-

acrimoniam peccantem una cum febre depascente augeri.

Quin imo sæpiissime vidi ab acrimonia cancrofa humoribus nostris mixta quasdam febres, ut plurimum irregulares, aliquando vero regulares, & typum quotidianæ, aut tertianæ fervantes oriri, ægrosque, nisi mature sopiantur, fere conficere.

Si in similibus casibus ufui cicutæ aliquis, minus expertus, tenaciter inhæreret, certe ægrum pessumdaret.

In quo casu optimum effectum expertus sum ex cortice peruviano, si in debita quantitate, & debito tempore nimirum in remissione exhibeatur.

Hujus enim virtus acrimoniam temperandi, cicurandi, febresque dictas sopiendi, omnibus practicis hoc tempore nota est, ut jam superius sæpius dictum fuit.

Præterea observavi, quod ex usu cicutæ solito sæpius, & solito vehementius hæmorrhagiæ in parte cancro affecta urgeant; unde non tantum vires, sed & succi inquilini, in ægris exhauriuntur.

Ex quibus sequentia Corollaria deduci possunt.

### COROLLARIUM I.

Quod cicuta propter vim solventem, qua pollet, in omnibus illis affectibus conveniat, in quibus spissitudo, & crassities humorum prædominatur.

### COROLLARIUM II.

Quod tumores scirrhusi, & canceri occulti ex usu cicutæ longe citius, quam sibi relictæ ad suppurationem tendant.



## COROLLARIUM III.

Quod ulcera cancrofa ex usu cicutaë exasperentur , inflammentur , magisque ad fuppurationem vergant.

## COROLLARIUM IV.

Quod cicuta noftras videatur fpecie differre ab illa , a qua tot neces illatas fuiſſe perhibent Autores fide digni.

Primum corollarium facile concipitur ex principiis acribus , activis , & penetrantibus , quibus cicuta conſtat. Qua ex ratione conducit, ubicunque ſpiſſitudo humorum peccat ; five talis hæreat in vafis lymphaticis , five ſeroſis, aut in nervis ipsis.

Quapropter convenit in omnibus tumoribus œdematoſis tam internis quam externis. In omnibus viſcerum obſtructionibus.

Item in affectibus articulorum, ut arthritide. Quam ob rationem Mayerne, celeberrimus quondam Practicus, pilulis arthriticis ex cicuta felici cum eventu utebatur.

Item in morbis oculorum egregiam opem fert, si spissitudo humorum ad tales disponat. Sic enim præcavet, a cataracta, & gutta ferena.

An vero cataractam jam factam, & amaurosim præsentem, ut in parte secunda operum D. Magnifici de Störk casus adducti habent, curet, judico, hoc assertum debere prius multis experimentis probari, dein primo confirmari.

Veritas secundi & tertii corollarii deducitur ex illis, quæ in primo dicta sunt; si enim cicutæ principia acria & irritantia sunt, non possunt in illis affectibus admitti, qui ad acrimoniam tendunt, aut in quibus acre prædominatur; uti sunt scirrhi, & canceri tam aperti  
quam

quam occulti; neque enim potus diluens quiscunque fuerit assumptus diluere & obtundere hoc acre potis erit.

## CASUS XIV. ET ULTIMUS

## CCCXII.

Adolescens N. N. 17. circiter annos natus corripiebatur inopinanter copiosissimis variolis confluentibus, quæ quamvis multum negotii medentibus facefferent, nihilominus tamen æger feliciter attigerat trigesimam morbi diem, qua perfecte quoad omnes functiones valere videbatur.

Die circiter quinquagesima a principio morbi inceperat conqueri de intenso dolore capitis, tempora, & frontem occupante, qui de die in diem augebatur, ægrumque inquietissimum, infomnemque reddebat. Quamvis tam externa topica, epispastica, quam interna diluentia, re-

solventia, per epicrasim evacuantia, enemata, pediluvia, phlebotomia, aliaque similia in usum vocata fuissent, nihilominus tamen idem acutissimus dolor perseverabat, donec post octiduum prægressis aliquot violentis sternutationibus, vermiculi aliquot tenues, filamentorum instar duos, tresve polices longi per nares secederet, quorum aliqui adhuc leviter movebantur, alii vero immobiles erant. Quo facto æger melius habere videbatur.

Verum tamen aliquot diebus vix elapsis recrudit idem acutissimus dolor.

In quo casu, cum causa, & sedes hujus mali jam nota essent, princeps indicatio, & cura fuit, ut illud, quod in sinu frontali congestum & corruptum hæret, diluatur, mobile reddatur, per nares evacuetur, nidus vermium destruat, ac tandem pars læsa consolidetur.

In quem finem tam externa, quam interna præstituebantur remedia.

Ex-

Externa erant illa , quæ fronti applicabantur. Tempore acuti doloris applicabantur fomenta ex speciebus emollientibus in lacte coctis. Dum vero dolor filebat , aut remissior erat, apponebatur emplastrum de ranis cum mercurio, aut emplastrum de gummatibus cum assa foetida & mercurio.

Item lac , aut decoctum hordei cum melle sæpius attrahebatur ad nares.

Ex iisdem vapores, tanquam remedium valde penetrans, ad nares suscipiebantur.

His quandoque, præcipue in dolorum remissione, interponebantur suffitus anthelmintici ex nicotiana, cinabari, aliisque similibus.

Interna autem remedia erant maximam partem antiphlogistica, paregorica, & lenia per alvum evacuantia.

Quibus tandem efficiebatur, ut non tantum prædicti vermiculi, sed & mate-

ria putida, foetensque copiose per nares secederet, sicque æger a dolore capitis immunis erat.

Dum vero intra unam alteramve hebdomadam prædicta materia in sinibus iterum colligebatur, aderant mox prædicti dolores capitis, qui non nisi facta vermiculorum & materiæ putridæ per nares evacuatione, sistebantur, & sopiebantur.

Hæc molesta & atrox morbi conditio sæpius repetebat, & non nisi integro anno transacto sopita & subacta videbatur. Quo tempore, quamvis æger de atroci illo dolore capitis non amplius conquereretur, neque per nares quidquam peregrini ultro secederet, quoad functiones animales videbatur tamen deficere, & quodam animi mœrore torqueri.

Unde dein contigit, ut post quatuor circiter, ab ultimo doloris accessu, menses, absque causa manifesta sibi ipse noctu violentam infligerit mortem.

## ANNOTATIONES

## Ad Casum XIV.

## CCCXIII.

Ex hac historia discimus, quod variolæ præsertim malignæ sæpe suum virus ad diversas corporis partes deponere consueverint, aliquando enim in partibus corporis externis, ut ex priore casu patet, fiunt furunculi diuturni, & periculosi; aliquando vero succedunt ulcera maligna totum corpus depascentia.

Si vero tales metastases ad partes corporis internas fiant, affectus eo periculosior exinde exurgit.

In nostro casu videntur reliquæ materiæ variolosæ in sinu frontali sedem fixisse, quæ successu temporis in suppurationem, & majorem corruptionem degenerabant.

Quare ex nostris de contagio & putredine principiis mirum non est, si hic similes vermiculi geniti fuerint, & tandem per nares successerint; ibidem enim ostendi, quod in materia putrida varioiosa tales deprehendantur.

Unde patet sedem acutissimi doloris capitis, & prædictorum vermiculorum fuisse sinum frontalem, qui duos circiter est polices longus, & decem lineas latus, in quo prædicti vermiculi convoluti facile hospitari poterant, donec per foramen ad nares devecti fuissent.

Probabile tamen est, in nostro casu eandem causam, aut in cerebro, aut in ejusdem ventriculis pariter extitisse, unde dein memoriæ, aliarumque actionum læsio derivari debet.

Quin imo ex eadem causa posset violenta mors deduci; in quantum æger exinde in phrenesim raptus sibi ipsi violentas injecerit manus.



Ne vero hæc, quæ dixi, sine fundamento asserta esse videantur, aliquot exemplis & observationibus, quæ apud probatos Autores prostant, confirmabo.

Sic Muffetus de infectis cap. 30. ait: *Fuit olim in Germania, & Hungaria frequens affectus capitis, atque omnes eo correpti in phrenesim, vel maniam inciderant, mortuisque dissecto cerebro vermiculus inventus est.*

Huc referri debet ille casus, qui in Ephemerid. N. C. Anno 6. & 7. pag. 132. habetur; quod videlicet variolis mania supervenerit.

Thomas Bartolinus cent. I. histor. 64. dicit: *Lutetianæ puellæ 12. annorum curatis variolis, tantus capitis dolor supervenit, ut trium mensium curriculo nec dormire quiverit, nec quiescere, nullas dolore inducias concedente, tandem cum tabida obisset, statim aperto cranio, deprebensa fuit universa cerebelli substantia in dextro a reliquo corpore sejuncta, nigra-*  
que

*que tunica involuta. Rupta tunica nigra vermem nigrum, pilosum prodidit latentem; & alia, quæ ibidem legi possunt.*

Præ aliis notabilis prostat observatio, quæ ad nostrum scopum quam optime pertinet in Miscell. curios. dec. 3. Anno 2do observ. 53. quæ sic sonat: *dum Patavii in Hospitali majori praxi medica occupabar, sese anno 1687. obtulit vir quidam quadragenarius, febre ardente detentus, is, dum judicatus ab hospitali dimissionem obtinuit, jamque singulis gratias agens, finito Missæ Sacrificio discedere decrevit, & ecce jamjam finita missa in hospitali circumcurrere, furere, & clamare, uti phreniticus cæpit, & priusquam illi ulla medicina adhiberi, & in lectum reponi potuisset, exspiravit.*

*Unde omnes attoniti aperuimus cadaver. - -*

*In medulla cerebri innumeros vermicullos, non absimiles illis, qui in caseo veteri*  
repe-

*reperiuntur, cum omnium stupore, undique dispersos invenimus.*

Unde ex his aliisque pluribus, quas hic prætereo, practicorum observationibus, actionum animalium læsionem, uti & violentam mortem non sine fundamento deducere possumus.

Possẽm hic fere innumeros alios de variolis adducere casus; verum quia, quamvis essent singulares, possent tamen maximam partem ad jam superius allatos referri, ideo hosce tantum selegi, qui pro norma multorum similium inservire possint.

Hisce Benevole Lector fruire, & fave.



1870

1871

1872

1873

1874

1875

1876

1877

1878

1879

1880

1881

1882

# ERRATA NOTABILIORA

I N

## TRACTATU DE VARIOLIS.

Pagina 42.	Linea 2.	etiam, loco & jam
44.	- - -	2. suppurantur, loco suppu-
	- - -	- rabantur.
49.	- - -	10. nunciabantur, loco nun-
	- - -	- ciabatur.
52.	- - -	19. alborum, rubrorum, loco
	- - -	- albarum, rubrarum.
103.	- - -	13. ægro, loco ægre.
178.	- - -	15. idem, loco item.
191.	- - -	7. relinquat, loco relinquant.
278.	- - -	9. secederent, loco secederet.
282.	- - -	4. secefferint, loco succes-
	- - -	- ferint.